


J. FREDER
CARTHEUSER

TOM I

11039









Theodorus Baron Doctor
medicus Parisiensis et
Regia Scientiarum Academia
socius.



Feb 11029 11099
JO. FREDERICI
CARTHEUSER

MEDICINÆ DOCTORIS

Ejusdemque in Regiâ Academ. Viadrinâ


Prof. Publ. Ordinarii

FUNDAMENTA
MATERIÆ MEDICÆ

TAM GENERALIS QUAM SPECIALIS,

In usum Academicum conscripta.

TOMUS PRIMUS.



PARISIIS,

Apud GUILLELMUM CAVELIER Patrem,
viâ Jacobæâ, sub signo Lili aurei.

M. DCC. LII. *gis.*

Cum Approb. & Privilegio Regis.

Collection of 11 March 1789

33-35 copies


35

EDITORIS

MONITUM.

CUM exquireretur undique JO.
FRED. CARTHEUSERI
de Materiâ Medicâ Liber, nec nisi
summo dispendio posset è Germaniâ
accersiri, consulendum utilitati pu-
blicæ duximus, eumque Lutetiæ ty-
pis esse mandandum. Nec certè su-
perbo præterlegendus oculo Tracta-
tus ille, cum pauci omninò habeantur
qui de Virtutibus simul omnium, &
de singulorum Medicamentorum fa-
cultatibus agant Libri, ita ut sub-
nectantur particularia generalibus;
paucissimi verò propositam sibi me-
tam attigerint. Author noster sa-
niori chemiæ recentiorumque expe-
rimentis plurima nova, suaque ad-
junxit. Sanio rem artis salutifera
Theoriam ita amplexus est ut dùm

nihil concedit hypothefibus, certa tantummodò dogmata, pro certis proponat. At quòd plus emolumentì tironibus afferat, vana multa remedia, quæ apud plerosque authores luxuriant, prorsùs exulanda demonstravit, rationi scilicèt & experimentis magis esse fidendum, quàm authoritati credens. Rectè quidèm. Et hæc via, calcanda, dudùm, fuit. Modò non ità semper rationi confidamus, ut principiis quæ chemia indicat freti, meræ recusemus experientie tesseram, quæ, si constans, uniformis, virtutes aliquas detexerit, non erunt ideò repudiandæ, quòd causas chemia non attingat, vel ipsa non sentiat ratio.



P R Æ F A T I O
A U T H O R I S.

MULTIS procùl dubiò
mirum videbitur, quod
denuò librum, de *Phar-*
macorum simplicium naturà ac viri-
bus conscriptum, in lucem emit-
tere ausus fuerim, nec paucos
proinde, ex eorum inprimis co-
horte, qui orbem litteratum scri-
ptis, laudatùm argumentum con-
cernentibus, hoc & præterito sæ-
culo, jam satis ditatùm esse, opi-
nantur, laborem hunc inutilem
prorsus atque superfluum judica-
turos prævideo. Quare, ne justam
hī ipsi accusationis causam sese in-
venisse existiment, in limine pro-
tinus, uti moris est, non scopi
tantùm operisq̃e suscepti, sed
contrariæ pariter, quam in hoc
libro præstat, ratione, QUARTA III.

passu foveo , sententiæ rationes reddere , consultum , immò necesse , duco. Credidi nempe hætenùs , & adhuc firmissimè credo , materiam medicam , etsi nulla , quod dictum , librorum penuria sit , ad ordinem decentem , eamque , quæ desideratur , perfectionem nondùm perductam esse , sed passim valdè mancā existere , & ulteriori omninò ac sedulâ præ reliquis medicinæ partibus egere culturâ. In libris enim quamplurimis , qui de laudatâ materiâ successivè prodierunt , numerosa simplicia , diversissimæ indolis , diversissimi saporis & odoris , diversissimæ denique virtutis , secundùm Alphabeticum duntaxat ordinem disposita , aut confusè saltem ad tria naturæ regna , minerale videlicet , vegetabile & animale , redacta , unicè propemodùm quoad formam externam , locum natalem , notas bonitatis , virtutes & usum pertractata cer-

nuntur, de verâ indole autem & principiis activis, in quibus solida tamen virium ratio unicè quærenda est, vel nulla omnino * vel parùm demonstrata, aut passim planè falsa reperiuntur. N I C O L A U S L E M E R Y v. g. creberri- mè de copioso oleo & sale essentia- li loquitur, & principium utrum- que plerisque regni vegetabilis subjectis tribuit, etiamsi in paucis saltèm demonstrari queat. S T E P H A N U S F R A N C I S C U S G E O F F R O Y, cujus *Traëtatus de Materiâ Medi- câ* inter præstantiora cæteroquin scripta hujus censûs collocandus est, nec minùs P A U L U S H E R M A N N U S in notissimâ *Cynosurâ Materiæ Medicæ* persæpe pariter circà assignanda vera principia ac-

* B. N E U M A N N I *Prælectiones Chy- mico-pharmaceuticas* hoc loco excipien- das duco, quoniam in iis plerorumque simplicium examina spagyrica, infusione & extractione cum spiritu vini & aquâ simplici peracta, breviter recensentur.

tiva delinquant, & opiniones suas argumentis, haud rarò ab effectibus quibusdam, perperam explicatis & applicatis, vel frequentius adhuc à violentâ destructione, aut novâ prorsus syncriâ desumptis, probare nituntur: Magnam nihilominus laudem postremus meretur, quòd primus ejusdem naturæ simplicia ad unam eandemque classem genericam reducere allaboravit, adeoque de stabiliendâ methodo, magis regulari, magisque rationali, sollicitus fuit. Fecit circâ hanc doctrinam, quod MORISONIUM quondam in scientiâ botanicâ, ad summum nostro ævò fastigium prope-rante, fecisse compertum habemus, & mihi vestigia ejus adeo ylacuisse non diffiteor, ut ante complures pridem annos iisdem quodammodò insistere, & neglectæ huic Medicinæ parti plus studii consecrare, eamque, pro modulo virium mearum, magis magisque methodicam ac rationalem,

reddere decreverim. Ad obtinendum igitur hunc finem non observationes solum & experimenta aliorum, passim in scriptis communicata, laboriosè cōquirere, sed ipse manus operi admove-re, & simplicium selectiora, aliaque variis examinibus chemicis, non sine sumptibus memorandis, nec sine multiplici ac diuturno labore, subjicere cœpi, ut, exploratis explorandis convictus loqui, & *generali Contemplationi*, dudum atque seorsim præmissæ nunc species pariter, easque, uti dictum, selectas, vel valdè tamen usitatas, subungere, eorundemque veram indolem, principia activa, modum operandi, & inde deducendas virtutes describere possem. In principio fusiùs instituta examina ac vires resensere animus erat; verum, cum postea satis cognoscerem, prolixitatem hanc scopo, in fronte protinùs indicato, fore contrariam, propositum rursus

mutavi, & primas duntaxat lineas ducere, viamque ad inquisitionem ulteriorem sternere, satius duxi; non dubitans, quin alii, quibus negotia ordinaria plus otii, quam mihi, relinquunt, ceptum laborem strenuè profecuturi, & magis in dies emendatâ methodo, incompleta sensim ad perfectionem majorem perducturi sint. Simplicium alia, quod adhuc præmonendum erit, breviter solummodo, alia verò, præsertim ea, de quibus speciales pridem Dissertationes, sub meo æquè, ac aliorum * nomine editas, exaravi, ob majorem dignitatem, aliasque rationes, fusiùs pertractavi: Spero nihilominùs, succinctam pariter reliquorum descriptionem attento Lectori sufficientem fore. Quod productorum quoque, seu rectius, eductorum pondera attinet, quæ

* Pertinent v. g. huc *Diff. de Scilla marina*, & *Radice Iridis Florentinae*, quæ Halæ quondam sub B. SCHULZII præsidio ab allis habitæ sunt.

plerisque addidi, illa secundum
mea examina exacta quidem ac
vera sunt, etiam si cum quantitati-
bus, à scriptoribus quibusdam,
apud hoc vel illud subjectum pas-
sim indicatis, non semper conve-
niant. Vix enim fieri potest, ut
plures principiorum scrutatores in
hac parte perfectè consentiant,
quoniam subjecta examinanda di-
versæ plerumque bonitatis sunt,
& alius prætereà majorem, alius
minorem, experimentis adornan-
dis diligentiam adhibere consue-
vit. Hæc pauca sunt, quæ præno-
tare mihi placuit: Quod reliquum
est, gnaros & benevolos Lectores
humanissimè rogo, ut de priori
hoc tomo, quem propediem pos-
terior, si Deus vitam concesserit,
sequetur, amicè judicent, & æquo
suo judicio investigandi deside-
rium, atque sincerum inserviendi
studium augeant. Dab. Trajecti
Francorum ad Viadrum, die XX.
Martii M. DCC. XLIX.

S E R I E S S E C T I O N U M

& Caputum Partis Primæ.

- S E C T I O I.** De Materia medicâ & Medicamentis in genere; Pag. 1
- C A P. I.** De Differentiâ, ac definitione Materia medicâ, variisque impedimentis, notitiâ simplicium rationalis incrementum retardantibus, ibid.
- II.** De Effectibus medicamentorum, eorundemque causis formalibus, 8
- III.** De Nonnullis medicamentorum divisionibus, actionem eorundem generalem plus pariter minùsve concernentibus, eamque ulteriùs illustrantibus, 10
- IV.** De Vasis corporis inhalantibus & exhalantibus, 32
- V.** De Medicamentis Sympatheticis & magneticis, nec minùs de Amuletis, 45
- V. I.** De Elementis corporum chymicis, & indè nascentibus generalioribus medicamentorum principiis activis, & causis effectuum materialibus, 56
- Sectio II.** De Insipidis Terreis, & Terreis gelatinosis, 106
- Cap. I.** De naturâ & principiis terreorum, ib.
- II.** De Modo operandi & virtutibus medicis alcalinâ terreorum, 113
- Cap. III.** De Naturâ & principiis terred-gelatinosorum, 122
- IV.** De Modo operandi & virtutibus me-

| | |
|--|-----|
| Series Sect. & Cap. Part. Primæ. xiiij | |
| dicis terreo-gelatinosorum, Pag. | 128 |
| V. De Lapidibus cancrorum, Conchis, Testis | |
| ostrearum, & Putaminibus ovorum, | 136 |
| VI. De Perlis, Matre perlarum, & Osse | |
| sepia, | 143 |
| VII. De Coralliis rubris & albis, | 151 |
| VIII. De Crystallo montanâ, Lacte luna, | |
| Osteocollâ, & Terris sigillatis albis, | 163 |
| IX. De calce vivâ, & inde parando Infu- | |
| so aquoso, | 177 |
| X. De Ungulâ alcis, Cranio humano, Cor- | |
| nu cervi, & Ossibus de corde cervi, | 196 |
| XI. De Ebore, Unicornu verò, Dentibus | |
| Hippopotami, Castoris, atque Apri, | |
| Mandibulis lucii piscis, Lapide Carpio- | |
| num & Percarum, | 203 |
| XII. De Lapide bezoardico, | 207 |
| Sect. III. De Acidis, & Acidulo-dulcibus, | 220 |
| Cap. I. De Naturâ & different. acidor. ib. | |
| II. De Modo operandi & virtutibus medi- | |
| cis acidulorum, | 229 |
| III. De Naturâ, principiis, & virtutibus | |
| acidulo-dulcium, | 241 |
| IV. De Acetofellâ & Acetosâ, | 243 |
| V. De Sacco Citri & Limoniorum, | 246 |
| Cap. VI. De Aceto & Tartaro vini, | 248 |
| VII. De Sero lactis, | 258 |
| VIII. De Tamarindis & Passulis mino- | |
| ribus, | 260 |
| Sectio. IV. De Salinis alcalinis, tam fi- | |
| xis, quàm volatilibus urinosi, | 265 |

xiiij Series Sectionum

| | |
|--|-------|
| Cap. I. De Differentiâ, naturâ, & origine salium alcalium fixorum, | ibid. |
| II. De Modo operandi, atque virtutibus medicis salium alcalium fixorum, | 275 |
| III. De Naturâ, differentiâ & origine sa- lium alcalium volatilium, | 279 |
| IV. De Modo operandi & virtutibus me- dicis alcalium volatilium, | 297 |
| Seçt. V. De Salinis expl. mediæ naturæ, | 302 |
| Cap. I. De Elementis, naturâ & differen- tiâ salforum, | ibid. |
| II. De Modo operandi & virtutibus medi- cis salium medicorum, | 308 |
| III. De Nitro, | 317 |
| IV. De Sale communi, | 349 |
| V. De Sale Anglicano, | 355 |
| VI. De Sale Carolinarum, | 361 |
| VII. De Sale amaro Sedlizenfi & Seidf- chuzenfi, | 365 |
| VIII. De Borace. | 369 |
| IX. De Sale Ammoniaco, | 372 |
| Seçtio VI. De Austleris stypticis, | 383 |
| Cap. I. De different. & naturâ Austlerorum, | ib. |
| Cap. II. De Modo operandi atque virtute austlerorum, | 391 |
| III. De Rad. Tormentillæ & Bistortæ, | 396 |
| IV. De Cortice ac Floribus Granatorum, | 401 |
| V. De Terrâ Japonicâ, | 404 |
| VI. De Vitriolo, | 407 |
| VII. De Alumine, | 414 |
| Seçtio VII. De Acribus alterantibus, | 418 |

- Cap. I. De Naturâ & differentiâ acrium
alterantium , ibid.
- II. De Modo oper. atque virtute acrium, 426
- III. De Radice Scilla, 434
- IV. De Radice Ari, 445
- V. De radice Pimpinella alba & Pyrethri 449
- VI. De Radice Raphani & Hellebori albi 454
- VII. De Cochlearia, Nasturtio & Carda-
mino, 459
- VIII. De Arnica, 464
- IX. De Semine Sinapi & Gummi Euphorb. 469
- X. De Cantharidibus, 477
- Seçtio VIII. De Dulcibus, 485
- Cap. I. De naturâ & differentiâ dulcium, ib.
- II. De Modo operandi atque virtutibus
dulcium, 492
- III. De radice Polypodii & Glyzyrrhizæ, 498
- IV. De Siliqua dulci & Cassia fistula, 503
- V. De Passulis majoribus, Prunis Damas-
cenis, & Sebestenis, Jujubis, Caricis
& Dactylis, 506
- VI. De Saccharo, Mannâ & Melle, 509
- Seçt. IX. De Amaris & Amaricantibus, 518
- I. De Differentiâ & naturâ amarorum, ib.
- II. De Modo operandi & virtutibus ama-
rorum, 528
- III. De Radice Gentianæ rubra, Diſtam-
ni albi & Trifolii fibrini, 532
- IV. De Herbâ Scordii, Absinthii, Cardui
benedicti, & Trifolii aquatici, 537
- V. De Summitatibus Centaurii minoris &

xvj Series Sect. & Cap. Part. Primæ.


| | |
|--|-------|
| <i>Fumaria</i> , | 540 |
| V.I. De Semine Cardui benedicti & Cardui Maria, | 542 |
| Sect. X. De Acribus & Amaris Purgantibus tàm Emeticis quàm Catharticis, | 545 |
| Cap. I. De Naturâ & differentiâ emetico- rum & cathartico- rum, | ibid. |
| II. De Modo operandi & virtutibus pur- gantium & emeticorum, | 557 |
| III. De Rhabarbaro, | 569 |
| IV. De Radice Ipecacoanhâ, | 579 |
| V. De Jalappâ, | 584 |
| VI. De Mechoacannâ albâ & Radice Bryonia, | 588 |
| Cap. VII. De Radice Hellebori nigri, | 595 |
| VIII. De Foliis Senna, | 598 |
| IX. De Agarico sive Fungo Laricis, | 603 |
| X. De Aloe, | 609 |
| XI. De Scammonio, & Gummi Gutta, | 614 |
| XII. De Colocynthide, | 621 |
| Sectio XI. De Vaporosis Inebriantibus & Narcoticis, | 627 |
| Cap. I. De Naturâ & princ. narcoticorum, | ib. |
| II. De Modo operandi & virtutibus vapo- roforum, | 640 |
| III. De Herbâ Nicotianâ, & Floribus Sambuci, | 656 |
| IV. De Croco orientali, | 665 |
| V. De Opio, | 671 |
| VI. De Semine Papaveris hortenſis, | 680 |

SECTIO



SECTIO PRIMA.

TRADENS GENERALIORA
tùm Materiam Medicam tùm
ipfa Medicamenta concernentia.



CAPUT PRIMUM.

De differentiâ ac definitione Materia Medica, variisque impedimentis notitiæ simplicium rationalis incrementum retardantibus.

§. I.



SCIENTIA pharmacorum
simplicium, quam vulgo MA-
TERIAM MEDICAM vo-
cant, aptè in *Empiricam* seu

merè historicam, & *Rationalem* seu *historico-philosophicam* dividitur. Illa nempe,
neglectâ solidâ, nature principiorum ac
modi operandi cognitione, solos medica-
minum effectus, tumultuariæ saltem, &

CARTH. Mat. Med. Pars I. A

mancæ observationi innixos , recenset : Hæc autem latioris ambitûs est , & ratione non minùs , quam certâ , & accuratâ experienciâ suffulta , *effectuum* quoque *causas* tradit , adeoque , præter nomina , *determinationem generis & speciei* , *locum natalem* , *habitum externum* , *odorem* , *saporem* , *colorem* , aliasque proprietates sensibus obvias , *notas* quoque *bonitatis* , *virtutes communes & específicas* , *formam exhibendi* , aut *applicandi* , *dosin* , ac similia perspicuè pariter , ac solidè *naturam internam* , *principia constitutiva* , præsertim ea , quæ præ ceteris judicantur *activa* , nec-non *modum operandi* , vel evidentem prorsùs vel tamen ad minimum , debitâ nonnunquam deficiente evidentiâ , probabilem , explicat , ratiociniis demonstrat , & observationibus atque experimentis , tùm physico-chymicis , tùm medico practicis , ità illustrat , ut medicus de virtutibus , quas observat , quæque suum in memoratis inveniunt fundamentum , solidas rationes reddere valeat.

§. II.

Sub primis medicinæ incunabulis paucissima tantùm pharmaca , eaque simplicia , & ex solo vegetantium regno desumpta , excellentissimæ hujus artis cultoribus cognita erant , ast temporis pro-

gressu adeo illa, tam simplicibus, quam compositis aucta, quin prorsus obruta fuit, ut medici rationales, qui pauca sufficere sciunt, & rectius præterea simplicium æquè, ac compositorum indolem atque vires æstimare, ac metiri didicerunt, rejectâ superfluâ & inutili farragine, selectiora tantùm, quorum virtutes ac tuta applicatio ratione & experientiâ magis fuerunt comprobatae, familiarius cognoscere necesse ducant. Multa enim olim, vel *casu* inventa, vel per *insomnia*, *oracula*, *bruta*, *analogismum*, & *loci*, *rerum ladentium*, atque *parvium affectuum signaturas* (a), vel reverà suggesta sunt, vel suggesta tamen traduntur; quorum numerus, postquam ars chemica caput suum exferere cœpit, ferme in immensum crevit, quum quilibet hujus artis cultor quædam addiderit, immò, proh dolor! quivis cinislo, & vagabundus agyrta, qui vix, aut ne vix aquam stygiam destillare dilicit, panchrestum quoddam, aut certissimum tamen, atque infallibile in hac, vel illâ ægriitudinum specie remedium sese invenisse vanè gloriatur, idemque verbis sesquipedalibus promiscuè omnibus ac singulis commendare haud erubescat.

(a) Conf. Oswaldi Crollii Tract. de Signaturis internis rerum.

§. III.

Pridem de diffusissimâ hac farragine
 P L I N I U S pariter conquestus est : Ex
 » terrâ nascentibus , scribit (*a*) , nata
 » medicina. Hæc sola naturæ placuerat
 » esse remedia parata vulgo , inventu fa-
 » cilia , ac sine impendio , ex quibus vi-
 » vimus. Postea fraudes hominum & in-
 » geniorum capturæ officinas invenere
 » istas , in quibus sua cuique venalis pro-
 » mittitur vita. Statim compositiones ,
 » & mixturæ inexplicabiles decantantur.
 » Arabia atque India in medio æstiman-
 » tur , ulcerique parvo medicina à rubro
 » mari importatur , quum remedia vera
 » pauperrimus quisque cœnet , &c. Eun-
 » dem ferè in modum etiam S E N E C A
 » differit , quando inquit (*b*) : « Medicina
 » quondam paucarum fuit scientia herba-
 » rum , quibus sisteretur fluens sanguis ,
 » vulnera coirent paullatim. Deinde in
 » hanc pervenit tam multiplicem varieta-
 » tem. Nec est mirum , tunc illam minùs
 » negotii habuisse , firmis adhuc , solidif-
 » que corporibus , & facili cibo , nec per
 » artem , voluptatemque corrupto. Qui
 » postquam cœpit , non ad tollendam

(*a*) In Hist. nat. Lib. XXIV. c. 1.(*b*) Epist. 95.

» sed irritandam famem quæri , & in-
» ventæ sunt mille condituræ , quibus
» aviditas excitaretur : quæ desideranti-
» bus alimenta erant , onera sunt plenis ,
» &c.

§. I V.

Præter memoratam nimiam medica-
mentorum multitudinem , quæ consilium
eligendi optima , aut cæteris tamen melio-
ra , difficilius reddit , & itâ nonnunquam
medentis animum perturbat , ut dubius
pharmacum ægro porrigat , quid ? quod ,
prætermiſſis melioribus , perſæpe dete-
riora arripiat , hætenûs deſideratum ra-
tionalis materiæ medicæ incrementum
valdè pariter remorata eſt *Negligentior
chemiæ medico - phyſicæ cultura* , & adhuc
magis *ſiniſtra & inconſulta ſubſidiorum* ,
quæ inde petuntur , in materiâ medicâ
applicatio. Haud quemquam enim , qui
ſcripta hæc ſpectantia , attente perlustra-
vit , latere poterit , violentas tantùm mo-
dò , examinandorum triplicis regni ſub-
jectorum analyſes à plerisque fuiſſe ſuſ-
ceptas , & ſedulos cæteroquin naturæ
ſcrutatores plerumque de principiis , in
naturali mixtione hærentibus , ex ſimpli-
cium combuſtorum cineribus tuliffe judi-
cium. Aliâ proſecto viâ circa laudatâ
ſcrutinia procedendum eſt , & blandæ

duntaxat operationes chemicæ , quæ absque ullâ , vel absque singulari tamen ; principiorum metamorphosi , mixtionis naturalis dissolutionem præstant , eligendæ erunt , ne , violentæ syncriseos , aut diacriseos ope , novæ prorsus substantiæ , quæ sub tali formâ nunquam in mixto adhuc integro delituerunt , & falsis proinde ideis occasionem præbent , producantur. ¶ Non quascumque quidè̃m resolutiones violentas simpliciter damnare audeo , dùm illæ pariter subinde aliquid lucis principiorum cognitioni fœnerantur ; ast cautè tamen easdem advocare & adornare , & cautiùs adhuc ex iis in materiâ medicâ conclusiones formare decet.

§. V.

Haçtenus allegatis impedimentis potioribus jungi etiam merentur *Imperfecta causarum in morbis nonnullis evolutio , & superficialia pariter , nec satis attentæ effectuum* , quæ assumptionem medicaminum ; aut externam duntaxat eorum applicationem sequuntur , *annotatio* : Inde nempe fieri consuevit creberrimè , ut , non satis cognitæ veris atque differentibus morborum causis , pharmacorum usus irritus , persæpè quoque , mirantibus ac stupentibus ignavis medicastis , planè noxius evadat , aut mutationes tamen , quæ

in corpore humano sub medicamentorum usu eveniunt ab usu eorum erroneè deducantur , & fortuitò , coincidentia , ab unâ eâdemque causâ , licet agnoscant diversissimam , deriventur , immò , neglectis sæpissimè veris effectuum causis , effectus observati aliis causis , tunc temporis planè infontibus , adscribantur. Quare , si meliores in posterum in materiâ medicâ rationali sperare velimus progressus , omni allaborandum erit studio , ut , remotis hisce , ceterisque obstaculis , pharmaca propemodum innumera , hæctenus introducta , & recepta , exterminatis in specie , & proscriptis iis , quæ virulentâ indole pollent , aut dudum , ob agendi juvandique inertiam , exilii pœnam meruerunt , ad minorem numerum redigantur , & selectiora postea probe examinentur , quo vera eorundem indoles , principia activa , modusque operandi absolutus & relativus ad majorem in dies evidentiam ac certitudinem deducantur.



CAPUT II.

De effectibus Medicamentorum, eorumdemque causis formalibus.

§. I.

QUicquid in corpore animali vivo, sub usu medicamentorum interno, vel applicatione eorumdem externâ, *Effectus* dicitur, nihil aliud est, nisi pristini statûs, seu pristinæ conditionis partium, quæ pharmaci actionem sustinent, vel *generalius* quoad motum, vel *specialius*, si solidæ sunt, quoad *situm*, *cohesionem*, *connexionem*, *magnitudinem*, *texturam* atque *figuram*, nec minùs, si fluidæ sunt, quoad *mixturem*, *temperiem*, *consistentiam*, *colorem*, & *proprietas alias*, major vel minor mutatio. Sic v. g. pharmacum emolliens solidis applicatum, fibras antea densas, rigidas, ac duras reddit molliores, laxiores, rariores; quum ad motum è contrario adstringens fibris antea mollibus, raris & laxis texturam inducat duriorẽ, compactiorẽ, strictiorẽ. Exhibitum resolvens volatile, fluida antea viscosa & qujeta, vel segniori tamen circulo per solitos meatus provoluta, ad fluiditatem reducit, & impellit, adeoque iisdem, sublatâ quiete, motum de novo imper-

tit, vel languidum reddit vegetiorem :
Undè in propatulo est, pristinam partium
conditionem hac ratione magis minùsve
mutari.

§. II.

Laudatam pristini statûs mutationem,
interveniente *Contactu*, nunc *mediato*,
nunc *immediato*, tùm pharmacum quod-
cunque, tùm venenum producit me-
diante *Motu*. Sine contactu enim & mo-
tu nulla cogitari potest corporum in cor-
pora actio, & agere hinc atque movere
in hoc passu mihi unum idemque indi-
cant. Quarè circa motum quoque sub ipsâ
pharmaci aut veneni in partes corporis
humani vivi actione semper considerandâ
veniunt :

- 1.) *Medicamentum aut venenum movens
pariter atque commotum.*
- 2.) *Causa motûs cum vi motrice.*
- 3.) *Motus ipse pharmaci aut veneni
quoad modum æquè ac vehementiam.*
- 4.) *Motus partium corporis, quæ phar-
maci aut veneni impetum sustinent,
cum mutatione seu effectû inde resul-
tante.*

§. III.

Differens *Vehementia* gradus, quæ
circa motum pharmaci agentis & inde

pendentem atque connexam actionem proportionatam, observamus, quatuor causas generaliores (quarum prima, secunda, & tertia in ipso medicamento, quarta autem in corpore animali vivo quod medicamento actionem sustinet, quaerenda est), agnoscit, nimirum, 1) *inaequalem materiae commota quantitatē*, 2) *differentem subtilitatem ac mobilitatem molecularum minimarum*, 3) *diversam partium majorem substantiae activae molem aggregatione suā constituentium, figuram*, & 4) *discrepantem naturā seu vis vitae impellentis sensibilitatem & inaequale robur*; sic v. g. viginti rhabarbari pulverisati grana, cæteris tamen paribus, majorem motum excitant fortiolemque effectum laxantem præstant, quàm grana decem: Scammonii grana quinque ob acredinem molecularum minimarum eminentiorem, vehementiùs operantur, quàm quinque grana aloes, aut resinæ jalappæ: Spiritus cujusdam urinosi concentrati guttulæ decem, ob celeriores motum intestinum, & majorem molecularum mobilitatem, fortiùs humores commovent, fortiolemque sudorem pellunt, quàm viginti, & plures guttulæ spiritus vini rectificati, & duodecim denique pulveris jalappæ grana apud subjecta, naturā sensibiliore prædita, plus, quam grana

viginti subjectis, naturâ torpidâ donatis, oblata efficiunt.

§. I V.

Altera motûs, quoad *Modum* scilicet, differentia, in venenis æquè ac medicamentis unicè derivanda est à *differenti dispositione materiae*, seu *diversâ & specificâ molecularum minimarum figurâ*, quæ sensus nostros ut plurimum quidem fugit, certissimè tamen præsens est: Mutatâ hinc figurâ molecularum minimarum, massam majorem constituentium, vel per *ablutionem partium*, vel *novam additionem*, vel *translocationem*, non tantùm virtus medica, sed singulæ etiâ propriætates internæ & externæ plûs minûsve mutantur. Distinctæ enim figuræ instrumenta, licèt ex eodem chalybe fabricata fuerint, diversissimas agendi potestates obtinent. Sit. v. g. ut cum BOERHAAVIO (a) loquar chalybis uncia in cuneum, cultrum, pugionem, lanceolam, plebotomam, sphæram, cubum, cylindrum, prisma, pyramidem, conum, expolita, nonne singulis suæ propriæ novæque vires aderunt? Valent hæc non solùm de solidis, sed etiam de fluidis, dùm quælibet eorum particula so-

(a) Vid. Tract. de Viribus medicamentorum? cap. 3. pag. 18.

12 *Señ. I. Tradens generaliora*
lida est, ac certâ prædita figurâ, quæ
consistit vel in particularum, fluidi mo-
lem aggregatione suâ formantium, nunc
simplici, nunc multiplici, acumine, vel
earundem inertîâ, particulis scilicet per-
fectè sphaëricis existentibus, sine ullo an-
gulo. In quocunque nimirum corpore
particulæ, in superficie locatæ, vel om-
nes æqualem à centro obtinent distan-
tiam, vel inæqualem, h. e., aliæ situm
centro propiorem, aliæ remotiorem ab
illo acceperunt.

§. V.

Quanquam illa quæ hætenus de habi-
tudine & potentiâ medicaminum, tam
hoc vel illo modo, quàm hoc vel illo ve-
hementiæ gradu, in corpora agendi dicta
fuerunt, existant certissima, nihil tamèn
in iisdem per se valent magnitudo, den-
sitas, gravitas, figura partium, &c. nec
singularis ideo ab illis in corpore expe-
ctari poterit actio, nisi *motus actualis*,
à causa externa excitandus, accedat.
Simpliciter hæc ipsa de medicamentis
planè fixis, quæ, in se spectata, corpora
quasi mortua sunt, propria potestate,
propriis viribus, sese movendi destituta,
intelligenda erunt; quod volatilia au-
tem ac semi-volatilia attinet, de illis in
hoc passu paulò aliter, & cum notabili li.

mitatione judicare decet. Nam priora quoad totam suam molem, posteriora quoad aliquam, eamque majorem, vel minorem portionem, ex corpusculis, seu moleculis subtilissimis volatilibus, & ante exhibitionem in satis veloci pridem motu constitutis, composita sunt; hinc iisdem in corpus delatis, motus, ad actionem necessarius, à causis impellentibus, non primâ demùm vice excitandus, sed jam præsens duntaxat augendus, ac plus minusve, pro partium corporis, aliarumque circumstantiarum, tum essentialium, tum accidentalium, diversitate, mutandus est.

§. V I.

Causæ pharmacorum impellentes in vivis animantium corporibus in *Primarias* & *Secundarias* distingui merentur: Ad priores non tantùm *Ictus solidorum sub quâvis contractione repetiti, sed reiterati quoque fluidorum, per vasa & cavitates alias meantium ac remeantium*, immò solummodò *solventium, Impulsus*; ad posteriores autem *Calor, & Aer inclusus, aut ordinatum etiam cum humoribus circuitum absolvens, & magis minusve colore rarefactus atque commotus spectant*. Primum tamen atque præcipuum locum jure maximo sibi vindicat *Vis contractilis, &*

14. *Sect. I. Tradens generaliora*
actualis contractio solidorum, præprimis
cordis, tunicæ nervoso-musculosæ arte-
riarum, aliarumque partium, quæ potio-
ra organa, ad circulum humorum per-
petuandum necessaria, constituunt. A
solidorum enim contractione non cir-
culus tantum, sed omnes quoque mo-
tus humorum reliqui dependent; ex mu-
tuo atque perenni fluidorum ac solido-
rum affricu nascitur calor, & à calore
denique aeris inclusi ac mixti rarefactio
derivanda est. Sine calore proinde nulla
unquam aeris inclusi, aliarumque cor-
poris partium rarefactio expectanda fo-
ret, sine mutuo & intestino partium at-
ritu & perenni collisione nullus adesset
calor, sine contractione solidorum nullus
attritus, nullus circulus humorum con-
tingeret, & hoc deficiente, decens quo-
que humorum fluiditas prorsus defutura
esset: Observatio hoc loco recensione,
utique dignissima est, quam LEEU-
WENHOECKIUS in *Epistolis suis phy-
siologicis* communicat: Observavit nem-
pè, sanguinem in ranis torpidis & ves-
pertilionibus, si arteriolæ eorundem bru-
mali tempore armatis oculis conspician-
tur, in grumos plane concretum appa-
rere, & grumolum hunc cruorem, etsi
animal igni admoveatur, ut calefiat, ta-
men minimè resolvi, nec priùs iterum

Materiam Medic. &c. concern. 15:
moveri quàm cor sese contrahere ince-
perit; eo autem moto, moveri iterùm,
& tandèm, post varios cordis ictus, pri-
stinam recuperare fluiditatem.

§. VII.

Vis vitæ igitur, sub quâ omnes in-
corpore causas impellentes, conjunctim
sumptas complector, præcipua, & in-
terdum unica causa censenda est, quæ
medicamenta actuât, seu, quod idem
est in corpore vivo, (in mortuo enim me-
dicamentorum ac venenorum vis perit,
& acerrima etiam, extrinsecus cadaveri
applicata, nunquàm notabilem fortiun-
tur effectum), ad agendum impellit.
Unde non adeò mirandum erit, quod
effectus medicaminum, ob miram natu-
ræ, tùm intuitu *sensibilitatis*, tùm *robo-
ris*, varietatem, non semper vi ipsorum
propriæ inveniantur proportionati, sed
idem pharmacum, v. g. purgans, sub
æquali dosi, pluribus subjectis, in eâdem
quidèm ætate constitutis, diversâ tamèn
naturâ præditis, oblatum, inæquales pla-
nè effectus edat, & apud unum persapè-
vix alvum moveat; apud alterum blan-
dam quidem, ast comp'etam, evacuatio-
nem præstet, & apud tertium denique
fortem catharsin, immo hypercatharsin,
concitet. In genere enim *Natura* vel *vi-*

16 *Secl. I. Tradens generaliora*
vida est, vel *torpida*, & hæc æquè, atque
illa vel *robusta* iterum, vel *debilis*: Hinc
medicaminum *actio* apud homines naturâ
robustâ ac simul vividâ donatos, ob emi-
nentem sensibilitatem cum eminenti ro-
bore conjunctam, *prompta* ac *valida*, apud
homines, naturâ vividâ ac debili prædi-
tos, ob sensibilitatem notabiliorem, *prom-*
ta quidem, ast *parum* tamen, ob robo-
ris proportionati defectum, *valida*, apud
homines, qui naturâ torpidâ atque robu-
stâ gaudent, propter sensibilitatem mino-
rem, *tarda* quidem, postea tamen, ob
præsens robur eminentius, *satis valida*,
& apud homines denique, naturâ torpi-
dâ ac debili præditos, propter exiguam
sensibilitatem ac debiti quoque roboris
defectum, non tantum *tarda*, sed etiam
*debilis*prehenditur.

§. VIII.

Indicata naturæ diversitas partim in
differenti texturâ atque *elatere solidorum*,
partim in *differenti mixtione*, *temperie*,
fluiditate humorum, & inde derivandâ &
explicandâ *majori vel minori partium*,
utrarumque mobilitate, seu *habitudine* at-
que *dispositione ad motum actualem*, suum
invenit fundamentum. « Particularis præ-
cipuè solidorum structura, teste BAGLI-

» vo (a), facit, ut ea pro varietate struc-
» turæ uniuscujusque variè resistant in
» suis motibus quod funium experimenta
» abundè nos docent; aliam enim resi-
» stentiam, ac vim habent, funes, lino,
» cannabe, sericoque, aliam vero lanâ,
» animalium intestinis, ramisque arborum,
» contexti.

§. IX.

Manifestè Medicus attentus, & sedulus
corporis humani scrutator, memoratam
structuræ, texturæ, elateris, mixtionis,
temperiei, fluiditatis, mobilitatis &c.
differentiam deprehendèt, si plures ho-
mines, laudatâ diversâ naturâ genericâ
donatos, considerationi decenti & ite-
ratæ submittere velit. Apud subjecta
enim, quæ naturâ gaudent *vividâ robustâ*,
partes solida sicciores atque compactiores exi-
stunt, & ex *fibris gracilibus*, valdè tamèn
densis & elasticis, adeoquè *ad promptam*
ac validam contractionem aptissimis, con-
textæ inveniuntur; *humores* prætereà, in-
primis sanguis, *satis fluidi* sunt, *subtiles*,
mobiles, & , ob partium salino-oleoso-
inflammabilium abundantiam, *calidio-
res*, & ideò etiàm *ad vegetam expansio-
nem pronissimi*. Status, priori quoad om-
nia propemodum contrarius, apud ho-

(a) In Oper. Tract. de fibra motr. Lib. I p. 57..

mines reperitur, quorum *natura torpida ac d bilis* est: In hilce quippe *partes solida valde, flaccida, jufio humidiores, & ex fibris laxis, imbecillibus ac parum elasticis* contextæ deprehenduntur, & *humores quoque crassiores, spiffiores, & multis partibus mucidis inertibus referti* sunt, ut ideò *tardus tantummodò humorum circuitus, & lenta pariter ac languida solidorum contractio* expectari possint.

§. X.

Apud subjecta, quorum *natura vel viva & debilis, vel robusta ac torpida* est, statum quasi mixtum observamus: apud propria nempe *partes solida valde quidèmfensibiles*, ast simul *debiles* reperiuntur, quoniàm *ex fibris comparativè gracilioribus, tenerioribus, laxioribus*, adeòque *ad promptam quidèmf non adeò validam* tamèn *contractionem aptis*, contextæ sunt, & *humores quoque, licet satis calidi* existant, paulo *spiffiori consistentiâ* pollent; apud posteriora autèm *partes solida sicca ac dura* sunt, & *ex fibris crassis, densis, rigidis, ac parum elasticis*, ad *validam quidèmf*, ast *minus promptam contractionem aptis*, componuntur *humores verò*, ob partium terrearum copiam majorem, & salino-oleoso-inflammabilium aliqualem penuriam, *crassiores, spiffiores, ac comparativè frigidiores* existunt.

§. XI.

Natura connata nunquàm penitus quidè tolli , plus tamen minùsve mutari , h. e. , exaltari ac deprimi potest , supervenientibus scilicet morbis gravioribus , aut diuturnis , nec minùs crescente ætate , mutato climate ac vitæ genere , mutatis alimentis &c. , ità tamèn , ut harum rerum aliæ diuturniorem , ac magis constantem , aliæ brevem solummodo ac magis temporariam naturæ metamorphosin inducant : Undè eò loculentiùs constare opinor , actionem pharmacorum in ipso corpore vivo nunquam *absolutam* , sed semper *relativam* esse , & medicum eaproptèr maximo semper studio allaborare debere , ut naturas individuorum , quibus prout decet , opitulari cupit , ante medicaminum exhibitionem probè cognoscat.



CAPUT III.

De nonnullis Medicamentorum divisionibus, actionem eorundem generalem plus pariter minusve concernentibus, eamque ulterius illustrantibus.

§. I.

PHarmaca vel *Interna* sunt, vel *Externa*: Illa ore assumuntur, & deglutitionis beneficio ad ventriculum delata, inde vel ad sanguinem, atque humores reliquos, per varii generis vasa circulates properant, vel, aliquâ tantum, immò interdum nullâ prorsus, in primis viis utilitate præstitâ, absque laudato transitu denuò cum fecibus alvinis excluduntur. Quæ ex ventriculo & intestinis ad humorum circulantium massam deferenda sunt, prius à liquore gastrico, aliisque primæ culinæ succis naturalibus, aut præternaturalibus, vel in partes *similares* quod fieri solet frequentius, vel *dissimilares*, quod rarius accidit, adeoque *superficialiter* saltem, aut *radicaliter* solvi, vel blando ventriculi calore in *halitus subtiles* mutari, posteaque *filtrationis*, aut *inhalationis* ope, vasa lactea & bibula venosa minutissima intrare ac permeare debent (a).

(a) Concreta perfecte resinosa, etiâ spiritui.

§. II.

Qui solidum de futurâ pharmacorum in ventriculo *solutione* aut *resolutione* *balituosâ* ferre sustinet iudicium, is porrigendorum non minùs medicaminum naturam ac solubilitatem, quàm naturalis quoque caloris gradum, & liquorum solventium indolem probè considerare, & eorum vim atque actionem cum genio & resistantiâ illorum comparare tenetur. *Calor naturalis* blandus est, &, observante BOERHAAVIO (a), in corporibus perfectè sanis nunquàm ultra nonagesimum secundum *Thermometri Fahrenheitiani* gradum ascendit, adeoque caloris

vini rectificatissimo soluta, & in tincturæ aut essentiz formam redacta, quoad subtiliorem duntaxat portionem oleoso-spirituosam, per vasa lactea & bibula reliqua ad sanguinem transire, verosimillimum est. Quando tincturæ enim & essentiz resinosz, minori, ut fieri consuevit, quantitate adsumuntur, spiritus vini in tepido & aqueo liquore gastrico confestim debilitatur, & ad solutionem ulteriorem ineptus redditur; hinc aliter fieri nequit, quin molecule resinosz crassiores præcipitentur, adeoque necessariò, quum spiritum & subtilem portionem oleosam sequi, & filtrationis ope amplius ad humores circulates deferri nequeant, in ventriculo & intestinis relinquuntur.

(a) Vid. Chemtæ T. I. p. m. 228. 350. seq.

gradu , quem aqua , in ebullitionis motum redigenda , postulat , quique ad ducentefimum & decimum fecundum aut tertium ascendere debet , multo inferior deprehenditur , & solummodò , cum longè minori caloris gradu , quem blandis digestionibus adhibemus , comparandus erit. Quod *liquores* verò *solventes* , in ore , ventriculo , & intestinorum canale obvios , attinet , illi in statu naturali duplicis inveniuntur generis : quatuor nempe , *liquor* nimirum *salivæ* , *æfophagus* , *gastricus* , & *pancreaticus* , quos maxima , quoad naturam & elementa , similitudo intercedit , aqueo - falsi temperatissimi sunt , quintus autem , *bilis* scilicet , præsertim fluidior , atque temperatior *hepatica* , indolem aqueo - salino - oleosam saponaceam obtinet ; Menstrua priora facile concreta salina , gelatinosa , mucilaginea , gummosa , ac teneriora pariter gummeo resinosa solvunt , & spirituosam quoque oleorum æthereorum , aliorumque proportionem recipere , & secum ad sanguinem ducere possunt ; liquidum billiosum autem aliquid ad oleorum , pinguedinum atque resinarum , nisi perfectam , aliqualem tamen , solutionem , unionemque , cum succis aqueis confert. Noto quippe notius est , bilem delendis maculis , quas corpora pingua

& oleosa pannis induxerunt , adhiberi , & , saponis vulgaris instar , post inunctionem temporariam , adeò unguinosam substantiam , reddere solubilem , ut postea solâ aquâ simplici elui possit. Menstruis aqueosâ subindè etiâ , quanquam præternaturaliter , acidæ partes admiscuntur , iisdemque miscelâ suâ potentiam , concreta quoque tēreo alcalina solvendi , communicant ; quemadmodum alibi melior , de hisce fusiùs differendi , occasio erit.

§. III.

Medicamenta igitur , quæ , ob singularem & refractariam suam indolem , solutionem in succis ventriculi & intestinorum naturalibus planè respuunt , nec blando etiam corporis calore in halitus teneriores mutari possunt , è primâ culinâ per vasa lactea & bibula venosa ad sanguinem &c. transire nesciunt , sed actionem suam , vel in sola contenta ventriculi & intestinorum , vel simul etiam in parietes eorum , nunc *solo pondere eminentiori* nunc *mechanico quodam stimulo* , nunc *ratione aliâ* exercent , quæ indè tamen , si fuerit fortior , ob nexum vasorum , nervorum , membranarum arctissimum , in vicinas æquè , atque remotiores , partes propagari potest. Mercurius

currens v. g. præsertim largiori quantitate, h. e., ad aliquot uncias; assumptus, solo duntaxat pondere suo in parietes, & contenta ventriculi, atque intestinorum agit, vasa lactea & bibula venosa autem, licet fluidum sit mobilissimum, subire nequit, quum nec solvi à liquore gastrico, nec corporis etiam calore blando in halitûs mutari possit; hinc in passione iliacâ graviori, etsi agris magnâ quantitate exhibitus fuerit, interdum satis diù, experienciâ teste, in intestinis latitavit, & post multos demùm dies, refractariâ alvi obstructione tandèm reserata, citrà ponderis decrementum, ac formæ mutationem, cum excrementis exclusus fuit.

§. I V.

Medicamenta *externa*, vel *mediate*, vel *immediate* corpori applicantur: Hæc partem, in quàm agunt, *totâ suâ*, tam crassiori, quàm subtiliori, *substantiâ*, uti emplastra, unguenta, linimenta &c. vel *subtiliori* saltèm *halitu*, ut suffumigia, cucuphæ, sacculi &c. afficiunt, ita tamèn, ut hæc æquè, atque illa, vel in solam epidermidem, & cutem subjectam adeoque in meram corporis superficiem, actionem suam exerceant, vel quoad particulas teneriores atque volatiles

les , corporis calore sub applicatione magis magisque animatas , exilissima vascula lymphatico-venosa , inhalationis , aut immersionis beneficio , intrent , tandemque ipsis humoribus circulantibus miscantur , & altiùs proinde in corporis recessus penetrent. Quandò prius fit , & medicamenta applicata in externa den-
taxat corporis integumenta agunt , ibidèmq; poros vel aperiunt , vel claudunt , cohæsi-
onem fibrarum solvunt , vel restituunt , & partium texturam compactio-
rem , vel rariorem reddunt ; adeòque ten-
sionem paritèr ac motum oscillatorium augent , vel minuunt , actio eorum nunc unicè , si nimirùm brevis est , atque lan-
guidior , in superficie terminatur , nunc verò , si scilicet fortior existat , & diutiùs perduret , latiùs , ob partium nexum ar-
tissimum , extenditur , ac crebrò ad inte-
riora prorsùs propagatur. Emolliens v. g. aut roborans medicamentum , abdomi-
ni impositum , non cutem solummodò & musculos substratos , sed ipsa etiam in-
testina , ipsum ventriculum , & plures abdominis partes interiores laxat , aut roborat , immò unguentum arthanitæ , ventri infantum illitu applicatum , cathar-
sin excitat , licet nullæ prorsùs particulæ activæ ad ventriculum & intestina defe-

rantur. Omnia igitur in hoc passu ex solo partium nexu explicanda veniunt : Integumenta enim abdominis externa atque communia cum membranaceis musculorum abdominalium involucris, & hæc cum peritonæo cohærent, peritonæum plerisque partibus abdominis internis integumenta largitur, & suâ inprimis duplicaturâ mesenterium format, quod multis connectitur visceribus, & exteriorem quoque ventriculi atque intestinorum tunicam membranaceam producit : Unde parùm mirandum, quòd mutationes, per applicata medicamenta integumentis externis, intuitu texturæ ac motûs, inductæ, partibus interioribus quoque, pro diverso tamèn operationis gradu, nunc citiùs, nunc tardiùs, communicentur.

§. V.

Non perindè est, an medicamenta, aliaque corpora activa per *vias ordinarias*, gulam videlicet, ventriculum, intestinâ &c. ad massam humorum deferantur, an verò per *venas bibulas*, aut *vulnuscûla*, cuti inflicta, in vasa sanguifera & interiores corporis recessus penetrent. Confirmante enim experienciâ, eorum multa, quæ, per ventriculum ingressa, nihil

planè detrimenti gignunt, veneni vires exercent, quando per vascula cutis & carnum subjectarum dissecta aut dilacerata intrant, & humoribus circulantibus confestim miscentur. Vulnera v. g. telis, ellebori nigri succo imbutis, inflicta, absolute lethalia observantur, etiamsi infusum radice, internè sumtum, alvum tantummodò moveat, nec ullam aliam, ritè scilicet usurpatum, noxam corpori inferat: Liquores acidi, alcalici, alique spirituos, qui, per os adsumti, sæpe profunt egregie, ac nullo prorsùs modo, si debite fuerint præparati, & tempore, ordine ac dosi decenti exhibeantur, sanitatem lædunt, gravissime œconomiam perturbant animalem, & repentinam plerumque mortem inferunt, quando aliquot duntaxat guttulæ venis, lanceolâ incisis, infunduntur (a): Immò venenum viperæ, quod, observante FRANCISCO RHEDI (b), in duplicatâ vaginâ membranaceâ, intra quam viperæ dentes suos repositos habent, reperitur, & liquorem refert, oleo amggdalarum dulcium colore & sapore simillimum, ne minimum incommodum, largiori etiam quantitate

(a) Vid. Sect. de Acidis §. 5.

(b) Vid. ejusd. Experimenta circà varias res nat.

internè sumtum, gignit, per vulnusculum vero, externè cæsim vel punctum factum, exiguâ saltèm portione sese insinuans, illicò pathemata gravissima, & mortem ipsam producit. (a)

(a) JACOBUS SOZZI viperarum captor, uti vix laudatus RHEDI *libro citato pag. 166. & 171.* refert, præsentibus multis viris doctis, integrum cochleare hujus liquoris hausit, ac nihil indè incommodi expertus est. Curavit quoque, ut omnis liquor è maximis & iratissimis viperis in vini cyathum efflueret, unà cum spuma & saliva, quam viperæ exagitata, percussæ, compressæ, iratæ rejiciebant, & deindè vinum hoc, absque ullo pariter sanitatis detrimento, ebibit. Ipse FRANCISCUS RHEDI quatuor capita viperarum, semiviva, sanguinem stillantia, squalida, in scyphum, aquâ plenum, immerfit, &, omni palati & maxillarum pulpamento lanceolâ resecto, curavit, ut humiditas, indè in aquam stillans, eandem spumidam redderet turbidam, abominabilem, posteaque infectum hoc jusculum cum pulpamenti resecti frustulis partim hædo, partim anati infudit; at nullum animalia illa accepti veneni signum dederunt. Non nocuerunt etiã hominibus pulli gallinacei &c., à viperis lethaliter demorsi & cocti, licet integri commederentur. Quid? quòd, viperæ ipsæ occisæ, & cani, hyenæ odoriferæ, avi tinunculo objectæ, ac penitus ab illis devoratae, ne minimam labem sanitati affricabant. Aliter prorsus cum actione hujus liquoris venenati comparatum erat, cum, per vulnera externe inflicta intrans, protinùs cum sanguine misceretur. Vulneri enim, lanceolâ, vel scoparum virgulis,

§. V I.

Medicamenta ulteriùs , habitâ scilicet ratione virtutis generalioris , in *Tonica* , *Alterantia* & *Evacuantia* dividuntur. *Tonica* , in sensu latiori sumta , texturam partium solidarum vel compactiorem , vel laxiorem reddunt , & tonum seu tensionem earandem , vim contractilem , oscillationem , & contractionem actua-lem augment vel minuunt : *Alterantia* fluidorum mixtioni , temperiei , consisten-tiæ , colori , aliisque proprietatibus varias inducunt mutationes , & *Evacuantia* de-nique superflua , inutilia , noxia , per va-rias vias è corpore educunt. Ad primam igitur classem , præter *roborantia* seu *toni-ca propriè sic dicta* , etiâ *astringentia* , *stimulantia* , *exsiccantia* , quin *humectan-tia* , & *emollientia* spectant : Ad alteram vero classem *calefacientia* , *refrigerantia* , aut alio instrumento in cute facto , instillatus , omnia animantia intrâ breve tempus certissimè interfecit ; citiùs tamen pullos gallinaceos , co-lumbas , glires , & alia animalia minora , tânto gressilia , quàm volatilia , tardiùs vero animalia majora , v. g. verveces , equos , tauros. Citiùs pariter animalia quævis extincta fuerunt , quibus venenum à viperâ ipsâ morfu communicatum fuit , quam quorum vulneribus , instrumento quodam factis , solummodò infundebatur &c.

30 *Seçt. 1. Tradens generaliora*
attenuantia, incidentia, discutientia, in-
crassantia &c., & ad ultimam denique
emetica, cathartica, sudorifera, diureti-
ca, salivantia, errhina, ptarmica, vesti-
cantia & similia referuntur.

§. VII.

Pharmaca, quæ vulgò *Specifica* audiunt,
vel certum duntaxat morbum, vel certum
humorem, vel certam denique partem soli-
dam, certumque corporis viscus primariò
respiciunt, adeòque commodè etiàm in
Specifica morborum, Specifica humorum, &
Specifica partium solidarum ac viscerum
dividi, & primæ proinde classi *antiscor-*
butica, carminativa, anthelmintica &c.,
secundæ *cholagoga, phlegmagoga &c., &*
tertiæ denique *cephalica, cardiaca, sto-*
machalia &c., annumerari poterunt. Non
desunt quidè inter medicos neotericos,
qui pharmaca hujus commatis *specifica*
negant, & hanc ideò divisionem plane
reprobant: Verum enim verò, solidum,
me sentiente, negationis ac reprobatio-
nis suæ fundamentum allegare nequeunt,
dùm ratio non minùs, quàm experientia
medicaminum ejusmodi existentiam suf-
ficienter comprobat: Certo enim certius
est, 1º. viscera, cæterasque corporis hu-
mani partes solidas differenti texturâ, ro-
bore, structurâ, elatere, humores autèm

distinctâ atque specificâ mixtione, temperie, systasi &c. pollere, 2^o. causas morborum, tam formales, quàm materiales, valdè discrepantes esse, 3^o. corpus quodcunque, medicâ virtute præditum, & ab aliis genericè, aut specificè distinctum, singularem, quoad moleculas minimas, præsertim activas, magnitudinem atque figuram obtinere, & 4^o. aliam proindè atque aliam actionem, alium effectum, aliam virtutem, ab hoc vel illo medicamento, in hac vel illa parte, in hoc vel illo morbo, expectandum esse (a): Quæ omnia ità tamèn nequaquam accipienda erunt, ac si alia medicamenta nihil prorsus ibidem, ubi specifica efficacius prorsunt, præstarent, aut hæc nullas ampliùs

(a) Varia corpora naturalia, (que observatio prædictis multùm utique lucis fœneratur) hominibus salutaria, animantibus aliis lethifera sunt, & vice versâ. Sues radicibus hyoscyami, sturni cicutâ aquaticâ, coturnices lolio temulento, absque ullo sanitatis detrimento, vescuntur; quæ singula tamen hominibus magnam noxam, immò subinde ipsam mortem, inferunt: Aloe ex adverso, non contemnendum apud homines medicamentum, canibus valdè nocere, & amygdala amara, hominibus pariter innoxia, gallinas ac feles necare observantur; uti plura de hisce in *Miscell. Acad. Nat. Curios. ann. 8. Obs. 97.* videnda sunt.

32 *Seçt. I. Tradens generaliora*
vires, nisi solas específicas, exsererent; sed
memorata solummodo juvandi præroga-
tivam, specificæ mixtionis, texturæ, par-
tium indoli, & peculiari operandi modo
innixam, concernunt.

C A P U T I V.

De Vasis inhalantibus & exhalantibus.

§. I.

QUONIÀ in antecedentibus aliquo-
tès *vasorum absorbentium* mentio
facta fuit, & sæpiùs quoque fiet in se-
quentibus, potiora hoc loco de iis non
minùs, quam exhalantibus tradere ne-
cessarium duco, ne ignari falsam sibi, aut
saltèm incompletam ideam de medica-
mentorum transitu ad sanguinem, aliis-
que momentis, ex horum vasculorum
præsentia explicandis, forment. Sunt au-
tèm primò *vasa corporis halituofo-lymphati-
co-venosa absorbentia*, quæ etiàm *vasa*
bibula, *vasa inhalantia*, *vena bibula* vo-
cantur, ultimæ propagines, seu extremi
ac minutissimi venarum ramuli capillares,
versùs originem seu venam suam respec-
tu diametri magis magisque crescentes,
versùs viscera verò, atque externi cor-

poris superficiem decrecentes , adeò , ut canaliculi exilissimi , viscerum atque corporis peripheriæ propiores , tenerrimos seu roriferos duntaxat halitus , ampliores autem , centro atque origini suæ propiores , subtilissimum liquorem , rori analogum , ex pluribus canaliculis halituosis in tubulum ampliorem confluentem , recipere , transmittere , & in ipsam venam ducere valeant.

§. II.

Eadem propemodum subordinatio reperitur apud *Vascula exhalantia* seu *excernentia* , præterquàm , quòd illa , ex arteriolis minimis primordialiter exeuntia , intuitu progressûs humorum , primò *serosa* , deindè *lymphatica* , tandemque , post maximam divisionem , *halituosa* audiant. Humores enim , quos vehunt , non ad sanguinem reducunt , sed indè segregatos , partim nutriendi fine versûs partes transferunt , partim , sub halitûs , nunc visibilis , nunc invisibilis , formâ , in superficie corporis ac viscerum cribrosâ excludunt. Monendum tamen , non omnes canaliculos seroso-lymphaticos , ex arteriolis ortos , tandem in exilissimos tubulos exhalantes definere , sed multos pariter ramulos , quos *venas lymphaticas*

vocant, versùs interiora recurrere, & lympham, à partium nutritione superstitem, nec minùs refluum nervorum liquidum, itidè sub progressu suo ex insertis nervorum ramusculis receptum, reducere, & cisternæ lumbari, ductui thoracico, venæ cavæ, venæ portarum, aliisque vasis venosis majoribus infundere, ut cum sanguine circulante, ceu liquores laudabiles & spirituosi, diluendi fine, denuò misceantur.

§. III.

Tantæ prædicti canaliculi exilitatis sunt, ut, seorsim considerati, visûs aciem prorsùs effugiant. Minimi quippe arteriarum ramuli, qui integrum tamen globulum rubicundum, adeoque sanguinem perfectum, adhuc vehunt, secundùm BOERHAAVII sententiam, tubuli capillares sunt, tam parvo præditi diametro, ut decem, in unum fasciculum collecti, vix pilum crassitie æquent: Ex hisce sextuplò minores tubuli serosi, & serosis adhuc minores lymphatici, & inde demùm minimi halituosi, quorum 125000; supputante LEEUWENHOECKIO (a), in puncto corporis, unius sabuli granu-

(a) V. Arcan. Nat. detect. p. 186.

lum æquante, reperiuntur hiantes, originem ducunt. Hinc serosi etiã nullum amplius sanguinem rubicundum, sed flavescens solummodò partem serosam, lymphatici meram lympham, sero adhuc tenuiorem, & halituosi denique vaporosam materiam recipere, transmittere, atque emittere possunt. Memorata, subtilitatem concernentia, non tantùm de exilissimis hisce arteriolarum propaginibus, verùm etiã de præcedentibus venosæ prosapiæ canaliculis dicenda erunt.

§. I V.

Laudatis vasculis exhalantibus primi generis jure meritoque jungenda sunt *vascula exhalantia nervosa*. Nemo enim, solidioribus mechanicorum principiis adductus, vel debite saltèm edoctus, negare audeat, nervos, ex cerebri medullâ oblongatâ & spinali exeuntes, & originaliter ex minimis substantiæ cineritiæ seu vasculosæ arteriolis nascentes, per universum corpus disseminari, eorundemque plerosque in cute, non in cæcos sacculos, sed in papillulas prominentes, orificiis patulis, stupendæ tamen exilitatis, instructas, terminari, immò, quod momentum præcipuum est, tubulos nervorum quoscunque subtili quodam liqui-

do conftanter irrorari, idemque, inftar sanguinis ac lymphæ, perfectum, & nunquam in ftatu fano interruptum, abfolvere circulum. Ubi autem completus humorum circulus viget, ubi conftans in ultimas propagines, ramulis reducentibus deftitutas, liquidorum influxus adest, ibi neceffariò duplex apertura, in origine fcilicet ac fine, adefle debet.

§. V.

Præter adductos tubulos exhalantes primi & fecundi generis nonnulli anatomicorum *tertiï* adhuc *generis canaliculos excernentes* in cute admittendos efle opinantur. Statuunt fcilicet *glandulas miliares fubcutaneas*, fingulis poris cutaneis fubjacentes, & excretoriis fuis ductibus, emittendæ fudoris materiæ infervientibus, inftitutas. Sed, quid opus eft, ut, admiſſis glandulis hiſce, entia præter neceſſitatem multiplicemus? Sola certe vafcula exhalantia arterioſa, per varias cauſas ſolito ſubinde ampliora reddita, etiam paulò craſſiori fudoris materiæ excludendæ aptiſſima exiſtunt. Hiſce accedit, quod anatomicorum recentiorum præſtantiores glandulas hæc fubcutaneas, quas nunquam detegere, aliiſque oftendere potuerunt, vel prorsùs negent; vel valdè

dubiam tamen de iis foveant sententiam. Dissidentes quidè pro harum glandularum existentia strenuè pugnantes, ad innumera illa tubercula, sub horripilatione febrili, metu atque terrore graviore, ut & primâ frigoris actione conspicua, nec minùs ad corpuscula quædam sphæroidea, cum ductibus suis excretoriis hinc indè, præsertim in palpebris, naso, auribus, areolis mamillarum, subalis, in cute penis atque scroti, circa anum & pudenda mulierum, &c. (a) investigantibus obvia, ordinariò provocant: Verùm, argumenta indè petita mihi admodum infirma videntur. Memorata enim tubercula, subito sub indicatis circumstantiis nascentia, posteaque, mutatis mutandis, rursùs disparentia, nihil aliud sunt, nisi vasculorum exhalantium extremitates, propè exitum suum, per fortem ac repentinam corporis reticulati MALPIGHII, cujus foraminula transeunt, constrictionem clausæ, & ideò, ob vias excretorias ad tempus præclusas, ad sensum adducta, & exitum continuo moliente halituosâ materiâ in conspicuos folliculos præternaturaliter expansæ. Sphæroidea quoque corpuscula, spar-

(a) Conf. Excell. Heist. Comp. Anatom. pag. 224.

38 *Seçt. I. Tradens generaliora*
sim in cute latitantia secundum HEIS-
TERUM , R U Y S C H I U M , B O E R-
H A A V I U M , aliosque itidem arteriola-
rum extremitates judicantur , quæ a den-
sitate cuticulæ , vel materiæ contentæ
crassitie obstructæ , in tubercula seu fol-
liculos ejusmodi extenduntur (a).

§. VI.

Vasorum exhalantium primi generis
in cute existentia , hætenus à medicorum
nullo , quantum scio , in dubium vocata
fuit , quum facillimè per sudorem , at-
que subtiliorem exhalationem cutaneam ;
aliaque probari possit : Quod vasa autem
inhalantia seu absorbentia venosa atti-
net , de illis multi adhuc dubitant , im-
mo , nonnulli illa ipsa penitus negare
audent , licet æquè , ac priora , per *inje-*
ctiones , aliaque experimenta , ab anato-
micis suscepta , abunde fuerint demon-
strata. Nam sacculus , ex cute cranii hu-
mani factus , & aquæ post clausuram im-
mersus , eandem , teste B E L L I N O (b) ,
in cavitationem recipit , ita ut interna sac-
culi superficies humore aqueo probe ma-
dida evadat. Idem quoque B. B O E R-
H A A V I U S observavit , cum sacculus ,

(a) Conf. Idem l. c.

(b) Tr. de Sanguinis missione p. 146.

ex cute humanâ , epidermide liberatâ , paratus , aquæ immergeretur (*a*) : Immo , cera tincta ac liquida , methodo *Russchianâ* super valvulas in venas impulsâ , in manu pueri per innumerabiles poros venosos , roris instar , denuò prodiit (*b*).

§. VII.

Præter injectiones hæcæ , venarum in cute præsentiam manifestam paritèr reddunt *corporum mobilium* , *extrinsecus applicatorum* , *introitus* , eidemque , vel confestim , vel post modicum temporis intervallum , *superveniens actio*. Argentum vivum v. g. licet fluidorum gravissimum sit , in unguentum cum pinguedine quâdam redactum , & externè , circâ manuum ac pedum articulationes , vel alibi quoque , corpori illitum , in vâscula capillaria , digitorum pressione introitum adjuvante , pellitur , & indè ad interiora provolutum , rursùs cum humoribus lymphaticis impuris , qui globulis mercurii indolem nonnihil corrosivam conciliant , per glandulas salivales , intestinales , &c. excernitur ; Infantes , debiles quoque ,

(*a*) Vid. Ejusd. Prælect. Acad. ab Exc. Hallero edit. Vol. I. p. 274.

(*b*) Ibid.

quoties nuda eorum corpora spongiâ, vino tepido imbuta, abluuntur, citò atque mirificè reficiuntur, & levis indè ebriositas, cum placido superveniente somno, ipsis conciliatur. Quid dicam denique de aliquâ adulatorum temulentia, in cellis vinariis ex solo odore, & partium spirituosarum inhalatione contractâ, de celerrimo halitus torpedinis venenati introitu, & promptissimâ actione, de exanthematibus retrogredientibus aut retropulsis de scabiei, luis venereæ, aliorumque morborum facillimâ propagatione per contagium, & similibus? Nota profectò hæc omnia sunt, & satis superque, quæ dicta fuerunt, comprobant.

§. VIII.

Laudata vascula inhalantia & absorbentia non tantum in externo corporis ambitu, sed in naribus quoque, ore, ventriculo & intestinis, maximo reperiuntur numero. Nam vini haustus, quin unus tantum panis bolus, vino generoso imprægnatus, sub manducatione, & adhuc magis post deglutitionem, viâ fessos, aut labore & inedia debilitatos, illicò reficit; manifesto documento, in oris, œsophagi & ventriculi cavitates bibula hære vascula, quæ absque morâ subtilem

atque spirituosam alimenti partem absorbent, & viâ brevissimâ ad sanguinem & fluidum nerveum deducunt. Similis propemodum tenoris argumentum suppeditat temulentia, quæ post opii, spiritûs vini, aliorumque halituosæ, mobilis, atque inebriantis naturæ corporum assumptionem largiorem, præsertim in nondum assuetis, brevi elapso tempore, supervenire consuevit. Ignotum quoque medicis esse nequit, clysmata emollientia, vel alteriûs etiâ naturæ atque virtutis, penitus nonnunquàm, si apud sanos scilicet, aut ægros plane retenta fuerint, ex intestinis ad sanguinem, non per nota quidem vasa lactea, quæ in intestinis crassis vel prorsus desunt, vel admodum exiguo tamèn numero inveniuntur, sed per bibulos venosæ prosapiaë canaliculos, transire (a), & alvina pariter excrementa, justo diutiùs in intestinis crassis stabulantia, sicca evadere & arida, ac sæpiùs proindè mucidas & semiputridas impuritates liquidas, quæ sensim per dicta vascula ad humores circulantes deferuntur, febres putridas, aliosque morbos produ-

(a) Conf. D. Christ. Philippi BERGERT *Versuch einer grundlichen Erlæuterung merckwürdiger Begebenhieten in der Natur*. Obs. XI. pag. 210. sequ.

cere, vel plus tamen minùsve ad genesin eorum atque augmentum conferre. Quibus denique subjungendum erit, penicillos dictarum partium succosos per ipsas etiam comprobari injectiones: Aqua nempe in ventriculum, circa pylorum æquè atque cardiam deligatum, infusa, per vasa brevia decurtata iterùm exstillat, & cera, methodo *Ruyschianâ* in venam meseraicam impulsâ, in cavum intestinorum penetrat (a).

§. IX.

Nullò tandem modo dubitandum erit, quin vascula memorata in bronchiis pariter, & pulmonum vesiculis, nec minùs in viscerum quorumvis superficie, ut & thoracis, abdominis atque uteri cavitatibus obvia sint, quoniam multæ etiam observationes, multa experimenta, quæ præsentiam eorum in locis hisce egregiè probant, successivè innotuerunt. Aer quippe, ut nonnulla duntaxat adducam, flatu per asperam arteriam in bronchia, & vesiculas pulmonales pulsus, teste *MERKIO* (b), venas ingreditur, ac sensim

(a) Conf. *Ruysch. Advers. Anat. D. II. pag. 87.*

(b) *V. Mémoir. de l'Acad. Royal. des Sciences ann. 1700. p. 217.*

deinceps sinistrum cordis ventriculum distendit : Et , vice versâ , aer , folliis ope per dextrum cordis ventriculum & arterias pulmonales impulsus , in vesiculas pulmonum transit , & asperam arteriam nonnihil distendit ; quid ? quod , ipsa cera liquida , *Ruyschianâ* methodo venis pulmonalibus injecta , sæpissimè in cavas vesiculas exsudat. Non desunt quoque experimenta , quæ de laudatorum canaliculorum præsentia , & aperturâ in reliquis partibus indicatis plana adferunt testimonia. Nam aqua ad aliquot uncias in abdomen canis , factâ providâ ejus incisione , infusa , elapsis aliquot horis , prorsus dispareret , & per vias urinarias excernitur. Succedit quoque posterius , quando ambo ureteres filo ceraceo ligantur , & cani post vulneris deligationem , atque perfectam vesicæ à lorio exonerationem , catheteris ope instituendam , aqua largius haurienda offertur. Et uterus denique totus expanditur , quando flatus in venam hypogastricam immittitur ; manifesto documento , ramulos numerosissimos venosæ profapiæ in uteri cavitatem hiare , & aerem , in majorem venæ hypogastricæ ramum , vel ejus truncum vi impulsus , denuò emittere.

Ex recensitis igitur experimentis cum constet abundè, quòd halitus æquè, ac subtiles liquores, per vascula, in cute, viscerum superficie, & variarum cavitarum parietibus patula, ad ramos majores, & intimos corporis ac partium recessus penetrent, indè pariter luculentissimè patescere opinor, laudata fluida per nullos alios, nisi indicatos venosæ originis tubulos inhalantes & absorbentes, sese insinuare. Quidquid enim in cute & plerisque cavitatibus allegatis canales sanguiferos intrat, vel per oscula vasorum inhalantium, vel exhalantium intrare debet. Verùm, per posteriora ingredi nequit, quippe quæ, ceu arteriosæ propagines, halituosam quidè materiam, nec minus roridum humorem emittunt, nihil autèm, extrinsecùs receptum, ad interiora adducunt aut reducunt. Contrarios etenim ejusmodi motus uno eodemque tempore ac loco fieri posse, haud quisquam affirmabit, præsertim, cum canaliculorum arteriosæ prosapiæ contractio ita sit comparata, ut ejus ope fluida ex majori quidem ramulo in minores promoveri, tandemque, nisi denuò sub progressu deferantur ad venas, expelli,

neutiquàm verò adduci, & ex ramulis minoribus ad majores, ordine planè inverso, deduci queant. Hisce accedit, quod vis premens fluidorum exeuntium, ob solidorum contractionem, longè major sit vi premente liquorum & halituum, ab extrà intrare nitentium. Aliter comparatum est cum vasculis inhalantibus originis venosæ; quippe quæ nihil prorsus educunt, & ideo, nisi aliquid ab extrà intraret, semper forent vacua, & nulliùs in corpore utilitatis. Hæc igitur faciliùs liquida externe applicata, nec minùs halitus, in aere ambiente, & clausis corporis cavitatibus præsentem, recipere & absorbere, posteaque, cum nulla fluida egrediantur, nec figura etiam & ipsorum tubulorum motus obicem ponant, ulterius ex minoribus ad majores ramulos, tandemque ipsas venas, ducere possunt.

• C A P U T V.

De Medicamentis sympatheticis & magneticis, nec minus de amuletis.

§. I.

MOrborum curationes *magnetica*, quas alii, quanquam minùs aptè, etiam *sympatheticas* vocare consueverunt,

adeò præteritis temporibus apud gentem Æsculapiam, & adhuc magis inter turbam plebejam, invaluerant, ut nulla propemodum ægritudinum species superesset, cui vetulæ, aut medici superstitioni suasu, non unum alterumve remedium, magneticè aut sympatheticè, h. e., citrà causam manifestam, citrà ullum contactum, adeoque operatione planè absconditâ, profuturum, opponeretur. Sensim deinde, crescente scientiâ physicâ, magis quoque magisque excultâ arte chemicâ, hæc superstitio apud plurimos exspiravit, & ità ubique imminuta fuit, ut hodiè paucos saltem inter medicos doctos, solidis cæteroquin principiis medicis instructos, reperias, qui relationibus, curas magneticas concernentibus, aliquam adhuc fidem adhibeant, aut ipsi nonnunquàm talia remedia in usum vocare audeant. Verùm & hæ reliquæ, quantum fieri poterit, extirpandæ erunt: Aniles enim traditiones sunt, quibus ratio refragatur, & cautè pariter instituta observatio; Quemadmodùm ea clariùs ex morborum, atque causarum morbificarum, ut & medicaminum, tam ordinariorum, quàm extraordinariorum consideratione uberiori patebunt.

§. I I.

Morbi, qui hominum, aliorumque animalium corpora, mechanicè structa, invadunt, vel totam œconomiam animale, vel unam saltem, alteramve functionem animale, vitalem, aut naturalem turbant, & ideo rectè in *universales* & *particulares* distinguuntur. *Morbi* universales sunt motus in universo corpore plus minusve irregulares, & proinde etiam functionum quarumvis læsiones secum comites adducunt: *Morbi* particulares autèm motus sunt, in hac saltem, vel illâ parte irregulares, immò, nonnunquàm planè sufflaminati; hinc uniûs, vel aliquarum duntaxat actionum læsione, aut plenariâ subinde abolitione, stipati accedunt.

§. I I I.

Motus, tùm in toto corpore, tùm partibus, maximè irregulares redduntur, ac plus minusve à naturali ordine deflectunt, quotiès justo tardiores vel justo celeriores evadunt: Unde etiam fit, ut pleraque pathemata & sanitatis incommoda in scholis medicorum, & ipsâ praxi à *spasmo*, aut *languidâ solidorum contractione*, vel a *circulo*, & *influxu humorum nimis veloci*, aut *nimis*

torpido, quin *prorsus* in hac, vel illa parte *sufflaminato*, primario deducantur. Cujusvis cæteroquin motus irregularis aut planè sublati *causa physica*, tam formalis, quàm materialis, in partibus *solidis* aut *fluidis* hæret, & respectu solidarum vitia *situs*, *connexionis*, *texture*, *conformationis*, *magnitudinis*, *elateris* &c., respectu fluidarum autem vitia *quantitatis*, *fluiditatis*, *temperiei*, *mixtionis*, &c. supponit: Hinc durante vitio solidi, aut fluidi, perdurat motus irregularis, ceu morbus, perdurant læsiones, aut ablationes functionum, seu symptomata; ablato contrà vitio memorato, ad ordinem redit motus, pristinae libertati & ordini restituuntur functiones, adeoque cum causa morbus, & cum morbo symptomata cessant.

§. I V.

Quoties igitur solidorum ac fluidorum vitia in corpore humano per congrua & adæquata remedia denuò removenda, adeoque, causa sublatâ, morbi tollendi sunt, toties *partium quarundam ablatione*, aut *restitutione*, vel *translatione*, *transformatione*, aut *mutatione aliâ* opus est. Fiunt autem singula hæc, ac fieri debent
mediante

mediante motu (a), & corpus movens præterea corpori movendo, vel mediatè, vel immediatè applicari debet: Nullum quippe motum, quod plerisque dudum notissimum est, corpus corpori communicare valet, nisi movens movendum immediatè, aut mediatè, h.e., aliorum corporum interventu, contingat, & vis motrix prioris resistantiam seu vim inertiae posterioris plus minùsve superet.

§. V.

Medicamenta, tam ordinaria, quam sympathetica, sunt substantiae corporeae, adeoque æquè, ac corpora reliqua, si alias ab iis sperare velimus effectum, partibus fluidorum aut solidorum mutandis mediatè, aut immediatè applicari, & tùm ipsa moveri oportet, tùm etiam movere partes, quibus mutationem inferre debent. Et, quum hæc necessaria inveniuntur, necesse pariter erit, ut quoad totam suam molem, & crassiorem substantiam, corpus intrent, aut istud ad minimum extrinsecùs contingant, vel exhalationes teneriores, quæ ad interiora corporis penetrare, aut proximè tamèn ad superficiem ejusdem deferri possunt,

(a) Conf. cap. II. §. 1. 2.

50 *Seçt. I. Tradens generaliora*
transmittant. Quare pharmacorum etiã
singula , quæ partium quarundã exha-
latione, translatione & inhalatione agunt,
aut suam tamen actionem absolvere sup-
ponuntur , moleculis, minutissimis, vola-
tilibus, activis, calore aut perenni motu
intestino resolvendis, instructa esse, &
expulsa effluvia aerem, usque ad ægroti
corpus, largiùs ac circumquaque replere,
vel unicè saltèm viã rectã, non aliter,
ac si lateralibus circumsepta essent limi-
tibus, ad corpus ægroti, citrà dissipatio-
nem in atmosphærã, tendere debent.

§. V I.

Verum enim verò, si sub certã reme-
dii magnetici à corpore sanando distan-
tiã notabile atmosphæræ spatium effluviis
activis replendum est, insignis, immò, si
corpus ægrotum longiùs paulò à reme-
dio distet, stupenda prorsùs exhalationum
copia requiritur, vel activa pharmaci pu-
tatitii effluvia venti secundi, sive aeris
versùs illum locum celeriùs fluentis im-
pulsu, absque ullo tamen ad latera viæ
rectæ secessu, ad corpus sanandum de-
ferri, vel omninò ratione instructa esse
debent, ut rectam viam ingredi, iter su-
um eadem prosequi, ac sese in nullum
aliud corpus, nisi ægrotum, nec in ullam

aliam partem , nisi ægrotam , insinuare , eidemque desideratam ac destinatam medelam afferre sciant. Prius quodammodo quidem sub distantia parvâ , neutiquam verò sub majori , quæ sese , affirmantibus ipsis curationum sympatheticarum fautoribus , ad aliquot milliaria extendit , admitti poterit ; posteriora autem partim hypothetice impossibilia sunt , partim absurda : Quid enim prohibebit , quominus tenerrima effluvia in aere libero , motu perenni atque intestino sub maximâ etiam tranquillitate agitato , sursum quoque & versùs alias plagas progrediantur , & sic penitus , vel maximâ tamen ex parte , antequàm ad ægrum perveniant , dissipentur ? Quis sperabit , corpus sanandum remedio ità semper è directo oppositum itiri , ut ventum secundum , & cum eo transmissa effluvia activa , pro superstitionis hominis lubitu , excipiat. Quis denique credere audebit , quamcunque volatilem medicamenti sympathetici moleculam ratione præditam esse ?

§. V I I.

Si hætenus dicta remediis sympatheticis & magneticis paulò strictius applicantur , facilè , uti ego quidem credo , patebit , putatitiam eorundem actionem

fundamento, vel admodum lubrico niti, vel rectiùs, nullo. Medicamenta magnetica & sympathetica enim partibus volatilibus vel instructa sunt, vel iisdem destituta: Hæc in distans, ob summam effluvi-
viorum penuriam, aut plenarium defectum, agere nequeunt; illa autem, quæ sanationibus sympatheticis exiguâ plerumque quantitate impenduntur, tantam partium exhalabilium quantitatem nequaquam possident, ut ingens, & subindè ad aliquot milliaria protensum, aeris spatium iis implere possint; multò minùs effluvia, ob certissimam & inevitabilem in aere libero dissipationem & rationis defectum, cursum suum atque progressum, secundùm lineam rectam, versùs unicam duntaxat & destinatam plagam, dirigere, &, prætermiſſis corporibus aliis, in unius duntaxat ægroti corpus penetrare, tantosque effectus, quales exserere, ac sæpiùs exseruisse dicuntur, producere valent.

§. VIII.

Non evertunt proposita, nec ullum hæctenus consideratæ superstitioni largiuntur patrocinium experimenta, cum magnete suscepta, itèmq; numerosæ à fautoribus allegatæ observationes. Ma-

gnes quippè sub certâ tantum , nec adeò longâ , distantîâ in ferrum agit , & observationes quoque fidem amittent , quàm primum empiria crassa & plebeja , remotis præjudiciis & fallaciis causarum , in veram atque prudentem mutabitur experientiam. Haud rarò enim , quod supra pridem dictum fuit , mutationes , quæ in corpore humano sub usu medicamentorum eveniunt , ab usu eorum erroneè deducuntur , & frequentissimè paritèr coincidentia ab unâ eademque causâ , licet agnoscant diversissimam , derivantur , immò , sæpissimè veræ effectuum causæ negliguntur , & effectus observati aliis causis , tunc temporis planè infontibus , adscribuntur. Nihil dicam de forti imaginatione ægrotantium , quæ persæpe , absque medicaminis adjumento , singularium in corpore mutationum , & salutarium æquè , ac minùs salutarium , effectuum causa evadit (a).

(a) Medicum novi doctum & à superstitione liberum , cui homo quidam , alchemiæ deditus massam salinam , lapidis instar concretam , & ex vitriolo , sale culinari , & vitro contuso paratam , aliquandò offerebat , eandemque , certâ quantitate cum urinâ recenti , sub continuâ cum spatulâ ligneâ agitatione , coctam , apud eum hominem , qui urinam suppeditasset , fortem sudorem , si homo duntaxat coctionis tempo-

§. I X.

Argumento , in antecedentibus pertractato , nonnulla hoc loco subjungenda sunt de AMULETIS MEDICIS, quæ in genere vel *licita* audiunt , vel illi-

sefe in lectum conferret , aut corpus vestimentis probè contegeret , certissimè provocaturam esse , audacter adtinebat. Medicus ille , etiam si nullam relationi fidem adhiberet , experimentum nihilominus cum suâ urinâ per famulum curavit insituendum , & , cum illi , lapidem cum urinâ ebulliente jam jam misceri , nuntiatum esset , corpus , in lecto compositum , stragulis debitè cooperuit , eventum interea anxie exspectans. Sed , ecce ! sub hoc animi motu leniori lenior prorumpit sudor , & scepticum nostrum nonnihil perturbat : Verùm , quum ratio adhuc constanter repugnaret , pristinae suæ sententiæ nondùm valledicere , sed experimentum alio potiùs tempore reiterare , & , obfirmato animo , corpus vestimentis solummodò contra aerem externum munire decrevit : Quo etiam facto , iterùm à dubio , quod paulatim progerminare incipiebat , perfectè liberatus fuit. Nullus enim superveniebat sudor , licet urina æque , ac primâ vice , & longè adhuc diutiùs , cum lapide sympathetico coqueretur. Simile quid simillimo pariter eventu , B. HOFFMANNUS , alique observarunt , ut ideò nullum superlit dubium , quin sudoris proruptio , si interdùm contingat , partim imaginationi , ac leniori animi commotioni , partim etiàm aucto per stragula aut vestimenta calori adscribenda sit.

cita. Posterioribus hîſce ea , quæ magicis artibus , aut craſſiori ſuperſtitioni originem debent , & ordinariò , ſive ex metallo , ſive materiâ aliâ fuerint fabrefacta , ridiculis , abſurdis , atque impiis characteribus , figuris , imagunculis &c. ſignata reperiuntur , nec minùs ſchedulæ illæ chartaceæ aut membranaceæ , quibus certæ literæ , certa vocabula , aut integræ , & ſubindè ſatîs ineptæ , periodi inſcripta ſunt , jure annumerantur ; ad priora autèm , ſingula referri merentur corpora naturalia , è triplici naturæ regno deſumta , quæ verâ activitate medicâ , & indè etiâ pendente hac vel illâ virtute generali aut ſpecificâ , tollendo morbo , cujus gratiâ appenduntur , aut alligantur , aptâ omnino & adæquatâ , inſtructa ſunt , vel ad minimum inſtructa creduntur : Quare hæc ipſa in *activa* quoque , & *inertia* ſive *fatua* commodè diſtingui poſſunt. Activa , vel quoad totam ſuam molem volatilia ſunt , vel mobiliffimis tamen , volatilibus , & activis ſcatent particulis , quæ ſenſim evolutæ , ſenſimque è maſſâ appenſâ prodeuntes , aerem circumfuſum , ſeu particularem corporis atmophæram plùs minùſve replere , eamque , ſi qualitatis quodam vitio laboret , emendare , adeòque corpus contra aeris cor-

§ 6 *Señt. I. Tradens generaliora*
rupti injurias defendere, vel in ipso etiã corpore, dũ in superficiem ejus agunt, aut alitũs per patula vascula inhalantia penetrant ad interiora, salutarem atque sp̃cificam mutationem producere valent: Fatua sive inertia ex adverso particulis volatilibus vel prorsũs carent, vel paucissimas saltem, ac parũm insuper activas, adeoque inferendis mutationibus, ad morbos nunc profligandos, nunc arcendos necessariis, impares, possident; unde in propatulo est, nullum ab iis auxilium verẽ medicum, etiamsi cum maximã nonnunquã fiduciã à credulis, & virium ignaris adhibeantur, expectari posse, sed rectiũs ea ad crepundia medica, & ridicula corporis ornamenta referenda esse.

C A P U T V I.

De Elementis Corporum Chymicis, & inde nascentibus generalioribus Medicamentorum Principiis activis, seu causis effectuum materialibus.

§. I.

Elementa seu Principia corporum, ex mente recentiorum quorundam, sunt entia, extensione, magnitudine,

figurâ , gravitate, & motu intestino prorsus destituta , ideòque verè simplicia , seu *Monades* , quæ per se quidem nullum replent spatium , suo tamen concursu extensa , sive corpora formant atque producunt. Hæc itaque , si existentia eorundem aliàs certa , jure summo *elementa corporum physica* vocari merentur. Secundùm *chemicorum* autèm placita , *corporum principia* , sub extremâ scilicet tenuitate suâ , puritate , ac relativâ simplicitate considerata , sunt atomi physicæ , seu extensa minima , invisibilia , mobilissima , actus indivisibilia , aut ad minimum tamen impenetrabilia , & quibus singula corpora , quæ universum complectitur , originaliter resultant , & in quæ ultimo iterùm resolvuntur.

§. I I.

Mirandam igitur eorum exiguitatem nunquàm sensibus nostris , sed quodammodò saltèm ratione assequimur. Quam corpora enim *primigenia* , seu *mixta prima* , quin ipsæ particulæ minimæ , aggregatione & implicatione suâ molem corporum compositorum aut decompositorum constituentes , tantæ sint subtilitatis , ut priora omnem sensuum aciem eludant , posteriores autèm , oculos , opti-

mis etiã microscopiis armatos, sub stupendâ quidem exiguitate, nondũ tamen ultimâ, incurrant, ridiculum profectò esset, principiorum, & corpusculorum primigeniorum cognitionem per sensũ sperare. Unicum v. g. auri gravum, referente BOYLEO (a), in tenuissimum foliolum ab artifice diductum, 50. pollicum quadratorum spatium implet. Quarè si latus cujusvis pollicis in 200. partes dividitur, supputante celeberr. WOLFFIO (b), quilibet pollex 40000. partes continebit, quarum unaquæque corpus sistit quadratum, cujus latus $\frac{1}{2000}$ partem pollicis, h. e., $\frac{1}{20}$ partem lineæ complectitur. Vigesima lineæ pars, quam valdè exigua sit, oculos tamèn nũdos adhuc satìs distinctè incurrit, posteaque microscopio subjecta, multas adhuc partes, prioribus longè minores, ostendit. Nũc autèm foliolum, ex unico auri grano factum, quinquaginta ejusmodi quadrata offert, quorum singulum in partes 40000 sese dividi patitur, nudis oculis discernendas: ergò integrum foliolum aureum complectitur 2000000 exigua quadratula, & consequenter 2000000

(a) Tr. de mira subtil. effluv. cap. 2.

(b) In *Physicalischen Versuchen* T. I. pag. 4. sequ.

partes seorsim adhuc conspicuas. Si postea ulteriolem cum Authore laudato computationem instituere velimus, tandem cognoscere possumus, unicum auri granum ex 16000 millionibus, immo, adhibito tali microscopio, quod minutum tale corpusculum, oculis nudis adhuc discernendum, sub magnitudine, verâ magnitudine trigesies mille majori, visui sistit, ex 60000 millionibus partium, vere adhuc aurearum, constare. Adeoque si porro, tametsi saltem hypothetice, supponere placeret, quamcunque ejusmodi moleculam auream, quam nobis in præsentia auream minimam concipere volumus, ex aliquot particulis, dissimilis quidem, mineralis tamen indolis, & harum quamlibet ex aliquot iterum corpusculis primigeniis terreis, salinis, sulphureis compositam esse, stupendus sane, singulis debite ad calculum revocatis, partium numerus, quæ nondum tamen, ceu corpuscula, ex principiis per primam mixtionem enata, ipsorum principiorum exilitatem assequuntur, resultaturus esset.

§. III.

Exemplum notatu pariter digissimum
B. S T A H L I U S de sulphure vulgari minerali suppeditat, quod planum quoque

de mira corporum subtilitate testimonium
 affert, & ità sese, secundùm ejus des-
 criptionem (a), habet: » Imponatur
 » minimo crucibulo, priùs ponderato,
 » sulphuris communis pulverisati drachma
 » una: In medio hujus stabiliatur (filo
 » tenero metallico) ellychnium, è filo
 » sulphure imbuto; eâ ratione, ut longi-
 » tudo hujus vix suprâ sulphuris pulve-
 » rem emineat. Repositum sub camino,
 » ab omni incurso venti tranquillo, accen-
 » datur illud filum, ut non majori flammâ
 » ardeat, quam parva lens. Ardeat ità per
 » horæ spatium: Quo elapso, extingua-
 » tur levi afflatu. Ponderetur iterùm cru-
 » cibulum cùm adhuc residuo sulphure.
 » Ità invenietur, quòd totius horæ spatio,
 » oculis interim semper conspicua flam-
 » mula, vix aliquid ultrâ dimidium assum-
 » ti sulphuris, in auras dissipatum sit....
 » Certè, *paragrapho 35. pergit*, cogita-
 » tionem meretur, quàm immensæ exi-
 » litatis debeant esse illa ignea corpuscu-
 » la, quæ, totius horæ spatio, indefinen-
 » te rapido motu, in aerem liberum diri-
 » piuntur; cum in ipso sulphure, in con-
 » sortio aliorum adhuc comprehensa,
 » tam parvam molem efformaverant, ut

(a) Vid. Ejsd. Experiment. Observat. &
 Animadvers. chym. & phys. p. 48. §. 12.

» vix majus pisum æquarent. Dùm insu-
» per ponderis, quod tunc molecula talis
» ostendebat, vix centesimam partem
» constituisse verò simile sit. Quàmvis enim
» animadversio octava in præcedente §.
» XXXIII allegata, de motu verticilla-
» ri, non ità velocem localem progressum,
» seu dissipationem, subeunte, satis cer-
» ta sit; tamen indefinens odor penetran-
» tissimus talis ardentis flammulæ satis
» testatur, quòd omninò etiam indefinen-
» ter disjectio talis tenuissima in aerem
» continuetur &c.

§. I V.

Non desunt quoquè stupendæ corpo-
rum divisibilitatis, & incomprehensibilis
particularum exilitatis exempla in regno
vegetabili & animali. Unicum quippe mos-
chi aut Zibethi granum per integrum an-
num, & ultra, sine intermissione odo-
rem spargit balsamicum, & innumera
paulatim effluvia in aerem circumfusum
abeunt, licèt nullum singulare ponderis
decrementum sentiatur, & cunctæ nihi-
lominùs particulæ, per aerem dispersæ,
& specificâ moschi aut Zibethi mixtione
adhuc gaudentes, haud incongruè vola-
tilia moschi aut Zibethi frustula dicendæ
sint. Animalcula spermatica, a L E E U.

WENHOECKIO primum detecta, tam exigua deprehenduntur, ut 100000, adfirmante inventore laudato, spatium, amplitudine modicum arenæ granulum æquans, corporeâ suâ mole vix impleant: Quid? quod, scriptor quidam recentissimus, nimirum IOH. GEORGIUS SULTZERUS, refert (a), se microscopii præstantissimi ope, quod ipse construxit, in mucidâ materiâ, quæ dentibus adhæret, & maximè eorum interstitiis reperitur immersa, vermiculos, quorum dudum tamen LEEUWENHOECKIUM mentionem fecisse (b) fatetur, observasse, tam exiguis corpusculis à naturâ præditos, ut spatium, quod ad recipiendum unicum pulveris pyrii, debitè laxigati, granulum requiritur, eorum 134217728, adeoque centum & triginta quatuor milliones complecti possit. Heu, quàm stupenda integri animalculi, & integræ ideò machinæ artificissimæ parvitas! Quid igitur expectandum, si quis à magnitudine totius corporis ad determinandam magnitudinem partium, viscerum videlicet, valorum &c. progre-

(a) V. Ejusd. *Versuch einiger moralischen Betrachtungen über die Wercke der Natur*. p. 2. sequ.

(b) In *Arcanis Naturæ detect.* p. 42. 46. 335. 337.

di vellet? Nonne longè adhuc major subtilitas, nondùm tamen ad corpusculorum primigeniorum, & ipsorum principiorum subtilitatem accedens, proditura esset?

§. V.

Quanquàm principia corporum chymica, solitaria scilicet, & quoad minimas particulas considerata, nobis, sensuum externorum ope, nec innotescant, nec unquam innotescere possint, in aggregatione nihilominus, & mixtione corporeâ crassiorum numerum eorundem; diversitatem, atque indolem cognoscere licet. Sunt autem quatuor, nimirum principium *inflammabile*, quod vulgò *φλογιστον* itemque *sulphureum* dicitur, & deinde *salinum*, *aqueum*, atque *terreum*. Duo priora, præsertim inflammabile, jure rerum corporearum spermata, & ob excellentiam, activa principia vocari merentur; posteriora autem rectiùs matrices audiunt, quoniam illa recipiunt, iisdemque sub mixtione basin atque recipiens præbent, ut quasi figi, & in corpora, sensibus obvia, coalescere possint. Terra primordialis maximè matricis nomine digna æstimanda est, quum principium sulphureum & salinum in sensu

64 *Seçt. I. Tradens generaliora*
chymico nec evadat, nec unquam eva-
dere possit corporeum, nisi terreum reci-
piat, & cum eodem arctiùs cohaereat.

§. V I.

Principia corporum chymica pura, &
extrà omnem mixtionem atque compo-
sitionem spectata, per quoscunque cor-
porum poros ac cavitates, totamque tel-
luris atmosphæram dispersa esse, quin
etiàm, præsertim inflammabile, spatium
universum, soles seu globos mundi luci-
dos, & planetas sive globos opacos illu-
minandos intermedium, sub mobilissimi
& invisibilis fluidi formâ, replere, ma-
gnâ apud me probabilitate gaudet: Hinc
memoratum quoque spatium immensum,
quod, cum nihil sensus nostros incurrat,
planè vacuum videtur, haud incongruè
comparari poterit cum immenso mari seu
oceano, globos mundanos circumfluente,
& ex principiis puris, ac relativè simpli-
cibus constante. Indè innumeri quasi ri-
vuli in atmosphæras globorum, ipsosque
globos derivantur, atque primâ mate-
riam, ad corporum genesin necessariam,
suppeditant. Ex memoratis enim princi-
piis per simplicem mixtionem, cohæsio-
nem, coaptationem, & complicatio-
nem oriuntur *corpora primigenia* seu prin-

incipia principiata, quæ adhuc tamèn tantæ sunt subtilitatis, ut nunquàm sensibus nostris, quoad solitarias moleculas, sed sub ulteriori demùm cum aliis compositione, vel ex parte etiàm sub crassiori aggregatione in molem majorem, obvia reddantur: Tàm firmâ prætereà elementorum cohæsione hæc ipsa gaudent, ut adstipulante B. STAHLIO (a), illorum separatio à se mutuo longè difficilima sit, tum ob conjunctionis exactitudinem, tum superlativam singulorum illa constituentium parvitatem, quæ omnis instrumenti, ad separationem adhibendi usum prorsus excludunt.

§. VII.

Corpuscula primigenia seu mixta prima, ultrâ atmosphæræ limites nunquàm ascendere, sed liberè ibidem, post corporum compositorum, ac decompositorum resolutiones illuc abrepta & evecta, fluctuare, circumferri, atque successivè, vel in ipsa iterum principia, naturæ-artificio nobis ignoto, resolvi, vel, citrà hanc dissolutionem, ad novorum compositorum genesin concurrere, vero videtur simillimum. In atmosphærâ quippè corporum initia fiunt, primaque ponunt.

(a) In Specim. Becheriano p. 29.

tur rudimenta, ibidemquè etiàm plenariæ iterùm compositorum resolutiones contingunt. Credibile quoque est, principia, quamprimùm in spatiis, atmosphæræ terminis paulò altioribus, in mixta prima coalescunt, in ipsas atmosphæras protinùs descendere. Nam planetarum, & fortassis etiàm globorum lucentium atmosphæræ, expansa fluida sunt, quæ ex confuse invicem mixtis, ac sine cohæsione fluctuantibus principiis puris, corpusculis primigeniis, & multis quoque compositis, ut ut subtilissimis, constant, ita tamèn, ut in supremâ aeris atmosphærici regione, numero ac quantitate, prædominari videantur principia pura, in media corpuscula primigenia, & in infima composita, ulteriùs resolven-
da, primò in mixta prima, tandemque in ipsa principia, nisi forsàn ante hanc dissolutionem, præsertim ultimam, novæ iterùm compositioni, aut compositi-
priedèm ac decompositi corporis incremento impendantur.

§. VIII.

Mirandum indè in systemate mundano circulum cognoscimus: Cognoscimus paritèr, nunquàm deficere, nec unquàm defuturam materiam, ad struenda cor-

pora cujusvis generis ac speciei aptam. Eo ipso enim temporis momento, quo certa principiorum quantitas, certusque numerus generis corporum impenditur, eodem, inquam, temporis momento rursus per effluvia corporum tantum affertur, & atmosphære redditur, quantum ad resarciendum corporum primigeniorum, quin ultimâ peractâ resolutione, ipsorum principiorum defectum necessarium est, ut ideò etiã satè probabili-
ter liceat statuere, quantitatem principiorum, extrâ mixtionem ac compositionem, adeòque seorsim spectatorum, semper eandem esse, nunquam videlicet majorem, nunquam minorem; æquè pro-
pmodum, ac in oceano telluris nostræ, in quem tanta semper aquæ moles per flumina revehitur, quanta in terræ viscera penetravit, & exhalatione perenni ablata est. Fit autem laudata restitutio per halitus atque vapores, & quidè 1.) sub corporum compositorum ac decompositorum violentâ destructione per ignem, 2.) sub putrefactione, & 3.) sub continuâ corporum, præsertim viventium, transpiratione & expiratione.

§. I X.

Quum principia corporum chymicæ sint extensa, nullo quoque modo dubitandum erit, quin ea pariter, quoad solitarias scilicet, easque impenetrabiles & actu indivisibiles, particulas spectata, certâ prædita sint figurâ, licet nulla certæ in hoc passu cognitionis spes affulgeat, sed cuncta potius, quæ nonnulli de figurâ proponere ausi fuerunt, meris conjecturis nitantur. Id verò certiùs asserere licebit, principia chymica in triplicis naturæ regni corporibus non essentialitèr, uti uberius monstrabitur in sequentibus, sed saltèm accidentalitèr differre, & post plenariam ideò resolutionem, restituto nimirum unoquoque in pristinam puritatem, nihil prorsus discriminis principium *terreum* & terreum, *aqueum* & aqueum, *phlogiston* & phlogiston, *salinum* & salinum intercedere, sive antea in mineralis, sive vegetabilis sive animalis mixtione latuerit, dùm sola proportionis & mixtionis discrepantia mirandæ differentiae causa censenda est.

§. X.

Haftenus proposita, conjunctim perstrata, nos satis docent, ex *principiis me-*

moratis inflammabili videlicet , *salino* ,
terreo atque *aqueo* primordialitèr , si na-
tura nempè per gradus descendit , & pau-
latina ac gradualis corporum generatio
contingit , *mixta prima* five principia
principiata , *phlogiston* scilicet , & *sal pri-
migenium* , & ex hisce postea de no-
vo tamen atque creberrimè concurrente
principio terreo & aqueo , *corpora compo-
sita* , & sic porro *decomposita* , ac *superde-
composita* nasci : Immo , docent quoque ,
corpora decomposita , superveniente ni-
mirùm paulatinâ ac gradualis destructio-
ne , primò in composita , hæc in mixta
prima , & illa tandèm in ipsa principia
denuò resolvi , rariusque naturam ope-
rantem , si voluntas quasdam destructio-
nes per combustionem in montibus igni-
vomis , aliisque naturæ laboratoriis sub-
terraneis , &c. quodammodo exceperis ,
hunc ordinem transcendere , saltumque
admittere.

§. XI.

Sed sufficiant hæc de principiis chy-
micis in genere ; Nunc specialitèr de sin-
gulis , & primo quidèm de INFLAM-
MABILI agere consultum duco. *Princi-
pium inflammabile* , aliàs quoque *phlogi-
ston* , *ignescens* , *sulphureum* , &c. dictum ,

cum principio sicco terreo arctissimè coalescens , *phlogiston primigenium* gignit , quod omnium postea corporum *inflam-mabilium* , *ignescentium* , *sulphureorum* , *unguinosorum* ac *pinguium* basin , & præcipuum elementum , quin ipsam materiam *calorificam* & *igneam* , quæ cum *æthereâ* , *electricâ* , & *magnetica* una eademque esse videtur , constituit : *Caloris* , inquam , *ignis gliscentis* atque *flammantis materiam* , nondùm tamèn , sub relativâ scilicet quiete consideratum , *ipsum ignem actualem* ; quippè qui tunc demùm oritur , quando materia laudata , per varias causas , maxime autem per *fortem corporum attritum* , tùm visibilem in solidis , tùm invisibilem in fluidis , impulsâ , in motum ruit vorticosum celerrimum , & , ætenuissimè resoluta , sub motu hoc specifico , seu *causâ ignis formali* , oculis lucis , tactûs vero organis caloris , vel si motus velocior , adeoque etiâ impetuosior est , ardoris sensum imprimit. Nam calor , ignis ardens , candens , lucens , flammans ac flagrans sunt saltèm motus hujus materiæ specifici verticillares , immanentes , nec propriè progressivi , quî velocitatis gradu , non penitus tamèn exclusâ differenti materiæ rapidius commotæ quantitate , ac densiori aut rariori

aggregatione ab invicem distinguuntur.

§. XII.

Memorata B. STAHLIUS, cui clariorem hujus principii evolutionem debemus, suo pariter suffragio corroboret:

» Si de illo [*scribit*], (a) sermo est motu, quem communis hominum consensus ab omni ævo nomine *Ignis* designat; nempè visibili maximè ratione, ardente, candente, lucente, flammante, immò flagrante, omnia quocunque modo pingua promptè corripiente, & sensim absumente: de hoc, inquam, igne si loquatur propositio, distinguendum erit inter materiam talis ignis & formam, seu uti, hic apprimè quadrat loquendi (magis vulgò, quàm demonstrandi) formula inter materiam & motum. Materiam integrum, est definire, 1°. quod sit corporea, 2°. tenuissima, & quidè in eo tenuior ipso aere, quod cum aer se notabiliter condensari & congregari permittat (in sclopetis pneumaticis) hæc nostra, quantum usquàm adhuc innotuit, in suâ simplicitate atque puritate, nullam congregationem seu condensationem admit-

(a) In Experimentis &c. chymico-physicis. pag. 194. sequ.

» tat : 3°. In se ipsâ elasticæ expausioni
 » subjecta : 4°. In mixtiones aqueo-sali-
 » no-terreas accedens , 5°. in tali mixtio-
 » ne ignem , vulgò dictum , constituens :
 » 6°. ipso vero actu ignescendi illas reli-
 » quas facilè iterùm destituens : 7°. non
 » tamèn sine concursu aeris aut flatûs re-
 » pentè elastici : 8°. sub hoc ipso autem
 » actu ultimæ evolutionis è suâ mixtione ,
 » supremâ tenuitate , in æris latifundium
 » diffugiens ; 9°. super hæc omnia verò
 » materia hæc sola sit illa substantia cor-
 » poreâ , quæ mixtionibus innexa , illud ,
 » quod Ignis nomine , usitatâ acceptio-
 » ne , appellatur , suscipit , subit , atque
 » præstat : 10°. nempè , juxta Scholarum
 » nomenclaturam , formam , quæ hanc
 » materiam , ut sic corporalis Ignis , per-
 » ficit , efficit , atque efformat potiùs ,
 » quàm , ut loquuntur , informat. Forma
 » hæc nihil aliud est , quàm peculiaris
 » planè species motûs , tenerrimi , citatissi-
 » mi , ultrâ propemodùm , quàm concep-
 » tu assequi licet : Verticillaris , circâ cen-
 » trum materialium corpusculorum , illa
 » rapidissimè pellentis & circumagentis ,
 » &c.

§. XIII.

Phlogiston non tantum ignis gliscen-
tis ac flammantis , sed *cohesionis* pariter ,
nutritionis , *odoris* quin *coloris* , causa ma-
terialis præcipua æstimandum est : Ne-
mini quippè , rerum chemicarum nonni-
hil saltèm gnaro , ignotum esse poterit ,
metalla , ac corpora semimetallica , ut &
plantas & animalia , exustâ portione sul-
phureâ , bituminosâ , resinosâ , unguinosâ ,
pingui , mucilagineâ , gelatinosâ , quæ sin-
gulæ inflammabilem substantiam pro basi
ac parte constitutivâ primariâ agnoscunt ,
illicò in calcem , crocum , cinerem , uno
verbo , in pulverem , aut materiam friabi-
lem ; leni triturâ in pulverem redigen-
dam , fatiscere , & , restituto quoque hoc
principio , ad pristinam formam ac con-
sistentiam ex parte reduci : Ex parte , in-
quàm ; dum perfecta reductio cum qui-
busdam duntaxat mineralibus , minimè
verò cum vegetabilibus & animalibus ,
ceu corporibus non merè mixtis , sed si-
mul quoque artificiosissimè structis , suc-
cedit. Haud quemquam pariter latebit ,
substantiam illam , quæ apud plantas &
animantia propriè nutriens existit , oleo-
sam , pinguem aut mucilagineam esse ,
eamque vegetabilia non tantum cum suc-

co per radices intrante , cui sub crassiori pridem consistentiâ immixta est , sed per patulos etiâ poros in superficie foliorum , ramorum , truncorum ac caulium dispositos , ex aere haurire , in quo hinc indè sub spirituosa tenuitate vagatur.

§. XIV.

Ultimum receptionis modum laudatus STAHLIUS unicè propemodùm , habito scilicèt solo respectu ad introitum substantiæ inflammabilis , admittere videtur : Animadvertimus , inquit (*a*) , quòd ignescens illa materia , quando fit ignis actu , in libero aere , sub tantâ tenuitate , dilabatur , ut sensus nostros subterfugiat , incomprehensibili suâ tenuitate. Redit ad sensus nostros , primò omnium , in vegetabilium corporibus , quorum penitissimis recessibus ità intertextitur , ut nulla horum portiuncula , quantumque exigua , deprehendatur , quin de hac materiâ aliquid contineat. Abundantissimè omnium autèm in resinis invenitur. Jam , cum vegetabilia , immediatè aut mediatè , omnium animalium nutrimentum primum constituent : Vix dubitare licet , quod vegetabilia sint ordine primi

(*a*) Lib. cit. p. 44. sequ.

» ma , quæ hanc materiam suæ mixtioni
» attexunt. Porro , cum talis nova recep-
» tio in mixtionem , non fieri possit sub
» crassiore aliquâ consistentiâ ; vero nihil
» est similius , quam quòd aditus ille &
» accessio , ad novam in vegetabilibus
» mixtionem , fiat in summâ illâ tenuita-
» te , quam sub actuali igneo motu sub-
» ivit. In tali tenuitate , cum in aereâ at-
» mosphæra , quam plebs cælum inter-
» pretatur , velut immensâ quantitate ,
» diffusa versetur ; potest ex illâ , tantò li-
» beriùs , imò & uberrimè in novam mix-
» tionem irretiri. Suffragatur huic asser-
» to resinotarum arborum proventus læ-
» tissimus , non in madidis aut uliginosis
» locis ; in quibus neque crescunt , neque
» ullo modo durant , sed in siccis areno-
» sis : E quibus non solum in genere pa-
» rùm ipsi nutrimenti suppeditari po-
» test ; sed & tantò minùs quisquam sus-
» picabitur , quòd de substantiâ arenæ ,
» materia talis efformari possit , quæ ut
» omnium , quas novimus , tenuissima ,
» admixtione suâ ad reliquam vegetabi-
» lium substantiam , ibidem ignescentem
» hanc materiam signat , atque repræsen-
» tat. Undè nihil est similius verò , quàm
» quòd materia hæc tenerrima , cum ros-
» cidâ humiditate , quæ non minùs in

» aere abundat , in vegetabilia hæc sese
 » insinuet. Et hoc quidem mediante ad-
 » hæc salinâ quadam , pariter halitus for-
 » mât in atmosphærâ vagante , substan-
 » tiâ &c.

§. X V.

Quancquâm adducta maximam quidem partem nitantur veritate , nullo tamen modo dubitandum erit , quin notabilis quoque materiæ inflammabilis portio , præsertim in terris pinguioribus , simul cum succo nutritio , sub crassiori tamen formâ , plantarum tubulos per radices intret. Confirmant hæc inter alia experimeta & examina , detegendæ fertilitatis causâ à D. DOCT. KULBELO (a) suscepta : Ex pingui nempe terrâ , & absque fimo fertili , adjuvante digestionē , tandemque ipsâ decoctione , materiam terreo-salino-unguinofam aquâ calidâ penitus extraxit , ita , ut nil , nisi crassior portio sabulosa ulteriorem solutionem planè respuens , remaneret. Magma unguinoso-salino-terreum , quod post lenem lixiviorum evaporationem impetraverat , brunneo-rubicundi coloris erat , & , aquâ rursus solutum atque filtratum , colorem rubicundum elegantiorē , de-

(a) Vid. Ejusd. Dissert. de causâ fertilitatis p. 2. sequ.

bitamque pelluciditatem acquirebat, nec amplius terrei quidquam, licet iteratâ vice solveretur, ad fundum deponebat. Notabile quoquè est, quòd sub primâ lixivii evaporatione, cuticula salina, qualem salia lixiviosa sub sui evaporatione formare solent, ultimò enata fuerit. Extractum concentratum, destillationi in cucurbitâ subjectum, primò phlegma transmisit, debilem odorem atque saporem terræ, undè extractum erat, referens, deindè lixivio adhuc spissiori facto, liquor flavescens odoris empyreumatici prodiit. In fundo terra levis, spongiosa, albescens, superstes erat, quæ, aquâ elixiviata, portiunculam salis fixi, medii, neque cum acidis, neque alcalicis effervescentiæ motum subeuntis, supeditavit. Materia sub destillationis initio valdè spumescebat, ut ideò etiam igne opus esset moderatissimo, ne vasis destillatorii oras transcenderet, & subtilissimum mucum in recipiens cructaret. Cum extractum igne aperto calcinaretur, mera terra, instar nivis candida, nec amplius in aquâ solubilis, remanebat. Portio salina, quæ longè minori quantitate, quàm pars terreo-unguinosa prædicti magmatis mixtionem ingrediebatur, in aliis terris fertilibus magis ad indolem

nitrosam accedebat, in aliis verò sal enixum, vulgari magis analogum, in aliis alcalicum, exhibebat. In terris sterilibus salina hæc materia magis acidæ indolis erat, & quantitate prætereà minori inhærebat. Terræ igitur fertiles quæcunque, secundum laudati Authoris experimenta, substantiâ terreo-salino-unguinosa, in aquâ solubili, instructæ sunt, & quò terra quædam fertilior est, eò majori materiæ descriptæ quantitate donata reperitur.

§. X V I.

Haftenùs consideratùm principium inflammabile in singulis corporibus compositis, decompositis, in radice, quoad naturam unum idemque est; hinc etiã corporibus nonnullis, ejusdem jacturam passis, facilè ex aliis, eodè prægnantibus, restituitur; quemadmodùm hoc ipsum optime ex calcis cujusdam metallicæ aut semimetallicæ reductione elucet: Ubi perinde est, an recuperandum amissum phlogiston ex minerali, animali, aut vegetabili regno petatur. Nam, si stanni aut plumbi cineribus, in crucibulo candente, oleum lini additur, aut pix, pulvis carbonum (a), sebum, aut alia

(a) Descripta cinerum metallicorum & semimetallicorum reductio etiã cum flavescente,

pinguedo animalis : adjuvante mixturæ agitatione quâdam cum bacillo ligneo, ad pristinam formam ac consistentiam metallicam faciliè revertitur, suumque proprium in igne fluorem metallicum recipit, præsertim, si stanni aut plumbi adhuc integri paucillùm simul ingeratur, cui iterum particulæ redintegratæ sese confestim associare possint. Eâdem, immò majori, promptitudine, reguli antimonii simplicis reductio peragitur, quando cinis, ex eodem, lenioris detonationis beneficio, cum nitro paratus, cum pulvere carbonum crucibulo candenti injicitur : Intrâ breve enim tempus mixtura hæc pulverulenta in priorem massam regulinam confluit. Notatu quoque hoc loco dignum est, mineras metallorum imperfectioris mixtionis, plumbi videlicet, stanni, ferri ac cupri, sine immediato carbonum, aut alterius corporis, phlogistâ substantiâ prægnantis, concursu, nequaquàm integrum fundere metallum, sed illud ipsum, destructo sub vio-

flavo, rubello &c. florum pulvere, qui antheris seu staminum apicibus adhæret, faciliè succedit ; manifesto documento, pulverem hunc subtili substantiâ inflammabili largissimè instructum esse. *Conf. Miscell. Societ. Reg. Berolinens. Cont. II. p. 21. sequ.*

lentâ ignis actione principio inflammabili, nec aliundè iterùm restituto, in crocum potiùs, aut calcem abire; carbonibus verò, uti hoc in magnis casis fusoriis fieri consuevit, eliquandæ mineræ contusæ, per modum strati super stratum, additis, memoratam metalli destructionem minimè accidere, dùm destructæ substantiæ inflammabilis nativæ locum, phlogiston carbonum protinùs occupat, adeoque metalli jam liquefacti calcinationem avertit. Mineris ejusmodi, in parvâ quantitate, & saltem in crucibulo eliquandis, loco carbonum, ordinariò sic dictus *fluxus niger* (*le flux noir*), aut alia substantia salinoalcalico-carbonaria additur, quoniàm æquè, ac carbones, amissum phlogiston metallo reddit, & liquefrendi insuper promptitudinem auget.

§. X V I I.

Lucem adhuc clariorem momento hactenùs confirmando sulphuris mineralis destructio atque regeneratio, nec minus *Pyrophori Hombergiani* præparatio fænerantur: Paratur nimirùm, lenissimæ colliquefactionis beneficio in crucibulo, notissimum hepar sulphuris, ex unâ scilicet parte sulphuris mineralis, & duabus partibus salis tartari. Massa hæc rubicunda,

Materiam Medic. &c. concern. 81
fætida, & humiditatem ex aere facillimè
recipiens, contunditur, &, tenuitèr in la-
tioris fundi tigillo vulgari expansa, sub-
strato igne lenissimo, tamdiù, sub con-
tinuâ cum bacillo ferreo agitatione, cal-
cinatur, donec, inflammabili substantiâ
exhalando prorsùs ablata, in pulverem
albicantem aut ex albo-gryseum fatiscat.
Pulvis hic, aquâ solutus, lixivium largi-
tur saporis falso-amaricantis, in quo post
decentem evaporationem crySTALLI salinæ
concresecunt, vulgari tartaro vitriolato,
sapore, formâ, indole atque virtute si-
millimæ. Si pulveri laudato vel vigesima
saltèm pars pulveris carbonum additur,
& mixtura, in crucibulo ad perfectum
fluorem redacta, effunditur, indè massa
rubicunda, seù pristinum hepar sulphu-
ris denuò resultat: Simplici quippe aquâ
solutum, lixivium præbet salino-sulphu-
reum, quod, instillato aceto vini, pulve-
rem albicantem ad fundum dimittit, qui
probè lotus & colliquefactus, verum sul-
phur minetale, ab ordinario, nec indole,
nec viribus, discernendum, rursus
exhibet (a). Eadem ferme circâ *Pyropho-
ri Hombergiani* genesis observamus: Pul-
verulenta hæc aut grumosa substantia,
nigro vel flavescente colore prædita, ad-

(a) Conf. Stahl. Lib. cit. p. 24. 25. seq.

misso aere liberiori, illicò ignem concipit, & prunæ instar ardet, immò, flavescens, qualem aliquotiès ex alumine usto & vitellis ovorum præparavi, æquè ac sulphur commune accensum, flammulam subcœruleam ad tempus alit. Fortiori calcinatione ex alumine & corpore quodam, inflammabili principio prægnante, v. g. farinâ triticeâ, saccharo, radicè curcumæ, succino, fuligine, pulvere carbonum, vitello ovorum, quin ipsi animantium stercorebus &c. (a) paratur. Hoc productum, flavescente inprimis colore tinctum, vulgari sulphuri minerali naturâ haud dissimile est, præterquàm, quòd ex partibus longè subtilioribus atque mobilioribus, uti hoc ex spontaneâ in aere libero incensione patescit, constet. Si ante incensionem enim alia ejusdem portio cum vini spiritu digeritur, alia portio aquâ solvitur, è priori vera tinctura sulphuris extrahitur, è posteriori autem lixivium resultat, quod, aceto præcipitatum, genuinum lac sulphuris offert: Ut taceam fortem, quem sub ardore spirat odorem sulphureum, aliaque, quæ de verâ ejus indole sulphureâ plana testimonia afferunt.

(a) Vid. Acta Med. Berolinens. Vol. I. N^o 4. p. 67. sequ.

§. XVIII.

Silentio paritèr hoc loco non prætermittendum est experimentum quoddam, ad syncrism referendum, & in scholis Phyllicorum, ubi ad illustrandam fulguris generationem persæpè instituitur, haud ignotum quidè m, ast in præsentì, longè alio respectu, attentâ consideratione dignissimum: Infunduntur scilicet cucurbitulæ vitreæ, colli & orificiì arctioris, quatuor partes aquæ simplicis frigidæ & una pars spiritûs aut olei vitrioli concentrati, ac probè fumantis; quo factò, mixturæ huic paulatim portio limaturæ martis puræ atque recentis injicitur, & vitrum lenitèr movetur, ut singula meliùs misceantur: Sic acidum vitrioli moléculas martiales aggreditur, & illæ proinde forti non tantùm motu intestino agitantur, adeò, ut aliæ ascendere, aliæ in liquore descendere videantur, sed paulò etiàm post, singularis halitus albicans, fœtidus, sulphureus, ex mixturâ ascendit, ac totam cucurbitulam, nebulæ instar, replet, qui, per vitri obturationem temporariam cum digito, copiosius collectus, protinùs, candelâ vitro denuo aperto admotâ, accenditur, itâ, ut hac ratione fulgur oculis, & strepitus, cum

impetu & cucurbitulâ prorumpens , auribus percipiatur. Non vice simplici , sed aliquoties iteratâ , experimentum hoc institui potest , si cucurbitulæ orificium rursûs digito claudere , ac novam halitûs inflammabilis collectionem expectare , cuidam placuerit. Sub mutuâ hac partium actione & reactione in momento quasi ex avulsâ phlogistâ ferri substantiâ , & potenti vitrioli acido verum sulphur inflammabile , quanquàm subtile admodum , volatile atque halituosum , nascitur.

§. XIX.

Alcohol , sive spiritus vini rectificatissimus , phlegmate scilicet separabili prorsum spoliatus , in mixtione suâ *phlogiston* continet *purissimum* , idemque in illo cum nullo principio alio , nisi solo aqueo , unionem , eamque firmissimam , subiit ; hinc laudatus quoque spiritus præ omnibus corporibus aliis , puriori ac primigeniæ substantiæ inflammabili cognoscendæ ac demonstrandæ inservire videtur. Linguae enim instillatus , instar prunæ , vividum ardoris sensum imprimit , & , ulterius in vivi corporis recessus delatum , ubique calorem subito ac notabiliter suscitât , ut actualis fermè ignis intrasse vi-

deatur. Ebullit etiã ad gradum ignis 180, quum aqua gradum 213, oleum lini & mercurius currens sexcentefimum gradum postulent, antequã in ebullitionis motum ruant (a). Accensus in vasculo flammã deflagrat acuminatã, placidissimã, subcoeruleã, sine ullo strepitu; nullum fumum, multò minùs fuliginem spargit, nullum cineris vestigium post consumptionem relinquit. Quid? quod, nullum odorem emittit, nisi quãdam particulæ, uti plerumque fieri solet, adhuc integræ, ac nondùm in motum flammantem conversæ, hincindè ex vasculo calefacto exhalando prodeant.

§. XX.

Memorata spiritus inflammabilis dephlegmatissimi principia analysis, à BOERHAAVIO descripta (b), egregiè probat. Recipitur nimirum magna cucurbita vitrea, orificii angustioris, cujus fundus ita resecatur, ut amplum foramen orbiculare resultet. Sub hac cucurbitã, in loco plano erectã, vasculum, alcohole optimo repletum, collocatur, & alcohol deindè accenditur. Quo factò,

(a) Conf. Boerhaave in Chym. T. I. p. 264;
320.

(b) L. c. T. I. pag. 321. sequ.

videbis , spiritum hunc dephlegmatissimum , placidè deflagrando , sensum consumi , & cucurbitam calefacere , nullâ relictâ facie , nisi forsan pauxillo salis alcalici fixi , quod sese sub dephlegmatione insinuavit : Observabis porrò , per angustum colli orificium nihil exire , nisi vaporem tenuissimum , merè aqueum , in quo nulla acredinis vestigia , nullus odor , nullus sapor sentiuntur. B. S T A H L I U S aliam methodum , recensitâ adhuc meliorem , communicavit , quàm ideò etià ipsissimis verbis enarrar enullus dubito : » Tubos , *scribit* (a) , è laminis , stanno obductis , unius ulnæ » longitudine , duorum vel trium pollicum capacitate , ità paratos habeo , ut » infimo suo latere planum habeant fundum , cum exiguo tubulo sursum protenso , palmum alto ; superiore verò » latere , infundibuli instar , acuti sint , » ità , ut hujus apex , in tubulum baseos alterius , benè coincidat. Talium tuborum tres aut quatuor , alterum alteri impono. Infimo horum infundibulum » capax adapto , cujus apex in canalem istius inseratur : Latiori autem infundibuli capacitati lampadem suppono , » optimo spiritu vini plenam : quales alias

(a) Lib. cit. p. 111. sequ.

» pro patinis argenteis calore fovendis,
» aut vasculis Thea potum continenti-
» bus usurpari solent. Tempero ellych-
» nium, ut flammam præbeat, non mayo-
» rem, quàm exiguæ olivæ lapillus. Re-
» pono in loco tranquillo, ut pacatè ar-
» dere valeat. Ita sex unciaë boni spiritûs
» facile totidem horas ardent: citrà ullam
» præfestinam nudam evaporationem.
» Hac ratione, in mensurâ assumpti spiri-
» tus, non nisi levissimus defectus senti-
» tur; dùm interim aquositas, ad frigi-
» da latera tuborum citò allabens, & co-
» piose ad fundum singulorum, secundi,
» tertii, quarti tubi, defluens, ibi col-
» lecta, inverso tubo, per apicem ejus
» conicum, de tempore in tempus, ef-
» fundi potest, seorsim asservanda. Ità
» certè, quantumque unquam spiritûs
» ardentis optimi comburatur, nec vola,
» nec vestigium, ullius fuliginis, invenitur:
» absumptâ verò portione, quæ flammam
» præbebat, totum reliquum, aquâ re-
» peritur, falsedine aliquali, sed certè
» paucissimâ, imbuta. &c. Luculentissimè
» ex hiscè experimentis patescit, nihil am-
» pliùs, nisi phlegma & phlogiston tener-
» rimum, atque purissimum intinam alco-
» holis mixtionem ingredi: Quod in poste-
» riori enim experimento levissimam aquæ

collectæ falsedinem attinet, illa sine dubio ex paucâ, subtili, adeoque invisibili, fuligine ellychnii simul combusti originem duxit, nec antea in ipsius spiritus mixtione, tanquàm pars constitutiva, hæsit.

§. X X I.

Phogiston primigenium, etiàm extrà crassiorem mixtionem corpoream spectatum, non tantùm in poris corporum quorumvis, sed copiosè paritèr in expanso atmosphærico reperitur dispersum. Prius inter alia ex notissimis nostro ævo experimentis electricis, nec minùs è successivâ omnium corporum, si aliquamdiù radiis solaribus exponantur, incalescentiâ; posterius e metteoris igneis, in superiori aeris regione subindè apparentibus, cognoscitur. Quamprimùm enim ignis actualis in telluris atmosphærâ conspicitur, certò judicare licebit, vel effluvia sulphurea ac pingua, post ascensum suum in aerem, nondùm in corpuscula primigenia resoluta, sed adhuc composita, tanquàm subtilissima, ignibus hiscè meteoricis materiam præbuisse, vel substantiæ phlogistæ primigeniæ portionem cum materiis aliis salino-terreis in tenerrimam abiisse mixtionem corpoream, & indè

enata corpuscula sulphurea inflammabilia, accedente adæquatâ causâ impellente, paritèr concepisse motum igneum & flammantem. Ut ut interea sit, manifestè ad minimum exindè liquet, multùm materiæ inflammabilis, tùm sub formâ primigeniâ, tùm crassiori etiâ corporeâ, in aeris expanso hinc indè fluctuare, ac circumferri; præsertim, si ingens illa effluviorum copia, quæ sub putrefactione, & perenni corporum exhalatione naturali, maximè autem sub sulphureorum, resinorum ac pinguium combustionè, in atmosphæram ascendunt, considerationi subjiciatur.

§. XXII.

Ex hætenus considerato principio inflammabili, cum terreo, uti antea pridem dictum, arctissimè coalescente, *phlogiston primigenium*, & indè postea, syncrifi novâ ac variâ cum aliis principiis interveniente, diversæ illæ substantiæ, plus pariter minùsve inflammabiles, quæ multis medicamentis, in sequentibus specialissimè considerandis, activa fœnerantur principia, vel immediatè, ut *sulphura*, *concreta camphorata*, *olea* &c., vel mediâtè, ut *resina*, *gummata*, *bitumina*, *pinguedines*, *mucilagines* &c. suos natales ducunt.

§. XXIII.

Sulphura sicca mineralia, tam pura ac solitaria, quàm mineris metallicis, semimetallicis, aliisque concretis mineralibus interjecta, immixta, & adhærentia, ex *acido specifico*, quòd vulgò *vitriolicum* vocatur, & *substantiâ inflammabili primigeniâ* inveniuntur composita, & memoratæ partes constitutivæ tam arctè in iis cohærent, ut vix, aut ne vix, nisi ipsa accedat incensio in aere libero, iterum possint divelli: Acidum tamèn quantitate longè superat portionem phlogistam, ità, ut illud quasi matrix seu corpus, hæc anima vocari mereatur. Ab hiscè plus minusve distincta sunt *Concreta camphorata* & *Olea*, tùm *atherea*, tùm *spissiora unguinosa*: Illa enim ex primigeniâ substantiâ inflammabili, & solâ terrâ teneriori constant; hæc autèm, præter phlogiston & terram, aliquam paritèr falls acidì subtilioris & aquæ partem ad sui mixtionem postulant; quemadmodùm de hisce plura in futuris Sectionibus specialibus passim videnda sunt.

§. XXIV.

Olea atherea cum acidis potentioribus, præsertim vitriolico, facilè in *Resinam*,

pinguia verò sive unguinosa cum acido eodem, vel etiam nitroso, alioque, in *Pinguedinem*, & utraque denique cum alcali fixo in *Saponem* coeunt. E quibus protinùs ac clarè apparet, resinam quamcunque ex *acido potenti*, *vitriolica* plerumque *indolis*, & *oleo aethereo*, quibus ordinariò tamen in resinis naturalibus pauxillum *phlegmatis*, & major vel minor *terra*, (cum tenerrimâ illâ, quæ ipsius olei mixtionem ingreditur, non confundendæ) quantitas intermixta reperiuntur, conflata esse; ad componendam verò pinguedinem animale, *oleum essenziale unguinosum*, nec non *acidum*, & aliquam *terra* & *aqua* portinem concurrere. Parùm quoque à resinis, respectu elementorum, *Bitumina mineralia* differunt, præterquàm, quòd loco olei ætherei subtilioris vegetabilis, sigulare *oleum minerale*, vulgò *petroleum* aut *naphtha* dictum, & semper quoque *acidum vitriolicum* ad genesis eorundem requirantur.

§. XXV.

Quemadmodùm resinæ, bitumina, pinguedines, & gelatinæ animales primariò oleum substantiale, & bina quidè concretà priora æthereum, vel æthereo tamen valdè analogum, posteriora un-

guinosum spissiusculum ad sui mixtionem postulant ; sic *Gummata*, & *Mucilagines* vegetabiles nascuntur , quandò simplicior duntaxat *substantia inflammabilis* , aut *oleosa* tamèn tenerrima , parciùs interjecta , cum largâ *substantiâ terreo salino-aqueâ* unionem subit : Hinc gummi quoque , & mucilagines in aquâ facile solvuntur , spiritûs vini rectificatissimi consortium ex adverso respuunt.

§. XXVI.

Relictis concretis , ex inflammabili principio maximè nascentibus , nunc ad uberiores quoque PRINCIPII SALINI contemplationem pedem promovebo. Hoc , sub extremâ suâ tenuitate , puritate ac relativâ simplicitate , æquè ac inflammabile , sensibus nostris sese penitùs subducit , nec unquàm iis potest cognosci , nisi cum terrâ subtilissimâ & aquâ mixtionem seu unionem subeat arctissimam , & hac ratione *sal primigenium* seu *primordiale* producat , eodemque mediante in alias tandèm , easque crassiores , concreciones salinas corporeas , compositas & decompositas transeat. BECHERUS quidèm , STAHLIUS , eorundemque asseclæ longè aliàm , ac planè à præcedente diversam , de salis primordialis

elementis ac genesi sententiam fovent ,
& B. STAHLIUS omni in primis studio
demonstrare annisus est , nullum reperiri
principium salinum , propriè scè absolute
ità dictum , sed tantummodò sal primi-
genium , non ex peculiari quodam prin-
cipio salino , per intimam cum aquâ &
terrâ tenerrimâ coalescentiam , sed uni-
cè ex aqua & terra primordiali , singula-
ri modo unitis , enatum , & proinde e-
tiàm in duo hæc elementa iterùm resolu-
bile : *Verum enim vero* , licèt experimen-
ta , ad hypothesin confirmandam à
STAHLIO (*a*) non minùs , quam
KUNCKELIO (*b*) adducta , clarè pro-
bent , sal etiam tenerrimo multùm aquæ
atque terræ inhærere , & utriusque prin-
cipii concursum ad salis corporei produc-
tionem absolute necessarium esse , immò
illud , quoad maximam partem , terram
& aquam esse , indè tamen nondùm suf-
ficienter patescit , solum principium a-
queum atque terreum verum sal formare
posse. Et quanquàm indicata etiam expe-
rimenta nihil principii salini puri , & seor-
sim spectandi , sistant , credere nihilo-
minùs licebit , principium hoc , factò ele-
mentorum divortio , partim de novo cum

(*a*) In Tract. de Salibus.

(*b*) In Laborat. chymico.

terrâ intimè coaluisse , ut nullum ampliùs ejusdem vestigium apparere potuerit , partim , à compedibus suis , & reliquorum consortio liberatum , ac simplicitati , puritati atque subtilitati spirituosæ restitutum , insensibiliter , sine conspicuo arrosionis effectû , soli tantùm crassiori corporeo sali proprio , per vasorum juncturas , ut ut exactissimè clausas , penetrasse , protinùsque abiisse in auras. Cur insensibilem enim ejusmodi abitum huic principio denegare vellemus , quum eundem tamen inflammabili principio , sub motu calorifico & igneo corpora compactissima & durissima penetranti , nec non materiæ magneticæ atque æthereæ , concedere cogamur , quin liquida quædam salina tam subtilia inveniamus , ut vasorum juncturas , luto optimè munitas , transeant ?

§. XXVII.

Exemplum nobis inter alia *spiritus salis concentratus* GLAUBERI suppeditat , ex sale culinari , probè siccato , cum oleo vitrioli parandus. Hic spiritus sub destillatione luta densa ac crassa tam liberè , quàm aqua cribrum , transit , ita , ut ex librâ integrâ salis culinaris interdùm vix aliquot drachmæ spiritûs in receptaculo

colligantur, qui, etiamſi ſat largâ ad hoc phlegmatis quantitate mixtus ſit, tantæ ſubtilitatis ac volatilitatis deprehenditur, ut totus fermè, ſub nebulæ albicantis formâ, è vafe aperto in auras diffugiat, & una quoque aut altera ſaltem guttula, lapidi inſtillata, citiùſque flatu diſperſa, adeò totum conclave halitu impleat, ut viſu & olfactu ſatis cognoſci queat. Refert quidèſ laudatus S T A H L I U S, materias, ſuſceptis experimentis adhibitas, nihil prorsùs amiſiſſe, eductamque terram, & aquam priſtinum pondus aſſumpti acidi vitriolici, & olei ætherei denuò æquaſſe, ut nihil abiſſe certò indè conſtaret: Attamen probè hoc loco perpendendum erit, 1.) verum principium ſalinum, poſt ſeparationem plenarium, adeòque in perfectâ ſuâ puritate conſideratum, exigui admodum ponderis eſſe, æquè ac phlogiſton in ſulphure communi, quòd præ ceteris tamèn inflammabili principio abundare videtur, 2) magma terreum, peractâ deſtructione enatum, maximam ſine dubio acidi partem in intimam ſuam mixtionem recepiſſe, ac ſimul compactius, adeòque etiam gravius, evaſiſſe, ut amiſſa igitur portio nullo planè modo ſentiri potuerit, uti ſimile quid in minio obſervare licet, cujus pondus

nonnihil pondus plumbi , è quo calcinando fuit paratum , superat , etiam si principii inflammabilis jactura , adeoque veræ materiæ imminutio satis manifesta sit. Quicquid interea sit , meam lubens mutabo sententiam , si chemicorum aliquis unico saltem argumento , à contradictione fundatâ penitus tamen immuni , monstrare mihi , ac demonstrare poterit , ex merâ terrâ & purissimâ aquâ verum sal posse componi. Parum enim videtur referre , an sal primigenium , cujus existentiam haud quisquam negat , ex solâ terrâ & aquâ , an verò ex singulari quodam principio salino & terreo enatum sit , & enascatur.

§. XXVIII.

Sal primigenium , sub formâ fluidi subtilissimi ac mobilissimi per expansum atmosphæricum largissimè distributum , ex corpusculis acutis , rigidis , *acidæ indolis* , constare , & proximè ad naturam acidî vitriolici accedere , variæ observationes , variaque experimenta satis testantur. Quando enim , ut pauca saltè adducam , sal quoddam fixum alcalicum aeri liberi , in loco tamèn tecto , exponitur , ibidemque per annum & ultrà relinquitur , crysalli salinæ , tartaro vitriolato ,
quoàd

quoad formam, saporem, ac totam indolem simillimæ, in eo generantur, ita, ut temporis successu tota propemodum salis alcalici moles in crystallinum atque perfectum sal medium mutetur. Notatu quoque hoc loco digna sunt, ac multum lucis foenerantur, quæ VALENTINI & GRIMMIUS in *Miscellaneous Academia Naturæ Curiosorum* communicant. Prior nimirum refert, D. N. MOLTHERUM, olim practicum medicinæ Wezlarientem, frustulum vitrioli martis habuisse, quod per se, absque ullius acidi vulgaris concursu, in limaturâ ferri, aeri aliquamdiu expositâ, concreverat (a), & posterior, qui Bataviæ in Indiâ degens, persæpe summo manè rorem ante solis ortum colligendum curaverat, aliquando, cum pueri condicti illum afferrent, non sine admiratione eundem sapore falso-acidiusculo, atque nonnihil vitriolato imbutumprehendit. Filtratus, ac leni B. M. calore evaporatus, ac concentratus, liquorem exhibuit ponderosum, flavo colore tinctum, valdè salinum ac vitriolatum. Varias cum eo, non sine successu, tentavit solutiones. Quum auro enim parùm hujus liquoris addidisset,

(a) Dec. II. Ann. 8. Obs. 76.

pulvisculus subluteus præcipitabatur , auro tamen parùm admodùm de pondere suo amittente. Argentum faciliùs in liquore hoc solvebatur , ut & cuprum , quod sub evaporatione caudam pavonis , uti Author loquitur , repræsentabat. Ferrum cum illo in dulce vitriolum abiit , stannum plumbum & mercurius autem in liquorem album , qui destillando spiritum , instar aceti destillati , est multò fortiolem , suppeditabat; in collum retortæ sale candido crySTALLINO , mercurii sublimati instar , sese sublimante , in fundo verò remanente sale , marini æmulo &c. (a)

§. XXXIX.

Laudatum sal primigenium seu acidum aereum , quod æquè , ac phlogiston , sub combustionem , & perenni corporum exhalatione atmosphæræ restituitur , merito parens , atque præcipuus salium reliquorum genitor æstimandum est , & proximè ex illo , aut remotè , hoc est , vel mediata , vel immediata , interveniente scilicet ulteriori compositione , & firmiori aut laxiori unione cum aquâ , cum terris , & substantiis unguinis , aut inflammabilibus tenerioribus , quævis *salia cor-*

(a) Vid. Dec. II. ann. 4. Obs. 56.

porca acida, media, & alcalica indolis originem ducunt. Ex copiosâ enim terrâ solubili, paucô acido, & paucâ paritèr materiâ inflammabili unguinosâ aut oleosâ, reliquis principiis, ignis violenti beneficio, intimè miscendâ, *salia alcalia fixa* componuntur. Additâ deinde, vel sub primâ statim genesi accedente, largiori substantiæ oleosæ, pinguis, aut saltè inflammabilis tenerioris portione, *salia alcalia volatilia* sive *urinosa*, & ex acidi denique & alcalici salis connubio *salia media, neutra, enixa*, nascuntur, ità tamèn, ut post acidi & alcali volatilis sive urinosi unionem *salia ammoniacalia*, factâ autèm acidi & alcali fixi proportionatâ miscelâ, & arctiori cohæsione, *salia neutra vulgaria, comparativè fixiora* prodeant; quemadmodùm de singulis hisce plura in Sectionibus specialioribus de *salibus alcalicis & mediis* videnda erunt.

§. XXX.

Consideranda restant bina posteriora corporum principia chymica, *AQUUM* videlicèt atque *TERRUM*, quæ vulgò, non absolutè quidem ac verè, sed hypotheticè saltè ac relativè, elementa passiva dicuntur. *AQUA*, sub densiori scilicet aggregatione considerata, & purissi-

ma, h. e., nullis corpusculis heterogeneis imprægnata, est fluidum humectans, mobilissimum, exhalabile, pellucidum, valdè potosum, insipidum, inodorum, & , crysalli purissimæ instar, omnis coloris expers. Calore facillimè quidem expanditur, & in tenerrimos resolvitur vapores, nullâ tamen arte in arctius spatium comprimi potest: Undè quodammodò patescit, molem aqueam ex corpusculis exilissimis, durissimis, sphæroidæis, ad motum intestinum perennem; sub certo caloris gradu subeundum, apertissimis, constare.

§. XXXI.

Principium hoc plerisque triplicis naturæ regni corporibus compositis, tum *structis*, tum *mixtis*, inhærere, immò, ad singulorum genesin concurrere, variæ observationes & chymica examina abundè docent: Ex quo cum HELMONTIO tamèn, ejusdemque antesignanis & assensibus minimè concludendum erit, aquam unicum & primordiale omnium elementum esse, sed id tantum inde licebit colligere, aquam sub corporum compositorum productione reliquorum principiorum vehiculum constituere, eademque, ut & moleculas jam corporeas diversissi-

ma indolis , quas in sinu fover , adducere & introducere , iisdemque post segregationem & appositionem relictis , evaporando rursus abire.

§. XXXII.

TERRA PRIMORDIALIS pura , seu quantum corporum elementum chymicum , & præcipua præcedentium principiorum matrix , immò , unica solidorum durabilium basis , est substantia insipida , inodora , mollis , siccissima , & per se in igne fixissima. Sub violentissimâ enim Vulcani torturâ neque fluit , neque in halitus mutatur. Respuit quoque omnem solutionem in aere , aquâ & menstuis aqueo-inflammabilibus , nisi prius principium salinum receperit in consortium , & sic , elementari suâ puritate ac simplicitate amissâ , in concretum terreo-salinum mutata fuerit. In globo terraqueo purissima hæc terra elementaris nullibi quidem reperitur solitaria , sed diversimodè potiùs reliquis principiis mixta ; vario nihilominùs artificio chymico è triplicis regni corporibus educi . & , à principiis reliquis separata , seorsim monstrari potest.

§. XXXIII.


Quanquàm terra pura elementaris per se in igne sit fixissima, exilissimæ tamen ejus atomi in aerem evehi, ibidèmq; hinc inde cum reliquis exhalationibus liberè fluctuare possunt, quandò scilicet fortior aeris commoti impulsus accedit, aut illæ ipsæ pinguibus, inflammabilibus, aqueis & salinis corpusculis adhærent, & ideò ab illis, in atmosphæram abeuntibus, simul abripiuntur. Atomi enim terrestres, quas vulgo *atomos solares* (*Sonnen staubigen*), vocant, vel ipsam terram puram elementarem sistere, vel proximè tamen ad eandem accedere videntur. Persæpè illæ, quoad corpoream suam molem, & continuam in aere agitationem, à radiis solaribus, per foramen exiguum in conclave tenebricosum admissis, visibiles redduntur, immò, motu privari ac colligi possunt, quandò velum, sive pannus sericeus nigerrimus in conclavi mundo, clauso, & quieto expanditur. Intra breve enim tempus velum hoc tenerrimo pulvere terreo cinerei coloris obductum reperitur.

§. XXXIV.

Atomi hæc terrestres , in aere vagantes , aquæ pluviali , rori &c. sese immiscunt , & cum eâ in globum nostrum dejiciuntur ; hinc in aquis hisce meteoricis , sub cælo libero , & aere tranquillo collectis , superveniente motu putredinoso , præter materias alias , etiâ terra quædam tenerima albida , inodora , insipida , mollis , neque in aere , neque aquâ , alcohole , oleo , igne , solubilis , segregatur , quæ cum illâ convenit , quam chymici è cineribus plantarum , & calcinatis animantium ossibus , iteratæ loturæ seu elixiviationis beneficio , educunt , & vulgò ad parandas testulas docimasticas adhibent. Maximam pariter similitudinem habet cum terrâ , è fuligine separatâ : Nam fumus , sub combustione lignorum assurgens , fuliginem densam paulatinâ adhæsiône producit , quæ chymicè examinata , præter phlegma , sal & oleum , etiâ caput mortuum terreum suppeditat , quod debitè elixiviatum & calcinatum , memoratam terram purissimam relinquit.

GENERALI principiorum considerationi *Tabulam*, in *Historiâ Academiæ Regiæ Parisinæ ann. 1720.* à GODOFREDO communicatam, in quâ *gradus affinitatis* corporum quorundam, circâ unionem atque dissolutionem facilius peragendam scitu necessarii, designantur, subjungere placet. Tabula hæc, quod addendum duco, chemicis multùm quidem utilitatis præstat, aliquam nihilominùs limitationem circâ subjecta nonnulla admittit; quemadmodum plura de hisce in *Miscell. Societat. Regiæ Scient. Berolinensis* Continuat. II. P. 87. sequ. videnda sunt.

| | | | |
|---|--|--|--|
| Spiritus acidi Salia alcalia fixa Salia alcalia volatilia Terræ absor- bentes Substantiæ metallicæ | Acidum falis marini Stannum Regulus an- timonii Cuprum Argentum Mercurius | Acidum nitri Ferrum Cuprum Plumbum Mercurius Argentum | Acidum vi- trioli Principium fulphu- reum & oleosum Alcalia fixa Alcalia vola- tilia Terræ absor- bentes Ferrum Cuprum Argentum |
| Sal alcali fi- xum Spiritus vi- trioli Spiritus nitri Spiritus falis Acetum de- stillatum Sulphurcom- mune | Sulphurcom- mune Alcali fixum Ferrum Cuprum Plumbum Argentum Regulus an- timonii Mercurius Aurum | Mercurius Aurum Argentum Plumbum Cuprum Stannum Regulus an- timonii | Substantiæ metallicæ Spiritus falis Spiritus vi- trioli Spiritus nitri Acetum de- stillatum |
| Terræ absor- bentes Spiritus vi- trioli Spiritus nitri Spiritus falis | Sal volatile alcalicum Spiritus vi- trioli Spiritus nitri Spiritus falis | Plumbum Argentum Cuprum | Cuprum Mercurius Lapis cala- minaris |
| Argentum Plumbum Cuprum | Ferrum Regulus an- timonii Argentum Cuprum Plumbum | Regulus an- timonii Ferrum Argentum Cuprum Plumbum | Aqua Spiritus vini Sal |



SECTIO SECUNDA.

De insipidis Terreis & Terreo-
gelatinosis.

CAPUT PRIMUM.

De naturâ & principiis Terreorum.

§. I.

TACHENIUS, SYLVIVS, eorundemque asseclæ, qui ægritudinum fermè singularum originem ex acido præternaturali, ceu causâ maximè communi derivare consueverunt, multa præterito seculo TERREA ALKALINA, alteriusque generis, in Materiam medicam introduxerunt, horumque numerum deinceps nonnullorum libido, inventa, & civitate pharmaceuticâ donata, novorum additione in dies multiplicandi, tantopere auxit, ut labores quorundam neoteri-
corum, qui me-

dicaminum indolem ac vires scrutinio exactiori subjecerunt, Augiæ huic stabulo paulisper iterum à nimis sordibus terrestribus repurgando, hætenus nondum suffecerint; præsertim, cum hæresum hujusmodi medicarum fautores, ea, quæ credunt, aliisque credenda obtulerunt, omni studio defendere annisi fuerint, & annitantur. Quæ omnia tamèn nullatenus eum in finem dicta sunt, ac si terreorum ejusmodi usum prorsus damnandum esse existimarem, sed ideò tantum illa præmonere consultum duxi, ut cum aliis, qui veras medicaminum vires sibi notas reddiderunt, usum eorundem angustioribus limitibus includerem, & abusum, ex ignorantia, ac falsis hypothefibus ortum, penitus tollerem.

§. II.

Terrea insipida & inodora, quæ vulgò *absorbentia*, *precipitantia*, nec non, ob aliquam cum salibus alcalicis, quoad proprietates & effectus, convenientiam, *alcalina* dicuntur, natura nobis è triplici suo regno suppeditat, plurima tamen ex minerali & animali, paucissima ex vegetabili. Si enim à coralliis, similibusque plantis submarinis imperfectis ac lapideis discesseris, vix inter vegetabilia, ea-

que simplicia , ac cruda , h. e. , nullam adhuc calcinationem experta aut solutionem , terrea , alcalinis veris accensenda , inveniuntur.

§. III.

Sicca ac dura hæc concreta ex merâ *terrâ* , in aliis teneriori , in aliis crassiori ac rudiori , & paucâ *substantiâ glutinosâ* , vel *gelatinosâ* animalis , vel *unguinosa* mineralis profapiæ , coagmentata sunt , ac solidam hanc texturam , cum figurâ suâ specificâ , tamdiù retinent , quamdiù interposita materia glutinosa terreas particulas compingit atque conglutinat : Extractâ verò hac substantiâ conglutinante per menstruum conveniens , vel violentius etiam , quod facilius succedit , expulsâ & destructâ per ignem siccum , pristinam cohesionem protinùs amittunt , evadunt friabiliora , & in veras ac meras calces terrestres , diversæ tamen teneritudinis & acrimoniæ , fatiscunt. Annotante enim B. HOFFMANNO (a) , ovorum testæ , in vase aperto exustæ , copiosum , eumque fœtidissimum , odorem emittunt , & calcem relinquunt insipidam , quæ , sine sulphuris odore , cum

(a) In Obs. physico-chymicis Lib. II. Obs. 30. pag. 225.

acidis effervesceat. Os sepiæ foetidum pariter odorem spargit sub exustione, magis tamen salinum, quàm empyreumaticum oleosum, & deindè calcem offert spongiosam, saporis subsalsi alcalini, quæ vehementer cum acido vitrioli ebullit, & odorem diffundit, similem illi, quem in præparatione lactis sulphuris percipimus. Lapides cancrorum, ut & conchæ & ostreæ subtilen: ac vix sensibilem vaporem eructant, sine ullo olei empyreumatici vestigio, & calx, è lapidibus cancrorum relicta, admodum subtilis est, & albicantis coloris, ex ostreis & coralliis verò calce vivâ adhuc acrior. Sapor cæteroquin apertè salus & nonnihil alcalinus in calcinato osse sepiæ, sine dubiò a sale marino, poroso huic corpori copiosè inhaerente, derivandus erit; quemadmodum etiàm sub calcinationis initio strepitum quemdam exaudiri, & sensibilem decrepitationem contingere, certum est.

§. I V.

Neque oleosis aut spirituosoinflam-
mabilibus, neque salinis mediæ aut alca-
licæ indolis, neque merè aquosis, sed
acidis solummodò menstruis terrea hæc
corpora obtemperant. Quæ enim alibi

(a) de ſolutione quorundam per aquam & olea dicuntur , a regulâ ordinariâ longè recedunt , & valdè diuturnas digeſtiones , aut varias operationes chemicas poſtulant , rarioriſque præterea obſervationis ſunt. Sola proindè acida iſdem reſolvendis apta exiſtunt , dùm terream portionem , quæ glutinoſam quantitate longè ſuperat , promptè aggrediuntur , eamque , præviâ efferveſcentiâ , corro-
dunt , atque deindè cum particulis corro-
ſis in corpus falſum coeunt , ità ut pri-
ſtinus acor prorsùs evaneſcat ; minimè
nihilominùs credendum eſt , ex novo hoc
terræ & acidi connubio completum fal
medium enaſci ; magma enim , ſub unio-
ne memoratâ reſultans , ſolummodò ter-
reo-falſum eſt , quod totum quidè in
aquâ ſolvitur , cryſtallos tamen perfectè
falſas nunquam format , quippe quæ
tùm demùm concreſcunt , quandò aci-
dum cum perfectò fale alcalico unionem
ſubiit.

§. V.

Pro diverſâ acidi ſolventis indole &
actîvitate , nec minùs pro discrepante
diſſolvendi corporis terreî texturâ atque
denſitate, ſolutio nunc citiùs, nunc tardiùs.

(a) Cap. de Coralliis & Cryſtallo mont.

succedit, & inde enata substantia terrea non linguæ tantum diversum inprimit saporem, sed diversum pariter in corpore effectum edit. Observante enim laudato HOFFMANNO (a), solutiones alcalinorum, spiritu salis factæ, valde amaricante sapore, & laxante, stimulante, atque aperitivâ virtute pollent: Cum acido vitrioli susceptæ, fere insipidæprehenduntur, & temperantem, adstringentem, roborantem ac diureticum effectum edunt. Distincti tamen gradus circa amaritiem solutionum, quas acidum salis præstitit, pro corporis soluti diversitate notandi sunt. Omnium quippè amarissima sit solutio ossis sepiæ, minùs amara solutio testarum ovorum, adhuc minùs solutio lapidum cancerorum, & omnium minimè solutio concharum. Differentia hæc sine dubio ab inæquali olei, quod mixtionem conglutinantis gelatinæ ingreditur, quantitate dependere videtur: Testæ ovorum enim & os sepiæ, uti antea relatum fuit, fortiolem foetorem sub calcinatione spargunt, & majorem, quàm lapides cancerorum &c., olei portionem in mixtione foyent.

(a) Lib. c. p. 226.

Expertos deniquè latere nequit, acidum aliud promptius alio terrea hæc concietata aggredi, majoremque quantitatem solvere: Una quippe *spiritus salis* uncia, testante HOMBERGIO (a), solvit *lapidum cancrorum* drachmas tres, *matris perlarum* drachmas duas, *perlarum* drachmam unam & grana quinquaginta sex, *ostrearum* drachmas duas & grana duodecim, *cornu cervi* drachmas duas cum granis viginti & uno, *coralliorum* drachmas duas & grana triginta sex, *lapidis bezoardici orientalis* drachmam unam & grana quadraginta sex, *lapidis bezoardici occidentalis* drachmam unam cum granis quinquaginta & uno, *calcis vivæ* drachmas duas & grana quinquaginta quinque, *calcis extinctæ* drachmas duas & grana quadraginta novem: *Æqualis* autem *spiritus nitri* quantitas solvit *lapidum cancrorum* unciam dimidiam & grana novem, *matris perlarum* drachmas duas & grana quinquaginta octo, *perlarum* drachmas tres, & grana tria, *ostrearum* drachmas tres & grana viginti, *cornu cervi* drachmas tres & grana viginti octo, *coralliorum* drachmas tres &

(a) Vid. Memoir. de l'Acad. Royal. des sciences Ann. 1699.

grana septem, *lapid. bezoardici orientalis* drachmam unam & grana triginta sex, *lapidis bezoardici occidentalis* drachmas duas, *calcis vivæ* drachmas duas & grana triginta sex, & *calcis extinctæ* drachmas tres.

C A P U T II.

*De modo operandi & virtutibus medicis
Alcalino-Terreorum.*

§. I.

TErrea alcalina, per se considerata, ac sibi relicta, solâ pollent *virtute antacidâ*; hinc, acido in ventriculo & intestinis absente, nullum prorsus effectum in corpore humano edunt, multo minùs, etiamsi in pulveres subtilissimos redacta fuerint, ad sanguinem & lympham transferuntur, sed meræ terræ ac fatuæ calces sunt, quæ ventriculo, præsertim largiori quantitate exhibitæ, molestiam creant, ac sine præstitâ utilitate cum excrementis denuò per alvum eliminantur. Nonnulli quidè, moleculas hujusmodi pulverum exilissimas cum aquâ per chartam bibulam penetrare, adeoque cum chylo pariter, aliisque primæ culinæ liquoribus per vasa lactea ad

humores circulantes tranſire poſſe , perhibent : At prius , & per conſequens etiã poſterius , falſum eſſe , autopſia me edocuit. Tenerrima enim illa cruſta albicans , quã fundus & latera vitri , poſt filtrationem , & aquæ trajectæ evaporationem , obducuntur , quamque ſententiæ hujus patroni probandi fine allegant , non tantũ naſcitur , quando aqua , cum lapidibus cancrorum pulveriſatis aut ſimili terreo corpore aliquamdiũ trita , poſt filtrationem evaporatur , ſed pari modo ac pari craſſitie concreſcere obſervatur , quando ſola aqua ſimplex fontana , præviã filtratione , evaporando conſumitur , ut inde igitur ſatis pateat , cruſtam memoratam ex præcipitatâ , relictâ & appoſitâ ſubtili materiâ terreâ , quã aquæ fontanæ plerumque refertæ ſunt , ſuam trahere originem.

§. I I.

Aliter de actione ac viribus terreorum ſentiendum erit , quando acidum , præſertim potentius , in primis viis copioſè ſtabulatur : Protinũs nempe hoc ipſum terrea hæc corrodendo ſolvit , & arctiori unionem ſuã ſalinam iisdem indolem conciliat , ut poſteà à liquoribus aqueis facilimè ſolvi , & ad ſanguinem transferri

possint (a). Non extenditur igitur laudata virtus antacida ultrà primæ culinæ limites : Sola enim terrea, ab acido nondum corrosa, vasa lactea, aliaque bibula subire atque permeare nequeunt, & terreo-salsa, corrosionis beneficio producta, acido absorbendo non ampliùs apta existunt, sed, sub salinâ hac formâ atque indole ad humores circulantes deducta, lenissimè duntaxat solida stimulant, fluida spissiuscula blandè incidendo nonnihil resolvunt, atque abstergunt, & aliquam proinde, quanquàm valdè exiguam, virtutem aperitivam, diureticam, quin diapnoicam, vel subindè etiàm, contrario planè effectû, debilem adstrictoriam exerunt. Undè patet, illos in gravi omninò errore versari, qui

(a) « Denique, BOERHAAVIUS scribit in *Chymicæ* T. I. p. m. 489., aqua potest
 » dissolvere multa terrestria corpora, quæ sola
 » nunquam ab eadem aquâ dilui poterant, neque
 » dissolvi. Ostracodermata, piscium mollium chelæ, thecæque cancrorum, gammarorum, cochleæ limacum, pisciumque, tam in fluviis, quàm
 » in mari degentium; illorum cornua, ungues,
 » ossa & alia similia, postquàm primò in acidis
 » suis propriis solventibus erosa penitus fuerunt,
 » deindè queunt in aquâ omnino dissolvi. Idem
 » etiàm creta corallia, margaritæ, mater perlarum, saxa calcinata, silices, dudum docuerunt
 » &c.

acidum, per maſſam ſanguinis ac lymphæ quandoque diſperſum, itidè antacidis hiſce extingui poſſe opinantur.

§. III.

Non deſunt quidè, etiàm inter neotericos, qui iſtud, quod vix negavimus, niſi immediatâ miſcelâ, certè tamèn paulatinâ liquoris gaſtrici ſecreti, ac denuò ad ſanguinem reducti, edulcoratione, in ipſo ventriculo fieri poſſe perhibent: Aſt rectius aſſertum ejusmodi ingenioſis commentis, quàm probabilibus hypotheſibus annumerandum eſſe, pronunciare nullus dubito. Quis ſolidè enì demonſtrare audebit, ſingulas particulas acres, univerſæ maſſæ ſanguinis ac lymphæ immerſas, ſucceſſivè in ventriculi glandulis cum liquore gaſtrico ſecretum iri, ut ibi per terrea alcalina deſtrui atque inverti, adeòque humores circulantes præternaturali acrimoniâ liberari queant? Immo, quis ſibi perſuaderi patietur, nocivas partes ſalinas in cruore animantium crebrò genitas, crebrò quoque acidæ indolis eſſe? Acidum profeçtò, quod in primâ culinâ reperitur, & ſolventis munere interdùm perſungitur, rariffimè ex ſanguine ac lymphâ in glandulis memoratis ſecernitur, ſed ordinariò infertur

cum alimentis solidis vegetabilis profa-
piæ, quæ acido debili, vel etiam acriori,
scatent, nec minùs cum potulentis, fer-
mentatione paratis, itemque cum lacte
& lacticiniis, aliisque nutrimenti gene-
ribus, quæ vel explicitum secum addu-
cunt, ac sine morâ gastrico liquori mis-
cent, vel implicitum, diutiùs scilicet in
ventriculo relictæ, lenioris demùm fer-
mentationis beneficio evolvunt. Utrum-
que postea majorem acrimoniam contra-
hit, & tandèm, mole magis magisque
auctum, vel fortuitò etiam è foco suo
excussum, lædere, variosque morbos,
vellicando, erodendo, coagulando, pro-
ducere incipit.

§. I V.

Clarè ex præmissis constare arbitror,
quod terrea hæc medicamenta hominibus
qui lacte, lacticiniis, pultibus farinaceis
placentis, acetariis, fructibus horæis,
leguminosis &c. frequentius vescuntur,
& vina acida, austera, cerevisiam aceti-
centem, & potulenta similia copiosè hau-
riunt, itemque infantibus tenellis, solo
adhuc lacte, & puliculis nutriendis,
præcipuè commendari mereantur, &
quod unicè pariter in iis morbis certum
spondeant auxilium, qui venenis caustis

cis, ac constrictoriis mineralibus, aut abundanti & acriori saburræ acidæ, uti ardor ventriculi, bulimus, ructus acidi, febris intermittens quotidiana & quartana, tormina ventris infantum, epilepsia infantilis, eaque stomachalis, ut & variæ vomitûs, cardialgiæ, colicæ, diarrhœæ, immo dysentericæ, species &c., præcipuam originem debent. Facile prætereà concedi poterit, nonnunquam ea aliquam pariter utilitatem præstare, nullatenus tamen, ut merè terrea, sed ab acido ventriculi peregrino corrosa prius, ac solubilia reddita, adeoque ut falsa, in obstructionibus viscerum, sabulo renum & vesicæ, dysuriâ, scorbuto, affectibus arthriticis & rheumaticis, sanguine congrumato, asthmate pituitoso &c., dùm ratione prædictâ in simpliciter falsa, vel falso-amaricantia transformata, blandè stimulant, abstergunt, aperiunt, & quod antea pridem dictum, lenissimam diuresin ac diaphoresin provocant. Quæ omnia tamèn cum grano salis accipienda sunt, ne, denuò in vulgares errores delapsi, inertibus hiscè corporibus plus, quàm reverà possident, tribuamus, & virtutibus quibusdam imaginariis pridem rejectis novum patrociniûm procurare videamur.

§. V.

Quemadmodum terrea alcalina acidum destruendo profunt, ac veram virtutem exerunt, sic, acido in primâ culinâ prorsus absente, non tantum virtute carent, sed per sæpe etiam, præsertim, si usus eorum diutius protrahitur, eademque copiosius assumuntur, notabilem sanitati labem affricant, dum exilissimos tubulos lacteos atque lymphaticos, quando minores moleculæ patulis eorundem orificiis immerguntur, obstruunt, & cum muco, tam naturali, ventriculi & intestinorum parietes obducente, quam præternaturaliter in cavitatibus hiscè collecto, in densum ac difficillimè resolubile corpus mucido-terreum, ac quasi gypseum concrescunt; quod postea, præsertim coacervatum, magisque temporis successu induratum, dolorem ventriculi gravativum, cardialgiam, vomitus, aut inanes vomendi conatus parit, liquorem gastricum enervat, & solvente virtute spoliât, robur & actionem tunicarum ventriculi debilitat, digestionis negotium turbat, appetitum minuit, atque penitus subindè prosternit, segnitiam alvi inducit, & vasorum lacteorum obstructions magnoperè auget, quin alia plura,

ęaque majora , ex prioribus rursùm propullulantia , sanitatis incommoda provocat. (a)

(a) « Absorbentium , five sic dictorum præcipitantium exhibitio, B. HOFFMANNUS in *Dissertatione de noxâ & abusu benignorum remedium* §. 15. inquit, non parùm prudentię desiderat ; sub ventriculi enim atonię , si is viscidorum colluvie scatet , & falsi magis , quàm acidı ibi hærent humores , eorum usus plùs nocuisse , quàm profuisse , annotatum est. Et §. 18. pergit, sunt exempla , ubi in lentis ac hecțicis febribus absorbentes & præcipitantes pulveres largiori dosi , atque intempestivè dati fuerunt , qui postea in ventriculo , per sectionem aperto , magno pondere fuerunt inventi. « Huic suffragatur *Excell.* ALBERTI quandò in *Dissertatione de Atrophiâ* §. 10. scribit : » A nimiã exhibitione terreorum absorbentium , uti sunt conchę præparatę , corallia , lapides cancerum , obstrui posse foramina vasorum lacteorum firmissimè opinor. Observarunt enim , qui corpora infantum dissecuere , quod in iis , quibus absorbentia in nimiã dosi propinata fuerant , crustę quędam solidescētis materię , tùm in ventriculo , tùm etiã in intestinis tenuibus oculis sese subjecerint , quę vix ab hominum substantiã divelli potuerunt , sicque non solum in ventriculo separationem liquoris gastrici prohibuerunt , veràm & ostiola vasorum lacteorum clausere , ut chylo aditus ad massam sanguineam fuerit præclusus &c. «

§. V I.

Alcalina terrea , pro more hodierno , ante exhibitionem succo citri , aceto destillato , aut alio liquore acido vegetabili plus minusve imprægnata , pristina suâ virtute antacidâ ex toto quidem , vel parte spoliatur , in dubio nihilominus casutiora sunt , ac certius vires quasdam resolventes , abstergentes , quin diureticas exserunt. Secus sentiendum erit de magisteriis , è terreis hisce per solutionem in acidis , & præcipationem cum alcalicis vulgari modo paratis ; quippe quæ , si iteratâ ablutione , & perfectâ edulcoratione omne , quod genitum fuerat , salinum solubile denuò separatum fuerit , nullâ amplius resolvendi aut abstergendi virtute pollent , & , imminutis pariter post primam solutionem viribus antacidis , longè simplicibus suis deteriora existunt.

§. VII.

Quò absorbentium usus , quod in fine addendum duco , semper evadat securior , necesse erit , ut , rejectis crassioribus ac durioribus saxeæ indolis , quæ acida potentiora ad sui solutionem postulant , sola duntaxat teneriora , quæ promptè in acidis debilioribus vegetabilis proficiat ,

122 *Seçt. II. De Insipidis Terreis*
citrà ullam quoque digestionem calidam ,
solvuntur , uti lapides cancrorum , con-
chæ &c. , eligantur , i idemque , ad mu-
cum tenacem eo meliùs dissolvendum ,
salina mediæ naturæ vel præmittantur ,
vel largiori dosi misceantur. Neglectâ
enim hac cautelâ , crebrò atque facillimè
accidit , ut terrea hæc , præsertim in pol-
linem redacta , & ulteriùs , acido jam ex-
tinçto , vel prorsùs deficiente , exhibita ,
cum mucò primæ culinæ naturali ac præ-
ternaturali in massam densam , quasi
gypseam , uti antea dictum , concrecant ,
& morbis variis causam materialem sug-
gerant.

C A P U T I I I .

*De naturâ & principiis Terreo-gelati-
nosorum.*

§. I.

TERREO-GELATINOSA , à præ-
cedentibus nonnihil distincta , ex
solo regno animali desumuntur , & sunt
Ossa , Cornua , Dentes , Ungule , aliaque
hujus commatis corpora , dura , com-
pacta , insipida , & inodora , è *terrâ sub-
tili , oleo unguinoso temperatissimo* , & latis

largâ *substantiâ gelatinosâ*, partes terreas in corpus firmum conglutinante, composita. Oleum, hoc loco inter ossium &c. principia constitutiva relatum, gelatinæ solummodò intertextum reperitur, ac minimè proinde cum illo oleo, quod intimam gelatinæ mixtionem ingreditur, confundendum, sed peculiare prorsùs atque distinctum principium æstimandum erit, quod citrà radicalem gelatinæ dissolutionem, nisi totum, maximam tamen partem, separari, atque seorsim monstrari potest; quemadmodùm hoc videmus, quandò solutioni cornu cervi pellucidæ ac flavescenti, cum aquâ forti dilutiori factæ, oleum tartari per deliquium, vel alcahest GLAUBERI instillatur: Peractâ enim magisterii albicantis atque lanuginosi præcipitatione, liquor supernatans aureo colore tingitur, & pinguis ac splendens cuticula oleosa in superficie concrevit.

§. II.

Dura hæc corpora, accedente digestionē, solvuntur quidè in menstruis acidis, iisque adæquatis, & sufficiente quantitate superfusis, difficiliùs tamèn ac tardiùs, quàm terrea alcalina, quoniàm longè major immixtæ pinguis gelatinæ

quantitas spiculorum scindentium aciem hebetat, ac promptum eorum vegetumque insultum in partes terreas, quibus solvendis acida propriè idonea censentur, cohibet. Ex eodem quoque fundamento nullus planè, vel tamèn vix notabilis, effervescentiæ motus, post acidorum affusionem, observatur, sed solutio sine prævio ejusmodi tumultu, si paucas bullulas subindè ascendentes exceperis, lentè ac languidè in loco calido succedit; quum tamen caput mortuum, post rasuræ decoctionem, & gelatinæ extractionem relictum, cum acidis fortioribus satis vegetè effervescat, ac promptam paritèr, nullâ etiàm in auxilium vocatâ digestionem calidâ, solutionem subeat.

§. III.

Quemadmodùm menstrua acida partem terream præcipuè aggrediuntur, sic aquea pura, & aqueo-alcalica unicè in substantiam conglutinantem gelatinosam penetrant, eamque, præsertim, si igne admoto ad ipsum ebullitionis seu coctionis motum deducantur, dissolvunt, & extrahunt. Extractâ gelatinâ, ab igne remotâ, in loco frigidiusculo facilè ac brevi interjecto tempore, in substantiam

concrefcit albicantem , lubricam , visco-
fam , acredinis non minùs , quàm vola-
tilitatis expertem , & fapore tantùm mo-
deratè pingui atque fubdulci præditam ,
ita ut albumini ovorum , aut liquido illi
lymphatico , quod , è fanguine fecretum ,
corpora animantium nutrit , fimillima fit.
Quandò ulteriori fubmittitur evaporatio-
ni , in verum gluten , feu corpus fplen-
dens , brunni vel ex brunno-flavefcentis
coloris , cartilagineæ , tandèmque corneæ
propemodùm foliditatis , induratur.

§. I V.

Gelatinofum hoc principium , terreis
particulis interjectum , in fingulis con-
cretis offeis non eâdem hæret quantitate ,
fed alia aliis majorem portionem obti-
nent ; uti illud protracta & iterata rafuræ
coctio , & adhuc magis ipfa calcinatio
monftrat. In unâ v. g. unciâ *lapidum car-*
pionum , drachmæ fex & totidem grana
gelatinæ reperiuntur , æqualis contrâ *cor-*
nu cervi quantitas folummodò drachmas
tres & grana triginta fex continet. Mo-
nendum quoque eft , coctionis , ut ut sæ-
pius repetitæ ope , gelatinam nunquàm
penitùs extrahi : In unâ quippe cornu
cervi unciâ , uti vix dictum fuit , drach-
mæ tres & grana triginta fex gelatinæ la-

126 *Seçt. II. De Infipidis Terreis*
rent, coçtione nihilominùs binæ tantùm
drachmæ & pauca grana separari pos-
sunt. (a)

§. V.

Quanquàm gelatinæ mixtionem *terra*
tenerior, *aqua*, *oleum unguinosum tempera-*
tissimum, & *subtile sal ammoniacale*, re-
liquis intimiùs involutum, ingrediantur,
eorum tamèn nullum, durante mixtione
naturali, seorsim sese spectandum præ-
bet, & gelatinæ proinde, sive sint liqui-
diores ac tenuiores, sive spissiores, at-
que magis coagulatae, & exsiccatae, ne-
que fixo, neque volatili, sale explicito
pollent. Sin violento autèm ac sicco igni
in retortâ, arenæ imponendâ, commit-
tantur, in sua resolvuntur elementa,
magnoperè tamen, præsertim quoad par-
tem oleosam & salinam, immutata, ac
transformata. Successivè nimirùm in re-
ceptaculum *aqua nonnihil turbida*, *spiri-*
tus pinguis salino-oleosus, *sal volatile uri-*
nosum siccum, *oleum levius ex brunno-fla-*
vescens, tandèmque *oleum crassum, nigri-*
cans, *valdè fœtidum* transeunt, & in re-
tortâ vitreâ *corpus spongiosum, leve, ni-*
gerrimum, & *amaricans*, relinquitur,

(a) Plura de hisce in sequentibus videnda
sunt.

quod , in vase aperto perfectè exustum ,
meram terram insipidam , & inodoram
offert.

§. V I.

In gravi igitur errore versantur , qui
sal quoddam fixum aut volatile explici-
tum in puris ossium gelatinis , albumine
ovorum , & lymphâ ac sero sanguinis ,
quæ liquida mucilaginea magna interce-
dit similitudo , quærunt. Errant paritèr ,
qui gelatinis activum quendam halitum ,
antispasmodicâ virtute præditum , tri-
buunt. Errorem enim utrumque , tùm
blanda destillatio humida , tùm experi-
menta alia clarè ostendunt. Fluida omni-
nò sunt merè mucilaginea , torpida , sen-
sibili acredine destituta , quæ neque cum
acidis , neque alcalicis effervescentiæ
motum subeunt , multò minùs , oculis
aut nervis denudatis instillata , rosionis
sensum excitant. Si è cucurbitâ igne blan-
do destillantur , multùm phlegmatis
transmittunt , quod nulla olei , salis , aut
spiritus activi vestigia monstrat , sed cla-
rum , pellucidum & insipidum est , exce-
ptâ portione ultimâ , quæ , incipiente re-
sidui exsiccatione & adustione levissimâ ,
transcendit , & aliquâ amaritie , ac de-
bili odore empyreumatico imbuta obser-

vatur, quæ proprietates novæ expulſis quibuſdam particulis oleoſis empyreumaticis, ſub levi partis exſiccatae aduſtione genitis, unicè in acceptis ferendæ ſunt.

C A P U T I V.

*De modo operandi & virtutibus medicis
Terreo-gelatinoforum.*

§. I.

Medicamenta terreo-gelatinofa, ſub pulveris formâ, uti moris eſt, propinata, acidum potentius, in ventriculo ſubinde præſens, nonnihil quidè extingunt, copioſam tamen gelatinam, quæ majorem aliàs præſtitura eſſet utilitatem, liquori gaſtrico communicare, & proindè ſingularem quoque effectum edere nequeunt. Nonnulli circâ gelatinæ extractionem adhuc duriorẽ ſovent ſententiam, & gaſtricum liquorem ſubſtantiæ memoratæ è compactis corporibus oſſeis extrahendæ planè imparem eſſe, pronunciant: Extrâ corpus enim, inquiunt, ad gelatinæ extractionem calore forti, & iplâ aquæ ſuperfuſæ coctione opus eſt, &, cum tantus caloris gradus in ventriculo nec adſit, nec ſine deſtruc-

tione ejus , & momentaneâ feri ac lymphæ coagulatione adesse possit , nulla coctio , sed blanda saltèm digestio contingit , adeoque nulla quoque gelatinæ extractio expectanda est.

§. II.

Fateor , objectionem hanc non prorsus destitutam esse fundamento , & , iteratâ experientiâ (*a*) edoctus , scio , aquam simplicem , solâ adhibitâ digestionem , concretis osseis , ut ut subtilissimè pulverificatis , parùm quidem gelatinæ eripere ; quod ideò autèm extractio ejus in ventriculo simpliciter neganda sit , nondùm video. In ventriculo enim plures resolutionis causæ concurrunt , quibus penitiùs , atque conjunctim consideratis , patebit , aliquam gelatinæ extractionem utique possibilem esse. Primò nimirum perpendendum erit , resolutionem assumptorum in animantium ventriculis nequaquàm

(*a*) Binas drachmas rasuræ eboris tenerrimæ aliquandò cum sufficienti aquæ simplicis quantitate sat forti digestionem subjeci , visurus , an hac ratione multum gelatinæ extraheretur : At , elapsis sex , vel septem horis , in infuso decantato , cum illud vario modo explorarem , vix levissima quædam gelatinæ vestigia deprehendere porui , ut ideò valdè parùm indè separatum fuisse , abundè constaret.

simplici digestionē absolvi, aut vulgari co-
 ctione, nec solumquoque calorem ad illam
 perficiendam postulari, sed suum pariter
 symbolum conferre fortem, atque cre-
 berrimè repetitam, crassæ atque robustæ
 tunicæ musculosæ sub motu peristaltico
 contractionem, & indè pendentem vali-
 dam in contenta resolvenda actionem,
 auctum inprimis per motum viscerum &
 musculorum abdominalium. Quæ causa
 magni omnino momenti est, dùm, sup-
 putante BORELLO, ventriculi, viscerum,
 diaphragmatis, musculorum abdomina-
 lium aliarumque partium adjuvantium
 vis, conjunctim sumpta, 12951. libra-
 rum pondus æquat. Huic aer succurrit,
 per calorem expansus, & iste paritèr,
 cum quodammodò inclusus sit, notabi-
 lem effectum edit; quemadmodùm id
machinâ PAPINI, in quâ, ob fortem ac-
 ris incarcerati & expansi pressionem, &
 singularem motum quasi vorticosum (a),

(a) » Fungitur aer, BOERHAAVIUS in
 » *Chemiæ T. I. p. m. 451. 452. scribit*, inpri-
 » mis officio miscendi omnia quam intimè inter
 » se: dum tanto pondere, tamque perpetuâ mo-
 » tus velocitate, instar pistilli mechanici, mo-
 » vet, conterit, permiscet adeò, omnia. Sicque
 » singulares valdè, neque alio modo facilè præf-
 » tandos, effectus producit. . . Nusquam, paulò
 » post pergit, id apparet manifestiùs, quàm in

corpora dura, carnea, tendinea, ossea, aliaque, intrà breve tempus, substrato saltèm igne moderato, perfectè emolliuntur, immò, in fluidam substantiam gelatinosam, aut mucilagineam resolvuntur. Notabilis inter alia B. H O F F M A N N I observatio est: Unam nempe succini pulverisati partem cum duabus olei amygdalini partibus in vitro conservati machinæ Papinianæ, cujus tertia pars aquâ repleta erat, imposuit, & moderatâ, atque vix ultrâ horam protractâ, digestionem effecit, ut succinum in liquamen pellucidum gelatiniforme redigere-tur, pauco adhuc oleo liquido supernatante.

» machinâ Papinianâ. Intrâ cylindrum æneum
 » ossa annosi bovis, Aqua & Aer, ità conclu-
 » duntur simul, ut nihil penitus aeris aut aquæ,
 » expirare de hoc vase, ullo modo possit. Tùm
 » applicatur ignis, ut aqua ebulliat. Aer ergò
 » acquirit potestatem se expandendi proportio-
 » nalem calori dato. Sic & Aqua. Undè intelli-
 » gitur aeris hic & aquæ ad ossa quam fortissima
 » appressio. Interim simul Aer & aqua intrâ vas,
 » inter se, & super ossa, incredibili jam velo-
 » citate moventur, & hinc intrâ pauca minuta
 » horæ, ossa illa convertunt, emolliendo, in li-
 » quorem viscosum, aut in massam teneram,
 » mollem, scissilem quam facillimè &c. »

§. III.

Considerandum porrò erit, impulsu & attritu, multotiès repetito, quanquàm leniori, resolutorium persæpè impetrari effectum, qui à brevi, eâque fortiori, actione vix sperandus est; uti assertum hoc inter alia solutio coralliorum *Langelottiana*, in sequentibus descripta, emollitio ossium per aquæ calidæ vapores, nec minùs paulatina pyritarum quorundam martialium, aeri liberiori expositorum, resolutio fermè centralis, alibi pariter adducta, & similia satis illustrent. Idem hic contingere videtur, quod fieri observamus in lapidibus durissimis, qui per guttas pluviales, sæpiùs in idem punctum cadentes, excavantur. Majorem memoratis probabilitatem ipsa conciliat experientia: Quem enim later, canes ossa, dentibus saltèm grossiusculè confracta, in ventriculo maximâ gelatinæ parte spoliare, & residuum aridum atque mucoso-terreum, sub formâ excrementi albi, denuò per alvum reddere? Me quidem non fugit, B. BOERHAAVIUM referre (a), excrementa illa canina, sub *Albi*

(a) Vid. Ejusd. Prælect. acad. ab *Excellentissimo* HALLERO edit, Vol. I. p. 269.

graci nomine nota, integra adhuc officu-
la, seu ossium frustula esse, per inter-
jectas quasdam particulas mucidas in
unam duntaxat molem compacta: Atta-
men, haudquaquam exinde sequitur, ni-
hil planè extractum esse, sed id tandem
licebit colligere, nondum omnem à par-
te terreâ separatam esse gelatinam, &
nonnulla saltèm frustula, quæ sine noxâ
ventriculi rugis interponi nequeunt, vel
planè non, vel tamèn minùs profundè
fuisse resoluta. Alitèr omninò compara-
tum est cum minoribus moleculis, quæ
ejusmodi tamen pulveris subtilitatem
nondum attingunt; quippe quæ in albo
græco gelatinâ suâ omninò orbatæ depre-
henduntur. Novimus porro, gentes non-
nullas septentrionales, præsertim lappo-
nes, pisces devorare aridos, exsiccatione
in aere ad osseam fere duritiem redactos,
& illos nihilominùs concoquere. Quid
denique dicam de experimento RIVINI
Hic nempe voraci gallo Indico aliquot
obolos orichalceos (*Zahl-psennige*) cum
alimento consueto præbuit devorandos,
&, quum illi denuo ejecti essent cum
stercore, observavit, monetæ partes emi-
nentiores, quæ formabant effigiem, ad
plenariam penè abolitionem, attritas

134 *Seçt. II. De Inſipidis Terreis*
fuiſſe , depreſſiores verò ſaltèm denigra-
tas. (a)

§. IV.

Sed ſufficiant memorata : ſatis quip-
pè probare videntur , ex tenerrimis of-
ſium pulveribus aliquam gelatinæ partem
in ventriculo , etiam ſine coctionis adju-
mento , extrahi poſſe. Facile cæteroquàm
ac lubentiſſimè cuilibet concedam , quin
ipſe defendam , parùm vel nihil hos pul-
veres præſtare poſſe emolumenti. Exigua
quippe gelatinæ quantitas , quâ ſcrupu-
lus unus & alter inſtructus reperitur ,
nulliùs ferè momenti eſt , & illi proinde
agunt prudentiùs , & certiùs expectare
poſſunt auxilium , qui , rejectis inertibus
hujusmodi pulveribus , gelatinas coctio-
ne extrahunt , eaſdemque poſtea , largio-
ri quantitate , vel in decocto , vel , præ-
miſſâ decocti inſpiſſatione , cochleatim
ægrotantibus exhibent. Quando memora-
to enim modo in uſum vocantur , 1.
acrimoniam ſalinam quamcunque obtun-
dunt , involvunt atque temperant , 2.
mucum , qui ventriculi , inteſtinorum ,
aliorumque meatuum tunicas naturaliter
obducit , & contrà corporum rodentium

(a) Vid Ejuſd. Diſſ. de acido ventriculi fer-
mento.

ac vellicantium stimulos & injurias defendit, restitunt, 3. partes solidas erosas demulcent, & 4. humores nimis tenues & acres nonnihil incrassant, iisdemque naturalem systasin reddunt, ita ut, ob varios hosce usus generales, haud dubitandum sit, quin opem laturæ sint egregiam in erosione faucium, ventriculi, intestinorum, aliarumque partium, per venena, aliaque acria & corrosiva subindè producta, nec minùs in cholera, nimia aciditate liquoris gastrici, acrimoniâ bilis, vomitu & diarrhoeâ biliosa, dysenteria, ardore urinæ, stranguriâ, tenesmo ani, affectibus pectoris variis, à feri ac lymphæ acrioris decubitu, & præternaturali affluxu oriundis, affectibus spasmodicis, rheumaticis, arthriticis, scorbuticis, dolore nephritico, epilepsiâ, hæmorrhagiis excedentibus, febribus continuis, præsertim ardentibus, inflammatoriis, & hecticis, aliisque morbis, qui præcipuam originem ex humorum acredine ducunt. Externè clysteribus demulcentibus quandoquè adduntur.

C A P U T V.

De Lapidibus Cancrorum, Conchis fluvialibus & lacustribus, Testis ostrearum, & Putaminibus ovorum.

§. I.

LAPIDES CANCRO-*rum* (*Yeuæ d'Ecreviffe*), minùs rectè à quibusdam *Oculi cancro-*rum** dicti, jure primum locum inter terrea medicamenta obtinent, quoniàm in acidis, etiàm debilibus ac valdè dilutis, promptè solvuntur, & faciliùs, quàm reliquorum pleraque, in subtilem pulverem redigi possunt. Mensibus æstivis cancro-*rum* fluvialium ventriculis extrinsecùs adnati reperiuntur, & lamellatim ex confluentè succo terreo-gelatinoso lactescente, vel rectiùs, ex sensim resolutâ externâ ventriculi tunica, concre-*scunt*, imminente scilicet exuviarum depositione, quâ peractâ denuò resolvuntur, ut prima quasi rudimenta ac stamina generandæ novæ corporis crustæ suppeditent.

§. II.

Copiosè colliguntur in *Hungariâ*, *Lithuaniâ*, *Marchiâ* & *Tartaria*, quarum regionum flumina ac rivuli gammaris valdè abundant. Venduntur *albicantes*, *rubentes* & subindè etiàm *cœrulescentes*: Hi postremi ut plurimùm, quanquàm sine ullo fundamento, judicantur præstantiores, & è cancris vivis exempti dicuntur. Nonnunquàm lapides hujusmodi à fraudulentis arte parantur ex argillâ, pulvere concharum & similibus, posteaque genuinis miscentur, immò factitiis hisce, ad colorem subcœruleum inducendum, non absque summo agrotantium periculo, smaltam admixtam fuisse, observationes medicæ testantur.

§. III.

Constant genuini lapides cancrorum ex *copiosâ terrâ alcalinâ tenerrimâ*, & *paucâ substantiâ gelatinosâ conglutinante*. Facile hæc principia eruere possumus solutione, & calcinatione. Quando integri v. g. lapides aquæ forti, affusâ aquâ simplici nonnihil debilitatæ injiciuntur, particulæ menstrui acidæ confestim adoriuntur partes terreas, easque cum multo strepitu solvunt, gelatinam verò, ter-

reis moleculis interpositam, planè intactam relinquunt; hinc, solutione terræ absolutâ, lapides ad superficiem liquoris assurgunt, servatâ tamen pristinâ magnitudine ac formâ, præterquàm, quòd porosi facti sint, splendentes, pellucidi atque molles. Exempti corpora glabra, ac gelatinosa, digitis facilè comprimenda, & ab ordinariâ gelatinâ animali vix discernenda, sistunt. Notabile quoque est, menstruum, ut ut satîs corrosivum, colorem hujus gelatinæ proprium neque extinguere, neque mutare; adeoque ex lapide rubescente etiàm rubescentem, ex albo albidam, & ex cœrulescente pallidè cœruleam relinqui gelatinam. Liquor pellucidus, instillato sale alcalico liquido, terram solutam, sub albissimi atque tennerrimi magisterii formâ, ad fundum dimittit, hinc paritèr filtrationis ope separari ac colligi potest.

§. I V.

Citiùs atque perfectiùs principiorum divulsio ac separatio succedit, quando lapides cancrorum pulverisati calcinationi in crucibulo aperto subjiciuntur, gelatina tamen, adhibito hoc resolutionis modo, destruitur, destructa aufugit in auras, nec in substantiâ proinde mon-

strari potest. Pulvis quippe sub calcinationis initio odorem spargit, instar glutinis vulgaris, recentissimè cum aqua cocti, terramque relinquit, inspidam prorsus & inodoram. Solutionis beneficio ex drachmis duabus lapidum cancerorum duodecim grana gelatinæ exsiccatae obtinui; susceptâ autem pulveris calcinatione, ex quantitate æquali drachma una & grana quadraginta quatuor terræ relictæ fuerunt, ut indè igitur satîs constet, unciam unam lapidum cancerorum circiter ex drachmâ unâ & granis quatuor gelatinæ, & drachmis sex & granis quinquagintâ sex terræ alcalinæ compositam esse.

§. V.

Lapides cancerorum genuini promptissimè, quod in principio dudum retuli, ab acido quocunque solvuntur, ac validè ea propter acidum, primæ culinæ inimicum, extinguunt; quòd liquor lacteus autem ac mucilagineus magnæ virtutis, citrà partis terreæ solutionem, in ventriculo, secundùm HELMONTII sententiam (a), extrahi possit, probabilitate

(a) » Gemmæ, in *Traët. de Febris scri-*
» bit, silices, marmora, & quæcunque crystal-
» linam habent duritiem, nequicquam agunt,
» aut patiuntur in nos, aut à nobis, nisi per

caret; quemodmodum rationi pariter & experientia repugnat, quod concreta hæc, affirmante KRUGERO (a), plures atque majores virtutes medicas, quàm conchæ & margaritæ, exerere valeant.

» modum appenfi. Vis horum ideò languida,
 » quia corpore nimis denfo claufa latet. Perlæ
 » verò & corallia, ac quæcunque conchyliorum
 » faxatilem duritiem habent, gemmis quidè
 » in duritie cedunt, attamèn proinde nondum
 » conficiuntur in ftomacho humano, ut bene in
 » quibusdam avibus. *Lapides* autèm *bezoar*, *canc-*
 » *rorum* &c. adhuc perlis minùs duri, non fun
 » de naturâ faxatili, fed potiùs fiunt ex fucco
 » lacteo femicafeato, & femiputrefacto, habent-
 » que tophi naturam, inter cartilaginem & lap-
 » dem neutram. His ità pro veritate rei fuppo-
 » tis dico, quod lapides bezoar, cancrorum &c.
 » quoad solidam pulveris fui materiam nullate-
 » nùs digerantur à ftomacho humano, attamen
 » illis inest fuccus lacteus & mucilagineus, ma-
 » gnæ virtutis, exiguæ tamen quantitatis &c. «

(a) » Multum, in *Miscell. Acad. N. C Dec.*
 » *III. Ann. 3. obf. 147. inquit*, intereft, ut ve-
 » rorum oculorum cancrorum nobis fit copia
 » Equidè non diffimulo, eos eafdem acidum
 » annihilandi cum conchis & margaritis habere
 » vires, interim tamen plus adhuc iis inefse du-
 » dùm obfervavi. Nam lapidem bezoardicum
 » imitantur quoad vim bezoardicam, fudorife-
 » ram & expulfivam, urinam movent, calculum
 » frangunt, fanguinem coagulatum diffolvunt,
 » pleuritidem difcutiunt, colicæ medentur, vul-
 » nerarii funt &c. «

Quandò ante exhibitionem aceto destillato irrorantur, vel, quod præstat, penitus in eodem dissolvuntur, terreo-salam consequuntur indolem, posteaque in affectibus asthmaticis, obstructione renum, calculo, sanguine extravasato, concremento ac coagulato non contemnendum medicamentum resolvens præbent. Exhibentur per se sub formâ pulveris, à granis aliquot ad drachmam dimidiam, & frequentissimè paritèr potionculis & emulsionibus adduntur.

§. VI.

Lapidibus cancerorum indole atque virtute non inferiores sunt CONCHÆ FLUVIATILES & LACUSTRES *Coquilles des lacs & des rivières*. Ab adhærentibus enim quisquiliis debite repurgatæ, atque trituratæ in pulverem redactæ, æquè, ac lapides cancerorum, à mitissimis acidis solvuntur, & iis proinde in quovis casu commodè substitui possunt. Nonnulli conchis calcinatis, aut aliquamdiù cum aquâ simplici coctis, específicas quoque vires antifebriles tribuunt, quas ego tamen concipere nequeo. Defensores quidè, aliquam reddituri rationem, ad virtutem antacidam provocabunt: Sed, posito atque concesso, in febribus inter-

mittentibus , præfertim quotidianâ & quartanâ ; copiosam faburram acidoviscidam in primis viis hospitari , eamque inter præcipuas quoque militare causas : posito paritèr , conchas acidum hoc præternaturale destruere , & hac igitur ratione aliquid ad febris curationem conferre ; nondùm tamèn exindè sequitur , virtutem concharum antacidam vocandam esse antifebrilem specificam , & hanc ipsam solis ideò conchis tribuendan.

§. VII.

Cum conchis conveniunt PUTAMINA OVORUM , *Coquilles d'Œufs* , à cuticulâ interiori liberatæ , & TESTÆ OSTREARUM *Coquilles d'Huîtres* , præterquàm , quòd priora longe majori gelatinæ quantitate , ex forti odore fœtido sub calcinatione cognoscendâ , instructa sint , posteriores autem texturâ gaudeant crassiori , & exustæ igitur calcem suppeditent , vivâ vulgari adhuc acriorem atque crudiorè. Parti quoque earum scabrosæ multùm salis falsi marini reperitur immersum , hinc falsum obtinet saporem , & gravem odorem spirat. HOMBERGIUS , ob indicatam causam postremam , parti albicanti internæ , tùm splendenti , tùm rariori cretaceæ partem scabrosam externam

præfert, eamque solam, penitus rejectâ
interiori, contundere, pulverem ad so-
lem exsiccare, & præmissâ trituâ repeti-
tâ, per linteum trajicere jubet.

C A P U T V I.

*De Perlis, Matre Perlarum, & Osse
Sepiæ.*

§. I.

PERLÆ, *Perles*, aliàs etiàm *Mar-
garitæ*, itemque, si majores existunt,
Uniones dictæ, sunt corpora dura, can-
dida, splendentia, rotunda, aut subro-
tunda, quæ non tantùm in sic dictis con-
chis margaritiferis pelagianis, sed hinc
indè paritèr in vulgaribus conchis fluvia-
tilibus & lacustribus nascuntur. Optimæ
censentur orientales, præsertim è con-
chis exemptæ margaritiferis, quas *Sinus
Persicus*, Arabiam Persidemque dividens,
alit, quæque olim circà *Ormusium* è fun-
do maris extractæ fuerunt, nunc verò,
postquàm in loco memorato deficere cœ-
perunt, circà *Baharein* insulam ab urina-
toribus colliguntur.

§. II.

Maximus ſcriptorum , tùm veterum , tùm recentiorum , diſſenſus circà geneſin & ſpecialem perlarum locum natalem obſervatur. Multi quippe cum *PLINIO* (a) credunt , conchylia margaritifera ſubindè , prætertìm mēſe Majo , valvis ſuis magis magisque diductis , è fundo maris petroſo , ubi ordinariò hoſpitantur , & firmitèr plerùmque accreta inveniuntur , ad ſuperficiem enatare , ibidemque unam alteramve roris delabentis guttulam excipere , poſteaue in corpore ſuo tandiù fovere , donec indè margarita una vel plures , ad majorem ſucceſſivè dūritiem atque maturitatem deducendæ , naſcantur. Addunt quoque , rorem majalem generandis perlis candidiſſimis ac pretioſiſſimis materiam primam largiri , & eaſdem præterea fieri majores atque perfectè rotundas , ſi animalculum unicam duntaxat roris guttulam receperit. Fabuloſam hanc *PLINII* ſententiam neotericorum plerique rejiciunt , & alii cūm *PHIL. BONANNO* (a) margaritas ægritudinis cujuſdam conſectaria judi-

(a) Vid. ejusd. Hiſt. nat. Lib. IX cap. 35.

(a) Vid. ejusd. Recreat. mentis & oculi Part. III. pag. 176.

tant, adeoque illas in animalculi ægro-
tantis corpore, æquè, ac lapides can-
crorum, concrefcere opinantur: Alii eo
fentiendo progrefsi funt, ut margaritas
concharum ovula, feu potiùs minimas
conchulas, fuo tempore excludendas,
effe exiftimaverint. Opinionem hanc
MYLIUS (a) inprimis, & VALEN-
TINI (b) amplexi funt, & probandi
fine fingularem observationem, quam
DN. KREY, pifcaturæ margaritarum in
Livoniâ quondam Inſpector, Dno CRAS-
SELIO Paſtori Niddeniſi communicavit,
adducunt, quæ ſpecioſa quidèſt, fal-
laciæ tamèn ſine dubio originem debet.
Facillimè enim fieri potuit, ut Nobilis
Livonicus, cujus mentio facta fuit in præ-
dictâ relatione, exiguam conchulam, ob
formæ & nitoris ſimilitudinem, pro verâ
perlâ, eamque poſteà, cum valvas blan-
de diducere, ac denuo claudere observa-
ret, cum aliis, quanquam falſò, pro
ovulo concharum, jam jam dehiſcente,
habuerit.

§. III.

Similem quoque diſſenſum circa ma-
tricem, ſeu ſpecialem concretionis locum

(a) In Saxon. ſubſt. P. II. relat. 1.

(b) In Muſ. muſeor. pag 495. ſequ.

deprehendimus : Quandoquidẽ alii eundẽ in interiori conchylii corpore , alii in uno vel pluribus ſuperficieĩ locis tuberoſis , inſtante perlarum excluſione ſatis conſpicuis , alii in nexu valvarum tendineo , & alii denique in internâ valvarum parte quærendam eſſe contendunt. Hinc poſtremæ ſententiæ patroni longiũs quoque reſpectu ipſius generationis à præcedentibus recedunt , & margaritas non incluſi animalculi , ſed valvarum ſeu matris perlarum fructus partuſque eſſe ſtatuunt (a). Nolo ſingulas , quas recensui , hypotheſes fuſiũs hoc loco refutare , ſed , prætermiſſis , quæ diſplicant , protinũs fateri nullus dubito , vix allegatam mihi præ reliquis arridere , quoniã rationi non minũs , quã experientiæ magis conſentanea videtur. Perlæ enim quoad materiam & texturam cum matre perlarum conveniunt , & , æquẽ , ac illa , ex lamellis concretæ obſervantur : Hiſce , ceu argumentum præcipuum , accedit , quod ſolliciti naturæ ſcrutatores in conchis vulgaribus & ordinariis margaritiferris pelagianis non ſolitarias duntaxat margaritas , ſed integros quoque earum nidos , valvarum alterutri firmiter inhæ-

(a) Vid. D. D. Kundmanni *Seltenheiten der Natur und Kunſt*, p. 411 ſeq.

rentes , perlæpe invenerint , ità tamen , ut maturitati propiores , quæ ordinariò etiàm grandiores sunt , & magis è valvâ prominent , laxiùs in apice nidi hæreant , adeoque faciliùs avelli , immò sponte , maturatione prorsùs peraetâ , secedere possint : Unde etiàm ratio patet , cur perlæ maturæ , & jam à matrice suâ avulsæ , ordinariò inter animalculum & valvam reperiantur. Facile cæteroquin concedere possum , margaritas nonnunquàm in ipsius animalculi corpore concreescere. Natura enim tam arctis cancellis neutiquam inclusa est , ut unam semper , eandemque viam in hujûs vel illiûs corporis , præsertim mixti , ac minùs proinde artificiosi , generatione sequi teneatur.

§. I V.

Ex binis solummodò elementis perlæ concretæ inveniuntur , ex *substantiâ* nempe *glutinosa* , gelatinæ ordinariæ æmulâ , & *subtili terreâ alcalinâ* , quæ posterior tamèn priorem quantitate longè superat. Montrante quippe calcinatione chymicâ , integra matris perlarum uncia , cui perlæ in hoc passu , intuitu scilicet principiorum constituentium , adeò similes sunt , ut solâ formâ externâ , & paulò majori forsan materiæ teneritudine ab eâ

different, vix grana viginti quatuor substantiæ glutinosæ continet, reliqua pars mera terra est, quæ nihil ampliùs in igne amittit, sed fixa existit, ac promptè cum acidis, præviâ effervescentiâ, in mutuos ruit amplexus; Hinc causa indè evadit manifesta, cur perlae facillimè in liquoribus acidis, etiâ debilioribus, solvantur, ac multùm acidi extinguant. Superant respectu ultimæ hujus virtutis ipsos cancerorum lapides; referente enim LANGEIO (a), dimidius scrupulus perlarum guttas sexaginta, æqualis autem lapidum cancerorum quantitas quinquaginta duntaxat guttas spiritus salis acore suo spoliât.

§. V.

Cognitu ex prædictis facillimum redditur, quousquè perlarum virtus medica sese extendat, & unusquisque, rerum medicarum nonnihil saltèm gnarus, protinùs judicare poterit, an iis, præter virtutem antacidam, cardiaca pariter, anæleptica, sedativa, cephalica, antepileptica, quàm bezoardica, promiscuè atque simpliciter, nullâ scilicet suppositâ conditione, tribui queat. Ego sanè, ratione non minùs, quàm experienciâ convictus, credo, perlas propriè nullâ virtute aliâ,

(a) In Diss. de Antacidis cap. 5.

nisi solâ antacidâ , instructas esse , adeoque effectus reliquos , quos nonnunquam in epilepsiâ infantili , anxietatibus præcordialibus , & torminibus ventris exseruisse practici testantur , ab illâ ipsâ solummodo deducendos esse. Noto quippe notius est , colluviem pituitoso-acidam , in ventriculo & intestinis hospitantem , torminibus ventris , & epilepsiæ apud infantes , ut & anxietatibus præcordialibus apud adultos occasionem præbere creberrimam ; quâ igitur extinctâ , ægritudines quoque inde oriundæ , vel cessare prorsus , vel plûs minûsve mitigari debent ; Quod promiscuè autem in morbis allegatis auxilium præstare valeant , rationalium nullus unquam defendere sustinebit , multò minûs adeò sese patietur seduci , ut cum empiricorum turbâ credat , potiunculas & emulsiones , perlarum pulvere onustas , profligandis anxietatibus præcordialibus , quæ in febribus malignis , aliisque continuis plerumque reliquis symptomatibus ominosis jungi consueverunt , apta fore & adæquata remedia , nisi alia simul ingredientia activa accesserint.

§. VI.

Margaritas & MATREM PERLARUM *Nacre de perles*, tanta, respectu indolis atque virtutis, intercedit similitudo, ut hæc in locum illarum, quotiès in praxi placuerit, tutò surrogari queat. Quod porosum verò atque spongiosum OS SEPIÆ MARINÆ, dorsale Os *de Seiche*, attinet, de eo paulò alitèr sentiendum erit, quum istud, præter constitutivas ac proprias *partes terreas*, *salsas* quoque *marinas* adventitias contineat, & antacidâ non minùs, quàm lenitèr abstergente virtute instructum sit. Extinctâ enim sepiâ marinâ, & partibus mollioribus putredine consumptis, os dorsale, naturali succo attramentofo successivè orbatum, & plùs minùsve à fervidis radiis solaribus, dùm aquæ ob levitatem innatat, calcinatum, multas partes *salsas* in poros recipit, quibus abstergendi virtus unicè in acceptis ferenda est. Ob laudatam virtutem abstergentem medicorum plerique, ossi sepiæ, in pulvere ad scrupulum circitèr exhibito, específicas quoque vires in sistendo fluxu seminali impuro tribuunt; at sine solido, quòd ego quidèm credo, fundamento: Non video enim, quid tam exigua salis falsi marini

quantitas ad ulcera genitalium venerea purificanda ac consolidanda conferre possit. Si lenissima quippe absterasio sufficeret, sal culinare, quod magnâ quotidie quantitate cum alimentis assumitur, plus omnino, quàm os sepiæ, in gonorrhœæ virulentæ curatione præstiturum esset. Externè pulveres dentifricos ingreditur

C A P U T V I I.

De Coralliis rubris & albis.

§. I.

CORALLA sive CORALLIA, *Corail*, intuitu mixtionis atque texture, mineralibus, intuitu formæ autem ac modi generationis plantis imperfectis accenseri merentur. Crescunt hæc lithophyta in fundo maris sub formâ arbuscularum, ita ut pedis altitudinem pæsepe consequantur, indeque, præsertim circa *Indiæ*, *Corficæ*, *Siciliæ*, atque *Massiliæ* littora, mensibus Aprili, Majo, Junio & Julio, singulari modo extrahuntur. Arbuscularum plurimæ albo, aut rubro, paucissimæ cœruleo aut nigro colore gaudent, & postrema præterea species non veris coralliis, sed pseudo-coralliis

à plerisque annumeratur, quoniam formâ & mixtione à vero corallio differt, & rectius inter ligna incrustata refertur. Ordinariò enim, licet nigerrimam atque politam habeat superficiem, per medium trunci atque ramorum lignei ramuli rectà excurrunt, ac totum corallium, flammæ admotum, in rarum degenerat carbonem, fortemque, spongiæ accensæ infar, odorem spargit.

§. II.

Singularia hæc concreta sub aquâ adhuc mollia esse, veteres non minùs, quam recentiorum nonnulli tradunt. Astipulatur quoque huic opinioni indefessus quondam naturæ scrutator *Comes MARSILIUS*, eamque variis observationibus notatu dignis confirmare allaboravit. Aliquandò nimirum, ut pauca duntaxat specialius adducam, quosdam coralliorum ramulos, recentissimè decerptos, aquæ marinæ imposuit, & post modicum temporis intervallum non sine oblectatione observavit, tubercula illa, quæ in corticis superficie erant conspicua, spontè aperiri & explicari in flores albicantes, formâ stellarum cum octo radiis, calyci insistentes, itidem in octo foliola diviso. Ramulis ex aquâ denuò extractis, flores

confestim clauderantur, & rubra formabant tubercula, quæ, digito aut alio instrumento compressa, succum lacteum fundebant. De novo aquæ impositi reflorescebant, & in eodem statu, cum in aquâ marinâ relinquerentur, per decem dies perseverabant. Cortex quoque in ramulis nonnullis, aliquamdiù in aquâ maceratis, quod idem refert, à substantiâ interiori lapideâ secedit, & ad fundum descendens, successivè in materiam mucilagineam, instar boli rubicundam, resolvitur, & interior substantia tandem putrescit. Succus lacteus, qui, secedente cortice, in aquam defluit, in principio illam fœtido imbuat odore, posteaque, exacto circiter mense, rursus ab aquâ separatur, & assurgens mucidam in superficie cuticulam format, crassitie dorsum cultri ferè æquantem, aqua vero pristinum saporem & odorem marinum recuperat. &c. (a).

§. III.

Quamquam ex allegatis observationibus & experimentis satis patescere videatur, coralliorum ramulos sub aquâ marinâ, aliquâ adhuc mollitie gaudere, con-

(a) Vid. Hist. de l'Acad. Royal, des sciences ann. 1710.

trariam nihilominus multi ſovent ſententiam , eidemque experienciâ pariter valorem conciliare ſtudent. Silentio prætermittam FERRANDI IMPERATI, OLAI WORMII, BAGLIVI, aliorumque teſtimonia , & ea duntaxat , quæ IOHANNES GEORGIUS PELSHOFFERUS in *Tyrocinio ſuo chymico* (a) communicavit , adducam : » Generoſus , » inquit , Dominus IOH. BAPTISTA. » DE NICOLO, *Eques Maſſilienſis*, & » Regius piſcationis corallorum in regno » Thunetano præfectus , certò mihi con- » firmavit, quòd , cum anno 1585, men- » ſe Julio in mari Bizertino regni illius » Thunetani piſcationem inſtituiſſet , cu- » piditate naturæ corallorum inveſtigandæ adductus , juvenem funibus ſufficienter longis alligatum , & pondere » viginti quinque librarum in utrâque » manu , ad deſcenſum liberiores , in » mare iſtud , centum perticas profundum , demiſerit , ipſique in mandatis » dederit , Corallium ut evelleret , & inter evellendum curioſè attentèque obſervaret , an molle durumve eſſet. Qui » ubi ruiſſus adſcendiſſet , utrâque manu » corallium attulerit , conſtanterque aſſeruerit , illud non minùs in ſuo mari ,

(a) Lib. II. cap. 10.

» quam supra illud durum esse , & se,
 » cùm ad octo perticas aut circiter pro-
 » pè fundum maris appulisset , magnam
 » ibi frigoris vim sensisse. Imò , quod ip-
 » semet etiam cum relationi ejus fidem
 » adeo non haberet , in mare , cum retia ,
 » quibus corallia piscari solent , contra-
 » henda essent , antequàm in ipsum æ-
 » rem efferrentur , ad profunditatem
 » unius perticæ se immerferit , & coral-
 » lium reti adhærens manu præhenderit ,
 » idque tum æquè durum , ac cum aeri
 » externo esset expositum , observasse.
 » Idem etiam confirmavit O N G *de la*
 » P O I T I E R , *Nobilis Lugdunensis* , qui
 » anno 1613. ab ejusmodi piscatione re-
 » versus est. Quod si ita sit , magno cer-
 » tè in errore hætenùs versati sunt Præ-
 » ceptōres nostri , contrarium docentes.
 » &c.

§. I V.

Difficillimum sanè futurum credo , in-
 dubitatam assequi veritatem , ubi expe-
 rientiaè prorsus contrariæ ab authoribus
 fide dignis adducuntur ; mediâ nihilomi-
 nùs viâ incedere , & ad diversum matu-
 ritatis gradum in coralliorum ramulis res-
 picere , tutissimum erit. Quum corallia

enim inter plantas imperfectas locum tueantur, multumque ætate & maturitate differant, sententiæ, primo intuitu contrariæ, fortassis conciliari poterunt. Probabile nimirum est, ramulos juniores aliquâ adhuc mollitie gaudere, ætate verò provectiores ac maturiores illâ paulatim privari, tandemque penitus indurescere, &, cum grandiores coralliorum frutices piscatorum studium atque attentionem magis, quam minores ac minus speciosi, excitent, facile fieri potest, ut, obiter consideratis minoribus ac junioribus, majores, qui sub aquâ pridem perfectam adepti fuerunt duritiem, exactiori contemplationi submiserint, indeque universalem postea conclusionem formaverint. Opinionem hanc, quam nemini tamen obtrudam, ipsum coralliorum incrementum quodammodo confirmare videtur: Admissâ enim perfectâ duritiæ primordiâ, tantum fruticum hujusmodi incrementum vix concipi posset, & ipse B o c c o n i, qui contrariæ tamen sententiæ addictus est, fateri cogitur, sese coralliorum frutices aliquoties invenisse, quorum ramuli quidam duri erant, rotundæ verò extremitates superiores notabilem adhuc mollitiem ostendebant,

albumque, instar esulæ, humorem includebant. (a)

§. V.

Haud minoribus difficultatibus. specifica propagationis ratio premitur, ac nondum debite exploratum est, an coralliorum frutices, secundum vix allegati Bocconis sententiam, ex variis moleculis terrestribus, salso-glutinosis, ac bituminosis, aquæ marinæ innatantibus, & sensim præcipitatis, concrecant, an potius, aliarum plantarum instar, per semina quædam, an effluente denique succo glutinoso, ac prolificâ virtute prædito, quæ hypothesis multis arridet, vel aliâ prorsus ratione, nobis ignotâ, propagentur. Quod me attinet, controversiæ huic, quam, novâ atque sufficienti experienciâ destitutus, perfectè dirimere nequeo, uberiùs examinandæ immorari quidè nolo; ne eandem tamen absque sententiæ confessione dimisisse videar, fateri nullus dubito, me illi calculum adjicere, qui propagationem per semina fieri existimant; quoniam laudatus Comes MARSILIUS in ordinariis coralliorum ramulis flosculos albicantes, qui seminum genesin val-

(a) Vid. Recherches & Obs. naturelles Epist. 11 & 12.

153 *Seçt. II. De Insipidis Terreis*
dè quoque probabilem reddunt, &
TANCREDUS ROBINSON, *Anglus*,
invariis plantis submarinis, coralliorum
fruticibus analogis, ipsa semina dete-
xit. (a)

§. V I.

Corallia alba ex solâ *substantiâ terreâ*
alcalinâ & salso-glutinosa componuntur,
in rubris verò memoratis *tenerrimum*
quoddam martiale, in cœrulescentibus *ve-*
nereum, & in cœruleo-rubicundis *vene-*
reo-martiale principium accedit. Terrea
substantia, quæ cæteris basin præbet, ac
largiori quantitate mixtionem ingredi-
tur, manifesta est, nec ullâ proinde
probatione indiget; reliqua autem prin-
cipia ità terreo interposita & implicita
inveniuntur, ut chymicis demùm exami-
nibus, aliisque observationibus & expe-
rimentis demonstranda sint. Quarè, ut
hæc quoque pateant, potiora argumen-
ta, rationi & experientiæ superstructa,
adducam, & cum glutinosâ ac falsâ sub-
stantiâ exordiar, quibus probandis obser-
vationes & experimenta MARSILII,
EANGELOTTI, BORRICHII, &
GODOFREDI egregiè inserviunt. Se-

(a) Vid. Derhami *Physico-Theologie* pag.
298.

cundùm iteratam nempè MARSILII
 observationem è coralliis recentibus, &
 nonnihil adhuc mollibus, succus glutino-
 sus exprimi potest, colore, pro corallio-
 rum differentiâ, vel albido, vel flaves-
 cente, vel subrubente tinctus, & sapore
 pariter, nunc acidiusculo, atque subad-
 stringente, nunc verò nidoroso, nunc
 acri, ac plùs minùsve pungente, prædi-
 tus, qui in aquâ marinâ fundum petit,
 & vini spiritum flavâ, ac lividâ tincturâ
 imbuat. (a). Cortex quoque, quod in præ-
 cedentibus (§. 2.) pridem retuli, in ra-
 mulis quibusdam recentibus, quando in
 aquâ marinâ aliquamdiu macerantur,
 spontè secedit, & in crassam substan-
 tiam mucilagineam resolvitur, cujus par-
 tes constitutivas, interveniente tamen
 aliquâ metamorphosi, sicca ac violenta
 destillatio monstrat: Observante nimi-
 rum vix allegato MARSILIO recentia
 corallia transmittunt phlegma lactescens,
 itémque spiritum urinosum, in quo aquæ
 marinæ odor dominatur, & quidè longè
 majorem quantitatem, quàm cornu
 cervi, nec non oleum fœtidum, quasi
 bituminosum, ex rubro nigricans, ac
 reliquis supernatans. Valent memorata
 solummodò de coralliis recentissimis;

(a) L. c.

cum vetustis enim , atque perfectè exsiccatis & induratis aliter in hoc passu comparatum est , & nihil hæc ipsa , vel exiguum duntaxat , liquidi portionem , accedente severiori Vulcani torturâ , sibi extorqueri patiuntur ; quemadmodum hoc GODOFREDI examina satis confirmant: Quippe qui ex integrâ coralliorum rubrorum librâ vix drachmas duas & grana duo spiritûs volatilis urinosi , grana duo vel tria olei fœtidi , & ex residuo , ulteriùs calcinato atque elixiviato , drachmam unam & grana quinquaginta falsi fixi obtinuit (*a*).

§. VII.

Multum pariter lucis utriusque principii allegati cognitioni LANGELOTTI & BORRICHI experimenta fœnerantur. Prior nimirum aliquandò integris coralliorum rubrorum fragmentis oleum quoddam blandum destillatum , cuius nullam tamèn specificam fecit mentionem , superfundebat , visurus , an tincturam extraheret ; attamèn , cum tale quid haudquaquàm contingeret , nec ullam corallia & oleum mutationem subirent , cucurbitam reposuit , tandemque diù

(*a*) Vid. Mémoir. de l'Acad. Royal. des Sciences ann. 1708.

repositam digestioni commisit, & post
 mensem, quum forsan eandem agitarer,
 observavit, fragmenta corallina paulò
 intensius rubere, & mollescere, absque
 ullâ tamen olei mutatione. Reliquit
 proindè cucurbitam in eodem caloris
 gradu, & elapsis aliquot diebus, vidit,
 corallia penitus resoluta esse in mucila-
 ginem rubicundissimam, & menstruum
 oleosum, salvâ pristinâ formâ, adhuc ni-
 hilosecius supernatare, nec tantillum
 tincturæ suscepisse. Cucurbitulam sæ-
 piusculè ac satis validè agitavit, at, nul-
 la olei & mucilaginis rubicundæ unio
 insecuta est, sed oleum semper superio-
 rem, mucilago inferiorem regionem pe-
 tebat. Quare, cum unionem digestionis
 beneficio procurare, aliquamdiù sine
 successu tentasset, oleum à mucilagine
 decantando separavit, pristinum suum
 saporem atque odorem perfectè adhuc
 retinens, mucilaginem rubicundam ve-
 rò, affuso spiritu vini tartarizato, brevi
 adjuvante digestionem, in rubicundissi-
 mam tincturam resolvit (a).

(a) Vid. Miscell. Acad. N. C. G. ann. 3.
 Qb. 59.

§. VIII.

Majoris fermè momenti esse, ac plus, quàm præcedentia, si eventus scilicet promissis pefectè responderet, demonstrando principio coralliorum salino inservire videtur processus chemicus à BORRICHIO (a) communicatus: subtilissimo nimirum coralliorum crudorum pulveri tantum aquæ simplicis destillatæ affunditur, ut emineat ad aliquot digitorum latitudinem, posteaque coctio, per biduum, sæpiùs intereà pulvere aut vase agitato, continuanda, instituitur, & eâ peractâ, atque liquore penitùs refrigerato, aqua, levi jam flavedine tincta, à pulvere subsidente decantatur, tandemque, præviâ tamen percolatione, in vitro fermè ad siccitatem evaporando redigitur. Magma rubicundum & salinum, inde resultans, & impuris quibusdam partibus adhuc inquinatum, in pauxillo aquæ destillatæ denuò solvitur, percolatur, & blando calore eo usque evaporatur, donec tinctura debitæ consistentiæ atque coloris remaneat, quæ, si sensim in vase ampliori, chartâ leviter tecto, & in loco temperato, à solis irradiatione

(a) In Tract. de Hermetis Ægyptiorum & Chymicorum sapientia p. 320.

libero, reponendo, evaporatur, in fundo crystallos format salinas, cubicas, pulcherrimas, sapore acri quidè, minimè tamen alcalico, præditas. Crystallus hæce, uti Authtor porrò testatur, substantia interjacet rubicundissima, instar succi ribium crassiusculi, quæ in aquâ destillatâ facile dissolvitur, eandemque rubro colore imbuunt.

§. I X.

Per substantiam terreo-salino-glutinosa hætenus lustratam ac demonstratam, tenerrimum principium tingens martiale in coralliis rubris dispersum est, cujus præsentia è rubedine solummodo obscurè, ex chymico autem GODOFREDI examine luculentissimè cognoscitur. Laudatus scilicet author corallia rubra in acido vitrioli solvit, solutionem filtratam in duas partes divisit, & alteri oleum tartari per deliquium instillavit, alteram verò leni evaporatione concentratiorem reddidit: Quo facto, ex portione priori pulverem albicantem alcalino terreæ indolis, martialibus tamen moleculis, quæ admoto magneti adhærebant, remixtum, ad fundum præcipitari, in posteriori autem, brevi elapso tempore, vitriolum martiale tenerrimum

num concrevisse, observavit (a). Quod venereas autem particulas, reliquis principiis subindè interjectas, attinet, de iis color quidè coralliorum nonnullorum subcœruleus præcipuè testari videtur, aliquandò tamen in scripto quodam, quod rursùm excidit memorià, memet quoque legisse recordor, chemicum quendam coralliis pulverisatis, colore rubro, valdè tamèn ad cœruleum vergente, præditis, flores salis ammoniaci sub primâ præparatione adjecisse; & inde, affuso tandèm spiritu vini, tincturam elegantissimè cœruleam, formâ externâ tincturæ veneris H E L V E T I I non dissimilem, obtinuisse.

§. X.

Nonnulli in coralliis rubris etiàm singulare quoddam *sulphur solare* quærunt, & inde non solùm rubedinem, sed confortantem paritèr atque cardiacam virtutem, quam plerique coralliis rubris tribuunt, derivare audent. Verumenim verò, aureum hoc principium in coralliis ad entia imaginaria pertinet, ac nullo unquàm experimento solidè demonstrari poterit. Color rubicundus, quod faciliè ex præcedentibus, aliisque observationibus

(a) L. c.

analogis cognoscere licet, unicè tenerri-
mis particulis martialibus, per totam co-
ralliorum molem dispersis, originem de-
bet, & cum solaris itaque substantia
sulphurea deficiat, non video, quibus
argumentis virtutis cardiacæ ac confor-
tantis patroni putatitias hæc vires am-
plius probare ac demonstrare velint. Pro-
vocabunt quidè ad experientiam, &
nonnihil mutatâ hypothesi sua, laudatos
effectus medicos, quos deficiens princi-
pium solare præstare nequit, à martiali-
bus moleculis, quæ, ab acido primæ cu-
linæ in vitriolum tenerimum mutatæ,
leniter constringendo fibras & membra-
nas aliquantulum roborare valent, for-
tassis derivabunt. Lubentius sanè poste-
riorem hanc opinionem, quæ primo in-
tuitu non planè destituta videtur verifi-
mitudine, memet admissurum esse, non
diffiteor, si martiale principium majori
quantitate coralliis rubris inhaereret, &
justa igitur inter causam & effectum pro-
portio adesset; at, cum parcissimè saltèm
illud ipsum reliquis principiis interjec-
tum sit, calculum meum nondùm adjice-
re audeo. Non movet me sola experientia,
quam, ratione solidâ destituti, defensores
allegare solent: atis enim compertum
habeo, experientiam ejusmodi per sapè

tumultuariam , mancam , adeoque etiã fallaciſſimam eſſe , & effectus , quos medici rudes , aut præjudiciis occæcati , huic vel illi pharnaco tribuunt , quique nul'â nituntur ratione ſolidâ , plerumque cauſarum fallaciis ſua primordia debere.

§. XI.

Sed , principiis coralliorum , & putritiis quibuſdam virtutibus relictis , videbimus , quouſque ſeſe veræ eorundem vires medicæ extendant. Profectò , ſi dicere licet quod res eſt , corallia alba nihil ampliùs , in pulvere ſcilicet exhibita , in corpore efficiunt , quàm ut primæ culinæ acidum præternaturale abſorbendo extinguant , & rubra , ob mixtas tenerrimas particulas martiales , per idem acidum in ſubtile vitriolum transformatas , paululum ſimul ſolidorum fibras aſtringere valent. Conveniunt proinde cum reliquis terreis antacidis , & albis nulla prorsus , rubris vero non adeò ſingularis concedenda eſt prærogativa , niſi denuò cum quibuſdam ad imaginarium ſulphur ſolare recurrere , idemque effectuum peculiarium authorem conſtituere velimus,

§. X I I.

Corallia plerumque sub pulveris formâ exhibentur , prostant tamèn variæ quoque tincturæ , diversis menstruis , diversâque methodo ex rubris coralliis paratæ. Præter acida enim , quæ coralliis penitus dissolvendis apta reperiuntur , concentrata pariter alcalia , oleosa & inflammabilia spirituosâ , accedente inprimis digestionè diuturnâ , aut aliâ operatione ministrâ , tingens coralliorum principium nonnihil aggrediuntur , etiâmsi haud negandum sit , quòd pleræque coralliorum tincturæ magis menstruis , præsertim oleosis aut spirituoso-inflammabilibus , sub digestionè aut destillatione plus minusve calore expansis & exaltatis , quàm avulsis & solutis particulis tingentibus , suam debeant originem ; quemadmodùm hoc clarè è rubro liquore cognoscimus , qui , prægresso phlegmate , transtillat , quando sic dictum *sal coralliorum* , ex albis duntaxat coralliis cum aceto paratum , destillationi in retortâ subjicitur.

C A P U T V I I I .

De Crystallo montana , Lacte Luna , Osteocolla , & Terris Sigillatis , ac Sigillandis Albis.

§. I.

QUanquàm regnum minerale numerosa nobis terrea absorbentia offerat , nostrâ nihilominus ætate pauca saltem in usum medicum vocantur , CRYSTALLUS MONTANA , LAC LUNÆ , OSTEOCÖLLA , & TERRÆ SIGILLATÆ unicè propemodùm civitatis pharmaceuticæ jura retinuerunt. CRYSTALLUS MONTANA , (*Aerg-Crystall*) , cujus locus natalis in terriæ visceribus ac montibus *Islandiæ* , *Sueciæ* , *Norvegiæ* , *Germaniæ* , *Bohemiæ* , *Helvetiæ* , *Hungariæ* , aliarumque regionum quærendus est , non glacies indurata est , quod veterum nonnulli cum PLINIO crediderunt , sed lapis durus , transparens adamantem formâ atque splendore æmulans. Constat ex terrâ minerali puriori , & paucâ substantiâ salino-glutinsosa , quæ posterior adeò tamen inter partes terreas recondita hæret , ut nulla ejusdem ratio sub lapidis usu habenda sit. Partes terreæ ma-

nifestæ sunt , salino-glutinosa autem calcinationis retractoris beneficio nonnihil demùm evolvuntur. Nam lapis hic , sæpiùs iteratæ ignitioni & extinctioni in aquâ frigidâ subjectus , tandèm , adfirmante BECCHERO, in mucosam materiam resolvitur , quæ destillata subtilem spiritum & oleum suppeditat : Immò , accidisse idem Author testatur, ut crystal- lus solveretur , & menstruo aqueo abstra- cto, tota crystal- li solutio sicca, pellucida , instar gelatinæ consistens , in fundo va- sis reperta fuerit , tractabilis ut cera , & æquè ac borax ad ignem levitèr fusilis. Ab acidis debilioribus nunquàm solvitur , & ipsa quoque acida graviora mineralia parùm eidem eripere valent. Unde mani- festum est , durum hunc lapidem mili- tare solùm inter medicamenta penitèr inertia , nec quicquàm virtutis ab eo in morbis , ex acido primæ culinæ oriundis , multò minùs in cholera & venenis cau- sticis mineralibus , morbisque similibus , in quibus specificè a multis commenda- tur , expectandum esset.

§. II.

Texturâ longè rariori gaudet friabile illud concretum terreum , quod hinc in- dè in *Helvetia* atque *Transylvania* &c.

CARTH. *Mat. Med. Pars I.* H

170 *Sett. II. De Insipidis Terreis*
 cryptis atque speluncis subterraneis inter
 rimas saxorum ex confluyente liquore al-
 bido aqueo terrestri concrefcit, & vul-
 gò LAC LUNÆ, itèmq̃ue *Marga sa-*
xatilis, *Agaricus mineralis*, *Mon-den-*
Misch, *Steinmarcf* &c. dicitur. Obiter
 nempe diffolutum, & nonnihil saltèm
 agitatum, aquæ lacteum conciliat colo-
 rem, & promptè pariter, præviâ forti
 effervescentiâ, ab acidis potentioribus
 solvitur. Pristinum igitur locum inter an-
 tacida remedia tuetur; quòd specificis
 autem galactophoris, seu pharmacis pro-
 ventum lactis uberiores procurantibus,
 secundum superstitionum traditionem,
 accenferi possit, negare nullus dubito.
 Scio quidèm, acidum præternaturale, in
 primâ culinâ abundans, chylum præcipi-
 tando corrumpere, adeòque novi lactis
 genesis remotè impedire posse: Scio quo-
 que, lac lunæ, ob vires antacidas, remo-
 vendo obstaculo indicato aptum esse; ex
 solâ tamèn virtute antacidâ, quâ cuncta
 hujus farinae corpora instructa sunt, alle-
 gatam specificam nondùm eruere possum.

§. III.

TERRÆ SIGILLATÆ ET SIGIL-
 LANDÆ ALBÆ, *Weißge gesiegelte*
Erden, quibus *Hyerosolimitana*, *Turcica*,

Laubacensis, *Lemnia*, *Lignicensis*, *Strigoniensis*, *Melitenensis* præcipuè accenseri merentur, pro meo judicio inter selecta ægritudinum remedia ampliùs collocari nequeunt, etiamsi quondam à plerisque magni æstimatæ, & ob vires incrassantes & bezoardicas imaginarias, in morbis variis, maximè autem in febribus malignis, hæcticis, hæmorrhagiis &c. valdè commendatæ fuerint. Meræ omnino terræ pingues margaceæ sunt, ac debili proindè ventriculo, licet vulgaribus, paulò teneriores reperiantur, multùm plerumquè molestiæ creant, & facillimè, nisi copiosum in primâ culinâ acidum inveniant, cum cruditatibus mucidis in tenacem massam gypseam concrescunt. (a).

(a) Quandò spiritus vitrioli, aquâ simplici nonnihil debilitatus, terris sigillatis albis superfunditur, nulla quidem effervescentia oritur, confestim nihilominùs bullulæ quædam assurgunt, ac sensim quoque parùm materiæ spumidæ in superficie liquoris colligitur. Ex terræ cujusdam sigillatæ albæ Silesiacæ granis XV. , cum duabus spiritus memorati drachmis in arenâ calidâ per sedecim horas probè digestis, post præcipitationem cum liquido alcalico fixo filtrationem, edulcorationem & exsiccationem, magisterium planè insipidum, coloris sublutei, obtinui. Quamdiù illud post præcipitationem in liquore

§. I V.

Terris recensitis adhuc ignobilior est **OSTEOCOLLA**, alias etiam *Osteocol- lum*, *Lapis ossifragus*, *Marochius*, *Asius Dioscoridis*, *Osteites* &c. *Bruchstein*, *Bein- Bruchstein* dicta. Colore gaudet vel gryseo vel albido, vel flavescente, ac passim in tra- ctibus arenosis *Franconia*, *Hassia*, *Marchia Brandenburgica*, *Pomerania*, *Silesia*, *Po- lonia*, aliarumque regionum sub terrâ ad variam crassitiem ac longitudinem cres- cit. Tàm altas radices, referente **BECK- MANNO** (a), in terrâ quandoque egisse compertum est, ut ramos ad aliquot ul- narum profunditatem portexerit. Radi- ces plerùmque ad. perpendiculum dire- relinquebatur, ob insignem teneritudinem ac levitatem, satis pingue ac valdè copiosum vide- batur, & fæces cerevisiæ colore & habitu exter- no referebat; filtratione verò separatum & ex- ficcatum, tantummodò sex grana pendebat, & nullum amplius pinguedinis vestigium monstra- bat. Notari quoque meretur, sub præcipitantis alcalici infusione fortissimam effervescentiam fuisse obortam: Indè enim clarè cognoscere li- cet, terras hujusmodi sigillatas parùm acidi in liquore acido solvente extinguere, nec adeò magnam proindè vim antacidam in ventriculo exerere posse.

(a) In Hist. urb. Francof. p. 33. Conf. Acta Societ. Angl. ann. 1668. p. 646.

etæ sunt, rariùsque ramuli per latera diffunduntur, nec ubiquè æquali pollent crassitie, sed alii aliis tenuiores, vel crassiores, instar plantarum super terræ superficie crescentium, inveniuntur; truncus tamèn omnium crassissimus est, & persæpè mediocris brachii, vel tibiæ crassitiem attingit, ramis interim auricularis digiti crassitiem non superantibus. Certum atque definitum tempus osteocollæ ad maturitatem postulat: In illo enim loco, ubi anno præterito effossa fuit, altero anno nova plerumque genita visitur, quæ tamen, si præmaturè effoditur, justam duritiem non acquirit, sed extracta aliquam mollitiem ac friabilitatem retinet.

§. V.

Causam divisionis osteocollæ in ramos idem BECKMANNUS prodire arbitratur ex plantarum (a) radicibus, semet

(a) B. NEWMANNUS, qui veram osteocollæ originem ac genesin sedulò investigavit, in hoc passu à BECKMANNO dissentit, nec promiscuè quarumvis plantarum radices, sed unicè, vel tamen plerumque, populorum radices prima stamina terreolapideo huic concreto præbere existimat: Quæ, si citrà exceptionem vera sunt, sequitur, in illo loco, ubi hoc anno

ſubter terram paſſim diffundentibus , adeò , ut materia terrea arenoso-marga- cea circa eas colligatur , & , firmiùs ad- hæreſcens , ſecundùm radicum diviſio- nem , figuram poſteà ac ſpeciem plantæ conſequatur. Et indè etiàm ratio ducenda videtur , cur linea obſcura trunci & ra- mulorum centrum ſecundùm longitudi- nem ſemper percurrat. Hæc ſtria ſenſim evaneſcit , & oſteocolla in medio clareſ- cit , quamprimùm radix paulatinâ cor- ruptione in pulverem redacta fuit. Subin- dè quidèm oſteocollum in medio perfec- te ſolidum , & prædictâ cavitare penitùs deſtitutum , occurrit ; at , iſtud neuti- quam circa craſſiorem quandam radi- cem , ſed tantummodò circa complures ſibras tenues concrevit ; Hinc poros qui- dem per totam longitudinem , nullam ta- mèn , ut prius , cavitatem oſtendit. In illis locis , ubi oſteocolla deliteſcit ſub terra , inter arenam , quæ hic locorum ubique coloris ſubflavi eſt , albicans at- que pinguior arena in conſpectum venit , eademque remota , obſcura , pinguiuscu-

oſteocollum extractum fuit , altero anno , quod BECKMANNUS tamen aſſirnat , nullam no- vi oſteocolli concretionem expectandam eſſe , quoniàm neceſſaria fundamenta lignoſa poſt pri- mam eſoſſionem deficiunt.

la, &, non obstante calore, & ficcitate alterius arenæ, quodammodo humida ac putrida materia, instar ligni putridi; quæ palsim sub arenis diffunditur in modum ipsius osteocollæ, & ab iis, qui effodiendæ osteocollæ operam navant, *Flos osteocollæ* vocatur. Osteocolle, hac ratione inventa, tota mollis est, magis tamen friabilis, quàm ductilis: Quare, si fossoribus integrum truncum cum ramis extrahere placet, circumquaque arenam providè amovere debent, & ita aliquamdiù relinquere, donec indurescat, quod plerumquè, si aeri & radiis solaribus liberior accessus pateat, post horæ dimidiæ decursum fieri solet.

§. V I.

Respectu mixtionis internæ osteocolle ex arenâ constat, & rudiori terrâ *margaccâ*, quibus paucissimæ tamen particulæ *bituminosæ*, & *salinæ* tam *acidæ*, quàm *urinose* altiùs immixtæ hærent. Partes bituminosæ & salino-urinose destillationis siccæ ac violentæ beneficio eliciuntur, & ita colligi possunt, ut priores oleum empyreumaticum, petroleo analogum; posteriores, unà cum inhærentibus aqueis, liquorem alcalicum forment: Quod acidus verò, quæ cum acido salis

culinaris conveniunt , attinet , illæ , addito oleo vitrioli , expelluntur , & in ordinarium quoque liquorem spirituosum , si memoratum scilicet acidum in retortâ tubulatâ affunditur , sensim congregantur. Plerorumque ingredientium origo sub terrâ facilè patet , & urinosæ particulæ procul dubio è putrefactis primis stamibus lignosis generantur.

§. V I I.

In menstruis acidis osteocolla quoad partem solvitur , ità tamèn , ut solutæ materiæ quantitas pro specificâ acidorum differentiâ magnoperè variet. Referente nimirùm sæpiùs allegato NEUMANNO , qui ad solutionem quamcunque drachmam semissem osteocollæ , & unciam dimidiam menstrui adhibuit , *acetum destillatum* , scrupulum dimidium , *aqua regis* & *spiritus nitri* scrupulum unum & grana sex , & *oleum vitrioli* quatuor saltèm grana solvit. Singulæ hæ solutiones colore flavo , in aliis saturatori aureo , in aliis dilutiori tinctæ erant , immò , similis flavedo , quanquàm debiliior & nonnihil ad albedinem inclinans , si solutionis acetosæ residuum , quod naturalem servaverat colorem , exceperis , in relictâ parte minùs solubili conspicietur.

§. VIII.

Rudi, crasso, & ignobili huic concreto non-nonnulli vires específicas in fluore albo, gonorrhœâ & ossium fracturis tribuunt, & callum in casu postremo potentissimè generare perhibent: Sed, cuiusnam principio singulâres hæ virtutes adscribendæ sint, hæcenus nondum eruere potui. Pro meâ igitur sententiâ iners in morbis medicamentum est, nec ullam, præter debilem antacidam, virtutem medicam exerere, multò minùs callum, siue internè sub pulveris formâ exhibeatur, siue externe emplastris addatur, generare valet.

C A P U T. IX.

De Calce vivâ & inde Parando infusum aquoso.

§. I.

CALX VIVA, nondum per vapores aeris, aut crassiorem humiditatem aqueam dissoluta, *chaux-vive*, quoad habitum externum corpus siccum lapideo-terreum, obscuræ albedinis, ad flavedinem paululùm inclinantis, re-

fert, & ordinariò è lapidibus calcariis ; qui hinc indè è montibus ac collibus copiosè eruuntur , fortissimæ calcinationis seu exustionis beneficio , paratur. Lapidès memorati ex *multâ terrâ* , *paucâ substantiâ unguinosâ* , & *paucissimo acido minerali vitriolica profapia* constant. Terra sensus manifestè incurrit , substantia unguinosa ex tenacitate ac glutinositate , post violentissimam etiàm exustionem in calce remanente , patescit , & destillationis denique ope acidum vitriolicum in apricum potest deduci. E calcariis enim lapidibus , recenter effossis , capaci retortæ loricatæ , igni aperto imponendæ , immissis substrato igne fortissimo , liquor aqueo acidulus , qui proprietatibus suis phlegma vitrioli , seu spiritum vitrioli , multâ aquâ debilitatum , æmulatur , in receptaculum expellitur. Transit paritèr pauxillum liquidi urinosi , quod tamen antè destillationem siccam in lapidis calcarei mixtione nondùm latuit , sed demùm sub calcinatione , severioris Vulcani torturâ , genitum fuit.

§. II.

Laudatæ partes , è quibus lapides calcarii crudi componuntur , sub violentâ exustione plus minusvè mutantur ac trans-

formantur: Terra redditur porosior atque solubilior, substantia unguinosa ex parte evadit tenerior, & sal acidum, interveniente arctissimo ejusdem cum terrâ subtiliori solubili & paucâ substantiâ unguinosâ connubio, partim in sal fixum alcalicum, valdè tamèn terreum, partim in volatile sulphureo-urinosum degenerat, ut ideò calx viva ex *terrâ crassiori antacidâ*, *crassiori pariter materiâ pingui glutinosâ* remota, nec minùs ex *substantiâ terreo-salino-alcalicâ*, & *sulphureo-salino-urinosâ* constare rectè dicatur.

§. III.

Principium terreo-salino-alcalicum factis clarè e calcis vivæ virtute, sulphura mineralia solvendi, cognoscitur. Quando sulphur commune enim, itemque sulphura antimonii cum aquâ calcis vivæ saturatâ debitè coquuntur, indè decoctum resultat rubicundum, & sulphura æquè, ac si cum alio lixivio alcalico concentrato cocta fuissent, solvuntur. Promptius succedit, & citius pariter pars sulphurea ex pulverisato antimonio crudo extrahitur, quando lixivium, è cineribus clavellatis & calce vivâ paratum, superfunditur, vel ipsa calx viva decenti quantitate cum sulphure pulverisato misce-

150 *Seçt. I. Tradens generaliora*
tur, & coctio deinde instituitur. Deco-
ctione nimirum ultimo hoc modo insti-
tutâ, liquor inde emergit intensè rubens,
qui filtratus pellucidus est, & tempore
hyberno solo aeris hypocausti calefacti
tempore evaporatus, observante STAHLIO (a), crassum, salinum, siccum,
maximâ ex parte crystallinum, sedimen-
tum relinquit, quod ipsum, licet denuò
totum in aquâ dissolvi nequeat, salinam
tamen sui consistentiam à priori, uti lau-
datus Auctor loquitur, probavit, dum
in aquâ dissolutum, filtrum cum illâ pe-
netravit. Sedimentum hoc terreo-salinum
amaricans (quale etiâ resultat, quo-
riès aqua calcis vivæ cum acido quodam
confunditur) proximè ad naturam tartari
vitriolati accedit, & dubio-procul ex
partibus terreo-salino-alkalicis vivæ, &
acidis vitriolicis, è sulphure sub diutur-
nâ coctione separatis, & à phlogistæ sub-
stantiæ, quæ rubro-aquam colore tingit,
compedibus plùs minùsve liberatis, nasci-
citur.

§. I V.

Majus pondus hætenùs adductis, & ab-
observatione desumptis argumentis ad-

(a) Vid. *Fundamenta Chemiæ* p. 92.

edit experientia Domini DU FAY, qui novam methodum, sal, quanquam valde terreum, ac debilis saporis, è calce vivâ educendi, in *Actis Societatis Regiæ Parisinæ* (a) communicavit: Sumuntur scilicet aliquot libræ, v. g. decem vel plures, calcis vivæ, in frustula diffractæ, seu grossiusculè contusæ, & pars altera post alteram, cum carbonibus, alternatim crucibulo ingestis, stratificata, in furno calcinatur, usque dum aliquam rubedinem contraxerit: Quo facto, in aquâ extinguatur. Aqua, materiæ rubescentis ac calcinatæ iteratâ immersione, sale imprægnata, cum calce per horæ dimidium coquitur, & calx deinde repetitâ aquæ decantatione atque filtratione separatur, lixivium pellucidum verò evaporatur, sic sal desideratum remanet. Magma hoc salinum saporem salinum omninò quidè possidet, non degustanda tamèn sunt pauca duntaxat grana, sed integrum cohlear unâ vice ori ingerendum est, ut a credo salina eminentiùs sentiatur. Nunquam perfectè album reddi potest, & in principio, ante novam solutionem ac depurationem, cum acidis affusis fortem effervescentiæ motum subit; partibus terreis autem reiteratâ solutione ac filtra-

(a) Ann. 1724. p. 126.

tione segregatis, cum acidis ampliùs effervesce re nuit, etiamsi, promptè in cellâ subterraneâ deliquescens, in flavescensem liquorem resolvatur. Magna aquæ quantitas, & coctio protractior, quod, intuitu vix memorati prompti ejusdem in aere & cellâ subterraneâ deliqui, utique paradoxon videtur, ad hujus salis solutionem requiruntur. Convenit cæteroquin quoad saporem acrem, & quodammodò etiã colorem cum liquore illa acri & flavo-rubente, qui forti igne ex calce, jam in aere extinctâ, & retortæ inditâ, expellitur (a).

(a) Ad argumenta, quibus chymici præsentiam salis alcalici in calce vivâ probare allaborant, vulgò etiã referuntur *Incalescentia* ejusdem ac *Dissolutio* in aere humidiusculo, nec minùs *Ebullitio* cum aquâ simplici superfusâ, quæ ad tantum subinde gradum evehitur, ut multæ ad superficiem liquoris bullulæ, nec minùs visibiles super illam, crassi, acres, mordaces, vapores in aerem assurgant, & aqua æquè, ac igne actuali subdito, ebullire videatur. Verùm, quum scriptores circà designandam veram hujus phænomeni causam, quid? quod, circa ipsam denominationem valde dissentiant, istud argumentis annumerare nondùm audeo. Alii enim motum hunc, qui in aquâ affusâ oboritur, *Ebullitionem* alii *calidam Effervescentiam*, nominandum esse opinantur. Illi eundem, nec minùs fortem, quæ ungitur, *incalescentiam* à particulis igneis, &

§. V.

Præter principium terreo-alcalicum fixum, uti antea pridem monui, in calce vivâ volatile quoque sulphureo-urinosum hæret: Neutrum tamen, quod circa

subtilissimis æthereis, sub fortissimâ calcinatione ingressis & ex poris, aquâ superfusâ laxatis, demum prodeuntibus, deducunt. Sed, quomodo subtilissima materia æthereo-igneâ, fortiter commota terreo ejusmodi corpori tandiù includi, & adeò occultari potest, ut nullum planè caloris vestigium post refrigerationem relinquatur? Aut, quomodo inhærens & incarcerata subtilis materia ignea, ad perfectam quietem reducta, tam citò ac fortiter ab aquâ intrante impelli iterum, expelli, & ad celerrimum motum igneum denuò subeundum deduci potest? Majori paululùm verisimilitudine gaudere videtur sententia posteriorum, qui ebullitionem hanc calidæ effervescentiæ speciebus annumerandam, & ex concursu, conflictu ac forti attritu intestino, vel partium acidarum & alcalicarum, simul in calce hærentium, vel etiâ principii terreo-alcalici, præprimis volatilis sulphureo urinosi, utione violentissimâ in calce geniti, & acidi subtilioris, in aquæ poris hospitantis, derivandam esse contendunt. Certissimè enim in calce vivâ principium terreo-salino-alcalinum præsens est, & de acidi subtilioris præsentia in aquis vulgaribus, tum ex aere, sub roris aut pluvie formâ, decidentibus, tum è telluris gremio, ubi acidum spirituosum copiosius, quam in aere, circumvagatur, prorumpentibus, nullo pariter

posterior utique admirationem meretur, solo igne sicco à terrâ & crassiori substantiâ unguinosâ separari & expelli potest, sed aer humidiusculus, & ipsa aqua desideratur. Nam sub extinctione, sive ea in aere, sive aquâ contingat, vapores

modo dubitandum est. Chymicâ quippe experientiâ constat, aquas fontanas, etiâ purissimas, citrà pellaciditatis jacturam, tenerrimas moleculas terrestres in sinu suo fovere reconditas, quæ, instillato liquore alcalico concentrato, in conspectum veniunt, & in raram congregatæ nubeculam, partim fundo, partim lateribus vitri apponuntur. Merito igitur hoc querendum erit: Quid antea particulas hasce terreas, quævis filtra cum aquâ liberrimè transeuntes, solubiles reddiderit, & in aquâ tenuerit suspensas? Profectò, ni admodum fallor, subtile fuit acidum, quod violenter per alcali liquidum, successivè instillatum, avellitur, adeoque illis ulterius solvendis, & in alto sustentantis ineptum redditur; unde fit, ut illæ, ceu corpuscula per se aquâ specificè graviora, aquæ diutius innatare nequeant, nec amplius etiam, indole salinâ pernitens amissâ, chartæ bibulæ poros cum aquâ transire possint.

Fateor; hanc hypothesin, ceu prioribus probabiliorem, illicò memet admissurum esse, nisi assensum plenarium dissuaderet experientia contraria, quâ edoctus scio, calcem vivam non tantum in aquâ simplici ac purâ, sed alcalicis quoque liquoribus, tam fixis, quàm volatilibus urinosi, leviter remixta, motum effervescentiæ

acres, mordentes assurgunt, & tales quæque, quanquam minori comparative quantitate, è parietibus, recenter dealbatis, ac nondùm sufficienter exsiccatis, exhalando in aerem prodeunt, immò particulae volatiles sulphureo-urinosaë,

æmulum, fuscitare, licet ille paulò remissior sit; quam in aquâ purâ, & incalescentia quoque cum insequente dissolutione tardiùs aliquantulum contingat. Quare cum satis inde constet, laudata phænomena unicè à simplici acidi subtilis, in aquæ poris hospitantis, & alcalici in calce principii concursu laudquaquàm posse derivari, meritò adhuc quæritur: Quænam igitur alia singularis hujus effectûs causa præcipua alleganda sit? Pro meâ sententiâ propiùs illi ad veritatem accedere videntur, qui simul ad teneram quandam ac mobilem substantiam sulphuream, sub calcinatione ex acido subtili vitriolico & materiâ pingui unguinosâ enatam, respiciunt, & à resolutione ejus ac motu calorifico, poros scilicet aere humidiusculo, aut aquâ intrante, ebullitionem & incalescentiam deducunt. Calx viva enim, ut nonnulla illustrandi fine adducam, quodammodò convenire videtur cum *Lapide Bononiensi*, & *Phosphoro BALDUINI*. Prior hinc inde in Italiâ, maximè autem in territorio *Bononiensi*, circa montem *Apeminum*, & in monte *Paterno* reperitur, & lapidem sinit grysei coloris, ponderosum, partibus sulphureis instructum, qui debite, præmissâ singulari præparatione aliâ, ab *HOMBERGIO* descriptâ, calcinatus, in locò tenebricoso, si antea aeri libero, præferim cœlo sereno, aliquantulum fuerit

fi calx viva fali ammoniaco sub fpiritûs
deftillatione , loco cinerum clavellato-
rum aut falis tartari , additur , cum reli-
quis partibus fpirituofis transcendunt , &
fpiritum evocatum vulgari acriorem at-
que fervidiorem reddunt. Scio quidè ,

expositus , lucem , prunæ inftar , fpargit. Similis
lucula feu fulgor igneus , in tenebris confpicuus ,
ab aere libero & radiis folaribus in *Phofphoro*
BALDUINI excitatur , qui itidè calcinatio-
ne ex cretâ , & fpiritu nitri paratur , & quoad
nonnulla calci vivæ valdè analogus eft. Sed ,
quanta , quanta , aliquos dicturos credo , debilem
& evanidam hanc lucem abfque calore , & for-
tem , quæ à calce vivâ in aqua lufcitatur , inca-
lefcientiam differentia intercedit ! Non audeo ire
inficias , lucem hanc , & aquæ cum calce incalef-
centiam multùm intercedere difcriminis , tantùm
tamen illud eſſe , ut corpora memorata hoc loco
illuſtrandi gratiâ allegari , & quoad indolem cum
calce vivâ aliquantifper comparari nequeant ,
non video. Valdè enim quoad elementa ac præ-
parationem cum calce vivâ conveniunt , ut
nullum dubium fupereſſe videatur , quin ignis
actualis ſub calcis in aere humiduſculo incaleſ-
centiâ proditurus eſſet , ſi calcis partes ſulphureæ
mobiles paulò copioſius inhærerent ; uti id fieri
obſervamus in *Pyrophoro* HOMBERGII , qui ,
ex alumine uſto & vitellis ovorum , vel aliâ ma-
teriâ , phlogiſto principio prægnante forti calci-
natione paratus , ceu pulvis , maximam partem
ſulphureus , illicò accenditur , quamprimùm aer
leberior admittitur , licet antea in vitro probè
obturato diu abſque incenſione cuſtodiri potuerit.

alios aliam eminentioris acredinis causam, quæ terræ tenerrimæ, urinoso sali inhærentis, destructione nititur, allegare; (a) at solam hanc locum hîc invenire, neutiquàm credo, sed, præter eam, laudatas quoque partes urinoso-sulphureas, quas addita calx viva suppeditat, admittendas esse existimo.

§. VI.

Calx viva, tanquàm corpus terreum, valdè crassum atque causticum, per se in medicinâ adhiberi nequit, sed aquosum duntaxat infusum ejus hætenùs inter medicamenta interna, externa locum invenit. Paratur illud secundùm BURLERTI (b) descriptionem non ex calce Hollandicâ, quæ ex testis ostrearum &c. calcinatione producitur, sed ex calce vivâ vulgari, hætenùs descriptâ, & quidèm

Indè cæteroquin cognoscimus, subtiles ac mobiles substantias sulphureas, si ad motum igneum deduci debent, diversas causas impellentes postulare, & aliàs ignem crassiorẽ, & sensibilem calorem, aliàs tantummodò ignem debilissimum, non ex ardore, sed ex luce duntaxat cognoscendum, concipere.

(a) Vid. Neumanni Lect. de Sale ammoniac pag. 260.

(b) Vid. Memoir. de l'Acad. Royal. des Sciences loc. cit.

modo sequenti : Recipitur libra una cal-
cis vivæ, eidemque sex libræ aquæ plu-
vialis, aut fontanæ purissimæ affundun-
tur. Cessante ebullitione, infusum, in
digestione frigida per XXV. horas reli-
ctum, per colatorium trajicitur, & ad
usum reponitur. Residuo prædicta aquæ
quantitas secundâ quidem vice affundi
potest, at infusum indè obtinetur, pau-
cis principiis, ac longè minoribus viribus
instructum, & si tertiâ vice id fiat, in-
fusum viribus planè destituitur. Calx in-
terim, post trinam infusionem superstes,
si de novo subjiciatur calcinationi, de-
nuò activa redditur, & aquam desidera-
tis viribus iterùm imbuere valet.

§. VII.

Abundat infusum hoc, si recens, par-
ticulis *sulphureo urinosi*, *terreo-salinis*
alcalicis fixis, & maximè *terreis teneriori-*
bus. Terra quodammodò convenit, præ-
fertim in consortium receptis particulis
salino-alcalicis, cum decantatissimâ *Ma-*
gnesia albâ, præterquàm, quod paulo
rudior sit, & falsâ substantiâ quæ ma-
gnesiæ exiguâ quantitate admixta reperi-
tur, destituta. Recenter parata hæc aqua
longè potentior est diutiùs jam asservatâ.
Partes enim sulphureo-salinæ, quibus

præcipua virtus in acceptis ferenda, successivè abeunt in auras; quemadmodum hoc ex imminutâ acrimoniâ, & imminutâ pariter virtute sulphura solvendi, satis clarè cognoscimus: Unde constat, aquam hanc coctione, præprimis diuturniori, parari non posse, multò minùs evaporationis beneficio majorem ipsi activitatem conciliari, sed utroque potius modo, ob principii primarii jacturam, inertem planè ac fatuam evadere, adeò, ut, præter terram alcalinam, nihil amplius in poris foveat reconditum.

§. VIII.

Aqua descripta acidum, tùm in primis viis, tùm ipso sanguine & humoribus reliquis præternaturalitèr accumulatum, extinguit, solida membranacea siccando leniter astringit, & astringendo æquè, ac blandè stimulando, nec minùs fluida aliquantulùm commovendo, lenem diuresin ac diaphoresin movere, adeoque humores purificare, & majorem ipsis fluiditatem conciliare valet. Ejusdem quippe virtutem non subsistere in primâ culinâ, sed ad sanguinem & reliquos humores circulantes extendi, ex principiorum solubilitate in aquâ, & facillimo per filtra transitu satis patescit.

§. I X.

Ex , memoratis vires specialiores facillè quidè̃m deduci possunt , priusquàm tamen mentem meam de illis aperiam , virtutes , ab aliis medicis huic aquæ adscriptas , recensebo. In Bataviâ , referente BURLETO (*a*) , illa specifica creditur in cachexiâ , chlorosi , obstructione viscerum , scorbuto & hydrope , præsertim , si cum tincturâ antimonii , aut metallorum combinetur , & eâ quidè̃m proportionè , ut mensura una aquæ laudatæ duas , vel tres tincturæ uncias recipiat. Hujus mixturæ uncia sex quotidie in hydrope , & scorbuto hauriendæ sunt. Excellentius , secundum BURLETI relationem , hoc medicamentum evadit in pallore cachectico , quandò mixtura ex unciis quatuor aquæ calcis vivæ , totidemque unciis tincturæ metallorum , aloes pulverisatæ unciâ unâ , & croci martis drachmis duabus componitur , & infusum , peractâ quadraginta horarum digestionè , à fœcibus decantatum , ægris successivè propinatur. Quod si quoque huic , jalappæ drachmæ tres addantur , melius hydropicis mederi dicitur. Dosis quotidiana mixturæ ad bina cochlearia (*a*) L. ç.

ascendit, & cum jusculo quodam assumitur. Febres contumaces quartanas pariter fugare traditur aqua calcis vivæ, quandò eidem & tincturæ metallorum modica quantitas tincturæ corticis Peruviani miscetur.

§. X.

Uterius progreditur BURLETUS, & aquam hanc in omnibus quoque vulneribus atque ulceribus, tam internis, quàm externis, cum lacte mixtam, aut decoctis traumaticis additam, nec minùs in hæmorrhagiis exorbitantibus, dysenteria, fluore albo, stranguriâ, asthmate, itèmq; in tumoribus internis, qui nondùm in scirrhum aut cancerum abierunt, ut & in scrophulis, ac strumis, nondùm inveteratis, valdoperè commendat, ac multùm ab eâ auxilii, si usus aliquamdiù continuetur, expectandum esse affirmat. In Galliâ illam plerumque cum lacte vaccino aut asinino miscent, & in asthmate eidem pectoralia addere, atque sequenti modo infusum indè parare consueverunt: Rec. aquæ calcis vivæ mens. IV., ligni sassafras, rad. glycyrrhizæ, sem. anisi aa. uncias IV., passular. minor. libr. dimid. Infundantur more consueto, & deindè quinque, vel sex uncie hujus infusi bis quotidie ægro exhibeantur.

§. XI.

Magis hæc aqua , præsertim tincturis calidioribus , v. g. tinctura antimonii , metallorum &c. remixta , teste sæpiùs allegato BURLETO , conducit Batavis , ceterisque gentibus septentrionalibus , aere humido , crasso , & simili victu utentibus , adeoque fibris laxioribus , & humoribus spissiusculis præditis , quàm Galliæ incolis , ac gentibus vicinis , quæ aerem sicciorem atque calidiorē hauriunt , & alimentis tenerioribus nutriuntur. Memoratus proindè auctor additionem tincturæ metallorum in regionibus calidioribus planè omittere , & aquam calcis dilutiorem reddere , ac dosi minori propinare suadet. Quum aqua hæc , præsertim sub usu diuturniori , appetitum etiàm dejiciat , alvum astringat , & ægros paululùm macilentos reddat , vini generosi haustum frequentiùs interponere , & macilentos , aut alvi obstructione ac siccitate laborantes ab usu ejus penitus abstinere jubet : Et hoc monitum quoque observandum erit , quotiès morbi ex nimia solidorum siccitate atque stricturna suam originem ducunt.

§. XII.

Præcipuis, quæ BURLETUS, alii-
que de hujus aquæ usu interno commu-
nicarunt, recensitis, meam pariter epi-
crisin subjuncturus, videbo, an ratio,
verè medica, usum illiûs internum in sin-
gulis morbis, antea nominatis, suadeat
ac probet, nec ne. Quò id autem ordi-
ne meliori fieri queat, ægritudines illas,
quibus aqua hæc, interne usurpata, me-
deri creditur, in duas classes redigam;
quarum prior cachexiam, asthma pitui-
tosum, phthisin, obstructions viscerum
chronicas, hydropem humidum, leuco-
phlegmatiam, febrem quartanam, scor-
butum, tumores strumosos, aliosque
frigidos; posterior autem hæmorrhagias,
vulnera, ulcera, dysenteriam, fluorem
album, & stranguriam comprehendet.
Morbi primæ classis laxitatem & ato-
niam partium nervoso-membranacea-
rum, & præter hanc, vel acido-tarta-
ream, ac mucidam, vel salsam atque
acrem humorum dyscrasiam causas a-
gnoscent præcipuas. Quare, cum infu-
sum calcis vivæ, uti ex præcedentibus
constat, non tantum, mediante terrâ
tenerrimâ, acidum præternaturale de-
struere, ac solida laxa siccando leniter

astringere, verum etiam principio alcalico, præsertim volatili sulphureo urinoso, blandè stimulare, fluida spissa resolvere, & leni diuresi atque diaphoresi impuritates educere valeat, in propatulo esse opinor, usum eius internum, eumque cautum ac moderatum, in morbis prædictis utique admittendum esse.

§. XIII.

Notatu quidè dignum est, aquam hanc etiam strumis recentioribus abigendis aptam censerì, quum tamèn in illis regionibus, ubi strumæ inter morbos endemios militant, potus aquarum, partibus tophaceis, & calcariis valdè referatarum, causa earum præcipua judicetur. Attamèn, hoc loco pro meâ sententiâ magis ad principii sulphureo-urinosi, quam terrei, operationem respiciendum erit, quippe quod, humores spissos & coagulatos dissolvendo, tubulorum lymphaticorum, & glandularum obstructions aufert. Non obstat quoque lenis, à terreo principio expectanda, vasculorum nimium dilatatorum ad & constriçtio, sed multùm ea ad ejusmodi tumorum ablationem confert.

§. X I V.

In morbis alteriùs classis cum usu hujus aquæ interno cautiùs paulò mercandum, & plures ideò cautelæ circà eum à practico rationali observandæ erunt. Nam hæmorrhagiæ exorbitantes tubulorum ad & constrictione non semper tutò sistuntur, & in dysenteriâ atque fluore albo adstringentia nullum locum inveniunt, nisi in hoc saburra viscida, in illâ vero, simul procurata febris, & status intestinorum inflammatorii mitigatione, quinimò plenariâ ablatione, impuritates causticæ priùs fuerinteductæ. In stranguiriâ autem temperandi, ut & in ulceribus siccandi sine faciliùs admittere possum. Semper tamèn usus evadet securior, & virtus medica exaltabitur, quandò aquæ huic, in morbis primæ & secundæ classis exhibendæ, præter varias tincturas, etiàm liquida diffusiora, siue sint infusa, siue decocta, ex plantis, aliisque speciebus, cuivis morbo appropriatis, parata, adduntur. Externè hæc aqua epithemata, partibus gangrænâ affectis, applicanda, ingreditur, & adhuc frequentius eluendi, abstergendî & siccandi sine, ad ulcera impura, exedentia, & ichorosa venerea, aliaque adhibetur.

C A P U T I X.

De ungulâ alcis , cranio humano. cornu cervi , & ossibus de corde cervi,

§. I.

U N G U L A A L C I S *Pied d'Elan* (*Elends Klave*) est durum , compactum & inodorum concretum osseum , quod ex multa terrâ alcalinâ , & copiosa pariter , eâque , subdulci ac temperatâ , gelatinâ constat , quæ posterior tamèn coctione à parte terreâ nunquàm penitùs separatur. Ex unâ enim rasurâ uncîâ , licet coctio protractior adhibita , eademque affusâ aquâ recenti , semel repetita fuerit , solummodò drachmam unam cum dimidiâ extrahere potui , institutâ verò calcinatione , binæ fermè drachmæ , sub fumi fœtentis formâ , separatæ fuerunt , ut inde igitur satis appareat , alcis ungulam ex æqualibus propemodùm gelatinæ conglutinantis , ac terræ alcalinæ partibus compositam esse. Terræ moleculæ valdè gelatinosæ substantiæ hærent involutæ ; hînc ungula , licet in rasuram redacta fuerit teneriorem , tardè admodùm & difficile in liquoribus acidis , po-

tentibus etiã ac concentratis , solvitur. Acidum enim gelatinam aggredi nequit , adeoque ad partes terreas implicitas , quibus corrolandis ac solvendis unicè par est , ægerrimè penetrat. Unde cognoscimus , in ventriculo , ubi debile duntaxat acidum quandoque hospitatur , nec ulla coctio , sed blanda saltèm digestio admittenda est , nunquã perfectam ejus solutionem expectandam esse.

§. II.

A prisca non minùs , quàm recentioris ævi medicis durum hoc concretum tantis encomiis , ob imaginariam quandam virtutem antispasmodicam , & antipilecticam ornatum fuit , ut plerique ad illud ipsum , tanquã ad sacram anchoram , in convulsionum truculentissimarum curatione confugere haud dubitaverint. Verumenimverò , quis tam eximias vires antepilepticas à debilissimâ virtute antacidâ , quâ alcis ungula lapidibus cancrorum nullo modo comparanda est , expectabit ? Quis paucis gelatinæ granis , quæ in exiguâ , quâ vulgò exhiberi consuevit , mole hærent , singularem virtutem antispasmodicam tribuere audebit ? præsertim , cum animantia carnivora gelatinis temperatis , quas alimenti loco magnâ quotidie quan-

ritate affumunt , adeò affuefacta fìnt , ut nullam indè mutationem , qualem medicamenta ftrièté fic dicta producant , experiantur. Scio quidèm , nonnullos ad activum quendam halitum refpicere , & ab eo vires ungułæ antifpafmodicas deducere : At , fcio etiam , uti hoc in tractatione generali pridèm retuli , halitum illum ad imaginaria ungułæ alcis , & corporum fimilium principia conftitutiva referendum effe.

§. III.

Præjudicatæ opinioni , circà vires fpecificas enatæ , præcul dubio morbus caducus , quo alces , æftivis imprimis menfibus , frequentiffimè afflièti dicuntur , occafionem fubminiftravit : Superftitiofi quippè , ac nimis creduli rerum naturalium fcriptores tradiderunt , animantia hæc , epileptico paroxyfmo correpta , caput fuum ponè aures ungułâ finiftrâ , (quæ ideo etiam præftantior judicatur) , fcalpendo , venulam unam alteramve aperire , & , modico fuperveniente fanguinis ftillicidio , confefim ab infultu memorato liberari. Sed , quis nugis ejufmodi , quibus certiores neotericorum relationes planè contrariæ inveniuntur , ullam fidem adhibebit ? Non nego qui-

dem, laudata animalia, (quæ in sylvis Norvegiæ, Lapponiæ, Finnoniæ, Lithuaniæ, & Prussiæ præcipuè degunt), fontico huic morbo valde obnoxia esse; negotamen, illum tali causæ suam debere originem, quæ illicò parco cruoris effluxu auferri, aut saltè mitigari possit. Vermes sunt, & singularia infecta ex genere crabronum, quæ intrà nares, & inter pilos dorsi, immò, in ipsâ cranij cavitate nidulantur, & puncturâ ac rosione molestissimâ adeò duram meningem, aliasque membranas sensibiles torquent, ut in vehementissimas contractiones epilepticas ruere cogantur; quemadmodum hæc ex docti HEELWINGII, sacerdotis Angerburgensis in Prussia observationibus (a) clariùs parescunt.

§. 1 V.

Severiore, quàm ungula alcis, censuram meretur CRANIUM HOMINIS, violentâ morte perempti. Vix satis enim dicere licet, quantam fiduciam medici superstitiosi, spasmus, epilepsiam, aliasque convulsiones profligaturi, in hoc paritè medicamento quondam collocaverint, etiamsi in eo, præter vulgarem

(a) Vid. Bresz'aver Natur-Geschichte Part. VI. ann. 1718. p. 1746.

terram alcalinam & gelatinam, quæ posterior quartam circiter ponderis partem constituit, nulla substantia activa alia demonstrari, nec ulla ideo eminentis virtutis antepileptiæ ratio reddi potuerit: Quicquid nonnulli enim de inhærentibus singularibus spiritibus garrunt, nugis fabulisque annumerandum est. Pertinet præterea ad pharmaca horrida, ideò imprimis è selectorum censu releganda, quod ægris scientibus nauseam pariunt, immò, haud levem nonnunquam horrorem incutiunt. (a)

(a) Dolendum sanè quod omni pene ævo ipsorum medicorum nonnulli obscena quædam sordida, horrida, & ab ipso homine desumpta, pharmaca introducere allaboraverint. GALENUS de simili pridem XENOCRATIS APHRODISIENSIS comamine vituperando *Libro X. de simpl. medicament. facultatibus* conqueritur: „ Quædam, inquit, eorum abominanda sunt,
 „ detestandaque, quædam etiàm legibus vetita,
 „ de quibus haud scio quo pacto scribere licuit
 „ Xenocrati, homini non olim nato, sed proavorum nostrorum seculo, cum imperium romanum hominibus vesci vetuisset. Atque ille
 „ sanè tanquàm ipsemet fuerit expertus, magnàm
 „ profecto fiducià scribit, quosnam affectus curare valeat comesum cerebrum, aut carnes,
 „ aut jecur humanum, quòs autèm capitis, sive
 „ aut digitorum ossa, partim usta, partim ustionem non experta, quæ denique & sanguis.

§. V.

Medicamento utrique, alces nimirum ungulae, & cranio humano, CORNU CERVI albicans & compactum, quale in cornuum peripheriâ & extremitatibus reperitur, præferre nullus dubito, quoniam longè promptius, quam ungula, in acidis liquoribus solvitur, & absque nausæâ quoque assumi potest. Quando gelatina coctionis beneficio extrahitur aquâ, rasuræ uncia, quod suprâ pridem retuli, vix drachmas duas & pauca grana reddit; sin calcinationi autem subjiciatur, gelatinosum principium totum resolvitur in fumum fœrentem, ita, ut ex integrâ rasuræ uncia, saltem uncia dimidia

„ Sed hæc sanè, tametsi contrâ leges sunt, non
 „ tamen sunt fœda, & obominanda. At potio
 „ sudoris, aut urinæ, aut mensium mulieris abomi-
 „ nanda detestandaque est: atque horum impri-
 „ mis stercus; quod tamen scribit Xenocrates,
 „ si oris aut gutturis partibus inungatur, & in
 „ ventrem devoretur, quid præstare valeat.
 „ Scripsit etiam de aurium sordibus devorandis.
 „ At ego ne has quidem unquam devorare susti-
 „ neam, ne si in toto quidem morbo deinceps
 „ liber degrem. Atque his etiam magis abomi-
 „ nandum puto stercus, estque gravius probrum
 „ homini modesto audire *καταφάγοι*, hoc est
 „ stercorivororum, quam fellatorem aut cinædum.
 „ &c. „

& grana viginti quatuor terræ alcalinæ relinquantur. Exhibetur quidè̃m , ad acidum primæ culinæ extinguendum , acrimoniam humorum obtundendam , & partes erosas demulcendas , solâ triturâ in subtilem pulverem redactum : Attamen , in casu priori mera terrea eligere , & in casu posteriori gelatinam , coctione pridè̃m extractam , propinare , vel ipsam rasuram ptisanis , aliisque decoctis largâ manu addere , præstat.

§. VI.

Cum cornu cervino , quoad naturam , principia ac vires , conveniunt cruciformia illa officula , quæ in cervis annosioribus è fibris quibusdam aortæ induratis & ossificatis generantur , ac vulgò *Ossa de Corde Cervi* *Hirsch-Crenszlen* , vocantur. Plerumque ex *Sabaudia* afferuntur ; monendum tamen ; officula similia , è corde boum exempta , cervinis tamen paulò majora , frequentissimè substitui , & ignaris emtoribus vendi pro genuinis. Parùm cateroquin refert , an cervina sint , an bovina , quum unâ eademque indole atque virtute donata reperiantur.

C A P U T X.

De ebore , unicornu vero , dentibus hippopotami , castoris , atque apri , mandibulis lucii piscis , lapide carpionum & percarum.

§. I.

MERITO simplicia indicata ad duas classes , quarum altera **EBUR** , *Yvoire , Elffenbein , UNICORNU VERUM , Wahrhaftes Einhorn ; DENTES HIPPOPOTAMI , CASTORIS , APRI , Dents d'Hippopotame , de Castor , de Sanglier ; See-Pferd Bieber-und wisse Schweins-Zähne* , altera autem **MANDIBULAS LUCII PISCIS** *Mâchoire de Brochet , Hecht-Zähne* , **LAPIDES PERCARUM** atque **CARPIONUM** *Pierres de Perches & de Carpes , Barse-und Karpffen-Steine* , complecti debet , redigenda sunt , quoniam priora compactiori , ac duriori , posteriora rariori , ac molliori texturâ gaudent. **DENTES ELEPHANTORUM** masculorum , (fœminæ enim nullis dentibus prominentibus armatæ sunt) , ex *Guineâ , Æthiopiâ , insulâ Ceylon , regno Siam* aliisque *Africa & India orientalis* regionibus , quæ ele-

phantos alunt, ad nos transferuntur, & tantæ interdum magnitudinis sunt, ut unus 100., 120., 150., immò, 200. libras pondere æquet. **UNICORNU VERUM**, cujus origo apud veteres variis relationibus fabulosis ansam præbuit, nihil certè aliud est, nisi cornu, seu rectius, dens striatus ac quasi tornatus *Monocerotis marini*, qui in mari septentrionali, maximè circa *Groenlandiam*, vivit, ac vulgò *Narval*, it. *Narwhal* dicitur. Certò quidem nondum constat, an animal hoc binis hujusmodi dentibus, an saltèm unico, instructum sit; plerique nihilominus scriptores pro sententiâ posteriori militant. Nascitur in mandibulâ sinistrâ, indeque, ultra duarum in adultis ulnarum longitudinem, rectâ excurrit. Externa superficies nonnihil flavescit, substantia verò interna albissima est, & ebur texturâ compactâ, duritie ac pondere superat.

§. I I.

DENTES HIPPOPOTAMI seu Equi fluvialis, quos olim mittebat sola *Ægyptus*, nostro ævo plerumque ex *Guineâ*, aliisque *Africa* regionibus maritimis, ubi amphibium memoratum in Nigro flumine, & circa maris quoque littora

vivere traditur, ad gentes Europæas evē-
hantur. Non facilè in Officinis nostris
genuini dentes Hippopotami reperiun-
tur, sed plerique, qui pro iis venduntur,
Rosmari dentes sunt. Illi minores exi-
stunt, & si etià fuerint maximi, nun-
quàm tamèn ultrà sedecim pollices elon-
gati inveniuntur, hi autèm ad ulnæ in-
tegræ longitudinem persapè excrescunt.
DENTES CASTORIS, qui paulu-
lùm incurvi sunt, & in parte convexâ
flavo rubente colore tincti, maximè ad
nos mittuntur è *Prussia*, *Polonia*, *Rus-*
sia, *Gallia*, *Canada* &c., in quibus regio-
nibus hoc amphibium satis frequens est,
& passim propè flumina & lacus habitat,
DENTES APRI notissimi sunt, adeo-
que hoc loco descriptionem uberiores
minimè postulant. Idem quoque de
MANDIBULIS LUPI PISCIS,
LAPIDIBUS, seu ossibus triangulari-
bus CARPIONUM, & LAPIDIBUS
seu ossiculis oblongis ac subrotundis
PERCARUM dicere licebit.

§. III.

Quemadmodùm simplicia allegata
nonnihil differunt texturâ, sic aliquam
paritèr differentiam, intuitu proportio-
nis principiorum, eadem intercedere,

206 *Seçt. II. De Infipidis Terreis*
observamus. Uncia v. g. eboris raspati ,
cum quo dentes hippopotami , castoris ,
apri , & unicornu verum valdè conve-
niunt , drachmas tres & grana sedecim ,
uncia mandibularum lucii piscis drach-
mas tres & grana duodecim , & una de-
nique uncia lapidum carpionum drach-
mas sex , & totidem grana gelatinæ ,
quæ in subiecto postremo admodùm pin-
guis est , continet.

§. IV.

Quoad naturam & vires medicas sin-
gula hæc concreta ossea cum cornu cer-
vi conveniunt , & *ebur* simili prorsùs mo-
do in usum vocatur reliqua autem solum-
modò pulveres , potiunculas , emulsio-
nes , & subindè etiàm morsulos ingre-
diuntur. Variæ quidè vires specificæ à
medicorum quam plurimis iisdem tri-
buuntur , & *unicornu marinum* in venenis
cujuscunque generis , epilepsiâ , febribus
ardentibus , variolis , morbillis , rubeolis
&c , *dentes apri* , *dentes castoris* , & *man-
dibula lucii piscis* in epilepsiâ infantili ,
dentitione difficili , anginâ , pleuritide ,
aliisque partium internarum inflamma-
tionibus , *dentes hippopotami* in excedenti-
bus hæmorrhagiis , spasms , & convul-
sionibus , præsertim à terrore ortis , nec

minùs in calculo , partu difficili , secundis retentis &c. , & *lapides* denique *percarum* atque *carpionum* in suppressione urinæ , nephritide , calculo &c. auxilium planè singulare præstare dicuntur : Verumenimverò , falsæ traditiones sunt , quæ ratione carent , nec verâ pariter observatione confirmantur. Pro meo igitur iudicio è materiâ medicâ , si ebur exceperis , cujus rasura cornu cervi frequentissimè substituitur , facilè exulare possunt. Certò enim persuasus sum , pauca , & quidè ex classe terreorum lapides cancerorum & conchas , ex classe terreogelatinosorum autè ebur & cornu cervi , practico rationali abundè , suffectura ; & cuncta , à reliquis verè expectanda , certissimè præstitura esse.

C A P U T X I.

De Lapide Bezoardico.

§. I.

LAPIS BEZOAR, *Pierre de Bezoar*, *Bezoar-Stein* , vulgò in *Orientalem* & *Occidentalem* dividitur. Prior est lapis duriusculus , ex lamellis , sese mutuò cingentibus , compositus , vario quidè co-

lore , variâque magnitudine & figurâ ; nullo autem singulari sapore atque odore præditus. Alii enim , qui tamèn rarissimi , & ingentis proindè pretii sunt , ovi columbini , immò gallinacei magnitudine gaudent ; alii contrà , quorum uberior observatur proventus , vix scrupulum unum , drachmam semissem , drachmam integram &c. pondere æquant , ac modò rotundam , modò ovatam , cylindraceam , aut prorsùs irregularem figuram obtinent , luteoque , viridante , cœruleo , ruffo , nigricante , aut variegato , ex luteo nimirum vel viridi aut cœruleo-nigricante colore tincti visuntur. Optimi , teste KÆMPFFERO (a) , judicantur , qui figurâ rotundâ , & colore cœruleo , viridante , vel in alterutrum nigricante donati sunt , ignobilioris verò indolis esse creduntur , qui lutei , ruffi , & discolores sunt , aut lanam , tuberculis hinc indè obviis inclusam , gerunt.

§. II.

Genuini lapides bezoardici orientales in pyloro seu productioni quarti ventriculi fundo *Gazella Indica* , quam Persidis incolæ *Pasen* , Europæi *Capricervam bezoardicam* vocant , generantur. In uno

(a) Vid. Amoenit. exot. p. 402.

enim memoratæ cavitatis latere singularis quidam scrobiculus, glutinoso humore oblitus, reperiri traditur, qui lapidi sensim concreto quasi matricem præbet, & glutinosâ materiâ irretitum, tandiù retinet, donec post necem animantis à venatoribus eximatur, vel subinde etiã apud vivum animal, præsertim, si fame premitur, & diuturniorem pati cogitur inedia, è latrâ prædictâ excus-
sus, integer, aut denuò, ob superstitem aliquam molliem, resolutus, cum excrementis ejiciatur. Concrefcere creditur, natâ nimirum aliâ lamellâ post aliam, ex partibus terreis, & substantiâ quadam resinoso-mucilagineâ conglutinante, ex alimentis concoctis residuâ, ita tamèn, ut simul cum pabulo arreptus lapillus, vel lanæ, paleæ, corticis portiuncula fundamentum, ac prima stamina largiatur, quibus concretionis initio moleculæ terreo-resinose mucilagineæ sese apponere possint. Reperitur sylvestre hoc caprarum genus, lapides bezoardicos orientales generans in *Chorasnia*, duntaxat & *Laar*, binis Persiæ provinciis, ibidemque in montanis solummodò tractibus, maximè autèm in monte *Baarfi*, reliquis ob plantarum varii generis ubertatem præferendo, herbas resinosas alexipharmaz

cas in victum quærit. Non generantur tamèn , quod addendum duco , lapides bezoardici in omnibus hujus montis capricervis , sed tantummodò in annosioribus , rarò quoque bini vel plures , sed plerumque saltèm unus , in descripto scrobiculo occurrunt.

§. III.

A lapide bezoardico orientali , tùm crassitie lamellarum , tùm mollitie ac friabilitate majori , sese distinguit *LAPIS BEZOAR OCCIDENTALIS* , qui eadem propemodùm ratione , quâ prior , inventriculis caprarum sylvestrium regni Peruviani , quas incolæ *Cugvacu* vocant , ex indigestis esculentorum reliquiis terreo glutinosis , aliisque , fortuitò accedentibus , partibus heterogeneis paulatim concrefcit , & nigro plerumque , cinereo , aut viridescente colore gaudet. Orientali multò vilior existit , & medicis quoque viribus longè inferior judicatur , quæ opinio tamèn , uti ex sequentibus patebit uberius , solido fundamento destituta est.

§. IV.

Genuinis lapidibus bezoardicis orientalibus persæpè à fraudulentis & lucri cu-

pidis lapides alii, non adeò dissimili formâ præditi, substituuntur, & passim magno pretio pro veris venduntur, quorum alii ex animantibus plus minusvè formâ corporis, naturâ atque patriâ à Gazellâ bezoardicâ, quam Persia alit, distinctis, eximuntur, alii merè factitii sunt, & ab otiosis spadonibus Gynæcei regii in Persia, itèmq; à Brachmanis in Indiâ, aliisque, è quibusdam speciebus terreis & glutinoso-resinosis artificiosè componuntur. Hæ fraudes tam frequentes sunt, ut nullos planè genuinos ad nos deferri, scriptores quidam non sine ratione crediderint: Immò, memoratum mangonium præcipua quoque causa esse videtur, cur mercatores, pharmacopolæ ac medici, tùm veteres, tùm recentiores, de detegendis ac describendis genuini lapidis bezoardici notis characteristicis tam solliciti fuerint, etiam si, uti ego quidem credo, finem suum parùm obtinuerint. Tantus enim circà notas laudatas scriptorum dissensus reperitur, ut, quæ hic primaria dicit, alter planè rejiciat, aut tamèn fallacissima pronuntiet; ut nihil dicam de hominum artificiis, quæ dudùm ad eum perfectionis gradum pervenerunt, ut parùm operosa ejusmodi naturæ producta facilè imitari, & si-

milia concreta , quæ lapides veros præcipuis proprietatibus externis perfectè æmulantur , è speciebus analogis componere fciant.

§. V.

Vulgò , ut bonitatis notas nonnihil faltèm attingam , lapides bezoardici genuini effe creduntur , qui volæ manus , cinere conſperſæ , aut cretâ aliquantulum oblitæ , vel chartæ etiàm , cerulâ aut cretâ nonnihil obductæ , luteam ſub afſrictu vel ex luteo virideſcentem lineam inducunt , qui politâ prætereà ſuperficie gaudent , & diffracti lamellatim conſpiciuntur concreti , qui , aquæ tepidæ per noctem immerſi , limpideſcentem ejus nullo planè modo turbant , multò minùs duritiæ nativæ decrementum , ponderiſque priſtini incrementum patiuntur , qui acum denique candentem admittunt , & ità , quod criterium ſæpe allegatus KÆM. PFFERUS judicat optimum , inter refinæ ac lapidis ſubſtantiam ambigunt , ut contuſi in acido nitri vel ſalis ſpiritu diſſolvantur , eundemque ſatis rubente colore , & ſuâ ſimul virtute imbuant.

§. VI.

Lapides bezoardici , qui in noſtris non

minùs , quàm reliquis Europæ officinis pharmaceuticis prostant venales , triplicis generis sunt , alii nimirùm *terrestres* , alii *resinosi* , & alii denique *gummosi*. Terrestres , qui reliquis nihilominùs præstantiores & magis genuini censentur , post indurationem perfectam lapideâ prope-modùm soliditate donati sunt , nec ullis ideò mensuris aqueis & spirituoso-inflammabilibus obtemperant , sed , quod pridem KÆMPFERUS expertus est , liquores acidos concentratos ad sui solutionem postulant. Ex *sola* enim *terra* , & *modicâ substantiæ glutinosæ portione* compositi deprehenduntur , cui nonnunquam tamèn *pauxillum principii resinosi* , quod rubedo prodit , quâ nonnulli spiritum nitri & salistingunt , immersum hæret. Resinosi solvuntur quidèm in spiritu vini , & gummosi in aquâ simplici calidâ , ast nihil singulare indè resultat. B. NEUMANNUS lapidis bezoatdici resinosi , inter veros orientales relati , scrupulum unum cum sufficients spiritus vini quantitate temporariæ commisit digestionis , & , peractâ solutione , grana septendecim *extracti* , & grana tria *terreæ* obtinuit. Extractum tenacissimum erat , & colore ex luteo-viridante tinctum , odore pollebat , instar valerianæ & casei , nauseo-

ſo , & nullum linguæ ſaporem , vel leniſſimum duntaxat , ac vix ſenſibilem amaricantem , imprimebat. Terra , odore ac ſapore penitus deſtituta , brunni coloris erat , & dentibus interpoſita , arenæ inſtar , ſtridorem excitabat. Lapides gummoſi , in aquâ ſoluti , nil niſi *terram inertem* & *ſubſtantiam mucilagineam* , plerumque inſipidam prorsùs & inodoram , relinquunt : Plerumque , inquam ; ſubindè enim , præſertim inter reſinoſæ familiæ lapides bezoardicos , occurrunt , qui ambram nonnihil redolent : Aſt hi ipſi præ reliquis ſuſpecti , & certiffimè factitii ſunt. Idem Auctor occidentales quoque lapides bezoardicos ſcrutinio chemico ſubjecit , eoſdemque ob duritiem tam refractarios invenit , ut neque vini ſpiritu , neque aquâ illos ſolvere , aut quidquam ex iis extrahere potuerit (*a*).

§. VII.

Primùm SERAPIONIS AVICENNÆ ac RHASIS temporibus lapidem bezoardicum orientalem , tanquàm medicamentum excellentiſſimum alexipharmacum , innotuiſſe , & paſſim in uſum vocatum fuiſſe , hiſtoriæ medicæ ſcriptores (*b*) referunt , & , licet poſt Arabum

(*a*) L. c. p(*b*) Vid. *Stollens Anleitung zur medicinischen Gelahrtheit*. p. 606.

tempora, diù iterum usus ejus neglectus, immò, oblivioni traditus fuerit, famam tamen postea recuperavit, & tanti à medicorum plerisque, ob putativam virtutem alexiteriam, æstimatus fuit, ut omnium alexipharmacorum præcipuum crederent, & quævis alexipharmaca reliqua in honorem ejus bezoardica vocarent. Promiscuè enim concretum hoc lapideum cujuscunque generis venena arcere, vincere, atque efficacissimè destruere autumabant; quam opinionem præjudicatam ipsa consummare videbatur denominatio: « Nam lapis bezoar orientalis, » KÆM-
» PFFERUS scribit (a), *Pasahr* dicitur,
» ex quo nobis vox *Bezoar* enata est. Sce-
» ptici nostri philosophi petunt ab Hebræo
» *Bahal*, quod *dominum*, & Persico *Sahr*,
» quod *venenum* significat, & lapidem ve-
» neni domitorem vocant ». Alii cum
Excell. Dn. STENTZELIO (b) hoc no-
men à Persicis vocabulis *Pa* & *Zohar*,
quorum prius *contra*, posterius *venenum*
significat, derivant: Aliis adhuc alia vo-
cis origo placet. Sed, quicquid sit, inde
ad minimum cognoscimus, lapidem hunc
statim in principio inter præstantissima

(a) L. c. p. 398.

(b) Vid. Diff. ejus de Bezoard. emolumento & detrimento.

alexipharmaca relatum fuiſſe. Lucem memoratis antiqua non minùs, quàm hodierna Perſarum opinio fœneratur: Referente enim vix allegato KÆMPFERO (a), virtutes lapidi eandem Perſæ, quas noſtri tribuunt; quin facultatem quoque declinandi morbos, & prolongandi vitam, ſi à benè ſanis ſub auſpicio faventis aſtri aſſumatur. Multis hinc ſolenne eſt, ut ſub ipſo anni ingreſſu (quo cœlum creditur proniſſimo vultu mortales aſpicere) modicam pulveris doſin conſiſenter aſſumant; perſuaſi, hoc remedio radicale vitæ humidum, quod dicunt, foveri in annum poſſe.

§. VIII.

Laudatam virtutem bezoardicam, cui cardiaca, aliæque, huic lapidi adſcriptæ, denuò niti dicuntur, maximè à diaphoreſi, quam, exiguâ etiam doſi oblatus, excitare creditur, pendere, dicunt patroni: Sed, quàm inanis fiducia, quàm cœca opinio! Ubì, quaſo, famoſæ hæ virtutes in lapide bezoardico, tam genuino, quàm factitio, latent? quis unquàm duo, tria, quatuor, quinque, immò plura grana lapidis, abſque aliorum miſcelâ exhibiti, in febribus malignis ac

(a) L. c. p. 403.

morbis similibus, nondum scilicet imminente excretione critica, & spontaneâ absente sudatiunculâ, immò apud sanos, neglecto consueto regimine, cui, tanquam causæ aptissimæ, sudoris proruptio crebrò tribuenda est, sudorem provocasse vidit? Næniæ profecto sunt, ac ficulæ Gerræ, quæ ratione destituuntur, nec ullâ unquam experienciâ verâ probari poterunt. Genuini sanè lapides bezoardici, tam orientales, quam occidentales, qui, ut à antea relatum fuit, insipidi prorsus, inodori, & lapideâ plerumque duritie præditi sunt, adeoque solutionem in aqueis & spirituosò-inflammabilibus menstruis planè respuunt, lapidibus cancrorum haud præferendi sunt, & ab acido quod in ventriculo nonnunquam offendunt, & aliorum terreorum instar, extinguunt soluti, nil amplius, nisi lenissimam duntaxat abstersionem ac resolutionem præstare valent; ex quâ nemo tamen decantatissimam virtutem alexipharmacam, præsentibus imprimis venenis animalibus ac vegetabilibus, postea deducere audebit.

§. I X.

Consentientem in hoc passu habeo; præter neotericorum alios, *Dominum*
CARTH. *Mat. Med. Part. I.* K


SLARE, *celebrem Angliæ Medicum*, qui optimos lapides bezoardicos iterato ac studiosè adornato examini subjecit, posteaque prædictæ opinioni subscribere haud dubitavit. Provocabunt quidèmfamæ pristinæ tutores ad principium quoddam tingens, cujus suprà paritèr (§. V.) mentio facta fuit; at parùm eo ipso præjudicio conciliabunt patrocinii: Posito enim, substantiam ejusmodi, procul dubio resinofam, semper inter glutinofa terreas partes exiguâ quantitate delitescere, haud quemquam tamèn, præfertim, si toxicorum & febrium malignarum indolem, causas, & congrua remedia debitè exploraverit, tam cœcum fore credo, ut exiguam hanc resinæ vulgaris ac parùm activæ portionem tantis effectibus producendis proportionatam, aptamque futuram esse, sibi aliisque persuadere conetur.

§. X.

Fortassis eximios effectus alexipharmacos, aliosque, quos genuini lapides bezoardici præstare nequeunt, nonnulli à factitiis resinosis ac gummosis expectabunt: Verumenimverò, neque hi, neque illi morientem fiduciam rursùs vivificare valebunt. Quis insipidis enim & inodoris

concretis terreo-glutinosiſ , cujus cenſus gummoſi ſunt , vel inertibus etiã maſſiſ terreo-reſinoſiſ induratiſ , quæ , peractâ relatione perfectâ , nullum , vel debiliſſimum ſaltẽm ſaporem amaricantem (*conf. §. VI.*) linguæ , & debilem pariter , eumque naſeoſum , odorem naribus imprimere poterant , ſingularem virtutem ſudoriferam & alexipharmacam tribuet ? Ego ſanè nihil , notiſſimiſ encomiis dignum , invenio , & egregiaſ proinde virtuteſ , quaſ experientiam monſtraſſe perhibent , cauſarum fallaciis ſolummodò niti , rationibus , & contrariâ experientiâ convictuſ , credo.





SECTIO TERTIA.

De Acidis & Acidulo-Dulcibus.

CAPUT PRIMUM.

De naturâ & differentiâ Acidorum.

§. I.

QUanquàm triplex naturæ regnum **ACIDA** quædam & **ACIDULA** largiatur medicamina, maxime tamen vegetabile ac minerale corporibus abundat, quæ *acido explicito vel implicito* plus minusve instructa sunt: Quod animale enim regnum attinet, in eo parcissimus observatur acidus proven-tus, & nullibi propemodum, si lac & li-quorem gastricum animantium quadru-pedum, itemque infecta nonnulla aculea-ta, aliaque, v.g. *apes, formicas (a)* &c.

(a) Acidum formicarum duplicis generis re-peritur, alterum videlicet comparative *gravius*, aceto in hoc passu non dissimile, alterum valde

exceperis, nullum ejusdem vestigium, absente scilicet morbo, deprehenditur. HOMBERGIUS quidè ex animalium quadrupedum sanguine, carnibus, & excrementis exiguam pariter acidi quantitatem eduxit; at valdè illud debile erat, & tædiosum atque iteratum artificium chymicum ad sui evolutionem postulabat. Recepit nimirum sanguinis agnini recentis libras tredicim, quæ, separatâ parte ferosâ, sex libras coagulatae seu inspissatae massæ hepaticæ reliquerunt. Massam hanc in retortâ vitreâ, arenæ impositâ, destillationi subjecit: Sic igne leni, per 75. horas continuas substrato, primò liquoris clari aquosi libræ quinque prodie-

subtile, mobile, atque volatile. Hoc formicæ vivæ irritatae, sub halitûs tenerrimi ac penetrantissimi formâ, emittunt, idemque facillimè alembicum cum spiritu vini transcendit; illud autem paulò fortiorem ignis gradum & vehiculum aqueum sub destillatione postulat. Notatu quoque dignissimum est, formicas verum atque substantiale oleum essentielle æthereum reddere, quandò aqua aut spiritus vini rectificatus super recentissimè captas, semel vel aliquoties, minori tamèn comparativè quantitate, abstrahitur. Oleum hoc satis temperatum est, & ab oleo pini, cujus portio nonnullis videri posset, magno perè differt; uti plura de hisce in B. NEUMANNI *Lectiōe de Formicis* videnda sunt.

runt, in quo fese nihil acidi manifesta-
bat: Mutato autem receptaculo, & igne
ad summum usque gradum paulatim au-
cto, dimidia circiter libra liquoris, quoad
partem dimidiam rubicundi & aquosi,
quoad alteram verò partem dimidiam
oleosi, fœtidi, ac valde empyreumatici,
expulsa fuit. Liquor rubicundus aquosus
acidi non minùs, quam alcalici salis indi-
cia dedit: Cum salis enim spiritu effer-
vescebat, & tincturæ tornæ solis eminē-
torem colorem rubrum inducebat. Ca-
put mortuum, in retortâ relictum, erat
carbo levis & spongiosus, uncias quin-
que pondere æquans. Simili modò etiā
prædictum liquorem acidiusculum ru-
bicundum è vervecino, vitulino, bovi-
no & humano sanguine elicuit, postea-
que, cum satîs magnâ eum quantitate
collegisset, cum sex aquæ fluvialis parti-
bus miscuit, & oleo empyreumatico,
repetitæ filtrationis ope, prorsùs libera-
tum, denuò submisit destillationi: Sic
primò liquor transiit, sale volatili valdè
inprægnatus, & huic deindè successit
alius, cujus binæ ultimæ unciae aceto de-
stillato acore æquiparandæ erant. Idem
liquor etiā eductus fuit, cum, servatâ
eâdem methodo, carnes lupi piscis, nec
non viperas, muscas, formicas, cantha-

rides, aliâ tamen atque aliâ apud infecta
advocatâ encheiresi, chemico scrutinio
subjiceret. (a)

§. I I.

Acida & acidula sub duplici formâ ex-
ternâ, alia nimirum sub *liquidâ salino-*
aqueâ, alia sub *siccâ salino-terreâ*, sensi-
bus nostris obvia sunt, &, habitâ speci-
ficæ indolis ratione, commodè ad quin-
que classes genericas redigi possunt; qua-
rum prima *acida vegetabilia cruda ac sibi*
relictâ, v. g. succum citri, limoniorum,
acetosellæ &c., altera *vegetabilia, fer-*
mentationis beneficio attenuata, tenerius
resoluta, ac semispirituosa reddita, v. g.
aceta tertia *acida mineralia, multâ aquâ*
nonnihil debilitata, v. g. clystos &c.,
quarta *acida mineralia, per partem spiri-*
tûs vini inflammabilem dulcificata, v. g.
spiritum vitrioli, nitri, ac salis dulcem,
& quinta denique *acida animalia, vel*
destillatione prolecta, vel fermentationis
ope edueta, cujus censûs spiritus formica-
rum & serum lactis sunt, complectitur.

§. I I I.

In acidis siccis, præter terram & prin-

(a) Vid. Memoir. de l'Acad. Royal. des
sciences ann. 1712.

cipium acidum, & in liquidis, præter aquam, & acidum, substantia quædam inflammabilis, reliquis principiis arctissime unita, in aliis subtilis atque spirituosæ, in aliis crassior, oleosa, pinguis, unguinosæ, ac mucidæ, adest, etiam si sensus non semper manifestè incurrat, sed chymico denum artificio, vel motu fermentativo, aut putredinoso, separari, & in apicem deduci debeat. Quando acidum liquores vegetabilis prosapiæ, v. g. succus citri, limoniorum, ribium, berberum & cydoniorum quin ipsum acetum, corrumpuntur, ac suam aciditatem amittunt, successivè multum terræ, multumque materiæ mucidæ unguinosæ secedit, quæ posterior, largius collecta, præprimis in superficie, ubi partes salino-acidulæ promptius abire possunt in auras, in pinguem concrevit cuticulam, tandemque, ob molem & gravitatem, continuâ novæ materiæ adhæsione auctam, ad fundum præcipitatur. Notissimum pariter est, ipsum vinum, antequàm in acetum degeneret, primò opacum fieri ac turbidum, deindè materiam terreo-mucidam deponere, & pinguem in superficie formare cuticulam, quæ, nisi spontè descendat, vel agitando dejiciatur ad fundum, in putredinem abit; quemadmo-

dum plura de hisce in capite speciali de aceto &c. videnda sunt.

§. I V.

Acida & acidula triplicis naturæ regni, *gravitate*, *acrimoniâ*, *volatilitate*, & *specificâ indole* valdè ab invicem distincta inveniuntur; cujus differentiæ causa partim in diversâ subtilitate atque teneritudine molecularum minimarum, partim in majori, vel minori phlegmatis (a), & terræ unitæ quantitate, partim in largiori vel parciore principii inflammabilis adhæsiōne quærenda est. Laudatum enim principium, sive sit subtilius atque spirituosius, ut in acidis mineralibus, vini spiritu dulcificatis, sive crassius unguinosum & oleosum, ut in succis acidis vegetabilibus sibi relictis &c. particulas salino-acidas nonnihil involvit, atque obtundit, ad eoque acida graviora ac corrosiva in aci-

(a) Observante HOMBERGIO, uncia una olei vitrioli, penitus scilicet subtrahito phlegmate separabili, continet *acidi veri* drachm. 5. & gr. 5. uncia *spiritus nitri* drachm. 2. & grana 28. uncia *aquæ fortis* drachm. 2. & grana 26. uncia *spiritus salis* drachm. 1. & grana 15. & uncia denique *aceti destillati* solummodò grana 28. *Conf. Memoir. de l'Acad. Royal. des Sciences ann. 1699.*

dula leviora , volatiliora & mitiora transformat. (a).

(a) Præter spiritus acidos minerales, alcohole dulcificatos, egregium argumentum practicum, maximè intuitu volatilitatis, *spiritus sulphuris & vitrioli volatilis* suppeditat. Prior, cujus præparationem in *Pharmacologiâ* p. 39. descripsi, longè levior atque mobilior est, quàm vulgaris spiritus sulphuris, & ideò quoque ex tartaro vitriolato, qui primum ex hoc acido & alcali quodam fixo parandus est, per oleum vitrioli, in retortâ additum, rursùs expellitur; cujus differentię ratio unicè à differenti materię inflammabilis quantitate, quę in volatili spiritu sulphuris multò largiùs acidis particulis adhærere deprehenditur, derivanda est. Et eadem quoque ratio locum invenit circà volatilem vitrioli spiritum (a): Phlogiston enim carbonum, retortę immediate applicatorum, sese per fissuras insinuat, &, partibus acidis spirituosiss arctè adhærescens, illis summam conciliat volatilitatem, adeò, ut loco spiritus vitrioli vulgaris, comparative gravissimi, spiritus penetrantissimus, non quidè sub formâ nebularum albicantium, sed limpido planè halitu, prodeat, qui, ob sumam tenuitatem, vasorum commissuras penetrat, nares acutissimè ferit, &, incautè in pulmones admissus, suffocationis periculum affert. Quandò spiritus hic in phiolâ hermeticè sigillatâ calidę digestionis aliquamdiù committitur, sociatâ substantiâ phlogistâ denuò ab acidis partibus secedit, & pinguem in superficie cuticulam format, quę, accedente phlo-

(a) Methodum præparandi paritèr vide in *Pharmacologiâ* p. 32.

§. V.

Sal acidum essentielle, in succo plantarum antea solutum, dispersum atque fluidum, ablato phlegmate superfluo, & terreo mucidis quoque recementis, vel lentè ab ipsâ naturâ, vel citiùs ab artifice, separatis, ad siccam ac solidam deducitur consistentiam, & crytalli inde enatæ, majorem ac puriorem sortiuntur acorem. Manifesta in hoc passu exempla præbent tartarus vini, & succus, ex foliis acetosæ, vel acetosellæ recentibus expressus. Ille nimirum è terreo-oleofo-mucido-salinis partibus, in dolii lateribus successivè congregatis, concrescit. Depositis quippe fœcibus crassioribus, in vino, sub paulò diuturniori scilicet quiete, hinc indè corpuscula parva, acuta, splendentia colliguntur, & à centro versùs superficiem quaquaversùm propulsa, motum in dolii lateribus amittunt, ac totam ejus superficiem internam

læ succussione, ad fundum descendit. Renascitur quidè cuticula ejusdem naturæ, verùm, si illa ipsa semel iterumque ad fundum dejecta fuerit, spiritus volatilitatem eminentem penitus amittit, & pristinam ponderositatem, & crassam aciditatem recuperat, ità ut à vulgari spiritu vitrioli amplius discerni nequeat.

K. vj.

crustâ terreo-salinâ obducunt, quæ paulatim novarum partium appositione ita tandem augetur, ut notabilem crassitiem acquirat, præsertim, si educto vino priori defœcato, recens, tartaro rudiori nondum orbatum, dolio iterum infundatur. Tartarus, prædictâ ratione è vino separatus, ob partes inflammabiles & oleofo-mucidas, largius terreo-salinis acidis interjectas, nondum purum sistit concretum salinum acidum, sed purior hæc substantia terreo salina prius aquâ fervidâ extrahenda, & præviâ percolatione, & evaporatione, demum ad formam crystallinam redigenda est. Eadem observamus apud succum acetosæ, acetosellæ, & plantarum similium: Vix enim expressus impurus est, & mucidis particulis valdè abundat, ut ideò crystalli nitidæ nondum concreescere possint; ablatis autem iteratâ filtratione memoratis quilibet, sal crystallinum, purum, ex viridi albicans, tartari crystallis, quoad proprietates essentielles, simillimum, præmissâ blandâ evaporatione, faciliè nascitur.

§. V I.

Acida cum terris insipidis absorbentibus, & completis salibus alcalicis fixis &

volatilibus plùs minùsve effervescunt, & cum prioribus, factâ sufficienti corrosione, in concreta terreo-falsa, cum posterioribus autem in perfecta salia neutra, vel vulgaria comparativè fixiora, vel ammoniacalia coeunt; adeoque utroque modo non solùm salia alcalia destruunt, & invertunt, sed ipsa quoque destruuntur, & occultantur. Figunt præterea corpora inflammabilia, sulphurea, resinosa, oleosa, spirituosa, & motum, expansionem, volatilitatem, atque calefaciendi vim plùs minùsve minuunt, ità, ut persæpè, si scilicet potentiora sint, spirituosoinflammabilia in olea, hæc in resinas & pinguedines transforment.

C A P U T II.

De modo operandi & virtutibus Medicis Acidulorum.

§. I.

Acidula vegetabilis prosapiæ, tùm sibi relicta, adeoque paulò crudiora, tùm subtiliora, motu fermentativo attenuata magis, & spirituosa reddita, nec minùs mineralia, arctiori substantiæ inflammabilis unione debite contempera-

ta ac dulcificata, iustoque tempore, & quantitate decenti propinata, inter optima omninò, & satis activa remedia sibi locum vindicant. Gastricum enim liquorem, eumque inertem, ac nimis aquosum, acuunt, ventriculi & intestinorum tunicas, impressis stimulis lenioribus, ad vegetiorem, celerioremq; contractionem impellunt, cruditates calidas biliosas, ac nidoroso-putridas corrigunt, & sic appetitum augent, prostratum resuscitant, atque digestionem, & fæcum alvinarum exclusionem tempestivam egregiè promonent.

§. I I.

Ad sanguinem postea, valdè tamèn in primâ culinâ confluentibus liquoribus variis diluta priùs, distracta & contemperata, per canales notissimos translata, partes oleosas, & ignescentes teneriores, nimium subindè resolutas, expansas, & commotas figunt, salino-urinofas, per causas varias largiùs genitas & præternaturalitèr accumulatas, ad naturalem, salfo-ammoniacaalem videlicèt, indolem reducunt, attritum globulorum iustò vehementiorem, sanguinem rarefactum ac nimistenuum leniter hinc inde coagulando, minuunt, & sic refrigerant, putre-

dinem imminuentem avertunt , præsentem cohibent , & humorum omnium , sanguinis videlicet , fluidi nervei , bilis , & feminis virilis orgasmum refrænant. Quùm ubiquè paritèr vim contractilem in partibus solidis nervoso musculofo-membraceis blandis sub contactu puncturis excitent , & contractionis vigorem intendant , diuresin quoque , diaphoresin , & excretiones serosas reliquas augent , ac validè nonnunquàm suppressis atque imminutis pristinam libertatem reddunt.

§. III.

Magni imprimis æstimanda est virtus antiputredinosa : In sanguine enim cæterisque humoribus hominum , aliorumque animantium , præsertim carnivororum , (in herbivoris nimirum & granivoris in hoc passu discriminis quidquàm animadvertitur) , longè faciliùs , maximè si calido , sicco , cholérico , aut sanguineo-cholérico temperamento gaudent , sal pingue urinosum , quàm acidum , gignitur , & frequentius proindè morbi , à dyscrasiâ humorum oleoso-urinoso putridâ , & actuali resolutione putredinosâ præcipuè pendentes , nascuntur. Nam tenerimum atque naturale sal sanguinis , intimiùs partibus constitutivis reliquis

involutum , indolis , ità conſentibus plerisque , ammoniacalis , paulatim , ob largiſſimam phlegmatis & ſubſtantiæ pinguis oleoſo-inflammabilis miſcelam , calore blando , ac nunquàm interrupto ſolidorum ac fluidorum attritu , etiàm in ſtatu ſano , reſolvitur atque transformatur in pingue ac mobiliſſimum ſal urinoſum , quod tamèn , tubulis cutaneis apertis , & memoratâ reſolutione ac metamorphoſi moderatâ ac paulatinâ exiſtente , cum recrementis aliis , naturali humorum ſyſtaſi inimicis , partim per vias urinarias , & cutis cribrum excernitur , partim per acidum ſubtile , cum novo chylo , præſertim è vegetabilis proſapiæ eſculentis confecto , adductum , ad mixtionem ſalis ammoniacalis reduci-
tur. Diſcimus igitur è momento poſtremo , medicamentorum , eſculentorum , ac potulentorum , quæ explicito , vel implicito , principio acidulo pollent , aſſumptionem ſubindè ſaluberrimam , quin ſummè neceſſariam eſſe , ut nimius ſcilicet materiæ urinoſo oleoſo-inflammabilis proventus , cum indè reſultante æſtu præternaturali , & putredinoſâ ſanguinis deſtructione , arceatur , & eò melior novi ſalis ammoniacalis generatio atque regeneratio fieri queat Rationem quoquè indè cognoviſcimus , cur animan-

tia herbivora ac granivora rariùs, quàm carnivora, morbis putredinosiſ ac febribus corripiantur; nec minùs, cur, poris ac tubulis cutaneis repentiè obſtructis, aut ſanguine, per medicamenta juſtò calidiora, potulenta ſpirituosa, aromata, & exorbitantes animi affectus vehementiùs exagitato, prædictum excrementum oleoſo-urinoſum illico augmenta capiat, & varias poſteà febres continuas, ardentes, exanthematicas, immò malignas valdè putridas (a) provocet.

(a) « Notatu digniſſimum eſt, MORTONUS » ſcribit in *Oper. I. II. en prolegom. p. 16.* quod » mihi nuperrimè videre contigit; ſanguis nimirum ſæminæ cujuſdam, febre malignâ laborantis, per phlebotoniam extractus, adèd foetebat, ut ex ejus tetro odore, tam chirurgus, quàm adſtantes in animi plane deliquium inciderent. « Multùm quoque lucis ea hoc loco foenerantur, quæ BOERHAAVIUS in *Chemiæ T. II. Proc. 113.* de noxiis ovi gallinacei putridi effectibus refert: Ovum ſcilicet ſanum atque integrum, in calore, 70. circiter graduum detentum, intrà paucos dies, inſignes planè mutationes patitur, & liquidum utrumque, teſtæ incluſum, cum putrido foetore ità attenuatur, ut portio aliqua per teſtæ poros brevi abeat exhalando; ſapor dulcis, blandus ac mucilagineus in ſummè naueoſum degenerat, ac valdè ſimul acrem, & tota ſubſtantia, antea nutriens atque demulcens, fit oleoſa, foetida, alcalica, & tam virulenta,

§. I V.

Suppositis recensitis acidulorum effectibus generalibus, in propatulo est, illa

ut exigua ejus quantitas, sano animanti exhibitata, confestim prava, & febribus malignis familiaria, symptomata, nauseam videlicet, conatus vomendi, vomitus actuales, diarrhoeas, horripilationem, tormina ventris, ebullitionem bilis, æstum, sitim, anxietates præcordiales, ac febrem completam producat. Notatu quoque dignum, lac recens, cum alcali fixo coctum, aut aliquamdiù digestum, sensim flavedinem, tandemque rubedinem contrahere, &, quum tale quid etiã fieri consueverit in lacte nutricum, quandò febre maligna, aut saltem continuã vulgari corripuntur, concludere omninò licebit, causam materialem febrium continuarum, non acidæ, sed alcalicæ, indolis esse. Calculum suum huic sententiæ, præter complures alios, addit BAGLIVUS, quandò *in Oper. p. 50.* scribit: «
 » Cum de febribus sermo inciderit, summoperè
 » miror, medicos hodiè penè omnes singulo-
 » rum morborum, præsertim verò febrium,
 » originem ab acido duntaxat deducere, & sin-
 » gulas per antiacida, non exiguo ægrorum
 » damno, curare. Nam, si rectè rem perpenda-
 » mus, alcalica potiùs variè alterata accusanda
 » erunt. Quicquid enim in corpore animato,
 » præsertim in sanguine fit, per fermentationes
 » fit, quæ quidè pluriès, atque pluriès repetitæ,
 » auctæ, vel plus, quam par est, alteratæ, non
 » acidarum partium proventum, sed potiùs salis
 » alcali, lixivi, acris, calcinati, & similium, co-

ipfa intèr *pharmaca refrigerantia*, *antiputredinosa*, ac *lenitèr stinulantia* primum fermè locum obtinere, ac multùm utique auxilii ab usu eorundem expectandum esse in morbis singulis, qui torpidæ ac tardæ solidorum contractioni, indèque pendentibus languidis se & excretionibus, maximè autèm vehementi humorum orgasmo, saburræ biliosæ fervidæ, & urinoso putridæ sanguinis dyscrasiæ, partiumque oleoso inflammabilium exaltationi nimix atque rarefactioni præcipuam originem debent, cujus censûs imprimis sunt febres continuæ ardentes, inflammatoriæ, biliosæ malignæ (a), & pesti-

» piam exhibent, ut in febribus præcipuè observamus, in quibus salium hujusmodi acrium, » alcalium, lixivorum, calcinatorum, &c. manifesta adsunt indicia. &c.

(a) « In morbis malignis, B. HOFFMANNUS » in *Obs. physico-chymicis*. p. 185. scribit, qui ex » internâ humorum putredine nascuntur, ab acidis sanè plus auxilii, quàm ab ullo remedio » expectare possumus, & quidèm ob hanc causam, quia per putredinem gignitur alcali, & » à copioso etiàm alcali putredo provenit, quod » cùm protinùs ab acido cicuretur, putredinis » incrementa cohibentur. In scorbuto & arthritico inveterato malo ingens copia salium in » massâ sanguinis generatur, quæ certè magis » ad alcalinam lixiviosam, quam mediam naturam pertinent. Hinc etiàm eorum, qui sic

lenticiales (a), itèmq̃ue erysipelas, sitis nimia, appetitus imminutus & prostratus,

» ægrotant, sanguis è venâ ductus tenuis & floridus subindè apparet, & urina plerumque valdè rubicunda, & falso-lixiviosa emingitur. Plus sæpè tunc præstare acida temperata, quàm alcalina urinosa, & volatilia, aut calida spirituosa minùs peritos fidelissima rerum magistra, experientia, certissimè docebit. &c. «

(a) Recensione hoc loco utique dignissima sunt, quæ GUALTHERUS HARRIS in *Tr. de morbis infantum* p. 80. de methodo, quam Turcæ in pestis curatione observant, retulit : Illis, *inquit*, qui malignitatis notione decepti, utpotè nomine funestos medicaminum inflammabilium effectus tutissimè celante, calefacientia diaphoretica in curationem omnium febrium solent adhibere, propono considerandam communem Turcarum praxin, à mercatoribus fide dignis mihi concreditam, indoc tam quidè, sed vere rationalem, in curandâ ipsâ peste, malignarum febrium facilè princeps, per *succum limonum* in omne jusculum liberaliùs instillatum, per frusta limonum saccharata ore frequenter masticata, & per potum apud eos vulgatissimum, dictum *Scherbet* (qui est aqua melle, vel sacharo dulcata) hoc est, per ipsum regimen frigidissimum, utpotè quibus Mithridatium, theriaca Andromachi, radix serpentariæ Virginianæ & cætera nostrorum remedia calidissima, alexipharmaca nuncupata, bonis auspiciis sunt planè incognita, aut in nullo numero saltè habentur. Neque igitur mirum est, pestem, (cujus terror nostratum animos fulguris ad instar longè latè,

vomitibus biliofus ; cholera , diarrhœa biliofa , dysenteria epidemica , fpafmi varii & convulfiones , hæmorrhagiæ exorbitantes , ifchuria , dyfuria , calculus , palpitation cordis , lipothymia , cephalalgia , mania , fcorbutus , nimium æftrum venereum , venena animalia ac vaporofa vegetabilia , & hujus commatis affectus alii , fi à caufis fcilicet fuprà allegatis , quibus corrigendis acidula abundè fufficiunt , producantur.

§. V.

Quemadmodùm medicamenta acidula , uti luculentiffimè patet ex antecedentibus , in multis morbis opem ferunt egregiam , fic acida potentiora , graviora , mineralia , fibi relicta , adeoque adhuc valdè cauftica , corpus humanum magnoperè lædunt , dùm faucium , æfophagi , ventriculi , inteftinorum , aliorumque meatuum , tunicis nervoso-mufculofo-membranaceis , ob gravitatem & infignem partium rigiditatem , altiùs infiguntur , & vehementes , ac valdè dolorificas contrações fpafmodicas , ero-

» que percutit) apud illos nonnunquàm mino-
» rem hominum ftiragem facere folere , quàm
» mitem aliàs febrim iis in regionibus , in qui-
» bus graffatur doctrina. &c. «

siones, inflammationes, gangrænam, & sphacelum, quàm plenariam tandèm partium, quibus tenaciùs adhærent, corrosionem producunt. Mitiora quoque, quod silentio prorsùs prætermittere nequeo, si immediatè sanguinis circulantis massæ miscentur, tragicos effectus, tùm fluida repente coagulando, tùm motus convulsivos in solidis provocando, edunt. Referente enim BAGLIVO (*a*), canis juvenis, cujus venæ jugulari sinistræ certa spiritûs vitrioli quantitas infundebatur, statim moveri fortiter atque conqueri cœpit, cum ululatu ingenti, & post vehementes concussiones, semiquadrante horæ vix elapso, periit. Cadavere resecto, universa pulmonum moles nigerima erat, & omninò exsiccata, idque in internâ & externâ parte. Sanguis in pulmonum vasis penitùs erat concretus, & instar carbonis nigrefactus. Pars colli, quâ factum erat experimentum, denigrata ac sphacelo ferè correpta apparuit. Similes effectus ac similem eventum annotavit IOSEPHUS LANZONUS (*b*), cum idem experimentum in cane, & cum eodem spiritu institueret. Tentavit

(*a*) In Operib. p. 465.

(*b*) Vid Miscell. N. C. G. Dec. III. ann. 9. & 10. obs. 21.

etiàm cum aliis acidis gravibus in cuniculo, fele, & aliis animantibus. Feli quinque guttas spiritûs sulphuris, in drachmis duabus aquæ vitæ communis, in venam cruralem propè inguina infudit: Ligato vulnere, felis, novem horarum intervallo, expiravit. Aperto cadavere, nigræ maculæ in hepate, liene, pulmonibus, aliisque visceribus apparuerunt, & cruor in vasis omnibus coagulatus, immò, vesica urinaria, non sero, sed fœtido sanguine, plena erat. Cuniculo spiritûs salis dulcificati drachmam unam in venam jugularem dextram injecit; ast animal, vix peractâ syringatione, expiravit. Aperto corpore, coagulatio solummodò in pulmonibus observata fuit; in aliis verò locis sanguis sanus, & cæteræ quoque partes à sensibili labe immunes erant. BAGLIVUS etiàm tentamina quædam cum sanguine recenti, vix venâ emisso, suscepit, & observavit, quòd lapides canerorum, aceto destillato irrorati, eidem statim induxerint coagulum, cum aliquâ ebullitione, & colorem in elegantissimè purpureum ac rutilantem mutaverint. Factâ autèm spiritûs nitri atque vitrioli miscelâ, sanguis protinùs evasit nigerrimus, cum forti coagulatione, & die sequente colorem obscurum,

instar tabaci, assumpsit, cum fracidò odore, velutì piscium rancidorum &c.

§. VI.

Quum fatis superque ex memoratis constet, quod multum omnino interfit, ut acidula duntaxat tuta & selecta, eaque justo tempore, justo modo, ac ordine exhibeantur, sequentes cautelas generali usui adhuc sub jungere consultum duco:

I. Eligenda, ac gravioribus, crudioribus & minus spirituosis præferenda sunt acidula leviora: subtiliora ac spirituosa vegetabilis, & animalis prosapiæ, nec minus ritè dulcificata mineralia: Ritè, inquam, dulcificata; sub verâ nempe dulcificatione, non merâ, uti nonnulli erroneè credunt, miscelâ contingit, sed nova quædam ac plane singularis partis acidæ salinæ cum inflammabili syncripsis. Quamprimùm enim acidum potens vitrioli, nitri, atque salis, alcoholi instillatur, protinùs principii inflammabilis tenerissimi portionem, violentâ & celerrimâ actione, phlegmati antea unito eripit, & in mutuos ac firmos cum eodem amplexus ruit; hinc novum indè mixtum salino-oleoso-inflammabile, grati saporis, & temperatæ indolis, enascitur. (a).

(a) Plura de hisce vid. in Pharmacologia p. 145.

II. Abstinendum ab acidorum ulu , præsertim si valdè gravia sint , atque cruda , post lactis & lacticiniorum assumptionem , ut & tempore chylicationis , ne noxium coagulum , & intempestivam præcipitationem efficiant.

III. Frequentiùs acidula conducunt subjectis cholericis , & cholerico-sanguineis , biliosis , nec non iis , quæ plerumquè carnibus , aliisque , è regno animali desumptis esculentis , largiùs præterea aromatibus calidis conditis , vescuntur , & potulentis utuntur spirituosiss ; rariùs contra exhibenda sunt melancholicis , pituitosis , aut victu , maximam partem vegetabili , utentibus. Majorem pariter utilitatem præstant tempore anni fervido , quàm frigido , nec non sub climatibus calidis , quàm gelidis.

C A P U T I I I .

*De naturâ , principiis atque virtutibus
Acidulo-dulcium.*

§. I.

PARùm ab acidulis , purè talibus , quoad indolem & usum , distinctè reperiuntur **ACIDULO-DULCIA** : Item

CARTH. *Mat. Med. Pars I.* L

quippe *sal acidum essenziale* continent, quod *largiori* tamèn *substantia unguinoso-oleosa & mucilaginea quantitati* involutum hæret; hinc linguæ, præter saporem acidulum, etiam dulcem, unicè à singulari principii unguinosi, & acidi miscelâ derivandum, imprimunt. Separatâ enim superfluâ materiâ unguinoso-oleosâ, aut mucilagineâ, sal eductum, & ad siccitatem redactum, merè acidulum est, atque cremori & crySTALLIS tartari similimum; uti veritas hæc ex speciali quorundam tractatione abundè patebit.

§. I I.

Ob largiorem substantiæ unguinoso-oleosæ, aut mucilagineæ ad & cohæSIONEM, acidulo-dulcia tam notabile refrigerium, quàm acidula puriora, corpori minimè affèrunt, nec tantoperè quoque, quam ea, impuritates biliosas & oleosovinosas temperant, sed magis partes erosas demulcent, corpora solida atque fluida nimium exsiccata humectant, & lubricant, viscosa abstergunt, alvum blandè laxant, & paululum insuper nutriunt. Non contemnendam proindè opem ferunt in siti nimia, raucedine, tussi, anginâ spuria, asthmate, præsertim sanguineo-spasmodico, erosione fau-

cium, ventriculi, intestinorum, aliarumque partium, cum superficiariâ, ac le-
viori inflammatione conjunctâ, nec mi-
nùs in segnitie ac siccitate alvi, acrimo-
niâ humorum scorbuticâ, calidâ arthriti-
câ & reumaticâ, febris lentis atque
hecticis, & affectibus similibus, qui anti-
putre-dinosa, temperantia, ac simul de-
mulcentia, & obtundentia postulant.

§. III.

Quum facilè cæteroquàm acidulo-dul-
cia in ventriculo & intestinis, pituitosâ
saburrâ refertis, in motum ruant, fer-
mentativo analogum, posteaque flatus gi-
gnant, & ventris tormina excitent, non
promiscuè, præsertim apud subjecta hy-
sterica & hypochondriaca exhibenda
sunt, sed ipsis, respectu usûs, arctiores
omnino limites ponendi erunt.

C A P U T I V.

De acetosella & acetosa.

§. I.

ACETOSELLA, aliàs etiàm *Oxalis*,
Oxys, *Trifolium acetosum*, *Herba Al-*
leluia, *Panis cuculi* (*Alleluja*) Germ.
Lij

Sauer-Klee, *Hertz-Klee* *Haasen-Klee* *Kuckucks-Brod*, &c. dicta, pertinet ad species trifolii, & in horris, sylvis, aliisque locis incultis crescit. Folia recentia, quæ sola in usum vocantur, grato polent sapore acidulo, & conquassata succum reddunt aqueo-salino acidulum, è quo notissimum *sal essentielle acetosellæ* educitur. Libræ decem foliorum recentium circiter tres libras succi suppeditant, & indè plerumque uncia una & drachmæ duæ *salis sicci* separari, & ad formam quodammodò crySTALLINAM redigi possunt; quod enim relinquitur *magma mucido-salinum*, ad debitam consistentiam salis deduci nequit, licet pondere sal purum nonnihil superet. Indè cæteròquin non sinè ratione conjicere licet, in librâ unâ foliorum acetosellæ recentium circiter drachmam unam cum semisse *salis aciduli essentialis* delitescere.

§. I I.

In laudato sale acidulo essentiali tota acetosellæ virtus latet, quæ sanè egregia est, & in genere, æquè, ac apud acida reliqua, ad antiputredinosam, temperantem, refrigerantem & leniter stimulantem ac diureticam redit. Plerumque sal essentielle jam separatum adhibetur,

cum insigni nihilominus fructu etiam succus expressus , & ipsa herba in febribus biliosis , ardentibus , hecticis , malignis , scorbuto , ebullitione sanguinis & bilis , hæmorrhagiis , phrenitide , mania , nimio æstro venereo , suppressione urinæ , siti præternaturali , ictero acuto , tremore cordis & lipothymiis , à nimia , eaque repentinâ , sanguinis rarefactione oriundis & morbis similibus in usum vocari possunt. Succus expressus , & filtratione depuratus , potulentis & mixturis aquosis additur , ipsa vero herba recens inter acetaria recipitur , vel aquâ simplici aut sero lactis infunditur.

§. I I I.

Cum acetosellâ , quoad saporem , principia activa , & virtutem , convenit *Acetosella* , *Ozeille* , (*Saurampffer* ,) licet , respectu characteris externi , valde ab illâ distincta inveniatur. Variæ ejus species in hortis non minùs , quam pratis occurrunt , & generalius proindè in *hortensem* & *sylvestrem* discernenda erit. Ob principia paulò crudiora , & saporem minùs gratum , rariùs , quam acetosella , in usum medicum trahitur , commodè nihilominus eidem substitui poterit. Recipitur inter acetaria , & infusa quoque ingreditur.

CAPUT. V.

De succo Citri & Limoniorum.

§. I.

SUCCUS CITRI, *Suc ou Jus de Citron* (*Citronen Saft*) spontaneâ impuratum subsidentiâ & filtratione depuratus, perfectè pellucidus est, &, odore non minùs, quàm gustu exploratus, liquorem merè salino-aqueum refert, licet *particulis acidis* sat copiosâ *materiâ oleoso-mucilagineâ*, quæ aciem earundem nonnihil hebetat, & majorem illis volatilitatem conciliat, unita sit. Quandò hic succus enim lentè evaporatur, magma relinquit brunnum ex acido-amaricans, quod destillatum, præter *paucum oleum*, *spiritum* largitur, à tartari spiritu vix aut ne vix discernendum. Si in eodem quoque succo tanta lapidum cancerorum quantitas, cui corrohendæ sufficit, solvitur, liquor planè quidè insipidus evadit, & quoad saporem aquosus; attamen, si à sedimento terreo decantetur, ut solutio perfectam adipiscatur pelluciditatem, eidemque postea modica spiri-

tûs vini quantitas in vitro , chartâ saltèm obturato , addatur , liquor acidulo. vinosus , brevi interjecto tempore , regeneratur , qui in verum acetum mutari potest (a).

§. I I.

Succus citri singulas vires , quibus acida miriora instructa sunt , possidet , & , refrigerandi imprimis sine , frequentissime in febribus ardentibus , inflammatoriis , & putridis malignis , cæterisque morbis , qui antiputredinosis & temperantibus acidulis certiùs atque securiùs curantur , potulentis additur , vel inter mixturas aquosas recipitur. Per se quoque , saccharo priùs edulcoratus , exhibetur , & quidem cum fructu majori , quàm vulgaris syrupus acetositatis citri ; quippe qui , diutiùs scilicet in officinis pharmaceuticis asservatus , ob paulatinam volatilium partium acidarum jacturam , viribus suis maximam partem orbatus deprehenditur.

§. I I I.

Ad succum citri adeò naturâ atque virtute accedit **SUCCUS LIMONIORUM** (*Suc ou Jus de Limons*) *Limonien-Saft* , ut in locum ejus , quotiès placue-

(a) Conf. Stahlîi Tract. *van Saltzen* p. 157.

rit, commodè surrogari queat. Frequens ejus usus est in Italiâ, Hispaniâ, Lusitaniâ, aliisque regionibus, calidioribus ubi uberior limoniorum proventus observatur. Addunt potulentis aqueis, vel cum saccharo, & aquâ ex eo julepum, quem *Limona-dam* vocant, conficiunt, eundemque non potulenti tantum, sed etiâ medicamenti loco, æstivo in primis tempore, creberrimè assumunt. De singulari ejus virtute in peste ea, quæ in antecedentibus p. 212. dicta fuerunt, conferri possunt.

C A P U T. VI.

De Aceto & Tartaro vini.

§. I.

ACETUM purum atque pellucidum est liquor aqueo-acidulus, subtilis, mobilis, ac semi-spirituosus, è vino, cerevisiâ, aliisque liquidis vinosis, blandæ fermentationis ope, productus.

§. II.

Mixtionem aceti variæ partes, aqueæ nimirum, *salina acida*, *tartarea*, *oleosunguinea*, & *spirituoso-inflammabiles*, ingrediuntur, ita tamèn, ut aliæ unionem

invicem subeant arctiorem, aliæ obiter duntaxat reliquis misceantur. Copiosi phlegmatis præsentia tam manifesta est, ut nullâ prorsus probatione indigeat: Partes salinæ acidæ ex odore, sapore, effervescentiâ cum additis alcalicis, aliisque observationibus & experimentis vulgaribus patent luculentissimè, & duplicis generis sunt, aliæ videlicet *crassæ, graves, tartaræ*, aliæ *subtiles, mobiles* atque *volatiles spirituosæ*. Quandò acetum, præsertim vini, quod præstantius est, è cucurbitâ, arenæ impositâ, destillatur, primò, leniori ignis gradu adhibito, liquor transcendit tenerrimus, ac mobilissimus, qui linguæ & naribus penetrantem quidem, at simul spirituosam, subtilem, ac gratam aciditatem imprimit. Hunc postea sequitur phlegma, & in cucurbitâ grave & ingratum acidum tartareum remanet, quod, admoto etiâ forti ignis gradu, ægerrimè in cucurbitâ ascendit, & in retortâ igitur, si vulgare acetum destillatum, quod præcedente tamèn liquore acidulo spirituofo medicâ virtute longè inferius reperitur, elicere velimus, novæ destillationi subjiciendum est. Evocato prorsus ex retortâ aceto, graviore pellucido, magma relinquitur crassum, nigrum, empyreumaticum, è

quo, substrato igne fortissimo, successivè liquor acidus, empyreumaticus, fœtidus, tandemque oleum expelli, & ex nigris fœcibus, in crucibulo postea seorsim combustis, sal alcali fixum, quod feverioris demùm Vulcani torturâ è terrâ, oleo, & acido, comparativè gravissimo, genitum fuit, aquâ extrahi potest.

§. III.

Partes oleoso unguinosæ crassiores non tantùm ex descriptâ magmatis destillatione, sed clarè pariter ex suprà allegatâ (cap. I. §. 3.) aceti corruptione cognoscuntur: Nec desunt quoque varia argumenta practica, quæ subtilis atque spirituosæ principii inflammabilis miscellam abundè confirmant. Viride æris v. g., saccharum saturni, & vitriolum maris, cum aceto parata, & destillationi, vel per se, vel addito pauxillo olei vitrioli, in retortâ subjecta, subtilissimum spiritum acidum transmittunt, qui ita tamen tenerrimis particulis inflammabilibus remixtus est, ut, spiritûs vini instar, accendi possit (a). Et terra foliata tartari, quæ ex sale tartari fixo, & aceto paratur, denuò destruitur, quando

(a) Conf. Boerhaave in Chymicæ T. II. Process. 176.

igni intensiori in retortâ committitur: Ascendunt vapores nebulosi, qui, in recipiente collecti, subtilem tartari spiritum æmulantur, & simul oleum verum, flavum, grati odoris, quanquàm exiguâ admodum quantitate, expellitur. Notum prætereà est, ex vino generoso & valdè spirituofo acetum generari præstantius, idemque evadere optimum si vino acescenti pauxillum spiritûs vini sensim addatur: Immò notum est, acetum, corruptioni proximum, spiritûs vini, aut contusi sinapi seminis additione conservari, & jam corruptum quodammodò laudato adminiculo ad pristinam integritatem reduci.

§. I V.

Quanquàm acetum vile omninò atque vulgare liquidum sit, locum nihilo-minùs, præsertim, si purum, subtile, & ex vino generoso enatum fuerit, inter medicamenta præstantissima tuetur, & reliquis acidis vegetabilibus crudis longè præferendum est, quoniam, ob subtilem, mobilem atque spirituosam suam indolem, non tantum temperantibus, refrigerantibus, antorgasticis, antiputredinosis, diureticis, sed diaphoreticis quoque, quin sudoriferis, viribus donatum invenitur. Lon-

giùs proindè medicus ejusdem usus patet,
 & tuto ad ægritudinum plerarumque cu-
 rationem extendi potest ; uti hoc ex elo-
 gio B O E R H A A V I I , quod totum ea-
 proptèr huc transferre consultum duco ,
 clariùs constabit : » Acetum , scribit (a) ,
 » sal volatilis , oleosus , acidus est ; oleum
 » enim ejus sub macilento acido tenui re-
 » conditum latet... Hæc verò compositio
 » admodùm utilis est , quoniam putredini ,
 » humoribus animalium adeò communi
 » adeò periculosa , adversa , interim oleosi
 » adunati mirificatione minùs acris habe-
 » tur. Simul adeò penetrabilis liquor hic
 » est , ut sine partium secessu diversa-
 » rum , per densissima sola transeat quam
 » expeditissimè , viribus intactis , imò &
 » totum ferè per corpus humanum , pau-
 » cissima forte vascula exceperis , liberè
 » meabilis est , indèque in plurima vasa
 » poterit distribui , ibidèmq̃ exercere
 » vires , quas possidet proprias , inprimis
 » excitatas vitali motu , & calore natu-
 » rali. Quin & permisceri se patitur faci-
 » lè cum omni genere humorum corporis
 » nostri noto , ne olea quidè exceperis ;
 » hac igitur tenuitate , & permiscibilita-
 » te suâ in corpore nostro plurima per-
 » ficit. Refrigerandi vim habet eximiam ,

(a) L. c. p. m. 184.

» quotiès febris oritur stimulo acrioris
» bilis , alcalescentiâ salis , aut putridi
» nati in corpore humano , & à morfu ve-
» nenato ferarum , sitim & hinc oriun-
» dam sedans. Undè & Dioscorides &
» Hippocrates , Poscâ , vel Oxycrato ,
» inprimis mellis admistu mitificato , ad
» hæc mala nihil reliquerunt commenda-
» tius. Chirurgi autèm ad externa mala ,
» Erysipelatum , Phlegmones , putrido-
» rum ulcerum , nihil quidquam cogno-
» verunt pulchrius. Morfuique curando
» virulentorum aliud non est Poscâ effica-
» cius , eximio in rabie caninâ exemplo.
» Ebrietati adeò quidem adversa , ut ,
» quum spiritus vini fermentatitius uni-
» cum ferè sit , temulentiam quod conci-
» tat , aceti spiritus eandem jam citam
» domet. Imò verò somnoque vinoque
» sepultus ex abusa spirituum , ingesto
» excitatur aceto. Hinc nervis ipsis eri-
» gendis , movendisque spiritibus vix
» aliud aptius. Debilibus , languentibus ,
» lethargicis , soporosis , syncoticis , vo-
» miturientibus , incassum sæpè succurrere
» conatus per artificiosissima Chemiæ
» producta , summum tandèm ab aceto ,
» naribus , orique , adhibito , vel in ven-
» triculum ingesto , auxilium impetravi.
» Quin etiàm , quod soli credent exper-

» ti, convulsis, hypochondriacis, hyster-
» ricis, prodesse sæpiùs memini. Jure ideo
» Hippocrates & Galenus & splenicis
» laudabant. Ad putredinem veram hu-
» morum, corruptionem mortiferam,
» gangrænosos reptatus adeò prodest, ut
» nihil habeat simile; quod expertus pa-
» lùm eloquor. Quid autem verbis opus?
» Nonne, æstuantissimo fervore autum-
» ni incandescente, & putredinis inten-
» tante Saniem, caro, cruorve, copioso
» perfusa aceto, sincera servantur? sed &
» attenuandi virtutem quoquè, pace ali-
» ter sentientium, aceti virtutibus accen-
» seo: si enim tepesactum cruori immif-
» cetur, ejusdemve fero, diluit ea, non
» cogit, nec generat hac admistione po-
» lypos, sed suaviter resolvit coagulata.
» In acutis ideò febribus, in ardentium
» febrium immanitate, in peste, variolis,
» morbillis, similibusque malis, ubi fida
» Anatome totiès coagulata repperit,
» acetum remedium summum, ubi alcali-
» ni, volatiles, sales, tàm infausto even-
» tu, adhibentur; quia acri stimulo velo-
» citatem, & natam inde densitatem
» adaugent. Videte salis volatilis oleosi,
» si non autorem, laudatorem utique su-
» premum, clarissimum *Franciscum de*
» *le Boe Sylvium*. Quonam prophylactico

» fretus , peste ægros securus invisit? A-
 » ceto ad unciam unam , alteramve , priùs
 » epoto tutus. Testatus etiàm omissi se-
 » mel culpam dolore statim nato capitis
 » fuisse. Sudoriferum certius , efficacius-
 » que ignoramus ; quàm acetum dilu-
 » tum , aut merum , si potatur , quàm
 » maxime sudores propellat , etiàm in
 » peste maximèque malignis in morbis ,
 » ubi alia vix respondent. &c.

§. V.

Acetum vel per se , vel , quod præstat ,
 aquâ dilutum , aut melle nonnihil tem-
 peratum , ad unum alterumve cochlear ,
 internè exhibetur , & commodè paritèr
 mixturis aquosis , etsi hic propinandi
 modus nondùm ubique inter medicos
 invaluerit , miscetur. Externè in synco-
 pe , affectibus soporosis , & apoplexiâ san-
 guineâ naribus admovetur , & epithema-
 ta humida , fronti , temporibus , parti-
 bus gangrænosus , sphacelosus , vel morfu
 læsis aut puncturâ ab animalibus rabidis
 ac venenatis , præviâ plerumque in casi-
 bus posterioribus scarificatione , applican-
 da , nec minùs gargarismata refrigeran-
 tia , & emplastra vesicatoria ac rubefa-
 cientia , quæ posteriora membris paraly-
 tics sæpè cum insigni emolumento im-
 ponuntur , ingreditur.

§. VI.

TARTARUS VINI CRUDUS, tam purior, *albicans*, splendens, quàm impurior *rubellus* (*Tartre*) *Rother und weisser Weinstein*, non externâ quidè m formâ ac consistentiâ, naturâ tamèn & principiis, si inflammabile spirituosum exceperis, adeò acetum æmulatur, ut acetum *tartarus fluidus*, & tartarus *acetum siccum* vocari mereatur. Nascitur in vinis, præsertim Rhenanis, aliisque, acore eminentiori præditis, & successivè è partibus *terreis*, *oleoso-mucilagineis*, *resinosis*, & *salinis acidulis*, doliorum lateribus adhærentibus, concrescit. Partes salinæ acidulæ, terreis tenerioribus sociatæ, aquâ ebulliente facilè solvuntur, extrahuntur, &, præmissâ lixivii filtratione & evaporatione, ad formam solidam, siccam, & nonnihil crySTALLINAM rediguntur; inflammabiles gummosæ, resinosæ, & oleosæ autèm, detonatione cum nitro, & destillatione siccâ optimè demonstrantur. In tartaro splendente albo major salis essentialis aciduli, minor substantiæ gummeo-resinose oleosæ, in rubello verò major substantiæ gummeo-resinose-oleosæ, minor salis aciduli quantitas hæret.

§. VII.

Tartarus crudus per se rarissimè in usum medicum trahitur, sed ejus loco separatum *sal essentielle*, cujus tenerior portio sic dictum *Cremorem*, crassior *Crysallos tartari* constituit, inter pulveres, potiunculas, & infusa aquosa atque vinosa recipitur. In aquâ fervidâ promptè, in tepidâ lentè hoc concretum terreo-salinum solvitur, & in frigidâ solutionem planè respuit, nisi, tenerrimè pulverisatum, diutius in eâ relinquatur. Egregium medicamentum est, quod alvum lenitè stimulando, blandè subducit & singulas vires reliquas acidulis selectioribus adscriptas, in morbis antea allegatis exerit. Sal acetosellæ virtute propemodùm superat, difficiliùs tamen, quàm illud, in vehiculis solvitur, & majorem sub assumptione nauseam creat. Datur à granis aliquot ad scrupulum unum, immò drachmam semissem.



CAPUT VII.

De sero lactis.

§. I.

SERUM LACTIS, *Petit-Lait* (*Molcken* *Wadecke*,) in genere in *dulce & acidulum* distinguitur : Acidulum, de quo unicè hoc loco sermo erit, vel blandà, & spontaneâ fermentatione, vel momentaneâ præcipitatione artificiali à reliquis partibus lactis separatur. Illud paulò crudius est, & ideo rariùs, & solummodò apud homines plebeios atque robustos, in usum medicum vocatur; hoc autèm longè gratius reperitur, & frequentius proinde adhibetur. Paratur autem sequenti modo : Lacti recenti tepificato, vel lenitèr etiàm ebullienti, succus citri, limoniorum, acetum vini purum, aut solutio pulpæ tamarindorum, cum vino Rhenano facta, instillatur, vel pulverisatæ crysalli aut cremor tartari tantâ quantitate injiciuntur, ut lac promptum subeat coagulum, & pars butyraceo-caseosa crassior à sero segregetur. Deindè, elapsis tamen aliquot minutis, & vase nonnihil refrigerato, serum per linteum trajicitur, & sic à materiâ terreo-mucidâ crassiori separatur. Quan-

do dimidiæ lactis mensuræ (1. *Næfel*)
Chopine , dimidia duntaxat drachma cre-
 moris injicitur , serum lacteam albedinem
 atque dulcedinem nonnihil retinet ; sin
 drachma verò integra in prædictam lactis
 quantitatem immittitur , serum , post
 coaguli caseosi separationem , ad colo-
 rem subviridem vergit , & manifesto pol-
 let sapore acidulo. Quare , ut serum opti-
 mam sortiatur indolem , dimidiæ lactis
 mensuræ binos solummodò cremoris tar-
 tari scrupulos injicere , præstat : Obser-
 vatâ enim hac proportionem , serum per-
 colatum acidulo quidè m sapore gaudet ,
 multum nihilominus de pristinâ ac gratâ
 dulcedine retinet : A medici cæteroquin
 rationalis scopo , & differenti morbo-
 rum naturâ pendebit , an hæc , an vero
 alia proportio eligenda sit.

§. I I.

Continet hoc liquidum acidulum aut
 acidulo dulce in copioso suo *phlegmate*
 multas partes *salinas acidulas* , *mucilagi-
 neo olcosis temperatissimis* plùs minùsve
 remixtas , & contemperatas : Hinc non
 solum blandè stimulat , abstergit , ac
 temperat , sed sanguinem quoque ac
 lympham diluit , impuritates acres , præ-
 fertim biliosas & alcalico-urinosas , in-
 volvit , transformat , & per vias urina-
 rias educit , ac paululum prætereà nutrit.

Egregium igitur medicamentum est ; quod , potulenti ordinarii loco , in ebullitione sanguinis & bilis , in febribus ardentibus , biliosis , inflammatoriis , quin ipsis malignis , nec minùs in erysipelate , phlogosis , phrenitide , maniâ , guttâ rofaceâ , scorbuto , rheumatismis , arthritide calidâ , ictero acuto , hemorrhagiis exoritantibus , orgasmo venereo , calculo , ischuriâ , & morbis singulis , qui humorum viscositati , & calidæ , acri , biliosæ ac semi-putridæ sanguinis indoli præcipuam debent originem , cum insigni emolumento adhiberi potest. Non contemnendum paritèr auxilium hæcticis spondet , quandò ità scilicèt , præparatur , ut dulcedo præ sapore acido prædominium obtineat , ne , factâ nimiâ præcipitatione , eminens aciditas faucium asperitatem ac tussim augeat , vel pertinaci etiâ raucedini occasionem præbeat.

C A P U T V I I I .

De Tamarindis & Passulis minoribus.

§. I.

TAMARINDI, (*Tamarins*) *Tamarinden*, sunt Palmæ cujusdam , quæ vulgò *Tamarindus* , itemque *Oxiphœnix*

dicitur, fructus siliquosi, & fibroso-pulposi, in membranacea loculamenta distincti, in quibus officula dura, quadrata, splendentia, ex fusco-rubicunda, latent. Fructus maturi ab arboribus, quæ hinc indè in *Arabia, India orientali, & Novâ Hispaniâ* crescunt, decerpti ad solem siccantur, ut paulò diutiùs durent: Facile enim præsertim coacervari, fermentationem subeunt, eâdemque valdè molles redduntur. Colore vel *fusco*, vel *nigro* gaudent, & hi posteriores, quoniam eminentiori aciditate præditi sunt, præstantiores censentur.

§. I I.

PASSULÆ MINORES, *Passula sine granis* (*Raisins de Corinthe*) *Kleine Rosinen*, nihil aliud sunt, nisi uvæ passæ minores, ad solem nonnihil exsiccatae, quæ olim circà *Corinthus*, ubi provintus earum uberrimus erat, in vineis colligebantur, nostrâ verò ætate circà *Naupactum, Patras*, & in notissimis Græciæ Insulis *Zacintho, Cephaloniâ & Thiacâ*, tanta copiâ crescunt, ut indè ad singulas fermè gentes evehi possint. *Zazynthus* imprimis adeò uvis hisce abundat, ut ibi 5000000 libræ passularum quotannis colligi dicantur.

§. III.

Substantia *pulposa* tam passularum , quàm tamarindorum , tota solvitur in aquâ , & solummodò ex partibus *dulcibus oleoso-mucilagineis* , & *acidis salinis* , cremori tartari analogis , composita deprehenditur. Principia hæc facilè sunt manifesta : In passularum enim succo recenter expresso sensim sal essentialiale acidiusculum concrescit , quandò lenissimo priùs calore , ad tertiæ partis remanentiam , inspissatur , posteaque in loco frigido aliquamdiù collocatur : Separatur quoque dulce atque gratissimum oleum , quod liquori innatat. Si idem quoque succus , præviâ leni fermentatione , destillatur , copiosum spiritum ardentem , cui multum succedit phlegmatis , largitur , & remanentia melleæ consistentiæ superfluum vini spiritum odore aromatico , rubroque colore imbuunt , in fundo autem sal essentialiale acidulum præcipitatur. Similia propemodùm observamus apud tamarindos , quandò post aliquam fermentationem , vel temporariam duntaxat , ac simplicem in aquâ macerationem , destillationi subjiciuntur : In casu priori spiritum inflammabilem , in casu posteriori liquorem acidum , aceto vini haud diffi-

millem, transmittunt; immò, pulpa eorum, sufficienti aquæ simplicis quantitate diluta, & duos menses in loco frigidiusculo relicta, sal essentialiale crystallinum, tartari crystallis naturâ ac formâ externâ comparandum, è mixtione suâ extrudit (a). E pulpæ libris sex plerumque quinque vel sex salis essentialis drachmæ separantur. Notatu paritèr hoc loco dignum est, in ramis arboris tamarindi subindè massulas salinas, quæ, à sole exsiccatae cremorem tartari æmulantur, è succo nutritio extravasato spontè concreseere (b).

§. I V.

Ob dulces partes oleoso-mucilagineas passulæ & tamarindi demulcent, lubricant & expectorationem promovent, ob acidulas salinas autè abstergunt, alvum blandè laxant, & æstus sanguinis ac bilis temperant: Superant tamen tamarindi & eorum pulpa passulas virtute laxante & temperante passulæ ex adverso tamarindis demulcente & pectorali virtute superiores sunt. Passulæ coctæ, ut & pulpa, expressione inde separata, vel per se assumuntur, vel decocta, infusa, &

(a) Conf. Memoir. de l'Acad. Royal. des sciences ann. 1701 pag. 142.

(b) Conf. eadem Acta ann. 1699. p. 134.

posterior quoque bolos & electuaria , in asperitate faucium , tussi acri , ardore urinæ , stranguriâ &c. præscribendâ , ingrediuntur. Idem quoque , respectu modi ac formæ exhibendi , de tamarindis , eorundemque pulpâ , quæ sæpiùs , quàm ipsi tamarindi , in usum vocatur , dicendum erit , præterquàm , quòd vix memorata pulpa sæpissimè pariter lactis præcipitationi inserviat , & serum indè natum in morbis omnibus , quibus serum lactis simplex mederi dictum fuit , summo cum fructu , & quidem loco potùs ferè ordinarii , adhibeatur. Dosis pulpæ tamarindorum , per se exhibendæ , à drachmâ unâ ad unciam semissem & ultrà ascendit.

§. V.

Ad acidulo - dulcia selectiora etiam FRUCTUS GROSSULARIÆ NON SPINOSÆ , FRUCTUS MORI & CHAMÆMORI , tam *nostratis* , quàm *Norvegica* , ut & *varia* CERASORUM *species* referri merentur , quoniam naturâ , principiis , viribus , atque usu cum tamarindis & passulis minoribus valdè conveniunt.



SECTIO QUARTA.

De Salinis Alcalinis, tam Fixis
quàm Volatilibus Urinosis.

CAPUT PRIMUM.

*De differentiâ, naturâ & origine Salium
Alcalium Fixorum.*

§. I.

SALIA ALCALIA, seu rectius,
ALKALIA (a), in genere in *fixa*
sive *lixiviosa* (b) & *volatilia* sive *uri-*
nosa dividuntur. Alcalia fixa, de quibus

(a) Vocabulum *alkali* nonnulli ab articulo Arabico *Al*, & *Kali*, sal, vel etiàm à notissimâ herbâ *Kali*, è cujus cineribus in variis regionibus communissimum sal lixiviosum, vulgo *Soda Hispanica* dictum, copiosissimè præparatur, derivant. Alii arbitrantur, hunc salem olim dictum fuisse *Sal Kali*, & inde postea, littera S. abjectâ, & duplici voce in unam contractâ, *alkali* vocabulum natum esse.

(b) *Lix*, annotante BOERHAAVIO in
CARTH. *Mat. Med. Pars. I.* M

primo loco differendum erit, linguæ saporem acrem, urentem, citiùs ac meliùs gustu, quam uberrimâ descriptione cognoscendum, imprimunt, in aquâ facillimè solvuntur, immò, eandem, sub vaporum formâ in aere vagantem, præsertim, præviâ calcinatione violentissimâ humido prorsùs orbata, adeoque siccissima reddita, ac sitientissima, promptè imbibunt, & tandèm in liquorem aqueo-salinum, contactu pinguem, deliquescent. Unica v. g. salis tartari siccissimi uncia, observante BOERHAAVIO (a); tres propemodùm aquæ uncias successivè ex aere attrahere valet. Aliquandò orbi vitreo, in loco satìs elevato, & sicco collocato, & quidèm decimo septimo die Januarii ad vigesimum ejusdem mensis, imposuit uncias duas & drachmam unam salis tartari, tanto igne exsiccati, ut funderetur, ac postea observavit, salis tartari pondus, intrà illud tempus, drachmis tribus & semisse auctum fuisse. Cum deinde relinqueret diutiùs; pondus quotidie increvit, donec in perfectum liquorem resolveretur. Memorata vaporum in-

Chem. T. I. p. 174. latinâ linguâ, Cinerem focì notat; hinc sales, è cineribus parati, lixivi, lixivii, lixiviosi dicti fuerunt.

(a) L. c. p. 464.

fructuatio in principio tam subitanea est , ut sal tartari , ab igne vix remotum , ac vitro , subere protinus obturato , injectum , humiditatis quidquam illicò attrahat.

§. I I.

Quanquam salia alkalia fixa , accedente humiditate aqueâ , facile deliquescent , in igne nihilominus admodum fixa existunt , & vehementiori demùm Vulcani torturâ ad fluorem rediguntur. Cum quovis ceteroquàm acido effervescent , & , finito tumultu , cum eodem in sal medium coeunt , cui facili negotio forma crystallina inditur. Quando sali ammoniaco , in aquâ soluto , adduntur , statim pristina acidi & urinosi unio dissolvitur , & pars urinosa volatilis , partim sub salis sicci , partim spiritus formâ , assurgit , acidum verò cum alcali fixo iterùm subit connubium , ac novum sal medium , in igne longè fixius , quam ammoniacale , producit. Syrupo violarum colorem viridem , & rubicundissimæ tincturæ ligni Brasiliensis aquosæ purpureum conciliant : Mercurium sublimatum , aquâ simplici solutum , sub calcis aurantiæ formâ , præcipitant , corpora sulphurea , resinosa , bituminosa resolvunt & expan-

M ij

dunt, vel eorundem tamèn solutionem, si menstivis appropriatis jungantur, validè adjuvant, cum oleis æthereis autèm in massam grumofam, saponiformem, & cum unguinosis ac pinguedinibus animalium in perfectos saponem coeunt; quæ concretio tamèn solutionem oleorum æthereorum in spiritu inflammabili rectificatissimo minimè impedit, sed potiùs promovet. Sæpiùs quoque annotatum fuit, alkalia purissima, siccissima, acerrima, sitientissima, & ab igne fervidissima, alcoholi optimo mixta, istud paritèr in arctius rapere consortium, ac sibi adunare; nihil tamen phlegmatis amplius inhærere debet, alias ab alcali confestim attrahitur, & alcohol quasi repellitur.

§. III.

Salia alkalia fixa, sive lixiviosa, uti alibi pridèm obitèr retuli, ex *terrâ solubili*, *sale acido*, & *paucâ materiâ inflammabili*, nunc teneriori, nunc *crassiori oleoso-unguinosâ*, reliquis principiis, ignis violenti ope, intimiùs intermixta, constant. Terra, mixtionem maximâ ingreditur quantitate; quemadmodùm hoc ex sequenti experimento patet: Solvitur sal quoddam alkali fixum in aquâ simplici,

solutio , iteratâ filtratione perfectè depurata , atque pellucida reddita , denuò exsiccat , & in tigillo , imposito alio firmitè claudendo , funditur , posteaque aeri exponitur , ut deliquescat ; sic in fundo , sub liquore pellucido supernatante , sensim pulvis albicans colligitur , qui ablatus & exsiccat , meram terram , illi , qui ex plantarum cineribus educitur , simillimam , sistit. Quandò hic labor sæpiùs reiteratur , & liquor pellucidus decantatus rursùs ad siccitatem evaporando redigitur , massa sicca salina solvitur , funditur , & spontaneo deliquio fluida redditur , semper terræ portio in fundo superstes erit , ita ut tota salis moles tandè in simplicem ejusmodi terram degeneret ; exceptâ parte verè salina , & unguinoso-inflammabili , quæ sub exsiccatione , fusione , solutione , multotiès repetitâ , terream suam matricem sensim relinquit , & in auras abit ; quæ jactura ex pondere , notabiliter imminuto , luculentissimè patescit (*a*).

§. I V.

Reliqua salis fixi alcalici elementa pluribus quidè experimentis reddi possent

(*a*) Conf. Boerhaave L. c. p. 640.
M iij

270 *Seçt. IV. De Salinis Alcalinis*
manifesta; verùm, ne justò sim proluxior,
paucà duntaxat, quæ sufficere videntur,
hoc loco recensebo: Si nitro v. g., in cru-
cibulo fluenti, pulvis carbonum successivè
injecitur, detonatio sub quavis injectio-
ne oritur, tandemque sufficienti quanti-
tate immisâ, & detonatione cessante,
corpus relinquitur perfectè alcalicum,
quod *nitrum fixum* vocatur, & in loco
humidiâsculo deliquescens, notissimum
alcali Glauberi suppeditat. Nitrum sub
hac salis alcalici productione terram &
acidum, carbones verò partim terram,
partim tenerrimum principium inflam-
mabile suppeditant. Idem scopus obtine-
tur, quando loco pulveris carbonum tar-
tarus vini pulverisatus æquali quantitate
injecitur, vel utraque materia, in morta-
rio contusa, & antea probè mixta, co-
chleatim in crucibulum candens immit-
titur; immò, solus tartarus, succus citri
inspissatus, sal pingue plantarum essen-
tiale, & corpora similia, terrâ, sale aci-
do, & inflammabili substantiâ instructa,
combustione ac vehementi calcinatione,
in perfectâ salia alcalia fixa, vel tota,
vel quoad aliquam partem, transfor-
mantur, quum quævis elementa, ad al-
cali fixi mixtionem necessaria, conti-
neant, æquè, ac plantæ pleræque, præ-

fertim amaræ, quæ combustæ cineres relinquant, è quibus postea alcali fixum aquâ affusâ elixivari potest.

§. V.

Contrarium itaque accidit, & spes eludatur, quando pars unguinoso inflammabilis, aut acidum in corporibus comburendis planè deficit, aut horum principiorum alterutrum corpori alcalisando, repetitâ extractione cum spiritu vini, vel aquâ simplici, ante calcinationem ereptum fuit. Recipiantur v. g. herbæ absinthii libræ quatuor: Concisæ iteratâ vicè affundatur spiritus vini rectificatissimus, usque dum substantia oleoso-resinosa tingens prorsus extracta sit. Quo facto, herbæ denuò siccatæ comburatur, & sal alcali è cineribus aquâ extrahatur; sic unam circiter unciam salis sicci obtinebis, quum tamèn aliàs æqualis quantitas herbæ absinthii, portione inflammabili nondum orbata, uncias duas cum dimidiâ post combustionem largiatur. Sin, peractâ olei & resinæ extractione, herbæ laudatæ aqua pariter affunditur aliquoties, ut salino-gummosa quoque substantia extrahatur, residuum siccatum & combustum vix 19. vel 20. grana salis fixi alca-

lici suppeditabit (a). Undè manifestè constat, nec solam terram, nec solum acidum generando sali alcalico sufficere, sed simul etiam materiam quandam unguinoso inflammabilem ad ejus compositionem, violentioris ignis beneficio perficiendam, summè necessariam esse. Ad alcali fixi quoque in igne genesis, quod adhuc monendum duco, quævis corpora, quæ aliàs satis notabilem ejus quantitatem largiuntur, inepta sunt, quando putrefactioni subjiciuntur, vel spontè in putredinem ruunt, quoniàm motu putredinoso non sal alcali fixum, sed semper volatile sive urinosum producitur.

§. V I.

Perfectum sal alkali fixum soliûs ignis violenti progenies est, nec unquàm proinde in naturali animalium, vegetabilium, quin etiàm, si sal culinare, thermas, & alias hujus commatis aquas exceperis, mineralium mixtione reperitur. Quæ enim hinc inde inveniuntur concreta, salibus alcalibus quodammodò analogæ, meræ saltèm terræ alcalinæ sunt, quæ

(a) Plura de Salium Alkalium principiis ac genesi vide in B. Neumanni Lectione de salibus alkalibus.

effervescentiæ quidè motum cum acidis subeunt, nequaquàm tamen cum iis in perfectum sal medium, sed terreo-salsum tantummodò corpus, coeunt. (a) Fixum prætereà sal alkali, in thermis, acidulis, aliisque fontibus foteriis ac mineralibus obvium, natales suos Vulcano subterraneo debet, & quidè severiori in & circa montes, colles, & campos ignivomos, vel pacatiori in nidis ac stratis pinguium pyritarum, sub humectatione fortitèr incalificentium, immò, admissio-

(a) In regno *Coromandel*, uti J O H O T T O H E L B I G I U S in *Miscellaneis A. N. C. G.* ann. 9. & 10. obs. 196. refert, & quidè propè urbem *Tegnopatanam*, non procul à mari, in solo arenoso, incolæ quotidie tempore matutino terram quandam ex flavo-cinerem, quam communis noctu ejicere traditur, colligunt, & inde lixivium præparant, quo, per calcem vivam prius acuato, colores, è vegetabilium succis desumptos, miscent, iisdemque versicoloria illa lintea pingunt. Terram hanc nativo sale alcalico prægnantem esse, idemque, aliquamdiù in ipso generationis loco relictum, acidum aereum attrahere, ac spontè in nitrum mutari, idem Auctor eodem loco testatur: Quæ, si vera essent, valde omninò suprà memoratis contraria forent. Attamen, H E L B I G I U M, qui incolarum relationi simpliciter fidem adhibuit, quique procul dubio decens laudati concreti mineralis scrutinium instituere neglexit, facile decipi potuisse, immò reverà deceptum fuisse, firmiter credo.

aere liberiori , veras flammas eructantium. Adest hic locorum cauſa formalis , adſunt pariter materiæ , ad alkali fixi compositionem neceſſariæ , nec mirandum proindè erit , quod actualis alkali generis crebro contingat.

§. V I I.

Completa & puriſſima ſalia alcalia fixa , quoad indolem & effectus , inprimis medicos , parùm diſtincta inveniuntur , præterquam , quod ea , quæ ex acido & teriâ minerali genita fuerunt , paulò aciora ſint , quam illa quibus vegetabilia ſaltem neceſſaria elementa dederunt. Leviſſima præterea differentia , quæ nonnunquam obſervatur , plerumque ab ad- & in herentibus heterogeneis , carbonariæ , fuliginosæ , & oleosæ indolis , moleculis , vel ab imperfectâ calcinatione , quæ integras præſepè ſalis mediæ , aut adhibitiæ ſubſtantiæ alteriùs particulas relinquit , deducenda eſt ; uti frequentiffimè apud nitrum fixum obſervamus : Inſtilato quippe huic ſali oleo vitrioli , plerumque vapor acidus nitroſus ex rubro-ſcayelſcens aſurgit , ſi nitrum ſcilicet nondùm quoad ſingulas moleculas ſub detonatione alcaliſatum fuerit , ſed integræ adhuc ejuſdem particulæ remanſerint.

Nunquàm enim vapor ejusmodi eructatur, quandò quævis nitri molculæ imperfectum sal alcali transformatae fuerunt.

C A P U T II.

De modo operandi atque virtutibus medicis salium alcalium fixorum.

§. I.

SALIA Alkalia fixa, tam liquida quam sicca, justâ tamèn quantitate exhibita, partes corporis solidas lenitèr stimulant, acidum quodcunque, maximè autèm in primis viis stabulans, validè destruunt, &, interveniente syncrifi promptissimâ, salia media producunt: Instar saponis quoque, præsertim si iisdem materia mucido-pinguis arctiùs uniatur, impuritates acido-pituitosas primæ culinæ abstergunt, bilem viscidam atque inertem attenuando (a) corrigunt, sanguinem, lympham,

(a) Bilis cystica bovina, sana, ac satis fluida, instillato oleo vitrioli, confestim coagulatur, pallida fit atque foetens, amaritiem amittit, tandemque materia valdè mucida ad fundum secedit, aquæ autèm supernatanti perfecta redditur pelluciditas. Cum aquâ forti promptissimè quoque

M vj,

cæterosque humores , crassitie , spissitudine muciditate laborantes , resolvunt , adeoque ad pristinam fluiditatem reducunt : Hinc minimè paritèr dubitandum erit , quin meatus ac vasa cujuscunque generis , per viscidas , tenaces , aut acidotartareas materias obstrueta , aperiant , se-& excretiones , maximè per renes & poros cutis , promoveant , & partes cruoris urino-o-oleoso inflammabiles expandant ; quibus pressò pede coloris purpurei exaltatio , uberior salis urinosi generis , atque resuscitatio (a) , & notabile caloris incrementum necessariò succedere debent.

in coagulum , densum , viridiusculum , amarissimum abit , quod , interjectis paucis diebus , emplastri ac resinæ consistentiam , cum colore intense viridi , acquirit. Coagulum quoque inducunt spiritus salis , & quævis acida reliqua , diversæ tamen , pro fortiori , vel debiliori acore , consistentiæ. Si coagulis hisce alcali quoddam fluidum , sive sit fixum , sive volatile , s. q. additur , protinùs effervescentia oritur , & pristina fluiditas , cum sapore & colore naturali , bili restituitur.

(a) Quandò sanguini , vix è venâ extracto , pauxillum salis tartari aut cinerum clavellatorum miscetur , teste J O H. H U M M E L I O *in Ir. de Arthritide* p. 54. illicò debilis odor urinosus assurgit. Tenerrimum enim sal , quod naturalem

§. II.

Propter memoratas virtutes generaliores salia fixa alkalia, ritè usurpata, promptum ac certum spondent auxilium contra venena caustica mineralia, nec non in morbis ventriculi & intestinorum, è copiosâ saburrâ acido-pituitosâ oriundis, itèmq; parcâ tamèn manu oblata, in principio febris quotidianæ & quartanæ, viscositate & inertîâ bilis, & inde nonnunquàm resultante cachexiâ icteritiâ, nec minùs in apoplexiâ pituitosâ, asthmate, obstructione hepatis, lienis, renum atque uteri, quotiès simili materiæ acido-mucido-tartareæ, vel sanguini spissæ ac lymphæ coagulatæ præcipuam ori-

cruoris ac gelatinæ mixtionem ingreditur, vulgò judicatur ammoniacale: Nunc autèm chemici notissimum est, sal ammoniacale quodcunque confestim urinosam dimittere portionem, quamprimùm eidem alkali fixum additur, præsertim, si utrumque ante miscelam aquâ debitè solutum fuerit. Quare nullo quoque modo mirandum est, quòd alkalia fixa, internè largiùs paulò assumpta, uberrimum in malsâ sanguineâ salis urinosi proventum, & hac ratione notabilè caloris, fluiditatis, & transpirationis cutaneæ augmentum efficiant: Immò, minimè mirandum erit, quod illa ipsa, nimium usurpata, nocivam, & putredinosam humorum dissolutionem producant.

ginem debent. Non contemnendæ quoque utilitatis sunt in cachexiâ vulgari, leucophlegmatiâ nephritide pituitosâ & morbis similibus.

§. III.

Quemadmodum tempestivus, moderatus & circumspectus horum salium usus multum subindè emolumentum affert: Sic abusus quoque noxas insignes creare valet. Facile enim si intempestivè aut nimiam copiâ exhibentur appetitum dejiciunt, naturalem humorum systasin destruunt, copiosæ salis urinosi generis favent, humores, uti pridem dictum fuit, ad dissolutionem putredinosam disponunt, & præternaturales, quin ipsos febriles in sanguine igniculos accendunt. Maximum imprimis detrimentum inferre consueverunt, quando in morbis calidis, v. g. febribus continuis, biliosis, ardentibus, inflammatoriis, exanthematicis, lentis, hæcticis atque malignis, nec minùs in ictero acuto, hemorrhagiis exorbitantibus, post iracundiam, in congestionibus sanguinis, & singulis morbis reliquis qui in genere à vehementi humorum resolutione commotione, orgasmo, vel biliosa, aut oleoso urinoso-putridâ eorum dyscrasiâ deducendi sunt, ægris imprudenter propinantur.

§. IV.

Virtus salium alcalium *calefaciens*, *sudorifera*, *diuretica* & *purificans* fortior redditur, si sulphurea quædam aut bituminosa substantia mineralis, vel oleosa ac resinosa vegetabilis, iisdem uniatur; quemadmodum hoc inter alia notissimæ tincturæ sulphureo-alcalicæ antimoniales probant. Quippe quæ, teste experientiâ quotidianâ, sudorem fortiùs pellunt, & in scabie benignâ & malignâ, leprâ, lue venereâ, gonorrhœâ virulentâ, nephritide pituitosâ, cachexiâ &c. longè majorem efficaciam, quam alcalia pura ac solitaria, monstrant.

CAPUT III.

*De naturâ, differentiâ & origine Salium
Alcalium volatilium.*

§. I.

SALIA *alkalia urinosa* non solâ partium subtilitate, mobilitate, ac volatilitate, sed aliis paritèr proprietatibus & effectibus quibusdam sese ab alcalibus fixis distinguunt. Nam licet urinosa æquè

quidè , ac alkalia fixa , cum quovis acido effervescent , nunquàm tamèn in sal *salsum* , vulgare , comparativè fixius , sed in *ammoniacale* , admoto igne fortiori volatile , coeunt , & ex solutione mercurii sublimati aquosâ non aurantium , sed album , pulverem præcipitant. Solutionem cupri præterea reddunt cœruleam , & oleosa , atque sulphureo-inflammabilia teneriora magis , quàm alkalia fixa , expandunt , sanguinis calorem notabiliùs intendunt , eumque non minùs , quam humores reliquos , fortius commovent , ac commovendo dissolvunt. Notatu denique dignum est , spiritum urinæ concentratissimum , cum alcohole mixtum confestim producere coagulum , *Offa HELMONTII* dictum , etià si liquidum utrumque celerrimo motu intestino gaudeat , & ad evaporationem pronissimum sit.

§. I I.

Levissima differentia , quæ circa alcalium volatile , naturam specificam observatur , non derivanda & à portione verè salinâ , sed ab oleo specifico , quod in poris hæret : Hinc facilè etià ex sale volatili salis ammoniaci , ceu omnium , quæ vulgò prostant venalia , purissimo ,

per additionem diversorum oleorum , præfertim empyreumaticorum diversa parari possunt salia volatilia , & quævis pariter genuina , h. e. , è propriis suis subiectis educita , atque oleosa substantiâ per repetitam digestionem & extractionem cum spiritu vini dephlegmatissimo , penitus iterum orbata , unum idemque sal offerunt , quod novâ sublimatione cum alkali fixo , aut terrâ quadam alkalina perfectè repurgatum , ab ordinario sale volatili salis ammoniaci discerni nequit.
(a)

(a) „ Datur tantummodò, B. HOFMANNUS
„ in *Obs. physico chymicis* p. 215. scribit, unum
„ sal volatile purum in universò animalium re-
„ gno, quod non nisi ab oleo admixto suam spe-
„ cificam accipit cum sapore & odore virtutem.
„ Hinc quia ex sale ammoniaco sal volatile pu-
„ rissimum, omni oleo privatum, haberi potest,
„ id accipi debet, quòd postea pro lubitu cum
„ oleo quodam empyreumatico imbui, & subli-
„ matione essentificari potest. Nam quandocun-
„ que sal volatile cornu cervi genuinum affusio-
„ ne spiritus vini rectificatissimi tractatur, & re-
„ petita affusione oleosa ejus pars extrahitur, &
„ postea illud, quod relinquitur, cum cornu
„ cervi usto, vel sale tartari, miscetur, & denuò
„ sublimatur, ut omnis oleosa portio separetur,
„ tunc videmus, sal ascendere, nullius fere odo-
„ ris, vel saporis, & quod cum sale volatili, salis
„ ammoniaci per omnia convenit. &c. “

§. III.

Quoad elementa, seu partes constitutivas salia alkalia volatilia sive urinosa cum fixis conveniunt, præterquàm, quòd principia memorata *teneriora* sint, & major *substantia pinguis, oleosa, inflammabilis*, portio mixtionem subeat. Quare additâ etiàm, vel fortuitò accedente, & arctiùs unitâ, laudatâ substantiâ, ex alkali fixo, adjuvante tamen calore, fit ac fieri potest sal volatile urinosum; uti hæc subjunctis experimentis chemicis abundè confirmatur.

I. Quando sali alkalico siccissimo ac reperfacto oleum terebinthinæ tantâ quantitate additur, ut trituræ beneficio ad pultis consistentiam redigi possit, & massa hæc, præmissâ per unam alteramve hebdomadem digestionē in cucurbitulâ, destillationi subjicitur, primò aliquot moleculæ oleosæ, & deindè notabilis salis urinosi portio alembicum transcendunt.
(a)

II. Carbones per se, observante GODOFREDO (b), è retortâ in furno re-

(a) Conf. Stahl. Fund. Chymix dogm. & experim. p. 81.

(b) Vid. Memoir. de l'Acad. Royal des Scienc. ann. 1717. p. 317. Conf. B. Neumannus in Lect. de nitro p. 71.

verberii destillati, nil, nisi phlegma empyreumaticum, reddunt, quod neque acidi neque alkalici salis indicia præbet: Sin pulvis autem eorundem cum anaticâ quantitate nitri in retortâ tubulatâ accenditur, per apertum foramen superius fortis sub detonatione odor urinosus affurgit, in receptaculum verò, mediante tubo laterali applicatum, liquor transit salinus, penetrantis odoris urinosi, qui, præter odorem, singulas reliquas salis alkalici volatilis proprietates possidet, dum non solum cum acidis vividè effervesceat, sed candidam etiâ calcem è solutione mercurii sublimati præcipitat, & syrupo violarum viridem, solutioni cupri cœruleum, colorem inducit. Similis liquor prodit, quando, loco carbonum, tartarus vini pulverisatus nitro miscetur, & detonatio in retortâ tubulatâ descripto modo instituitur.

III. Mixtura ex partibus duabus salis tartari, & parte unâ aluminis è retortâ, adaptato receptaculo capaciiori, & igne per gradus aucto, destillata, primò spiritum urinosum, & deindè penetrans sal volatile siccum transmittit. Notari tamèn debet, operationem cum magnâ quantitate, v. g. 2. 3. 4. 5. libris suscipiendam esse, ut paulò major liquoris quantitas

colligi queat. (*a*) Si partibus duabus ſalis tartari , loco aluminis , una pars ſorum ſulphuris additur , & mixtura in crucibulo funditur , odorem emittit nonnihil urinoſum , ac ſimul reſinoſum , æquè ac mixtura è ſpiritu ſalis ammoniaci , & oleo ſuccini , aut petroleo. Inſtitutâ ipſâ deſtillatione in retortâ vitreâ , liquor in receptaculum tranſcendit , fortis , ingratus , fætore ova putrida æmulans , ac multo ſale volatili urinoſo prægnans. Quando partes ſulphuris , & ſalis tartari anaticæ recipiuntur , major liquoris quantitas , quæ ordinariò valde exigua eſt , colligitur : Immò , ſi mixtura , in crucibulo colliquefacta , aquâ ſolvitur , & liquor , in loco temperatè calido aliquamdiù re-poſitus , tandem deſtillatur , portio adhuc notabilior ſpiritûs urinoſi prodit.

IV. Quando ſolutioni martis , cum aquâ forti factæ , & adeò concentratæ , ut ſyrupi quaſi conſiſtentiam acquirat , oleum tartari per deliquium inſtillatur , aut ſal tartari ſiccum injicitur , coagulum virideſcens , obſervante, L E M E R Y (*a*) conſeſtim reſultat , & fortis odor urinoſus aſſurgit. Quotiès memorata liquoris alcalici inſtillatio in cucurbitâ

(*a*) Conf. Memoir. A. R. P. l. c.

(*a*) V. Memoir. A. R. P. l. c.

fufcipitur , odor erumpens urinofus nares fortitèr ferit ; immò , mixtura hæc , alem-bico impofito , & igne leniori fubtrato , deftillata , liquorem transmittit valdè urinofum , penetrantis faporis , inftàr fpiritus falis ammoniaci , à quo parùm differt. Portio aliqua liquoris , quæ , igne valdè aucto , subtiliori fpirituoso fuccedit , urinofa quidèm odore pollet , aft longè debiliori , linguæ tamen ac naribus fortem subtilis acredinis fenfum imprimi , & æquè , ac prior , copiofam calcem albicantem è folutione mercurii fublimate aquofa præcipitem dat. Portio tertia & quarta , igne fucceffivè magis magisque aucto , tranftillans , odore & fapore penitus fermè deftituta eft , & nihilofeciùs , folutioni mercurii fublimate infufa , lacteum producit colorem , & aliquam adhuc calcis albicantis præcipationem præftat.

§. I V.

Nativa falia urinofa five alkalia volatilia in folo regno animali reperiuntur , ibidemque fanguinis ac gelatinæ mixtionem ingrediuntur , ita tamen , ut partibus pinguibus & oleofis intimè involuta hæreant , & cum acido quodam subtili tenerrimum fal ammoniacale , violento

demùm igne sub destillatione ficcâ dissolvendum ac destruendum , forment. Nàm ex omnibus animantium , tam solidis , quàm liquidis , partibus , sub destillatione ficcâ ex retortâ , *phlegma fœtidum* , *sal urinosum* , & *oleum empyreumaticum* , *urinoso* paritèr *sale impregnatum* , elicitur , ac nihil remanet , nisi *mera terra* , partibus fuliginosis , quæ illam nigram reddunt , paululùm adhuc obducta. Credendum nihilominùs est , hoc sal urinosum non solùm ex laudato sale ammoniacali violentæ diacrifeos ope resuscitatum , sed quoad aliquam quoque partem sub ipsâ destillatione ex acido , ab urinoso principio violentèr avulso , & ex terrâ tenerrimâ , ac copiosâ substantiâ pingui oleosâ intimiùs iterum mixtis & arētissimè combinatis , de novo genitum esse.

§. V.

Faciliùs adhuc salis urinosi separatio ex animantium partibus succedit , quando *putrefactio* præmittitur : quippè quæ præcipua alcalium volatilium genitrix est , ac medium communissimum , quo natura in salium hujusmodi generatione utitur. Leni enim & intestino motu putredinoso corpora quævis , quorum tex-

tura firmior, siccitas, aut peculiaris mixtio non resistit, intimè atque centraliter resolvuntur, ac tota, si paucam terram fixam, quæ relinquitur, exceperis, in fœtidum ac pingue sal volatile, paulatim cum phlegmate in auras evolans, mutantur. Hinc etiàm observamus, plantas omnes, præsertim illas, quæ acido scatent, atque principio oleoso-resinoso, & combustæ multùm salis alkalici fixi largiuntur, post præmissam putrefactionem, nihil ampliùs salis fixi, sed ejus loco pingue ac fœtidum urinosum reddere.

§. V I.

Multi medicorum ac chymicorum etiàm in naturali ac prorsùs integrâ vegetabilium quorundam mixtione sal volatile urinosum quærunt, & halitum imprimis acrem atque pungentem, quem plantæ nonnullæ, præsertim sic dictæ *antiscorbuticæ*, emittunt, nec minùs alkalicos illos liquores, quos ex variis subiectis destillatione siccâ & valdè violentâ eduxerunt, immò succos, absque igne ex herbis nonnullis adhuc recèntibus, v. g. ex sedo vulgari, expressos, probandî fine allegant: Verum enim verò, in gravi omnino errore versantur; & falsâ analogiâ, atque chemicis examinibus, per-

versè adornatis , vel minùs rectè tamèn applicatis , & explanatis , seducti fuerunt. Memoratus enim halitus acrium quarundam plantarum neutiquàm cum halitu spiritùs cujusdàm urinosi convenit , sed aptiùs , atque certiùs , quod suo loco (*a*) uberrimè demonstrabo , cum acido ac paululùm balsamico halitu , quem recens iacchari spiritus eructat , comparari potest , & circà liquores , & sales siccos , qui subindè è plantis quibusdàm educti fuerunt , contrariæ hypotheseos tutores producta ignis violenti cum principiis naturaliter inhærentibus , & nullam adhuc adustionem , aut aliam mutationem expertis , malè confundunt. Quid faciliùs enim in plantis , earundemque partibus , terrâ tenerâ , acido subtili , & substantiâ gummeo-resinosâ , vel crasso etiàm ac copioso oleo instructis , adhibito igne sicco ac violento , adeoque novâ interveniente syncrifi , & majori vel minori particularum metamorphosi , nasci potest , quam sal quoddam alkalicum fixum , aut volatile ? Suffragia profectò non denegabunt rerum chemicarum gnari ; ratio enim in promptu est : Particulæ nimirùm acidæ , ac plùs minùsve volatiles , altiùs substantiæ gummeo resinosæ

(*a*) In Seçt. de Acribus.

fixio: i

fixiori, aut crassiori oleosæ, immerse & simplicitæ, tantâ, quâ par est, velocitate sese evolvere, secedere, atque transcendere nequeunt, sed, unâ cum oleosis ac resinosis, diuturniorem Vulcani torturam sustinere coguntur; hinc neuti-quàm mirandum, quod oleosæ, & inflammabiles empyreuma contrahant, & earum multæ cum acidis, & terreis tenerioribus eâ proportionem, eoque modo combinentur, ut inde novum sal, & quidèmalcalicum, pro differenti tamènelementorum subtilitate nativâ, nunc fixum, nunc verò, quod plerumque apud laudata acria fieri consuevit, volatile si-ve urinosum resultet.

§. VII.

Nullum denique patrociniū dissentiētiū hypothēsī argumenta largiuntur, à succis plantarū expressis desumpta, quoniam fallaciis causarū, & theoreticis erroribus nituntur. Exempli loco solum hac vice experimentum, quod *Diss.* D. N. BURGART (a) communicavit, fusiùs adducam, &, præmissâ descriptione Authoris, quid ipse expertus fuerim, recensere: » Ne generali,

(a) In *Satyris Medicor. Silesiacor. Specim.* IV. Obs. 2. p. 12. sequ.

» inquit , coagulationis historiâ Lectorem
 » detineamus , ad experimentum nostrum
 » propiùs accedamus : Recipe bonam
 » *Sedi communis* , quæ in ædium tectis
 » crescit , portionem , hanc in lapideo
 » mortario contunde , ut prælo , aut aliâ
 » ratione succus exprimi possit. Succum
 » expressum per chartam filtra , ut clarus
 » evadat. Coloris cum esse dilutè flavesc-
 » centis , & saporis ingratè herbacei , po-
 » stea aliquid acredinis linguæ imprimen-
 » tis , deprehendes. Admisce deinde spi-
 » ritûs vini per se rectificati æqualem
 » quantitatem , & è vestigio omnem sedi
 » succum coagulatum , candidissimam-
 » que in pulvem conversum , adipem suil-
 » lum probè lotum (*Schneeweisse Po-*
 » made) exactè referentem , observa-
 » bis. Phlegma , postea à coagulo se-
 » cedens , filtro separa. Notatu maximè
 » digna phænomena hujus albæ pultis ,
 » aut , si mavis , unguenti , hæc sunt : (a)
 » Color , ut dictum , albissimus est ; (b)
 » Odor ingratè herbaceus spiritum vini
 » admixtum quodammodo prodit ; (c)
 » Sapor antea paullulùm acris , nunc , si
 » spiritûs vini vestigia excipias , fere nul-
 » lus , (d) Consistentia quidèmpultacea ,
 » sed admodum tenera , non spissa. (e)
 » Volatilitas summa , ita ut exigua coa-

„ guli vel unguenti moles, aperto libero-
 „ que aeri credita, paucis horis in auras
 „ abeat, nullo post se relicto vestigio.
 „ Phlegma, filtro secretum, paullulum
 „ adhuc flavescens, insipidum ferè, non
 „ omnibus tamèn peregrinis partibus or-
 „ batum est. Usus hujus coaguli, *in se-*
 „ *quentibus pergit*, partim physicus est...
 „ Physicus latior sese diffundit usus.
 „ Namque detegit nobis plantam, sale
 „ quodam acri volatili præditam, quæ
 „ herbarum species olim planè in dubium
 „ vocata est, donec B. W E D E L I U S pe-
 „ culiari scripto gemino, salem volati-
 „ lem plantarum, in *Glasto* vel *Isatide sa-*
 „ *tivâ* (a) deprehensum, extrà contro-
 „ versiam posuerit. Nostrium tamen cum
 „ veniâ Beati præstantius judicamus ex-
 „ perimentum, præ instituto cum isati-
 „ de, ad demonstrandam salis volatilis
 „ plantarum existentiam. Isatidis enim
 „ folia fermentationem, vel potiùs pu-
 „ trefactionem quandam priùs pati de-
 „ bent, antequàm sal volatile ex iis elici

(a) Observatio B. W E D E L I I nihil pror-
 sùs in hoc passu probat. Nam sal urinosum, quod
 in *Glasto* deprehendit, lenioris duntaxat putre-
 dinis, cui folia subjiciuntur, soboles est, nec ul-
 lum igitur inter nativa & illibata isatidis princi-
 pia locum obtinet.

„ possit, sedum verò è vestigio id exhibet.
 „ Ne autèm quis objiciat, præsentem
 „ coagulationem salis plantarum volatili-
 „ litati demonstrandæ non sufficere, se-
 „ quentia, scrupulis solvendis non inept-
 „ ta, probè consideret, precor: (a) Spi-
 „ ritum vini liquorem esse salinum me-
 „ dium, magis tamèn ad acidorum natu-
 „ ram, quàm reliquorum, accedentem,
 „ & in se certam olei maxime rarefacti
 „ partem continentem. (b) Eundem vini
 „ spiritum, quantùm huc usque innotuit,
 „ cum nullo alio liquore salino, sive aci-
 „ dus sit, sive alcalicus, isque vel fixus vel
 „ volatilis, sive medius, coagulari, nisi
 „ cum spiritu urinæ, ut *offæ HELMONTII*
 „ præparatio docet. His igitur præmissis
 „ sequitur, ut succus sedi antacidæ, aut,
 „ si mavis, alcalicæ, non fixæ, sed vola-
 „ tilis naturæ sit; (c) Oleum deindè in
 „ vini spiritu communi contentum, be-
 „ neficio potentiarum salinarum acidius-
 „ cularum phlegmati, invisibili modo
 „ per omnia junctum, ramentis salinis
 „ tam spiritûs, quam succi, in sal me-
 „ dium coalescentibus, præcipitetur, &
 „ cum sale noviter facto medio in coagu-
 „ lum saponaceum redactum sub unguen-
 „ ti formâ appareat.... Acedit ipsa coagu-
 „ li volatilitas, camphoræ non adeò dis-

„ similis , nisi quod multò fugacior ad-
 „ huc existat , majus sententiæ pondus
 „ addens : *Quod sedum scilicet in se con-*
 „ *tineat salem maximè volatilem , urinosæ*
 „ *præ ceteris similem.*

§. VIII.

Nolo iis ponderandis ac refutandis
 hac vice immorari , quæ Auctør clarissi-
 mus de spiritûs vini naturâ & principiis
 constitutivis attulit , sed ad ipsius experi-
 menti contemplationem me convertam ,
 quod verum omninò , & adeò speciosum
 est , ut nullum prorsùs dubium superfit ,
 quin alii eodem in pristinâ sententiâ suâ
 confirmari , alii , negantium sententiæ
 hætenùs addicti , primùm seduci que-
 ant , præsertim , si conclusionem inde de-
 ductam , simpliciter , & absque ulteriori
 scrutinio admittant , & plura cum hoc suc-
 co instituere negligent examina , quæ con-
 clusioni , uti experienciâ iteratâ confir-
 matus testari possum , penitus contraria
 reperiuntur , & subtile potiùs ac plûs-
 minùsve volatile sal acidulum , substan-
 tiæ mucido-gummosæ teneriori nonnihil
 involutum , in hoc succo hospitari , suf-
 ficienter probant. Enarrabo ea , quæ ipse
 suscepi , ut asserti veritas clariùs pateat ,
 & dissentientibus omnis dubitandi ac-

294 *Seçt. IV. De Salinis Alcalinis*
contradicendi occasio eripiatur. Fuerunt
autem sequentia :

I. Succus Sedi vulgaris , è contusis fo-
liis recentibus expressus & filtratus , spi-
ritum vini per se rectificatum illicò , si
æquali quantitate miscetur , coagulat ,
ita ut mixtura lac coagulatum referat ,
præterquàm , quòd moleculæ , liquori
reliquo innatantes , longè teneriores ,
quàm in lacte coagulato , deprehendan-
tur. Liquore limpido filtrationis ope se-
parato , moleculæ coagulatae in chartâ bi-
bulâ remanent , & in unam colliguntur
massam , quæ *cremorem lactis* , vel *unguen-
tum pomatum albißimum* formâ externâ ,
& consistentiâ æmulator , & subtilem sa-
porem acrem , herbaceo mixtum , linguæ
imprimit. Massa hæc , aeri exposita libe-
riori , paulatinâ exhalatione consumitur ,
& nil , nisi exigua materiæ siccæ portio ,
quæ subtilis arenæ instar dentibus mole-
sta , ac solo sapore herbaceo prædita est ,
relinquitur. Singula hæc cum iis , quæ
Author prælaudatus retulit , exactè con-
veniunt ; ast sequentia mox alia monstra-
bunt , & veram hujus succi indolem ad
majorem evidentiam deducunt.

II. Idem succus , cum liquore alcalico
fixo mixtus , æquè ac cum spiritu vini ,
coagulum subibat , & post filtrationem

massam teneram, albiſſimam, præcedenti, quoad proprietates externas, valdè ſimilem, relinquebat, niſi, quòd paulò pinguior eſſe videretur. Sub filtratione quoque in mixturæ coagulatæ, ut & poſt filtrationem in liquoris ſeparati ſuperficie, pinguis, ſplendens, maculis viridiſculis atque rubentibus, hinc inde tincta cuticula in conſpectum veniebat, quæ planum de notabiliſſimi ſubſtantiæ pinguis ſeu unguinoſæ, acidum antea contemperantis, ſeparatione teſtimonium affert. Notatu pariter dignum eſt, liquorem, filtratione ſeparatum, licet aliquoties per chartam bibulam trajiceretur, ſemper poſt aliquam moram rursus evaſiſſe albicantem, ac turbidum, tandemque vitri latera ac fundum tenerrimâ cruſtâ albicante obduxiſſe, quæ, paſſim miculis ſplendentibus cryſtallinis ornatâ, ſapore ſalino gaudebat. Coagulum, in filtro collectum, tantâ, quâ præcedens, volatilitate neſcit quàm pollebat, ſed paulatim exſiccabatur, & poſt exſiccationem deguſtatum, ſaporem terreſtrem, inſtâr pulveris lapidum cancrorum, recens verò, & adhuc madidum, valdè debilem ſaporem ſalſum linguæ imprimebat.

III. Eadem ferè obſervare contigit;
N iij

cum spiritus falis ammoniaci aquofus huic fucco infunderetur, præterquàm, quòd liquor filtratus pelluciditatem retineret, & coagulum, in chartâ bibulâ relictum, præcedentia coagula teneritudine nonnihil superaret, pinguedinemque liquefactam, ac denuò coagulatam, formâ externâ æmularetur. Aeri quoque expofitum, aliquâ ex parte in filtro remanebat, & recens ac mædidum debiliſſimâ acredine, exſiccatum verò terreſtri ſapore gaudebat.

IV. Liqueuribus acidis, nimirum ſpiritu nitri, falis, & aceto vini huic ſucco ſeorsim inſtillatis, nullus motus manifeſtus, nulla præcipitatio, nec ulla alia mutatio ſingularis ſequebatur, ſed mixtura perfectam retinebat pelluciditatem.

V. Succus laudatus, filtratione optimè depuratus, & inſtâr aquæ fontanæ limpidus, more aliorum acidorum, colorem rubrum tinçturæ aquoſæ ligni aſanthini illicò in dilutè aureum mutavit, itâ ut ea vinum Gallicum referret.

VI. Succus recens filtratus, & blandâ evaporatione ad juſtam extracti conſiſtentiam reductus, maſſam mucilagineam, ſive gummoſam, melli deſpumato, & inſpiſſato formâ ac conſiſtentiâ ſimillimam, largiebatur, quæ co-

lore saturatè aureo , odore lenitèr balsa-
mico , ad feminis fœni Græci odorem
accedente , & sapore manifestè acidulo .
donata erat.

C A P U T I V.

*De modo operandi & virtutibus medicis
alcalium volatilium..*

§. 1.

QUADRUPlici modo salia volatilia uri-
nosa operationem suam in vivis ani-
mantium corporibus absolvunt , nimi-
rùm 1. *acidum coagulans* , sive in primâ
culinâ hæreat , sive in recessibus corpo-
ris remotissimis , *extinguendo* , 2. *solida*
nervoso-membranacea validè irritando , 3.
principia sanguinis oleoso-inflammabilia
expandendo , & 4. *sanguinem* , *cateros-*
que humores commovendo , & vividæ hu-
jus atque subindè fatis vehementis com-
motionis ope *fluida spissa* , *ac mucida dis-*
solvendo. Quum ex moleculis enim con-
sistent subtilissimis , mobilissimis , volati-
libus , adeoque celeriori gaudeant motu
intestinali , magis magisque in calore cres-
cente , alitèr omninò fieri nequit ; quin ;
intrà corpus recepta ; subito expandan-
tur , & , in tenerrima effluvia resoluta ,

vasa quæcunque , etiàm minutissima , penetrent , ac corpora obvia secum in motum velociorem rapiant , vel rapere tamèn nitantur.

§. I I.

Militant igitur urinosa non tantùm inter fortissima *discutientia* & *sudorifera* , sed eminentem paritèr locum intèr *calefacientia* , *carminativa* atque *stimulantia* obtinent , adeòque cum maximâ subindè efficacîâ propinari possunt in sic dictis morbis frigidis , qui ex solidorum nimîâ humiditate , laxitate & torpidâ vi contractili , vel viscidâ etiam , mucidâ , acido tartareâ , humorum indole , & partis serosæ abundantîâ , partiumque salino-inflammabilium depressione originem ducunt ; cujus censûs sunt coryza chronica , cephalalgia rheumatico catarrhalis , affectus soporosi , apoplexia pituitosa , febris catarrhalis benigna , susurrus & tintus aurium , mucidi ceruminis effluxu stipatus , lypothymia , syncope , morbi faucium atque pulmonum pituitosi , v. g. raucedo , tussis , asthma , ut & colica & cardialgia verè flatulenta , affectus scabiosi humidi , cachexia , anasarca , œdema pedum , & hujus commatis alii , qui ob causarum similitudinem similia quo-

que medicamenta commoventia, & antacida perferunt æquè, ac postulant.

§. III.

Quemadmodùm alcalia volatilia, internè propinata, in morbis variis egregium subindè usum præstant, sic cum fructu pariter externè, discutiendi, excitandi, ac roborandi fine, illinuntur, instillantur, aut alio modo applicantur, in inflammationibus, ferosis, tumoribus frigidis glandularum, debilitate ac relaxatione membranarum, & ligamentorum, lipothymiâ, syncope, apoplexiâ, affectibus soporosis, dolore capitis, affectibus frigidis rheumaticis, cachexiâ, anasarcâ, œdemate pedum ac manuum, cardialgiâ ac colicâ flatulentâ, paralyfi, epilepsiâ, melancholiâ &c. si scilicet antea recensitis causis frigidis naturales debent.

§. IV.

Volatilitas urinosorum, eidemque maximam partem innixa activitas, notabilia incrementa capit, quandò moleculæ eorum salinæ cum largiori adhuc, eâque tenerrimâ, substantiâ oleoso-inflammabili arctius connubium subeunt. Una enim guttula salis volatilis oleosi, teste experientiâ, majorem calefaciendi vim

edere consuevit, quam quatuor vel quinque guttulæ spiritûs, merè urinosi. Hinc quoque factum est, ut chemici varia salia oleosa volatilia, tam sicca, quàm liquida, parare docuerint, eademque, quotiès medicaminum hujusmodi usus proficius censetur, purè urinosi præferant.

§. V.

Quum volatilia alcalia summam in operando activitatem monstrent, internè admodùm circumspèctè, dosi exiguâ, & in vehiculò aqueo largiori, exhibenda sunt. Nam sal volatile siccum urinæ aut salis ammoniaci, cuti calidæ hominis sani applicatum, & illicò emplastro piceo tectum, ne exhalando aufugere queat, intra breve tempus, escharam excitat, cum ingenti inflammatione, & doloribus atrocissimis (a). Quæ cum ita sint, quid igitur ab effectu ejus expectandum est, quandò intempestivè, & justò majori dosi, exhibitum, in recessus corporis interiores penetrat, & , calore fortiùs commotum, in solida elastica, sensibilia, tenerrima, nervoso-membranacea, spicula sua vibrare incipit?

(a) Conf. Boerhaave in Chym. T. II. Process. 106.

§. VI.

Ab usu interno alcalium volatilium maximè proindè abstinendum erit apud subjēta sicca, biliosa, cholerica, atque plethorica, nec minùs in regionibus valdè calidis, tempore anni æstuoso, & in singulis morbis, qui sanguinis abundantiam & orgasmum, itemquè fervorem & ebullitionem bilis, aut solidorum siccitatem, strīcturam spasmodicam, atque motum oscillatorium exorbitantem, causas præcipuas agnoscunt; uti sunt febres continuæ, solâ catarrhali benignâ exceptâ, nec non inflammationes siccæ, hæmorrhagiæ, apoplexia sanguinea, asthma sanguineo-spasmodicum, & convulsivum, dysenteria, cholera, cardialgia, & colica biliosa, hæmorrhoidalis &c., mania, & plures affectus alii, in quibus sanguis plus justò abundat, vel fortius commovetur, aut partibus biliosis rarefactis, & oleoso-urinosis putredinem ingenerantibus, aut promoventibus, referendus est.



SECTIO QUINTA.

De Salinis Explicitis Mediæ
naturæ.

CAPUT PRIMUM.

*De elementis , naturâ & differentiâ
Salforum.*

§. I.

SAL MEDIUM quodcunque , sive sit nativum , sive arte chemicâ paratum , ex *acido* quidè & *alkali* compositum est ; non spernendâ nihilominus discrepantiâ. circâ memorata principia in diversis salibus neutris occurrit. Alia nimirum ex *acido* & *alkali fixo* , alia contrâ. ex *acido* & *alkali volatili* sive *urinoso* constant , & *acidum* rursûs in aliis *sulphureum* sive *vitriolicum* , in aliis *nitrosum* , vel *culinare* , vel *acetosum vegetabile* est. Et inde etiâ generica non minus , quam spe-

cifica differentia , quàm circa teneritudinem , solubilitatem , fusibilitatem , fixitatem , aliasque proprietates deprehendimus , præcipuè dependet.

§. I I.

Quanquàm salia neutra , ob hermaproditicam suam indolem , neque cum acidis , neque alcalicis effervescentiæ motum subeant , nec acidum quoquè , aut alcalicum suum elementum , proptèr unionem arctissimam , (si terram foliatam tartari , & alia hujus commatis salia media tenerrima exceperis) , solo igne sicco , ut ut violentissimo , sibi extorqueri patiantur , sat fortis nihilominùs ebullitio , effervescentiæ æmula , apud nonnulla oritur , & protinùs vapor albicans , aut rubescens expellitur , quandò ipsis acidum liquidum , eo , quod in mixtione hæret specificè gravius , instillatur : In ammoniacalibus quoque salis urinosi separatio contingit , quamprimùm iisdem alcali quoddam fixum miscetur ; immò , silentio non prætermittendum est , salia media , comparativè fixiora , si aliquamdiù cum aquâ in vase aperto coquantur , aut libero saltèm aeri sub diuturniori ipsorum fusione accessus pateat , pauxillùm acidi dimittere. Nitrum v. g. , diù in cru-

cibulo fufum , poſteaque aeri humidif-
culo expoſitum , quoad aliquam partem ,
tametsi exiguam , in deliquium abit , &
pauillùm liquoris alcalici ſuppeditat :
Nec curioſos paritèr naturæ ſcrutatores
latere poterit , aquam ſalſam fontanam ,
in ahenis , ſubſtrato igne vehementiori ,
coctam , & evaporatam , non meras cry-
ſtallos ſalinas ſalſæ indolis formare , ſed
copioſum quoque liquorem terreo-ſalſo-
alcalicum , qui cryſtallificationem planè
reſpuit , in fundo relinquere , (a) etiam-
ſi ante hanc evaporationem in purâ aquâ
ſalſâ ne minima ſalis alcalici veſtigia de-
prehendantur .

§. III.

In aqueis liquoribus ſalia media faci-

(a) » Hoc vero, B. HOFFMANNUS in
» *Observationibus phyſico-chymicis* p. 167. ſcribit ,
» naturæ ſcrutatoribus non æquè obvium eſt, quòd
» nempè hic loci circà coctionem ſalis accidit ;
» nimirum ſi aquæ , quæ ſalis elementa & ſemina
» vehit , fortiori ebullitione facta , non lenior
» ignis , ſubindè per quosdam veluti gradus de-
» creſcens , ſed flagrantior flamma ſuggeritur ,
» quarta pars ſalis perit , adeò , ut hac ratione
» ingens ſalis quantitas in auras diſſipetur ; neque
» dubium eſt , quin ſalia reliqua enixa , v. g. tar-
» tarus vitriolatus , arcanum duplicatum , ſi forti
» igne coquantur , parem effectum ſint preſturu-
» ra &c. « .

lê, atque perfectè in moleculas similares. dissolvuntur, alterum tamèn altero longè citiùs, atque promptiùs, & aqua plus quoque de hoc, quam illo, in poros suos recipit; quæ discrepantia partim à distincto & singulari acido, quod in mixture hæret, partim à differenti molecularum subtilitate, & fortassis etiam figurâ, dependere videtur. Nam diversa falia neutra seorsim, immò conjunctim, in aquâ, soluta, &, præmissâ decenti evaporatione, ad crystallisandum repositâ, in crystallos distinctæ figuræ concrefcunt, quam quælibet species, in minimis etiam crystallis, armato proindè oculo lustrandis, constanter retinet. Sal gemmæ v. g., sal culinare & digestivum *Sylvii cubicas*, nitrum *prismaticas sexangulares*, & *pyramidales utrinque acuminatas*, sal ammoniacum *ramosas instar frondium*, & sic alia alias crystallos formant (a). Monendum tamèn, blandam lentamque postulari evaporationem, & lixivium quoque in loco frigidiusculo aliquamdiù in quiete relinquenda esse; aliàs, neglectis hisce cautelis, non adeò elegantes crystalli expectandæ erunt.

(a) Conf. Mauriti. Hoffmanni Acta Laborator. chem. Altorff p. 46. sequ.

§. I V.

Ob laudatam singularem molecularum figuram salia neutra alcalibus acriora, acidis obtusiora, reperiuntur, & lacti ideò, chylo, sanguini atque humoribus reliquis, neque coagulum, ut acida concentrata, neque dissolutionem nimiam, ut alcalia, inferunt, sed fluiditatem conservant, & blandâ, quam præstant, incisione, notabiliter augent; quemadmodum effectus posterior egregiè patescit, quando nitrum, in aquâ solutum, cum sanguine, è venâ extracto, & nonnihil pridem coagulato, miscetur.

§. V.

Non tantum solubilitate, ac formâ crystallorum, sed fusibilitate quoque, & fixitate salia enixa differunt: Quædam enim, v. g. terra foliata tartari &c., leni funduntur igne, quædam, ut nitrum, borax, sal ammoniacum &c. paulò majorem ignis gradum exposcunt, & quædam denique, v. g. tartarus vitriolatus &c., violentiori demum Vulcani actione ad fluorem rediguntur. Intuitu fixitatis verò ac volatilitatis, alia, v. g. salia ammoniacalia, sublimari possunt, citrà falsæ indolis jacturam, alia, ut terra fo-

liata tartari , sal secretum Glauberi &c. non sublimantur quidè , ad notabilem tamèn altitudinem , admoto igne moderato , in cucurbitæ lateribus ascendunt , appositâ crustâ salinâ , quæ sensim à fundo versùs summitatem vasis increscit , alia denique , & quidem pleraque , tam fixa sunt , ut , integra permanente pristina mixtione , in particulas volatiles , substrato etiàm igne fortissimo , resolvi nequeant.

§. VI.

Differentiam deniquè non contemnendam circà *saporem* , *indolem specificam* , & *proprios quosdam effectus* animadvertimus , & ea proindè , quæ hætenùs in medicinâ usum invenerunt , commodè sub quinque classibus collocari possunt ; quarum prima *salia nitrosa* , altera *purè salsa* , v. g. sal gemmæ , sal culinare fontanum , digestivum Sylvii , terram foliatam tartari , tartarum tartarifatum & solubilem &c. , tertia *salso-amaricantia* , v. g. sal Ebshamense , Sedlizense , &c. , quarta *terreo-salsa* , v. g. boracem Venetam , sal ammoniacum fixum , &c. & quinta denique *ammoniacalia* , v. g. sal ammoniacum vulgare , flores salis ammoniaci simplices , sal secretum Glauberi &c. complectitur.

C A P U T I I.

*De modo operandi atque virtutibus medicis-
salium mediorum.*

§. I.

SAlia neutra facilè quidè à succis cor-
porum animantium, quoad maxi-
mam partem aquosis, solvuntur, &
humorum massæ, post divisionem in mo-
leculas similes tenerrimas, mixta, vas-
cula penetrant; ast nullam, vel non adeò
tamèn notabilem metamorphosin patiun-
tur, nec facilè in elementa sua dissol-
vuntur, sed integra plerumque, h. e.,
retentâ pristinâ suâ mixtione, per varia-
corporis cribra, maximè autèm renes,
denuò excernuntur: Plerumquè, in-
quàm, & quoad maximam partem. Pro-
bari enì poterit, dissolutionem molecu-
larum quarundam radicalem sub certis
circumstantiis non planè impossibilem
esse. Dudùm quippè in antecedentibus
commemoratum fuit, sal culinare, diù
cum aquâ, substrato igne vehementiori,
coctum, sub evaporatione multas cum
phlegmate particulas acidas sensim amit-
tere, & aliquam idèò muria semi-alcalicæ

portionem in fundo aheni relinqui. Hæc observatio, pro meo iudicio, lucis quidquam hoc loco fœnerari poterit : Nam, licet nulla coctio locum in animantium corpore inveniat, calor tamèn blandus ac humidus adest, adest paritèr multiplex, & creberrimè repetitus partium motarum attritus, qui, nisi totalem, partialem tamèn, salium mediorum dissolutionem radicalem efficere valent ; præsertim, si ob languidas aut suppressas se. & excretiones, moras diuturniores in corpore nectere cogantur, vel humoribus, putredinis labe nonnihil infectis, altiùs immerfa hæreant. Notum enim est, urinam hominum semper notabilem salis medii, tum ammoniacalis, tum culinæ, quantitatem continere, & nihilominus, post præmissam putrefactionem, eamque diuturniorem, destillatam, præter phlegma oleum fœtidum & sal urinosum, nihil amplius, vel valdè parùm salis culinæ, quod in cucurbitâ relinquitur, largiri ; Immo notum est, sal culinare, terris putridis nitrosis mixtum, paulatim disparere, & salis urinosi pinguis proventus augere ; unde etiàm terræ ita præparatæ acidum aeris vagabundum largiùs attrahunt, & copiosius nitrum embryonatum in iis generatur. Silentio denique non

prætermittendum est , aquam marinam stagnantem ac putrescentem , nec minùs muriam carnis salitæ deliquescentem , sal urinosum , quod resolutum ac transformato sali medio ex parte originem debet , reddere , & sal commune , in aquâ putridâ lacustri , aut urinâ , putrefactioni postea committendâ , iusta quantitate solutum , eandem mutationem experiri (*a*) , ita , ut destillando longè major , quàm aliàs , salis urinosi quantitas inde separari queat.

§. II.

Quancquàm salia neutra rarissimè in animantium corporibus in elementa sua dissolvantur , nec intimiorem quoque humorum mixtionem , si tenerrimum ammoniacale exceperis , ingrediantur , egregiam nihilominus sub transitu suo utilitatem præstant , dùm humores spissos , mucidos , coagulatos , promptè incidunt , resolvunt , abstergunt , & solida nervofo-mulculofo-membranacea blandis stimulis ad vegetiorem contractionem incitant , adeoque circulum sanguinis , cæterorumque liquidorum , nec minus se-& excre-

(*a*) Conf. Excell. D. D. Pottii Obs. & Anni-
madvers. de sale communi p. 21.

tiones augent ac promovent (a). Undè protinùs manifestum est, salia mediâ inter selecta & promptissimæ actionis remedia militare, multùmque inprimis auxilii ab iisdem in iis morbis expectandum esse, qui natales suos viscidis cruditatibus primæ culinæ, obstructionibus meatuum ac viscerum, & mucidæ humorum dyscrasiæ præcipuè debent; cujus censûs sunt appetitus imminutus & prostratus, chymificatio & chylificatio læsa, gravitas ventriculi post pastum, febres intermittentes, & continuæ, diarrhæa mucosa, obstructiones, atque tumores hepatis,

(a) » Quamvis autem, B. HOFFMANNUS
 » in *Obs. physico-chymicis* p. 182. scribit, salia
 » (scilicet mediâ vulgaria) nunquam humorum
 » vitalium mixtionem ingrediantur, atque ob
 » hanc rationem in alimentorum numerum recipi
 » nequeant; tamen ob medicinalem vim;
 » quam exerunt, & præstant corpori, maximè
 » sunt æstimanda. Eorum operatio maximè eo
 » absolvitur, ut fibras motrices, & ex iis con-
 » textos tubulos excretorios blandè-stimulando;
 » vegetiorem sanguinis & humorum circuitum
 » promoveant, cujus beneficio partes sanguinis
 » crassiores per continuam collisionem & jugem
 » attritum non modò fluidiores redduntur, sed
 » & salutares admodùm rerum alienarum, imò
 » ipsorum salium, quæ utique in sanguine non
 » manere, sed per emunctoria propelli debent,
 » excretiones feliciùs succedunt &c. »

lienis, & glandularum, cachexia vulgaris, & icteritia, hydrops incipiens, nephritis pituitosa, suppressio menfium, lochiorum, hæmorrhoidum, & urinæ, fluor albus, asthma, catarrhus suffocativus, passio hypochondriaca, cephalalgia catarrhalis, apoplexia pituitosa, & morbi complures alii, qui ex prædictis causis generalibus derivantur. Frequentissimè paritèr emeticis & purgantibus præmittuntur, & adduntur, ut saburram eliminandam incidendo mobiliorem reddant, & purgantium operationem adjuvent. Externè clysteribus abstergentibus, ac stimulantibus, nec minùs injectionibus, & gargarismatibus, stimulandi, resolvendi, & abstergendi fine, in raucedine, anginâ spuria, tumoribus glandularum salivalium, & impuris ulceribus venereis &c. adhibendis, modicâ quantitate adduntur.

§. III.

Præter vires indicatas communes nonnulla ex salibus neutris etiàm pollent specificis. Nam *salia nitrosa* singularem prorsus & eminentem possident virtutem temperantem ac refrigerantem, & insigne idèò auxilium præstant in morbis quamplurimis, maximè autèm in febribus con-

tinuis & intermittentibus cujuscunque generis, si hecticas quodammodo exceperis, nec minùs in inflammationibus, ebullitione sanguinis & bilis, doloribus, spasmis, convulsionibus, hæmorrhagiis exorbitantibus, affectibus calidis rheumaticis & arthriticis, maniâ idiopathicâ, ut & consensuali hysteriâ, & hypochondriacâ, apoplexiâ sanguineâ, cephalalgia biliosâ, vel à sanguinis etiâ orgasmo oriundâ, itemque in asthma sanguineo-spasmodico, cholera, diarrhœâ mucido biliosâ, initio dysenteriae, gonorrhœâ benignâ ac nimio æstro venereo, ictero acuto spasmodico, à calculo cystidis, in ductum choledochum propulso, vel ab iracundiâ graviori, aut purgantibus drasticeis, aliisque pharmacis acrioribus intempestivè usurpatis, producto, ut & in hydrope ascite, tympanitide, hydrope sicco strictè sic dicto, malo hypochondriaco, & hysterico, calculo, suppressione urinæ, mensium, lochiorum & hæmorrhoidum, & sic porro: uti plura de hisce & reliquis in *Capite speciali de Nitro* videnda sunt.

§. I V.

Quemadmodum salia nitrosa reliquis salinis mediæ naturæ in morbis quibus-

CARTH. *Mat. Med. Pars. I.* O

vis, qui resolutione non minùs, quàm refrigerio indigent, præferenda sunt; sic *Amaricantia* alvum efficacius laxant, sine nausæâ, sine commotione humörum, sine appetitüs denique ac virium imminutione; *Ammonicalia* potentiùs crassa, viscida, mucida, incidunt, & abstergunt, adeoque præ cæteris opem spondent in abstergendâ glutinosâ amurcâ primarum viarum, & indè enatis febribus intermittentibus, atrophîâ, & durâ intumescentiâ abdominis apud infantes, nec non variis aliis appetitüs, digestionis atque nutritionis vitiis, immò externè, in aquâ simplici soluta, aut gargarismatibus, aliisque liquoribus addita, egregiè nonnunquàm profunt in laxitate uvulæ, raucedine, tumore glandularum salivalium, anginâ spurîâ, aphtis benignis infantum, & impuris ulceribus venereis, præsertim, si in casibus posterioribus mellis rosarum dosi refractâ miscentur. *Borax* denique, quæ hoc loco unicum ferè corpus selectum terreo-falsum est, in partu difficili, secundinis retentis, & mensium obstructione sese valdopetè commendat.

§. V.

Virtus salforum quorundam exaltatur, eademque promptius in corporis recessus

penetrant, quando, in spiritu vini soluta, principium spirituoso-inflammabile in consortium receperunt. Non succedit tamèn hæc solutio cum singulis, sed tantùm cum iis, quæ in humido etiàm aere deliquescent, & texturæ tenerioris sunt, ut terra foliata tartari, tartarus solubilis, sal secretum Glauberi, & similia. (a).

(a) » At verò, *sæpe laudatus* HOFFMANNUS
 » *inquit Lib. cit. p. 120.* non tantùm sunt alcalia
 » fixa, quæ hac methodo in spiritu vini rectifi-
 » catissimo liquida & solubilia effici possunt, sed
 » habemus etiàm ex nostrâ inventione in promp-
 » tu alia experimenta, quibus evidentissimè de-
 » monstratum ibimus, dari etiàm salia neutra,
 » & media, quæ longè adhuc promptiùs, quam
 » sal quoddam fixum alcali, à spiritu vini rectifi-
 » catissimo (*vulgò scilicet ita dicto*), solvuntur,
 » ità ut sex partes spiritus unam partem salis in
 » pororum sinus & diverticula recipere, firmi-
 » terque etiàm retinere valeant. Sunt verò hæc
 » salia duo artificialia; alterum ita paratur: Acci-
 » pimus sal volatile salis ammoniaci purum, sic-
 » cum, pro lubitu ratione quantitatis, cui in vi-
 » tro conservari admiscemus, lenitèr instillando,
 » aquam fortem, vel spiritum nitri, tandiù, do-
 » nec punctum saturationis inventum fuerit, quo
 » media natura hujus salis exquisitè indagari de-
 » bet; liquorem hunc qui est nitrosi & acris sa-
 » poris, ad evaporationem furno calido imponi-
 » mus, ità habemus sal albissimum, siccum, sa-
 » poris valdè nitrosi & acris, quod etiam carbo-
 » nibus adjectum inflammatur, paucissimis inter-
 » dùm particulis terrestribus relictis. Alterum sal

Monendum tamèn , folutioni memoratæ
non verum alcohol , h. e. fpiritum vini ,

» hunc in modum conficitur : Recipimus fal vo-
» latile falis ammoniaci ficcum, idque faturamus
» loco aquæ fortis fpiritu falis, ita emergit fal
» tertium, ammoniacali exactiffimè finile ,
» quod etiam in fpiritu vini rectifficatiffimi unio-
» nem & amplexum promptiffimè ruit. . . . Salia
» hæc neutra, p. 121. *pergit*, in alcohol vini fo-
» lubilia, & in medicinâ & in fecretiori chymiâ
» infignem nobis promittunt efficaciam. Nam
» quoad medicinam, nitrum hac ratione folutum
» in fpiritu noftro bezoardico, vel etiâ liquore
» anodyno, aut camphorato, medicamentum
» evadit in inflammationibus internis arcendis
» & difcutiendis, inque moderandâ exanthema-
» tum expulfione defideratiffimum. Notum quo-
» que eft, quòd nitrum in inflammationibus,
» quæ cutim obfidet, eryfipelaceis difcutiendis
» fit valentiffimum fi cum fpiritu vini campho-
» rato, qui folus ac fibi relictus nimis ardens &
» calidus eft, combinetur. Quia verò nitrum
» vulgare hanc unionem detrectat, hinc com-
» modiffimè illud cum noftro nitro volatili arti-
» ficiali poteft perfici. Quod verò attinet alterum
» fal ammoniacale, in fpiritu vini folutum, id
» ipfum evehi, & exaltari poteft in medicinam
» fummx virtutis ftomachicam, fi nempè affufo
» fpiritu falis acuatur; ità enim ad guttas 20-30.
» datum in debito vehiculo, emortuæ ciborum
» cupiditati refufcitandæ, & cruditatibus, quæ
» multorum morborum fomitem fuppeditant,
» refolvendis valdè idoneum eft, utiliffimè fuf-
» cipiendum in locum tincturæ Moebii, cujus
» virtutes ferè fuperat, &c. «

phlegmate separabili penitus orbatum, sed modicè rectificatum, & sufficienti proinde aquâ, quæ sola salibus solvendis apta existit, adhuc instructum, adhibendum esse. Facile nihilominus etiam vulgarem spiritum vini rectificatissimum solventis loco admittere possum, quoniam sat magnâ adhuc phlegmatis quantitate gaudet. (a).

CAPUT III.

De nitro.

§. I.

NITRUM OFFICINARUM seu *nitrum modernum*, quod alias *sal petra* dicitur, est singulare sal medium, ex *acido sui generis & substantiâ terreo-salino-alcalicâ* compositum, candidum, crystallinum, fixum, ad mediocrem nihilominus ignem facile liquefscens, & cum quibusvis corporibus sulphureis, bituminosis, resinosis, oleosis, pinguibus, aliisque, principio terreo-phlogisto, sicciori, concentrato, ac magis minùsve explicito, prægnantibus, sub prædicto fluore deflagrans.

(a). Conf. Pharmacol. nostr. p. 117.

O iij.

§. I I.

Non confundendum igitur est cum *nitro veterum*, seu *nitro Ægyptiaco*, cum quo nullam prorsùs convenientiam habet : Quandoquidè hoc ipsum sal nativum fossile erat, naturæ alcalicæ, absterisivæ, neutiquàm inflammabile, adeoque ad pulverem pyrium conficiendum planè ineptum ; immò, id, quod nostrâ ætate à quibusdam nitrum jactatur nativum, consentiente B. NEUMANNO (a), nunquam nitri veri atque perfecti characteribus gaudet, sed, secundùm viri laudati examina, plerumque sal commune existit, nunc cineribus clavellatis, nunc sale ammoniaco, nunc borace, aut terrâ quadam aluminosâ remixtum, ut ideò asserere liceat cum fundamento, nitrum fossile nativum perfectum, h. e., nostro per omnia simile, in nullo unquàm terrarum angulo fuisse repertum.

§. I I I.

Luculentius asserti veritas ex nostratis consideratione uberiori, & debito inprimis natalium scrutinio patebit. Nitrum nempe verum, perfectum, atque moderum non soli naturæ, sed simul etiàm

(a) Vid. Lect. de Nitro p. 6.

arti suam debet originem ac genesin : Natura videlicet in terris , generando huic soli aptis , primò nitrum quoddam tenerimum , ac semivolatile , quod melioris distinctionis causâ *embryonatum* vocari meretur , producit , quandò acidum spirituosum , ubique in atmosphærâ telluris nostræ oberrans , & acido vitriolico sive sulphureo naturâ proximum , terras memoratas , partibus oleoso-urinoso-alkalacis , putrefactionis ope præcipuè genitis , prægnantes , paulatim cum aere intrat , permeat , & cum pingui sale urinoso , quod magnetis quasi munere in hoc passu fungitur , in novum sal neutrum , sine arctiori tamen copulâ , coalescit. Nondum enim *embryonatum* hoc nitrum Vulcani severiorem torturam sustinere valet , sed jam sub ipsâ extracti lixivii coctione rursus dissolvitur , atque destruitur , ita , ut , peractâ coctione & evaporatione , nihil planè nitri sicci crystallini , sed magma duntaxat salino-unguinoseum , cui siccitas durabilis conciliari nequit , inde resultet : Quid ? quòd , tam laxa principiorum unio deprehenditur , ut fervidioribus solis radiis resistere nequeat , sed ab iis quoquè , quanquam tardiùs paulò , destructionem patiatur ; id quod unica etiàm ac verà causa esse vi-

320 *Seçt. V. De Salinis Explicitis*
detur, cur terræ nitrariæ in cumulorum
latere, plagæ meridionali objecto, lon-
gè minorem, quàm in latere boreali, ni-
tri quantitatem largiantur.

§. I V.

Ob memoratas igitur causas artifex:
naturæ succurrere, & quo nitrum em-
bryonatum ac semivolatile firmiorem
mixtionem, majoremque fixitatem con-
sequatur, alcali volatile sive urinosum
exturbare, eidemque alcali fixum substi-
tuere tenetur; quod sequenti etiàm mo-
do fieri consuevit: Parant nimirùm ni-
tri coctores primò lixivium nitrosum,
quod *Erdlaug*, vocatur, & aqua è ter-
ris, nitro embryonato gravidis, extra-
hitur. Huic deinde aliud lixivium, è cal-
ce vivâ & cineribus lignorum paratum,
adeoque sale alcalico fixo refertum, cer-
tâ quantitate infundunt, vel subindè
etiàm hoc posterius terris nitrosis postea
elixiviandis statim superfundunt, ut uno
quasi actu extractio & miscela peragatur.
Factâ hac miscelâ, notabilis in lixivio ni-
troso metamo phosis accidit: Partes ni-
mirùm salino-alcalicæ fixæ agunt in par-
tes semivolatiles nitri embroyati, & al-
cali urinosum, quod cum a ido mino-
rem, quam alcali fixum, affinitatem ha-

bet , è mixtione deturbant , & , dùm ejectarum locum denuo occupant , ac longè firmiorem cum acido unionem subeunt , nitrum ordinarium , comparativè fixius , quod postea in solitis vasis coquendo & evaporando in massam conspicuam colligi ac condensari , tandemque , evaporatione ad finem perductâ , in loco frigidiusculo in cryсталlos solidas & splendentes concreescere potest , producunt.

§. V.

Facilè quispiam , circumstantiarum nondùm satis gnarus , non suspicari solum , sed confidentius etiàm asserere posset , ex laudatâ novâ acidi vitriolici & alcali fixi unionem non nitrum inflammabile proditurum esse , sed salinum potiùs concretum , tartaro vitriolato analogum : Ast , probè hoc loco considerandum erit , acidum hoc cum ordinario acido vitriolico eandem quidèm originem habere , eisdemque ante primam quoque unionem fuisse simillimum , deinde verò , cum conubium subiisset cum sale volatili ac pingui urinoso , sibi *tenerrimam quandam substantiam inflammabilem* arctissimè adunasse , quæ illud ipsum non tantùm levius reddit , sed eidem quoque singularem na-

turam conciliat , ut ácidum vitriolicum ampliùs æstimari nequeat , sed acidum novum omninò atque distincti generis existat ; quemadmodùm hoc inter alia vapor rubicundus , affuso oleo vitrioli è nitro expulsus , sufficientèr probat (a) : Quippe qui naribus longè alium , quam acidum vitrioli , odorem imprimit , & , sub destillatione collectus , non limpidum , sed rubicundum ac valdè fuman- tem spiritum causticum densiori parti- cularum aggregatione constituit. In aci- do proindè hoc nitri elemento unicè primum genii ejus specifici , & ab aliis salibus enixis valdè diversi , fundamen- tum quærendum erit. Nam ex novâ hujus & salis cujusdam alcalici fixi ac puri copulâ semper verum atque perfe- ctum nitrum inflammabile denuò rege- neratur , quod cum nullo tamen acido alio succedit , etiamsi idem alcali fixum adhibitum fuerit , sed alia prorsùs con-

(a) Notatu quoque hoc loco digna sunt , & uberiores omnino considerationem merentur , quæ Exc. Dn. P O R T I U S in *Miscell. Societat. Regiæ Berolinens.* Continuat. II. p. 96. de rubro spiritu nitri, ejusdemque vaporibus accensis re- tulit , quæque tenacissimam non minus , quam copiosam substantiæ inflammabilis adhæSIONEM comprobant.

creta salina à nitro valdè quoad proprietates quasdam distincta, nascuntur.

§. V I.

Quanquàm elementa prædicta, *acidum* videlicet *specificum*, & *alkali fixum*, nitro perfectò componendo sola sufficiunt, aliæ nihilofeciùs materiæ ad formandum nitrum crySTALLINUM ordinarium concurrere solent. Accedunt nimirum etiàm *particulæ aqueæ*: & *terreæ alcalinæ teneriores*: quarum priores partim in intimâ hærent mixtione, partim moleculis nitri, in crystallos congregatis, interpositæ reperiuntur; hinc ille etiàm in nitro siccato, calcinato, immò fluente, remanent, nec priùs quàm mixtione prorsùs destructâ, cum acido fumante, cui corpus quasi atque excipiens præbent, ut coire possit in liquidam massam spirituosam, prodeunt; hæ autèm calore leni facillimè ex interstitiis expelluntur, ita tamèn, ut formâ crySTALLINÂ, cui inducendæ, & conservandæ aqua inservit, pereat, & nitrum in pulverem fatiscat. Teneriores partes terreæ alcalinæ intimiorem pariter mixtionem ingrediuntur, & aliquid etiàm, licet calcaris, prolapis sint, ad nitri ordinarii perfectionem conferunt, dùm acredinem, quæ in ni-

324 *Secl. V. De Salinis Explicitis*
tro regenerato paulò major est, nonnihil
minuunt.

§. VII.

Præter partes allegatas in nitro vulgari ac nondùm depurato plerumque etiã *partes terreæ crassiores & salsa culinares* occurrunt, quæ commodè tamèn, quoniã in intimam mixtionem non receptæ fuerunt, à puris nitrosis separari possunt, quando nitram impurum, quod vulgo *crudum* vocatur, in aquâ simplici solvitur, solutio filtratur, & protinùs post sufficientem evaporationem in loco frigidiusculo ad crystallisandum collocatur. Crassiores enim partes terreæ in filtro remanent, & moleculæ salis culinæ seorsim ac tardiùs, quàm puræ nitrosæ, in crystallos coeunt; hinc crystallos nitrosæ eximi possunt, priusquam salsa culinares concrecant, vel crystallos nitri, quæ ordinariò figuram obtinent sexangularem prismaticam, pyramidis instar utrinque acuminatam, à crystallos cubicis salis culinæ seorsim concretis separandæ sunt. Nascitur quidè etiã nitrum cubicum, quoad reliquas proprietates nitro vulgari simillimum, quando spiritus salis communis, affuso nitri spiritu, è sale culinari expellitur, & lixivium, post destillationem.

ex residuo paratum, ac debitè evaporatum, ad crySTALLISANDUM reponitur: Verùm hæ crySTALLI cubicæ nitrosæ sub nitri vulgaris crySTALLISATIONE non obviæ sunt, & proindè errori tunc temporis ansam præbere nequeunt.

§. VIII.

NITRUM non tantùm in aquâ simplici facilè, & sat notabili quantitate, solvitur, sed promptè etiàm ad ignem medio-crem liquefcit, ita tamèn, ut unio naturalis, etiamsi aquæ instar fluat, integra permaneat, nec ulla prorsùs elementorum dissolutio contingat, nisi fusio protrahatur diutissimè, in quo casu particulæ quædam acidæ, violentà Vulcani actione sensim avulsæ, expelluntur, quemadmodùm hoc ex aliquali nitri, aeris humidiusculo post diuturnam fusionem expositi, deliquio atque madore patescit: Notatu quoque dignum est, nitrum per se quidèm sub fluore non accendi, facilimè tamen corpora quævis, phlogisto principio prægnantia, in celerrimum motum igneum rapere, adeò, ut incensio cum strepitu & explosione accidat. Insignis quoque sub hac detonatione partium metamorphosis occurrit, dùm nitrum in sal alcali, aut novum omninò sal medium

326 *Seçt. V. De Salinis Explicitis*
mutatur, & quidè in alcali, quotiès additæ materiæ inflammabiles acido planè carent, vel acidum duntaxat, nitroso levius, in mixtione suâ foveant, in sal neutrum verò, tartaro vitriolato, aut rectiùs arcano duplicato simillimum, quando sulphur commune, aut simile concretum, acido vitriolico instructum, additur. Nam solum acidum vitriolicum, seu omnium gravissimum ac potentissimum, acido nitroso avellendo & exturbando par est, dum phlogiston suum in sulphure sub deflagratione deferit, ac, nitri destructi massam intrans, cum alcalicis nitri particulis rursùs combinatur, adeoque novum hac ratione sal medium producit.

§. IX.

Quamvis nitrum satè promptè quidè in liquoribus aquosis lique scat, nunquàm tamèn radicaliter, h. e., in elementa sua, in corpore humano dissolvitur, sed in exilissimas duntaxat moleculas similes dividitur, quæ, in motum redactæ, five adhuc in primâ hæreant culinâ, five per vasa ad humores circulantes, & intimiores machinæ recessus translatae fuerint, præcipuam actionem suam, tum fluida spissa, ac præternaturaliter cohæ-

rentia, aliaque meatuum ac cavitatum contenta validè, parvulorum instar cuneorum, (quibus ob figuram suam pyramidalem & utrinque acuminatam haud dissimiles æstimandæ), incidendo ac dissolvendo, tum solidas etiã atque elasticas partes nervoso-membranaceas stimulando, absolvunt. Non impetuosa tamen hæc actio est, sed blanda; hinc nullus etiã exhibitionem ejus tumultus in corpore sequitur, nec ullum observatur caloris incrementum, sed intensior potiùs calor cum motuum exorbitantium vehementiã decrescit, licet laudatæ molculæ, sub agitatione suâ & progressu per vasa, naturalem motum oscillatorium fibrarum, itẽmque cordis atque vasculorum sanguiferorum systalticum, cum circuitu humorum, blandis suis stimulis ubique vividiorẽ liberiorẽque redant.

§. X.

Non defuturos prævideo, qui contradictionem hic admitti autumabunt: Si nitrum enim, inquit, irritando motus suscitatur, quomodo exorbitantes compescere potest? Verum enim verò, probe hoc loco perpendendum erit, multum discriminis blandos ac regulares motus naturales, & inor-

dinatos atque impetuosos præternatural-
 les intercedere: Illi nempe in vividâ ,
 regulari, proportionatâ, & harmonicâ
 partium solidarum contractione, & ve-
 geto paritèr, libero atque æquabili hu-
 morum omnium, præsertim sanguinis æ
 fluidi nervei, influxu atque progressu, hi
 autem in irregulari, nunc scilicet justò
 fortiori, nunc justò torpidiori, nunc pro-
 sùs cessante, solidarum contractione, &
 inæquali, eoque modò nimis languido,
 actardo, modò nimis veloci atque im-
 petuoso, vel planè in hac vel illâ parte
 sufflaminato, humorum influxu atque
 progressu consistunt. Et quum violentis
 solidarum contractionibus, & impetuo-
 sis humorum congestionibus, atque ebul-
 litionibus, de quibus hoc loco præcipue
 sermo est, plerùmque meatuum obstru-
 ctiones, quibus denuò expediendis nihil
 ferè nitro aptius deprehenditur, atque
 efficacius, occasionem præbeant, quin
 unicè nonnunquam illas ipsas excitent,
 non adeò obscurum erit, quâ ratione ni-
 trum motus exorbitantes compescere va-
 leat.

§. X I.

Quo dicta tamen ignaris evadant cla-
 riora, & egregia nitri virtus *aperitiva*,

quæ ex incidente fluit ac lenitèr stimulan-
te , magis quoque pateat , generalia quæ-
dam de solennioribus obstructionum cau-
sis subungere necessarium duco. Notan-
dum igitur erit , vasorum atque meatuum
obstructiones proximè vel ex humorum ,
liberè alias transeuntium , stagnatione ,
accumulatione , aut flasi perfectâ , vel ex
refractariâ corporum plus minusve pere-
grinorum , cujus census calculi sunt , ver-
mes &c. , inhæsiōe , aut violentâ etiā
compressione externâ nasci. Causæ prio-
res , stagnatio videlicet , accumulatio , sta-
sis humorum , quæ huc imprimis spectant,
in corpore vivo nunquā spontè oriun-
tur , sed semper vitium quoddam solidarum
aut fluidarum partium supponunt ,
quod , teste experientiâ medicâ , vel in
atonîâ , aut spasmō solidorum , vel abun-
dantiâ , spissitudine , aut acrimoniâ flui-
dorum consistit. Si spasmî enîm urgent ,
vascula vehementer contrahuntur , &
adeò eorum diametri minuuntur , ut hu-
moribus transituris via magis minùsve
præcludatur , & illi proindè quasi incar-
cerari , ac notabiliùs circà loca coarctatæ
coacervari debeant : Sin tonus naturalis
verò dejectus sit , contractionis vigor ita
in solidis decrescit , ut fluidis decenti
velocitate propellendis non ampliùs , ob-

debilem pressionem suam, sufficient; hinc neutiquàm mirandum, quod illa propter gelatinosam suam indolem mox spissescere incipiant, & sub tali statu facilè ad stagnationem, stasìn atque coagulum perveniat. Quod indicata denique fluidorum vitia attinet, ea ità comparata sunt, ut exinde protinùs maxima ad stagnationem & stasìn proclivitas elucescat: Quid promptiùs enim, quàm humores crassi, mucidi, tenaces, in vasculis, præfertim minurissimis capillaribus, subsistere potest? quid faciliùs, quam humores accumulati, & nimis denso proinde particularum suarum agmine meare coacti, vasa obstruere, violenter distendere, violentâ distensione debilitare, & sic solidorum quoque vitium, atoniam scilicet, producere valet? & quid faciliùs denique, quam liquida, partibus acribus largiùs referta meatuum parietibus sensibilibus inimicas in transitu puncturas imprimere, vel sese planè infingere iisdem, adeoque multoties iteratâ vellicatione vehementes contractiones spasmodicas, & præternaturales ideò canalium coarctationes provocare valet? Silentio cæteroquìn hoc loco minimè prætereundem erit, spasmus, qui subinde in corpore oriuntur, duplicis esse generis, ac modò inter morbos modò

inter salutaria naturæ remedia militare :
Ad morbos referri merentur , quotiès ab
affectu animi graviore , terrore videlicet
& iracundiâ , vel ab externo saltèm sti-
mulo , aut solâ refrigeratione &c. oriun-
tur ; salutaribus ex adverso ac necessariis
naturæ medicatricis remediis annume-
randi sunt , quandò materia quædam co-
piosa , aut crassa , subsistens , obstruens ,
premens , auctiori hac partium solidarum
contractione denuò promovenda , vel
acris vellicans excutienda est.

§. XII.

Cognitis generalibus obstructionum
causis , tam formalibus , quàm materia-
libus , nunc cognitu paritèr facillimum
erit , quâ ratione nitrum obstructiones
referare valeat. Si enim perpendimus ,
obstructionum plurimas subsistentibus aut
firmiùs impactis humoribus viscidis , cras-
sis & acris originem suam ac genesis
debere , & exilissimas nitri soluti mole-
culas pyramidales , in motum redactas ,
cuneorum instar , validè incidendo ope-
rari , virtus ejus aperitiva nullâ amplius
explicatione indigebit. Nonnihil quidèm
stimuli , quos laudatæ particulæ solidis
sub motu suo hinc inde imprimunt , ob-
stare multis videbuntur : Ast , si conside-

rare velint , 1. acrimoniam humorum rarissimè , vel nunquam esse solitariam , sed eidem ordinariò junctam deprehendi spissitudinem , 2. acrimoniam non semper salsam aut acidam esse , sed persæpè quoque urinoso-alcalicam , aut calidam biliosam , 3. creberrimè partium solidarum atoniam , quæ simul stimulantia ad sui curationem postulat , complicatam esse , 4. spasmos in subjectis plerisque , canalium obstructione laborantibus , solidorum laxitatem ac debilitatem causam agnoscere antecedentem , & eam quoque semper , præsertim si existant fortiores , aut diutiùs durent , relinquere , & spasmos denique , quod sæpiùs pridem in antecedentibus dictum fuit , ordinariò , si paucos saltem casus , antea indicatos , exceperis , ad remedia spectare , nec spontè ideò supervenire , sed ab ipsâ naturâ (a) ad materiam aliquam naturalem , aut præternaturalem in canalibus stagnantem , subsistentem , vellicantem , premen-

(a) Per *Naturam* corporis humani vivi nullibi *Animam rationalem* cum *Señtæ Stahlianæ* affectis intelligo , sed *Vim* quandam sive *Potentiam movendi* , quæ in mechanicâ corporis structurâ , ceu omnipotentis ac sapientissimi Creatoris opere artificiosissimo & summè rationali , suum fundamentum habet.

rem , rursus promovendam , resolven-
dam , excutiendam , & sic ad perniciosas
obstructiones referandas suscitari , blan-
dus stimulus , nitri moleculis sub actione
tribuendus , non amplius suspectus , sed
in plurimis potius casibus , ad vegetiores
vasculorum contractiones excitandas ,
utilis non minus , quam necessarius vide-
bitur.

§. XIII.

Ex stimulo memorato *diuretica* pariter
vires derivandæ veniunt. Noto enim no-
tius est , auctiorem tubulorum renalium
contractionem feri urinarii largiorem se-
qui expressionem , & cum nitri molecu-
læ , æquè ac salium mediorum reliquo-
rum , non radicalitèr , uti in anteceden-
tibus pridem retuli , in sanguine solvan-
tur , sed , integrâ permanente mixtione
suâ , ad varia organa secretoria , & copio-
sius imprimis ad renes , ubi ordinatiò ma-
ximus assumptorum secessus salforum ob-
servatur , deferantur , ratio protinùs mani-
festa est , cur nitrum solutum , & per corpo-
ris mæandros distributum , ibi magis , quam
alibi , tubulos irriter , & sic vegetiorem eo-
rundem contractionem provocando , lar-
giorem diuresin producat : Immo , inde
etiàm ratio patescit , cur nitram inter

334 *Secl. V. De Salinis Explicitis lithontriptica* locum sibi vindicet, & nisi integros ac grandiores calculos, ureteres amplius intrare ac permeare nescientes, minores tamèn lapillos, & maximè fabuloso-mucidam materiam, quam simul blandè resolvit & abstergit, è pelvi ad vesicam, & indè, ob suscitatum quoque hujus contractionem, penitus expellat. Hisce accedit, quod concretum hoc salinum spasmodicas constrictiones, quæ nonnunquam urinæ, & mucido fabulosa materiæ excretionem impediunt, mitiget, & sanguinem fluidiorem reddat, adeoque seri secessum faciliat; quemadmodum hoc posterius ex effectibus, quos solutio nitri aquosa, sanguini jam è venâ extracto mixta, præstat, clarè patescit: Hunc ipsum quippè, licet nigricans pridem atque coagulatus sit, observante B. HOFFMANNO (a), non tantum ad pristinam fluiditatem reducit, sed floridum quoquè atquè miniatum colorem eidem conciliat.

§. X I V.

Laudatam antea ac fusiùs explanatam virtutem nitri aperitivam pressò statim pede virtus ejus *antispasmodica*, *diapho-*

(a) Vid. Ejusd. Obs. physico-chym. select p. 103.

vetica, & decantatissima *refrigerans* sequitur. De virtute antispasmodicâ prolixius explicandâ non ampliùs hoc loco sollicitus ero, quum pleraque, in antecedentibus, præsertim sub virtutis aperitivæ contemplatione, adducta, huic plurimam pridem lucem fœnerantur, & sic comparata sunt, ut ad ea, si quævis, ad cognoscendam antispasmodicam necessaria, proponere vellem, necessario redeundum esset: Quare paucis duntaxat repetiisse sufficiat, nitrum non simpliciter & immediatè spasmos compescere, sed, tanquàm aperitivum excellentissimum, eorum duntaxat causas, quæ plerumque ad humorum accumulationes, stagnationes, stases, & canalium obstructions redundant, minuere, aut penitus tollere; quibus imminutis, aut prorsus ablatiis, violentæ etiam, ac sæpiùs dolorificæ solidorum contractiones, ad canales denuò referandos, materiam prementem distendentem, urentem, pungentem, removendam, & circulationis non minùs, quam se-& excretionum libertatem reducendam, à naturâ susceptæ, spontè remittunt, aut planè cessant.

§. X V.

Non adeò operosâ etiàm explicatione

336 *Secl. V. De Salinis Explicitis*
virtus *diaphoretica* indiget, quoniam solâ
paritèr incidente, & aperitivâ nititur.
Nam, dùm nitri molculæ dissolvendo
sanguinem ac lympham fluidiorem red-
dunt, & tubulos capillares, ac poros cu-
tis exhalantes magis aperiunt, protinûs
constare existimo, quâ ratione liberiorem
quoque circulum humorum, largiorem-
que exhalationem cutaneam efficere pos-
sint. Notatu quoquè dignum est, nitrum
subindè, quandò scilicet pori cutanei ex-
halantes in morbis quibusdam, præser-
tîm febrilibus, aliquandiù fuerunt ob-
structi, & natura ad criticam impurita-
tum ejectionem jam inclinât, sat forsem
provocare sudorem, itâ tamèn, ut nullum
æstûs præternaturalis incrementum, sed
notabile potiùs refrigerium succedat; un-
dè eò luculentiùs cognoscere possumus,
sudationem completam, aut largiorem
diaphoresin, nitri assumptioni superve-
nientem, nunquàm à fortiori humorum
exagitatione, quam sudorifera proprie-
talia producere solent, sed unicè à resti-
tutâ, vel auctâ circulationis, & exhalationis
libertate derivandam esse.

§. X V I.

Momenti majoris esse ac plus explica-
turis faceßere videtur negotii virtus hu-
jus

jus concreti *temperans*, *antorgastica*, *refrigerans*: Verùm, videtur tantùm. Nam, si singula in præcedentibus quibusdam paragraphis adducta, nec minùs solemniore ætus præternaturalis causæ exactiori subjiciantur scrutinio, facilè unumquemque perspecturum esse credo, hujus quoque virtutis evolutionem non adeò magnis premi difficultatibus. Præternaturalis nimirùm ætus in genere vel imminutam sanguinis refrigerationem, vel justo uberiores materiæ caloricæ in cruore proventum causam agnoscit præcipuam, Sanguinis refrigeratio imminuitur, quando inhalationis, & maxime exhalationis cutaneæ libertas, ob tubulos cutis capillares, & minutissimos exhalantes magis minùsve obstructos, magis quoque minùsve sufflaminatur, justo uberior autem materiæ caloricæ proventus accidit in sanguine, quotiès attritus globulorum, ob circulum solito velociorem, aut meatuum quorundam obstructionem, aut nimiam quoque sanguinis densitatem, intenditur. Horum autem vitiorum plerisque, maxime autem obstructionibus, seu causis caloris excedentis frequentissimis, nitrum vario modo, incidendo nimirum, dissolvendo, blandè stimulando, aperiendo, &c.

validè medetur , & circuli non minùs humorum , quàm cutaneæ etiàm exhalationis libertatem restituit ; undè fit , ut decens iterùm proportio inter genesin novi caloris , & refrigerium corporis superveniat , & ideò æstus præternaturalis , etiamsi nitrum , præsertim parvâ quantitate , aut in vehiculo calido propinatum , sanguinem actualiter refrigerare nequeat , denuò evanescat.

§. XVII.

Meritò virtuti refrigeranti hoc loco subjungenda est virtus *antaphrodisiaca* , quoniam illâ præcipuè niti videtur. Nam , dùm nitrum calorem sanguinis minuit , humorum quoque indè secedentium , adeoque spermatis paritèr virilis , & lymphæ vaginalis , rarefactionem seu orgasmum , cui , experienciâ teste , sensibiliores stimuli venerci ordinariò succedere solent , minuit. Hisce accedit , quòd procuratâ liberiori ac largiori exhalatione cutaneâ , multæ partes spirituosæ , quæ aliàs ad organa genitalia deferebantur , ibidemque copiosiori suo ad- & influxu non tantùm fibrarum nervearum tensionem , & ab eâ pendentem sensibilitatem , sed turgescentiam quoque & irritandi virtutem liquorum feminalium augebant , cum

reliquis halitibus per cutis cribrum in auras abeant : Undè ratio quoquè haud obscure intelligi poterit , cur usus nitri intemperantior , ac diuturnior concupiscentiam veneream plus justò deprimat , & viris in specie languorem quendam , de quo alibi (a) plura pridem memet attulisse recordor , inducat , & medicamentum ideò , alioquin , sub usu nimium tempestivo & moderato , præstantissimum , quodammodò nocivum evadat.

§. XVIII.

Ægritudines , quibus nitrum plus minusve mederi consuevit , quæque variæ omnino ac numerosissimæ sunt , in genere ad *febres* , *inflammationes* , *phlegoses* , vel ad *obstructiones viscerum* , *aliarumque partium* , vel ad *dolores* , *spasmos* , *convulsiones* , *hæmorrhagias* , & *tumores frigidos* , immò , ad *deliria* & *varia sensuum externorum vitia* referri merentur. Quare , cum nitri actio specialis , ob maximam morborum , respectu essentiæ , causatum , atque symptomatum , diversitatem , valdè distincta reperiatur , necesse utique erit , ut singula genera allegata cum præ-

(a) In Diss. de Refrigerantibus.

cipuis suis speciebus brevi contemplationi seorsim subjiciam, & specificum ubique juvandi modum ostendam. Agmen itaque ducant febres, quæ nihil certè aliud sunt, nisi motus universæ massæ sanguineæ, & humorum circulantium reliquorum exorbitantes, h. e., justo celeriores, impetuosiores, & plus paritèr minùsve irregulares, non spontè tamen oriundi, sed ideò inprimis à naturâ, mediante contractione solidorum velociori & fortiori, excitati, ut materia quædama impura, mucida, acris, salino sulphurea, quoad indolem specificam valdè pro febrium diversitate diversa, quæ ex parte humoribus circulantibus adhuc immerfa est, & adeò eorum systasin corrumpit, ut coagulatio, aut putredinosa resolutio metuenda sit, ex parte verò in tubulis minoribus, præsertim capillaribus, subsistit, eorundemque parietes, premit distendit, urit, vellicat, denuò resolvatur, attenuetur, excutiat, tandemque per poros cutis, aut aliud organum se & excretorium ejiciatur, & decens ideò circuli, jam hinc inde sufflaminati, libertas, cum humorum puritate naturali restituitur. Singula hæc, quod pridem ex antecessentibus patet, nitrum præstat, vel re-
cils, ita actione suâ, quæ ad incisio-

nem, resolutionem, ac blandum stimulum redit, naturæ medicatrici, succurrit ut citius atque certius finem suum consequi possit. Valent hæc in febribus plerisque, præsertim exanthematicis, biliosis, inflammatoriis, ardentibus, immò, ipsis intermittentibus, & in solis duntaxat lentis atque hecticis aliquam pati videntur exceptionem, quoniam in hisce sudores colliquativi frequentes sunt, qui de nimia humorum dissolutione testantur. Nullatenus tamen hæc dicta sunt, ac si crederem, nitrum in illis nullum planè locum invenire, sed monere saltem volui, moderatè illud in iis adhibendum, & supervenientibus largioribus atque frequentioribus sudoribus colliquativis, planè ab ejus usu abstinendum esse, ne majorem tunc temporis partis humorum gelatinosæ dissolutionem efficiat.

§. XIX.

Eadem prorsus ratione, quâ in febribus fieri dictum fuit, *inflammationum* curationem, discussione aut suppuratione absolvendam, adjuvat. Hæ ipsæ nempe, sive sanguineæ sint, sive serosæ, perfectam, eamquè magis minusve refractariam cruoris, nunc puri omninò, nunc spissi nonnihil atque impuri, statim in mi-

nimis arteriis, aut adhuc minoribus vasculis serosis sive arteriosis secundi generis, adeoque plenariam canaliculorum quorundam obstructionem supponunt, cui, præter cruoris in obstructis non minus, quam vicinis atque connexis vasculis accumulationem, necessario atque confestim fortior globulorum attritus, ac violenta tubulorum distensio, cum partis inflammatae intumescentiâ, rubore, atque dolore ardente supervenire debent. Memoratam igitur obstructionem, seu causam inflammationum formalem, nitrum, quod subsistenti, & impacto cruori promptè ac validè dissolvendo reperitur aptissimum, denuò reserat, & sic pristinam circuli libertatem restituit; quâ restitutâ, complicata quoque symptomata, quæ partim ex justò vehementiori globulorum, denso nimis agmine meantium, ac fortiter quoque in massam obstructuentem quasi arietantium, collisione & attritu nascebantur, spontè cessare debent.

§. XX.

Parùm quoque à prædictâ nitri operatione in inflammationibus operandi modus in plerisque *ebullitionibus* & *phlogosis* differre videtur: in plerisque inquam;

aliæ quippè, & quidè plurimæ, quæ febres aut inflammationes quasi transitorias æmulantur, ex influxu atque transitu cruoris in hâc vel illâ parte retardato, aut aliquandiù, propter leviozem, nec adeò obstinatam obstructionem, planè impedito, quem illicò regurgitationes & congestiones excipiunt, oriuntur; aliæ autèm turbatum nisus & renisus æquilibrium inter solida & fluida causam agnoscunt præcipuam; quemadmodùm toties hoc posterius observare licet, quoties, tempestate sicca, subito in humidam, aut humida etiam subito in siccam mutata, solida, præsertim apud subjecta imbecillia, valdè relaxantur, aut notabiliter stringuntur, & hac ratione modò nisus solidorum renisum fluidorum, modò nisus fluidorum renitentiam solidorum, in iis maximè partibus, earundemque vasis, quæ situm peripheriæ propiorem obtinent, & magis ideò memoratis mutationibus obnoxia sunt, superat. Quando enim canaliculi, peripheriæ propiores, superveniente constitutione aëris calidâ & humidâ, vel humidâ etiam atque tepidâ, aut parùm saltèm frigidiusculâ, relaxantur, sanguis ex partibus internis, quæ nondùm ejusmodi relaxationem fuerunt perpeßæ, majori ce-

leritate, impetu atque copiâ ad partium externarum tubulos ruit; sin repentè verò constitutio aeris humida, simul calida aut tepida, mutatur in siccam & frigidam, cutis & canales sanguiferi subjacentes constringuntur, coarctantur, & cruor proindè celerius, copiosius, atque impetuosius ad interiora, à constrictione adhuc immunia, ruere, eademque plus justo obruere atque replere cogitur: Unde fit, ut in casu priori magis phlogoses in peripheriâ, in casu posteriori autem magis ebullitiones, proximè ex congestione non minùs & accumulatio-
ne, quàm ex repentinâ paritèr cruoris expansione resultantes, in centro corporis, seu interioribus partibus & visceribus nobilioribus sentiantur. Hisce cæteroquin admissis, & fundamenti loco substratis, intelligi poterit, quâ ratione nîtrum in genere congestiones, phlogoses, ebullitiones præternaturales, (de nonnaturalibus enim, à condimentis acris aut aromaticis, potulentis spirituosus, & medicamentis volatilibus, ab iracundiâ &c. nonnunquàm excitatis, non loquor), mitiget, & cur in iis præcipuè, quæ obstructionibus originem debent, notabilius auxilium ferat.

§. XXI.

Sequuntur nunc *obstructiones strictè sic dictæ*, cujus censûs sunt obstructio hepatis, lienis, glandularum ac vasorum meseraicorum, renum, vesicæ, defectus & suppressio mensium, lochiorum, hæmorrhoidum &c., nec minùs *dolores*, *spasmi*, & omnes distincti nominis morbi, qui semper, vel saltém creberrimè, ex vasorum atque meatuum obstructione proximè nascuntur, & nunc, intuitu causæ materialis, cruori accumulato, stagnanti, nunc mucidæ cuidam materiæ seroso lymphaticæ, nunc in- & adhærenti materiæ acri, nunc corpori planè heterogeneo natales debent, uti v. g. sunt apoplexia sanguinea & serosa, affectus soporosi, vertigo, cephalalgia, asthma, catarrhus suffocativus, icterus, passio hypochondriaca, malum hystericum & nephriticum, colica hæmorrhoidalis, &c. sic porrò. Vellem lubentissimè morbos allegatos, & hujus commatis reliquos, ut & nitri operationem specificam paulò uberiori paritèr contemplationi submittere, nisi antecedentia tantam prolixitatem interdicerent. Suprà enim, cum de virtute nitri aperitivâ & antispasmodicâ fermo esset, multa pridè propòsita fue-

runt, quæ viam pandunt specialiori cognitioni, ac plurimam lucem pathologiæ gnaris sub explicatione & applicatione specialissimâ fœnerantur. Intuitu nempè naturæ atque virtutis singularis hujus concreti salini perindè esse videtur, an obstructio in hac vel illâ corporis parte reperiatur, an cruor, an vero lymphæ, aut alteriûs indolis humor accumulatione, stagnatione, stasi atque decubitu suo eandem producat, an hæ vel illæ functionum turbæ complicatæ sint, & morbus hoc ideò, vel alio nomine insigniatur. Sufficit, nitrum materias crassas obstruentes incidendo attenuare, tubulos, & meatus obstructos aperire, circuli libertatem ac regularitatem reducere, & sublatâ causâ præcipuâ, ipsum quoque morbum cum suis symptomatibus tollere.

§. XXII.

Idem fermè judicium de *convulsionibus* ferendum erit, quæ vehementiæ duntaxat gradu à spasminis propriè sic dictis distinctæ reperiuntur. Noto quippe notius est, violentas hæc partium solidarum contractiones, nonnunquàm terribili tortiûs machinæ concussione stipatas, supervenire, quando corpuscula acuta, rigida, pungentia, partibus nervoso-mem-

branaceis ad- & inhærent , aut canalium obstructions tam refractariæ & periculosa sunt , ut iis denuò referendis mitiores contractiones spasmodicæ non ampliùs sufficiant , & machinæ ideò , nisi hæ expédiantur , certissimus immineat interitus Quid igitur mirandum , quòd natura in desperatis hisce casibus ad arripienda quoque remedia desperata impellatur , & horrendis ejusmodi contractionibus solidorum obstructions gravissimas aperire , & imminentem lethalem circuli sufflammationem avertere nitatur , etiamsi finem suum non semper obtineat? Clarè interim ex illis rationem constare opinor , cur nitrum , tanquàm validum aperitivum , absque vehementi nihilominùs commotione , & citrà ullum tumultum agens , naturæ in hoc passu egregiè succurrat , & , turbarum causas tollens , ipsas quoque turbas compescat. Istæ tamen convulsionum species hoc loco eximendæ erunt, quæ post nimiam humorum laudabilitium , maximè autèm sanguinis , jacturam ex turbato nîsû & renîsû æquilibrio inter solida & fluida resultant Tunc enim nullâ opus est resolutione , nullâ obstructionum relevatione , nullâ superflui aut peregrini ablatione , sed humor nimium imminutus & deficiens per ana-

leptica, aliaque appropriata tam citò, quam fieri potest, restituendus est, ut necessaria quoque & naturalis proportio inter vires prementes & renitentes maturè redeat.

§. XXIII.

Ad virtutem aperitivam auxilii quoque ratio redundat in exorbitantibus & incongruis *hemorrhagiis*, quoniam pleraque cruoris profluvia excedentia & incongrua præcipuam suam originem circulo sanguinis, plus minusve in hac vel illâ parte sufflaminato, debent: Obortâ nempe in aliquâ parte vasorum quorundam obstructione, accumulatio cruoris non tantum in parte obstructâ, sed in vicinis pariter vasculis, quæ, præter molem consuetam, & cavitatum suarum magnitudini proportionatam, adhuc notabilem quantitatem, quæ ex obstructis canalibus ad illa determinatur, recipere coguntur: Unde fit, ut nimium referta ac turgida haud rarò patiantur rupturam, aut cruor tamèn abundans ex illis in vascula seroso-lymphatica, seu arteriosa secundi & tertii generis, sub distensione vehemente plus iusto dilatata, penetret, posteaque per loca insolita & incongrua excernatur. Immò, accidere consuevit.

creberrimè, ut sanguis copiâ largiori ex parte obstructâ, congestionis, seu re-
ctius, regurgitationis beneficio, ad par-
tem remotam, cæteroquin sanam, defe-
ratur, & prædictam vasculorum latera-
lium secundi generis dilatationem præ-
ternaturalem, aut plenariam uniûs vel
plurium arteriolarum rupturam efficiat;
quemadmodum hoc vomitus cruentus,
hæmoptysis, mictus cruentus &c., quæ
hæmorrhagiæ præternaturales apud fœ-
minas ac virgines, passione hysteri-
câ, itemque mensium aut lochiorum defectu,
vel suppressione laborantes, nec minùs
apud juvenes ac viros, qui refractario
malo hypochondriaco vexantur, vel hæ-
morrhoidum defectum aut suppressionem
atque imminutionem aliquamdiù perpê-
si, sunt, frequentissimè occurrunt, a-
bundè confirmant. De *frigidis tumoribus*
& *deliriis* specialia hoc loco addere super-
vacaneum duco, quoniam specificus ju-
vandi modus in tumoribus frigidis, si-
ve sint universales, ut cachexia, si-
ve particulares, ut oedema pedum ac manuum,
intumescentiæ glandularum &c., faci-
le ex virtute nitri incidente ac stimulan-
te, in deliriis autem, & quidè phreni-
ticis atque maniacis ex antorgasticâ, in
melancholicis verò ex resolvente, atque

348 *Seft. V. De Salinis Explicitis*
nuante , atque aperitivâ intelligi & expli-
cari poterit.

§. X X I V.

Nitrum , quòd in fine subungere ju-
vat , post depurationem suam , simplici
duntaxat operatione , iteratâ scilicet ni-
tri crudi solutione in aquâ , lixivii filtra-
tione , evaporatione ac novâ crySTALLISA-
tione absolvendam , vel sub pulveris for-
mâ exhibetur , vel potulentis , emulsioni-
bus , infusis aquosis , potiunculis &c. ad-
ditur , & dosis ab aliquot granis ad inte-
gram subindè drachmam ascendere po-
test. Medicorum quidè multi in hoc pas-
su nimis timidi inveniuntur , & paucis
semper granis contenti sunt : Ast hi neu-
tiquàm perpendunt , nitrum activum
quidè remedium esse , blandè nihilo-
minùs ac sine impetu operationem suam
absolvere , adeoque pauca grana non
semper singulari mutationi producendæ ,
optatoque auxilio præstando sufficere.
Loquor hic expertus , nec dubito , quin
omnes futuri sint consentientes , si , quæ
dicta fuerunt , iteratæ experientiæ pro-
præ , adhibito tamen judicio discretivo ,
submittere velint.

CAPUT IV.

De sale communi.

§. I.

SAL COMMUNE, quod etià *sal vulgare*, itemque, ob usum in œconomiâ frequentissimum, *culinare* dicitur, in *fontanum*, *marinum* & *fossile* sive *montanum* dividitur. Fontanum in variis locis *Germaniæ*, aliarumque regionum ex aquâ fontium salforum excoquitur, & species reliquas puritate superat: Marinum in *Lusitaniâ*, *Hispaniâ*, *Galliâ*, &c., calor solaris, ut & ventorum ope, ex aquâ marinâ, in singulares foveas deductâ, separatur, & plerumque particulis quibusdam, iisque tenerrimis, nitrosis mixtum reperitur. Aqua marina enim non tam apta existit incendiis restingendis, quàm aqua falsa fontana, sed motum flammantem magis intendit, quàm cohibet, & spiritus acidus quoque, è sale marino expulsus, aurum solvit, instar aquæ regiæ, quæ ex acido nitri & salis componitur (a). Sal fossile denique,

(a) Conf. Neumann, in Lect. de Sale culinari p. 39.

quod , ob inhærentes moleculas terreo-
lapideas , fale fontano paulò crudius est ,
in multis regionibus , maximè autèm in
Russiâ , Hungariâ superiori , Transilva-
niâ , & prope Cracoviam in Poloniâ (a) è

(a) » Spectaculum , GABRIEL RZACZYNSKI
» in *Hist. nat. Poloniæ* p. 54. scribit , inter orbis
» spectacula dignè connumerandum Salinæ Po-
» loniæ. Valdè mirabitur , qui Sarmatiæ aut Bo-
» chniæ aut Velisculum vidit. ... In salinis Bo-
» chniensibus & Veliscensibus tantus optimi salis
» numerus est , quantus in universis Halis Ger-
» manicæ nunquàm invenitur , sive Noricorum , sive
» Suevonum , sive Hermundurorum , non ita longè
» à meliboco. Siquidèm in iis duntaxat coctilis
» sal non sine multo labore habetur , Velisci ve-
» rò sal deplex colligitur , coctilis & metallicus.
» Ex hoc ingenti Sarmatiæ thesauro ; majora
» sunt huic regno vestigalia , quàm aliis quibus-
» dam ex auri & argenti metallis. Sal fossilis
» in Poloniâ tantæ duritiæ est , ut in lapides
» condensetur : Ædificiorum structuris perido-
» neus , simulacris exculpendis accommodatus.
» Ejus fodinæ admirandis suis substructionibus
» subterraneis integram Civitatem referunt : Ex
» hisce sal solidus , duritiæ lapidis , instar saxo-
» rum ingentium in subterraneis cuniculis , lon-
» gè latèque plateatim excavatis , ferro exscin-
» ditur , atque in frusta comminutus , molâ ab
» animalibus agitâtâ , ad usum teritur. In cuni-
» culorum ambitu tantus est Labyrinthus , qua-
» lem nunquam Dædalus excogitaverat. Agnos-
» ceres sanè istic , veluti in civitate quadam ,
» magnificè exstructas quasdam ædes canacula-

terræ fodinis eruitur. Purissima ejus species, formâ & nitore crystallum montanam æmulans, *Sal Gemma* dicitur.

§. I I.

Purum sal culinare ex *acido sui generis & singulari principio fixo terreo-alkalino* constat. Acidum specificum duplicis quasi generis est, alterum videlicet *volatilius*, alterum *comparative fixius*: Hoc solum-

„ rias, quæ fulcris falsis sustentur, & trabibus
 „ ligneis, absque dubio ipsius salis naturâ, nun-
 „ quàm computrescentibus. Utrumque oppidum
 „ Veliscum & Bochnia hisce salinis excavatis
 „ nititur. Operarii nudi, peronati tantum, fer-
 „ reis mallis atque cuneis magna frustra salis ex-
 „ secant. Tenebræ hic crassiores, quam apud
 „ Cimmericos suos *Homerus* censuit: Rupes salis
 „ plenissimæ, imò montes perpetui. Salis fodinæ
 „ propè Cracoviam trecentis ferè sub terrâ pedi-
 „ bus geometricis. Varii in imò anfractus, &
 „ concamerationes, at ubi descenderis, in no-
 „ vam urbem delatus videare. Ingentes venti
 „ aliquandò oriuntur ex cavernis illis; loca non-
 „ nulla inveniuntur vaporibus bituminosis op-
 „ pleta, ità, ut nemo illuc audeat movere pas-
 „ sum cuni apertâ lucernâ, ne forte flammam
 „ vapores concipiant. Velisci aer siccus, calidus,
 „ acutus, subtilis est, sudant obambulantes, &
 „ nudi Cyclopi more laborant. Fossæ præter
 „ cameras, octodecim scalarum altitudine, qua-
 „ rum nulla brevior est cubitis octo, multis in-
 „ terim longioribus. Non rarò ingentium sese

modò, additis acidis gravioribus, v. g. vitrioli, aluminis, sulphuris, ac nitri, à fixo principio alcalino penitùs separatur; illud autèm facilius & absque additamento, soliùs aeris humidi, & aquæ ebullientis actione aveli potest, ac segregari. Nam in ædibus gradatoriis, ubi salugo per parietem, è virgultis structum, decurrit, temporis successu notabilis terræ portio virgultis adhæret, quæ acido suo, ab aere continuò permeante, plùs minùsve spoliata fuit (a). Simile magma,

» templorum specie cameræ offerunt, immani-
 » bus salis columnis extantibus, quibus supe-
 » riora solido sale concreta, ceu fornices quidam
 » sustinendis montibus innuinent, gravissimo
 » sese pondere, admirabili quadam operariorum
 » industriâ, librante. Descriptionibus hisce ad-
 » jungo factam mihi relationem à quodam com-
 » morante Velisci, annorum septem decursu,
 » lustrante labores quotidianos, ex vi officii.
 » Præter os cuniculorum primum, illudque pro-
 » fundissimum, vulgo Szyba; secundus aditus
 » continet plus, quam triginta scalas, quarum
 » unaquæque totidem scandulis crassioribus conf-
 » tat. Patet accessus, & per gradus 456. de sec-
 » to lapide fabricatos regnante Joanne III. Ven-
 » ti validissimi grassantur hyeme, maximè tem-
 » pore illo, quo apud nos sæviunt frigora. Spec-
 » tare licet facella subterranea, è solo sale ela-
 » borata &c. «

(a) Conf. Exc. D. D. Pott, in Obs. & animadvers. de Sale communi p. 14.

non crySTALLISABILE, in aere facilè deliquescent, & in ipso spiritu vini solubile, post salis fontani coctionem, immò, post aquæ marinæ evaporationem, & salis siccioris condensationem, relinquitur, cui superstes paucum acidum tam laxè inhæret, ut, absque ullo additamento destillatum, sub spiritus formâ secedat. Notum quoque est, sal commune, repetirà vice in aere humido solutum ac destillatum, tandèm in aquam, falso sapore penitùs destitutam, & terram penè insipidam, nonnihil tamen unguinosam, resolvi. Propiùs cateroquin acidum salis communis ad acidum vitriolici naturam accedere videtur, quoniam, cum phlogistâ quadam substantiâ fusionis beneficio combinatum, *hepatis sulphuris imperfecti* speciem constituit, & observatis quoque observandis, *phosphorum*, seu *speciem sulphuris*, æquè ac vitrioli acidum, format. (b).

§. III.

Principium fixum alcalinum, quod salis culinaris mixtionem proportionè fermè anaticâ ingreditur, singularis planè naturæ est, &, testibus experimentis &

(b) Conf. idem l. c. p. 9.

354 *Seçt. V. De Salinis Explicitis*
observationibus chymicis, perfecta non
minùs falia alcalia, quàm terras alcalinas
æmulatur, & acido suo adhuc unitum, sæ-
pius iteratâ falis calcinatione ac solutio-
ne, adeò volatile reddi potest, ut maxi-
mam partem aufugiat, & exigua saltem
ejusdem portio ex sat magnâ falis quan-
titate remaneat. Ratio nihilominùs non
latere videtur in ipso terreo salino prin-
cipio, sed potiùs in acido sociato; quippe
quod, ob arctè admixtum principum
mercuriale, seu arsenicale, admissio in-
primis aere liberiori, valdè mobile atque
volatile est, & alia quoque corpora, præ-
fertim metallica, quibus tenacissimè ad-
hæret, ad majorem mobilitatem ac vola-
tilitatem disponit (a).

§. I V.

Sal commune promptiùs, quàm ni-
trum, in aquâ simplici solvitur, &, ritè
peractâ evaporatione, in crystallos per-
fectè cubicas concrefcit. Memorata cry-
stallorum figura specifica aliquam confi-
derationem meretur circà modi operandi
ac virium explicationem: Inde enim pa-
tescere opinor, cur sal commune nitro,
intuitu virtutis stimulantis, incidentis

(a) Conf. Neumann. L. c. p. 74. it. Excell.
Potius l. c. p. 48.

attenuantis & aperitivæ, longè sit inferius. Valentiorem quippe actionem in solidâ ac fluidâ moleculas prismaticas pyramidales utrinque acuminatas, quam cubicas, exercere posse, in propatulo est. Sufficit cæteroquin moderata virtus stimulans & abstergens salis communis, quoniâ commune & quotidianum esculentorum condimentum est, nec ampliùs locum inter strictè sic dicta medicamenta interna obinet. Externè clysteribus, præsertim sal gemmæ, frequentissimè additur, & stimulantis munere in iis perfungitur. Interdùm etiam epithemata sicca frontalia, & sacculos discutientes ingreditur.

C A P U T V.

De Sale Anglicano.

§. I.

NOtissimùm sal medium amarum, quod in pharmacopoliis nostris sub nomine SALIS ANGLICANI, EBSHAMENSIS EPSONIENSIS prostat venale, vel *nativum* vel *factitium* est. Nativum rursum vel *fontanum* existit, vel *fossile*: Prius non tantùm ex aquâ scaturiginis

356 *Seft. V. De Salinis Explicitis*
 foteriæ, quæ in *Angliæ* pago *Epfon*
 live *Ebsham* reperitur, fed ex aliis
 quoque fontibus *Britanniæ* medicatis,
Barnetinis v. g. *Northallensibus*, *Stret-*
tamenfibus *Dulechenfibus* &c. evaporando
 ac cryftallifando paratur; foſſile autem,
 referente D. MENDEZIO (a). *Li-*
mingtonii in Comitatu *Hamptonienſi*, ut
 & *Portſea-Iſlandiæ* propè *Portum Mag-*
num (vulgo *Portſmouth*) è ſingulari mi-
 nerâ ſalinâ, ex amaro & marino fale
 mixtâ, ſeparatur. Memoratum nempè
 ſal foſſile in acervos congeritur, ut ſen-
 ſim, & quoad partem, liqueſcat: Li-
 quor ſaliſus, amarus, acris, ex acervis
 ſtillans, per canales quafdam in foveas
 deducitur, ibidèmq; ſucceſſivè in ſal
 ſiccum coagulatur. Sal coagulatum in
 aquâ ſimplici, in ahenis ebulliente,
 denuò ſolvitur, & ità aliquot dies poſt
 coctionem relinquitur, ut non ſolùm
 refrigeretur, ſed aqua gravior quoque,
 fale marino imprægnata, à leviori ac
 ſupernatante lixivio amaro ad partem
 vaſis inferiorem ſecedat: Quo facto,
 operarii lixivium ſuperius amaricans ex-
 hauriendo ſeparant, ſeparatum denuò
 in ahenis coquunt, & tandè, factâ

(a) Vid. H'ſt. de l'Acad. Royal. des Scien-
 ces ann. 1718. p. 47.

sufficienti evaporatione, ad crystallisandum reponunt.

§. II.

Sal Anglicanum factitium ex muriâ, post salis marini depurationem & crystallisationem residuâ, præparatur: Huic nempe caput mortuum vitrioli aut vitriolum calcinatum certâ quantitate miscent, enatum sal medium, coquendo cum aquâ, extrahunt, liquorem filtratum coagulant, sal siccum calcinant, calcinatum denuò aquâ solvunt, filtrant, & post evaporationem ad crystallisandum in loco frigidiusculo collocant. Hæc salis factitii species in Angliâ quotannis magnâ conficitur copiâ, & exteris pro vero Ebshamensi nativo venditur. Sal medium, descripto quodammodò analogum etiâ nascitur, quando solutioni aluminis aquosæ, filtratione depuratæ oleum tartari per deliquium, aut saturata salis tartari solutio, usque punctum saturationis, infunditur: Sal alcali fixum enim terram aluminosam è mixture deturbat ad fundum, ac rursus cum acido in sal neutrum concreescit, quod postea, præmissâ liquoris filtratione iteratâ, & evaporatione, in loco frigidiusculo crystallos format. Monen-

358 *Seçt. V. De Salinis Explicitis*
dum tamen, salinum hoc concretum remissiori gaudere amaritie, nec tam facillè, quàm verum sal Ebshamense, in aquâ deliquescere, sed, respectu hujus & reliquarum proprietatum, magis cum tartaro vitriolato convenire.

§. III.

Ex acido vitriolico, & principio terreos-
salino alcalino fixo salis communis sal
Ebshamense, sive sit verum, sive spurium factitium, compositum deprehenditur. Quando cum decenti enim pulveris carbonum & salis tartari quantitate miscetur, fusionem quidè, forti etià adhibito igne, respuit, totum tamen cum ingenti sulphuris fœtore in auras evolat, adeò, ut nil, nisi massa dura ac nigra, in crucibuli fundo remaneat. Silentio cæteroquin non prætermittendum erit, sal Anglicanum rarò vel nunquàm purum esse, sed ordinario sale vulgari non-nihil remixtum; hinc instillato etià oleo vitrioli, vapor albicans valdè mobilis assurgit.

§. IV.

Moleculæ hujus salis valdè subtiles sunt, & illud proindè promptissimè in quovis liquore aqueo, tantâque insuper quantitate,

quantitate, solvitur, ut aquæ uncia una, observante B. HOFFMANNO (a), integram salis unciam in poros suos recipiat. Si solutioni huic saturatæ spiritus vini infunditur, confestim in massam stabilem, &, instar glaciei, firmam, coagulatur. A laudatâ ac planè insigni solubilitate conclusionem ad eminentem pariter in corpore penetrabilitatem formare licebit: Salia enim, quæ promptè & notabili quantitate in paucâ aquâ solvuntur, vâscula minima capillaria præ reliquis subire, permeare & ideò in partes remotissimas penetrare valent.

§. V.

Militat amaricans hoc concretum salinum inter tutissima ac præstantissima medicamenta *laxantia, abstergentia, incidentia, stimulantia, aperitiva & diuretica*, & sese igitur in multis morbis chronicis, maximè autèm in febribus intermittentibus, passione hypochondriacâ, cachexiâ vulgari & icteritiâ, intumescentiis glandularum, incipiente hydrope ascite, nephritide pituitosâ, refractariis obstructionibus hepatis, lienis, uteri, mesenterii &c., asthmate pituito-

(a) Vid. Obs. Physico-chym. select. p. 125.

fo, podagrâ (a), aliisque affectibus arthriticis inveteratis, catarrhis, ac singulis morbis reliquis, à spissâ ac mucidâ humorum indole oriundis, magnoperè commendat. Purgandi fine ab uncia dimidiâ ad unciam unam præscribitur; sin eodem autèm humores viscidos solummodò attenuare, solida stimulare, & urinæ excretionem promoverè medico placuerit, minor dosis sufficit, & alia remedia congrua cum hoc sale miscentur. Notatu cæteroquìn dignum est, assumpto hoc sale, & præcipuâ evacuatione alvinâ jam absolutâ, murmura ventris aliquamdiù, & per integrum plerumque diem reliquum, immò noctem insequentem, adhuc perdurare; manifesto documento, salem hunc laxandi scopo, adeoque quantitate majori propinatum, intestina vividè stimulare, & adeò motum peristalticum excitare, ut tam citò, post salis irritantis, & impuritatum ejectionem, ad naturalem ordinem redire nequeat. Multis quidèm diuturnum hoc motûs peristaltici augmentum displicet, non contemnendam nihilominùs utilitatem corpori præstat, quoniàm eo mediante flatus diu retenti

(a) Conf Satyr. Med. Siles Specim. V. Obs. 9.

expelluntur, & humorum circuitus per
vasa mesaraica, & viscera imi ventris li-
berior atque vegetior redditur.

C A P U T VI.

De Sale Carolinarum.

§. I.

SAL MEDICINALE THERMARUM CA-
ROLINARUM ex crystallis magnis, ob-
longis, pellucidis, albissimis constat, quæ
de gustatæ saporem mixtum, h. e., lixi-
viosum, amaricantem, & nonnihil quo-
que refrigerantem nitrosum linguæ im-
primunt. Dolendum saltè, quod crys-
talli non adeò durabiles sint, sed succes-
sivè, præsertim aeri liberiori sæpiùs in
apertam scatulam admissio, in tenerri-
mum ac candidissimum pulverem, abs-
que ullo tamèn deliquio, fatiscant. Præ-
paratio hujus salis ità sese habet: Pro
unâ vice mille circiter libræ vulgares
aquæ fervidæ, ex scaturigine illâ,
quam, ob futiosam aquæ proruptionem,
den Brudel vocant, haustæ, in catinâ
ferreâ, super igne collocatâ, usque ad
cuticulæ apparentiam, inspissantur, &

Q ij

muria inspissata, præmissâ filtratione, aeri frigidiusculo exponitur, ut crytalli salinæ in eâ concrecant. Liquor, post primam crytallisationem superstes, de novo inspissatur, & ad crytallisandum reponitur, atque totiès hic labor reiteratur, donec sal in fundo ampliùs in crytallolos coire renuat. Crytalli, primâ vice concretæ, majori albedine atque nitore, quâ ultimæ gaudent, & conjunctim ex indicatâ atquæ quantitate ordinariò tres salis sicci libræ colliguntur: Undè etiàm constat, unam aquæ libram circiter dimidiam drachmam salis continere. Muria, saponacea, & contactu pinguis, quæ, crytallisatione penitùs peractâ, in fundo relinquitur, colore pollet aurantio, & sapore quoque saturatè lixivioso, cum acidis tamen minimè effervesceat, spiritum vini autèm, in quo ex parte solvitur, sapore caustico imbuat. (a).

§. I I.

Facilè hoc sal ad ignem mediocrem fluit, & promptè paritèr, ac magnâ quan-

(a) Conf. D. NICOLAI BORRIES Diss. de Sale medicinali Carolinarum, sub B. HOFFMANNI præsidio ann. 1734. Halæ habitæ.

ritate, in aquâ solvitur : Una quippe aquæ calidæ uncia drachmas decem & scrupulos duos , & æqualis aquæ frigidæ quantitas drachmas sex & scrupulum unum in poros suos recipit. Non simplex quoquæ, sed compositum concretum salinum est , & ex *sale medio* , & *sale fixo alcalico* , quod posterius plûs , quam dimidiant partem , constituit , mixtum reperitur. Nam 1. solutio hujus salis aquosa , addito syrupo violarum , illicò viridem colorem induit , 2. sal ipsum cum oleo tartari , per deliquium parato , nullum planè , cum affusis acidis autem , tam fortioribus , quàm mitioribus , vividæ effervescentiæ motum subit , & 3. cum sale ammoniaco trituræ beneficio probè subactum , non tantùm spontè liquefcit , sed mixtura etiam odorem volatilem penetrantissimum , à sale urinoso , per alcali fixum sub trituratione avulso , oriundum , emittit. Partes salis , quæ alteram partem constituunt , & crystallisationem hujus salis possibilem reddunt , ex *acido vitriolico* & *principio terreo-salino alcalico* compositæ sunt ; hinc sal laudatum massam quoque , hepatis sulphuris æmulam , largitur , quandò cum sextâ parte pulveris carbonum miscetur , & in crucibulo funditur.

§. III.

Uſus medicus hujus ſalis ampliffimus eſt , quoniã ob mixtas particulas alcalicas , & ſalfas , non tantũ *antacidã* , ſed egregiã pariter virtute *purgante* , *incidente* , *attenuante* , *ſtimulante* , *abſtergente* , *aperitivã* , *diureticã* atque *diaphoreticã* donatum eſt , & cum inſigni proinde fructu , æquẽ ac ſal Ebſhamenſe , in plerique morbis chronicis , ex ſaburrã acidopituiſã , ſpiſſitudine ſanguinis ac lymphæ , & pertinaci viſcerum atque organorum ſe- & excretoriorum obſtructione naſcentibus , exhiberi poteſt. Allegari inprimis hoc loco merentur febres intermittentes , affectus ventriculi , & inteſtinorum flatulenti , cachexia ſimplex & icteritia , obſtructio glandularum meſaraicarum , hydrops humidus adhuc recens , hemicrania chronica , aſthma pituitoſum , & cachecticum , ſuppreſſio menſium ac hæmorrhoidum , & fluor albus mulierum , in quibus creberrimẽ pri- dem egregium auxilium præſtitit. Alterandi fine , à drachmã dimidiã ad integram , purgandi verò ſcopo , apud adultos ab uncia dimidiã ad drachmas ſex , in aquãta mèn priùs ſolutum , propinatur.

CAPUT VII.

De sale amaro Sedlizenfi & Seidschutzenfi.

§. I.

SAL SEDLIZENSE & SEIDSCHU-
ZENSE, quoad originem, naturam
ac vires, perfectè conveniunt, immò,
unum idemque sal exhibent. Utrumque
ex aquâ amarâ, quæ in *Bohemia* pagis vi-
cinis *Sedlitz* & *Seidschutz* scaturit, quæ-
que magnâ copiâ ad externos, partim in
doliis, partim lagenis evehitur, simplici
evaporatione & crySTALLIFICATIONE paratur.
Quævis aquæ libra binas salis enixi dra-
chmas continet, ac, præter istud, nul-
lum aliud principium minerale activum
in sinu suo reconditum gerit. CrySTALLI
albicantes, splendentes ac parvulæ sunt,
& tam amaro pollent sapore, ut assu-
mentibus nauseam creent; nullam à ca-
lido aut frigido aere mutationem patiun-
tur, ad ignem difficiliùs, quam sal Ca-
rolinarum fluunt, dimidiamque ponderis
partem, æquè ac sal amaricans Ebsha-
mense, sub aquosi vaporis formâ amit-
tunt, & paulò tardiùs quoque, atque
minori quantitate in aquâ calidâ ac fri-

Qiiiij

366 *Señ. V. De Salinis Explicitis*
gidâ solvuntur. Nam uncia una aquæ simplicis calefactæ unam duntaxât unciam, & aquæ frigidæ quantitas æqualis drachmas quinque, & scrupulos duos hujus salis recipit.

§. I L.

Quoad principia sal Sedlizenſe valdè analogum eſt ſali mirabili GLAUBERI, dùm itidèm ex *acido vitriolico*, & *principio terreo-ſalino alcalico* ſalis communis componitur. Vitriolicam acidi indolem maſſa, hepatis ſulphuris ſimillima, offendit, quæ naſcitur, quando hoc ſal cum ſufficienti pulveris carbonum, & ſalis tartari quantitate in crucibulo funditur. Quoad partem nihilominùs vulgari vitriolico paulò levius ac volatilius eſſe videtur: Addito enim vitriolo, ad rubedinem calcinato, ſub deſtillatione, aut calcinatione in crucibulo aperto, primò vapor ſpirituofus aſſurgit, qui cum ſpiritu ſalis multa communia habet, & poſteà quoque aliqua ſpiritûs vitrioli volatilis portio expellitur; quæ largior acidi inhærentis avulſio neutiquàm ſuccedit, quando hoc ſal per ſe, & abſque additamento vitriolico, deſtillationi ſubjicitur, ſed phlegma duntaxat, primò inſipidum, tandèmquæ nonnihil ſaltèm acidulum,

transcendit. Valdè terrea denique principii alteriûs natura ex variis experimentis innotescit : Aquosa v. g. hujus salis solutio , instillato oleo tartari per deliquium , in spissum coagulum lactei coloris mutatur , & ex *magnesiâ Romanâ* & spiritu vitrioli sal purgans amarum , Sedlizeni non adeò dissimile , concrescit , immò , terreum sedimentum post solutionem in aquâ purâ fontanâ remanet.

§. III.

Sal Sedlizense quoad modum operandi cum sale Anglicano quidè convenit , fortiorem tamèn actionem in corpore exercet , & paulò minori proindè dosi , v. g. , purgandi fine , ab unciâ dimidiâ solummodò ad drachmas sex , exhibetur. In plerisque morbis chronicis , qui impuritati ac spissitudini humorum , ut & cruditatibus primæ culinæ mucidis , pituitoso-acidis , biliosis ac putridis originem debent , proficuum est , & egregiè inprimis appetitûs , ac atque digestionis vitiis opitulatur , ut nihil dicam , de eximiâ ac fere specificâ ejus virtute in malo hypochondriaco , cachexiâ virginum , à refractariâ fluxus menstrui obstructione oriundâ , in purpurâ chronicâ scorbuticâ , veribus intestinorum , nephritide pituitosa-

368 *Señ. V. De Salinis Explicitis*
fo fabulosâ &c. Præstat tamen salem hunc
in casibus nonnullis, ubi humores salinis
quoque impuritatibus scatent, in copio-
sâ aquâ simplici purâ solvere, ut impu-
ritates memoratæ eô meliùs diluantur,
certiùsque ac largiùs per organa excre-
toria excludantur. Dudùm enim multi-
plex monstravit experientia, ipsam a-
quam amaram Bohemicam majores ple-
rumque vires, quàm sal inde educitum,
exerere. Notatu quoque dignum est,
quòd tres drachmæ salis, naturali suo
solventi aqueo adhuc inhærentis, & sub
diffusiori hac formâ propinati, majorem
effectum, quam quatuor vel quinque
drachmæ jam separati & seorsim exhibi-
ti, edant.

C A P U T V I I I.

De Borace.

§. I.

BORAX, *Baurach*, sive *Chrysocolle alba*,
est albidum, compactum, fixum at-
que crystallinum concretum terreo sali-
num minerale, quod alumen & sal gem-
mæ formâ externâ valdè æmulatur &
sapore, ex lixivioso, terreo, atque
subsalso mixtum, possidet.

§. I I.

Vera hujus salis origo à medicis ac chymicis nondùm satis explorata est, & adhuc incertum existit, an inter naturalia, an artificialia producta militet. Nonnulli quidèm perhibent, in Indiâ orientali certam chryfocollæ, vel lapidis nitrosi speciem effodi, & indè singulari calcinatione, solutione in aquâ, coctione, & crySTALLIFICATIONE demùm ipsam boracem præparari (a) : Verumenimverò, relata adhuc indigent probatione, ac vero, me sentiente, parùm similia sunt. Si prima enim materia boracis locum inter vera fossilia obtineret, nec quicquàm aliud, quam memoratæ operationes chemicæ, ad ulteriorem præparationem esset necessarium, nullo prorsùs modo concipere possem, cur completa præparandi methodus chemicos, de detegendo hoc arti-

(a) » In Indiâ orientali, PAULUS HER-
» MANNUS in *Cynosura Mat. med.* p. 318.
» scribit, eruuntur ex fodinis terræ nitrosæ, quæ
» leviter calcinatæ in pulverem minutè coquuntur
» affusâ aquâ, vel lixivio forti, hinc exponun-
» tur, ut concrevant in crystallos, quæ rariùs in
» India ulterius præparantur, sed huc locorum
» translata ulterius solvuntur, crySTALLIFANTUR,
» donec pelluciditatem adipiscantur.

Qvj

370 *Seft. V. De Salinis Explicitis*
ficio admodùm follicitos, adhuc lateret.
Olim folis Venetis præparatio falini hu-
jus concreti nota fuit, & ideò borax
etiàm ordinariò borax Veneta dicitur,
poftèa autèm Batavis quibufdam confi-
ciendi, aut depurandi artificium, paritèr
innotuit, & noftirà igitur ætate major
quantitas à Batavis, quàm Venetis, ad
alias gentes transmittitur.

§. III.

Eandem incertitudinem circà veram
naturam, & principia constitutiva de-
prehendimus. Nam, licet fapor falinus,
& forma cryftallina, maximè autèm ef-
fervefcientiæ defectus, quando acida aut
alcalia affunduntur, de naturâ falinâ
mediâ plana afferant testimonia, in clarâ
tamen luce minimè pofitum eft, an aci-
dum vitriolicum, an verò culinare aut
nitrofum, itèmque an completum fal
alkali fixum, an terra duntaxat alcalinæ
indolis mixtionem ingrediatur. Si locum
interea conjecturis, chemicis tamen ra-
tionibus non priorfum deſtitutis, conce-
dere velimus, ſtatuerè omninò licebit,
boracem fal medium valdè terreum eſſe,
ex paucò acido vitriolico, paucâ ſubſtantiâ
unguin. ſc-inflammabili, copioſâ terrâ al-
calinâ vitrefcibili; & multâ pariter aqua,

quæ in unicâ boracis librâ civili septem propemodùm uncias pondere æquat, conflatum. Nam 1. exiguam acidi, boraci in hærentis, portionem nullum acidum, ut ut gravissimum ac potentissimum, multò minus solus ignis ficcus expellit, 2. borax in igne spumescendo expanditur, fluorem atque reductionem metallorum promover, & cum sale tartari destillata, aquam pinguem, unguinosam, & saponaceo sapore præditam, largitur, 3. solutio boracis aquosa varias solutiones metallicas, & minerales præcipitat, aurantiumque colorem solutioni mercurii sublimati inducit, syrupum violarum viridem reddit, è sale ammoniaco pauxillum urinosi exturbat, & sapore insuper nonnihil lixivioso gaudet, & 4. borax post phlegmatis expulsionem primo in calcem albissimam, in aquâ iterùm solubilem, tandèmque, ipsâ accedente fusione, in vitrum, quod novam in aquâ solutionem respuit, mutatur.

§. I V.

Borax solidas corporis partes, quod ex remissiori sapore cognoscere possumus, non adeò validè quidèm stimulat, vasa nihilominùs, ac fibras musculorum moxice blandâ actione suâ ad fortio-rem

372 *Señ.V. De Salinis Explicitis*
contractionem egregiè excitat, & humorum, impetum imprimis facientium, influxum atque circuitum vegetiorem reddit; hinc efficacissimum quoque atque specificum remedium in obstructione mensium, suppressione urinæ, partu difficili, & placenta uterinæ retentioneprehenditur, præsertim, si eidem in casibus posterioribus crocus orientalis, cinnamomum, succinum & similia, in dysuriâ, ischuriâ & calculo autem pulvis cochinillæ, millepedum præparatorum, aliaque appropriata, decenti quantitate, adduntur. Locum paritèr intèr moderata aphrodisiaca obtinet. Datur in pulvere, à granis aliquot ad drachmam semissem, scrupulos duos, immò drachmam integram, & refractâ quoque dosi variis aliis compositionibus, v. g. potiunculis, bolis, electuariis &c., miscetur.

C A P U T V I I I.

De sale ammoniaco.

§. I.

SAL AMMONIACUM, *Sal-miaçk*,
Sel Ammoniac ou *Sel Armoniac* quod
etiam tal *Hammoniacum*, *Ammonium*,
Cyrenaicum, *Armeniacum*, *Armoniacum*,

itemque *Sal arena* & sic porro vocatur, est albidum, splendens, crystallinum, ac volatile sal neutrum, valde acri & ingrato sapore falso-urinoso præditum.

§. II.

Scriptores veteres ac multi paritèr neotericorum sal ammoniacum in *nativum* atque *factitium* dividunt, & prius quondam in Armeniâ, nec minùs in Cyrenai-
co Africae deserto, maximè circa templum *Jovis Hammonis*, & alibi, in arenâ, camelorum urinâ largiter conspersâ, à sole generatum fuisse, immò, hodiernum simili modo generari, perhibent: Attamen inutilis planè atque superflua hæc distinctio est, quoniàm verum atque completum sal ammoniacum, quale in Officiis prostat venale, nostris non minùs, quàm priscis temporibus, locum suum unicè inter producta artis obtinuit, nec unquàm nativum, vulgari simile, in ullo terrarum angulo repertum fuit, etiamsi MAURITIUS HOFFMANNUS tale quid in regno *Neapolitano* prope *Puteolos*, in loco, ob sulphureos, quos eruëtat, fumos, *Solfatara* dicto, fese invenisse referat (a). Formæ exter-

(a) In Act. Laborat. chymici Altorf. p. 199.

næ enim atque saporis similitudine sine dubio deceptus fuit, & flores salis marini, per ignem violentum subterraneum sublimatos, vel aliud concretum analogum, quod, ob raritatem & quantitatem exiguam, ulteriori examini submittere noluit, pro vero sale ammoniaco habuit.

§. III.

Nostro ævo, magnâ quantitate in *Ægypto* paratur, nec dubitandum est, quin antiquissimis quoque temporibus ibidem copiose pridem paratum fuerit. Referente nimirum *Domino* L E M A I R E, qui *Cairi* aliquamdiu Consulis Gallici muneri præfuit, non tantum *Damiræ*, sed et am *Cairi*, & in duobus aliis *Deltæ* oppidis, è fuligine sublimatur, quæ in ductibus caminorum, in quibus massæ seu placentæ orbiculares, è stramine, & jumentorum stercore, probè invicem subactis, paratæ, comburuntur, & in hisce regionibus, ubi maxima lignorum penuria est, ad cibos coquendos adhibentur, colligitur. Lagenæ vitreæ, in quibus sublimationem suscipiunt, tormenta bellica globosa (*Bomben*) externâ suâ formâ æmulantur; colli longitudo pedem dimidium, ventris capacitas seu

potius diameter pedem integrum cum dimidio æquat. Luto extrinsecus obductæ, fuligine, fermè ad collum usque, replentur, ita, ut spatium vacuum quatuor duntaxat digitorum transversalium remaneat; collum quoque vacuum relinquitur, & apertum. Quævis lagena ventricosa loricata quadraginta circiter libras fuliginis capit, & sex libras salis ammoniaci suppeditat. Furni, in quibus sublimatio instituitur, quodammodo cum furnis pistorum conveniunt, & in tegmine, seu parte superiori tornicatâ multis aperturis seu foraminibus instructi sunt. Foraminibus hisce lagenæ memoratæ ita imponuntur, ut collum solummodo promineat, & spatia, lagenas & furni lapides intermedia, luto replentur. Quilibet horum furnorum sedecim vitra sublimatoria, & laboratorium quodcunque octo furnos continet; hinc in unico laboratorio, in 128. vitris, sublimatio simul peragitur, & unâ vice 768. libræ salis ammoniaci colliguntur. Ignis in furnis hisce per integros sex dies, totidemque noctes conservatur, & animantium stercorebus exsiccatis, stramine mixtis, alitur. Primo die per orificium colli apertum phlegma exhalando prodit; die secundo ipsa salis ammoniaci sublimatio contingit,

376 *Seçt. V. De Salinis Explicitis*
idemque collum lagenæ obstruit; & die
tertio non tantum sublimatio ampliùs
protrahitur, sed elementa quoque arctiùs
uniuntur, & tal perfectius redditur. Pe-
ractis hisce, operarii, infrà collum in
ventre lagenæ, exiguum foramen, po-
stea luto rursùs obturandum, faciunt,
ut per intervalla, luto remoto, inspicien-
do explorare queant, an tota subliman-
dæ materiæ moles evecta sit, & sal ipsum
ad desideratam perfectionem pervenerit.
Tandem, ignem extinguunt, & placen-
tas salinas è lagenis refrigeratis, & dif-
fractis eximunt. (a) Quotannis, quod
adhuc addendum est, in memoratis, cœ-
terisque Ægypti laboratoris ultrà 2000.
centenarii salis ammoniaci prædictâ me-
thodo conficiuntur.

§. I V.

¶ Sic sese *Mairiana* quidè relatio ha-
bet, certo nihilominùs certius est, ean-

(a) Sublimatione absoluta totum laborem
peractum esse, haud credendum erit, sed vero
potius videtur simillimum, operarios exemptas
placentas rariores, solvendo in aquâ, ac rursùs
coagulando, demum ad consistentiam compac-
torem, & formam nonnihil crystallinam dedu-
cere. Conf. NEUMANNI *Lect. de Sale am-
moniaco* p. 192. seq.

dem, intuitu ingredientium, adhuc incompletam esse. Impossibile enim est, ex solâ fuligine oleoso urinosa sal medium ammoniacale sublimari posse, sed ejusmodi omninò corpus simul miscendum erit, quod acido minerali tertio, sive culinari, vel explicito, vel implicito, adeoque sub operatione demùm evolvendo, gaudet. PAULUS LUCAS (a), operarios sal marinum addere testatur: Attamen, cum istud, absque congruo additamento, acidum suum in igne sicco dimittere obstinatè renuat, ejus pariter relatio nondùm exacta, atque completa deprehenditur, & dudùm igitur *Excell.* PORTIUS (b) rectè suspicatus est, non ipsum sal marinum fuligini misceri, sed potiùs muriam semi-alcalinam, post depurationem illius, aut primam evaporationem ac crySTALLISATIONEM copiose relictam: » De lixivio, scribit, » à coctione salis relicto non crySTALLIFILI non ignotum est ex *Exc. Hoffmanni Obs. chymicis* p. 194; quod istud » *Mutter-Sohle* (etiam *wilde Sohle*) vocent, difficiliùs sit coagulabile, in aere

(a) *In der Beschreibung seiner dritten Reise nach der Levante* p. 208.

(b) *In Obs. & Animadvers. de Sale communis* p. 17.

„ deliquescens, in spiritu vini solubile,
 „ ab oleo vitrioli coaguletur prodeunte
 „ spiritu salis, quodque ab oleo tartari,
 „ vel sale alcali coaguletur, & separari
 „ possit in sal durum (regenerato simile)
 „ & terram albam, Magnesiæ nitri æmu-
 „ lam....Sed quòd ex hoc magmate cum
 „ urinosi perfectum sal armoniacum ge-
 „ neretur, istud quidè nemo hætenus,
 „ quantum sciam, advertit, & non in-
 „ commodum foret, hoc experimentum
 „ cum variis urinosi ulterius profèqui,
 „ ne cogeremur sal hoc ex Ægypto sem-
 „ per petere, cum hac ratione utique,
 „ & hic locorum facilè parari possit, dùm
 „ muria hæc tanquàm inutilis in Salina-
 „ riis abjicitur, nec ejusmodi concreta,
 „ quæ sale urinoso scatent, ubique defi-
 „ ciant: Auguror proindè, in locis Ægy-
 „ ptiis forte itidem ejusmodi muriam, ab
 „ exsiccatione, vel depuratione salis ma-
 „ rini residuam, ab incolis ad ejus fabri-
 „ cam adhiberi, ejusque rationem ab iis
 „ vel occultari, vel, prout Mechanicis
 „ solenne est, ignorari, & pro puro sim-
 „ plici sale æstimari &c.

§. V.

Præter pingue atque volatile sal alcali-
 cum, acidum quoquè, & quidè præci-

sè *acidum minerale tertium*, quod naturaliter in sale culinari hæret, ad perfecti salis ammoniacalis compositionem requiritur. Si eidem enim *acidum minerale primum & secundum*, vitriolicum videlicet & nitrosum, substituitur, nunquam ordinarium atque perfectum sal ammoniacum ex unione resultat, & concretum inde enatum igne violentiori facile iterum destruitur; uti hæc dudum GODOFREDUS experimentis chemicis comprobavit: Recepit nimirum unciam unam spiritûs nitri, & drachmas quinque salis volatilis urinosi, & mixta forti igne è retortâ destillavit; at nihil transcendit, nisi liquor limpidus atque inodorus salinus, & in retortâ saltèm macula relicta est, citrà ullam salis ficci sublimationem. Deindè mixturam ex partibus octo spiritûs sulphuris, per campanam facti, & partibus 51 salis volatilis urinæ distillationi subjecit; verùm, nihil quoque obtinuit, nisi liquorem alcalinum, & paucos flores, qui, instâr fatinæ, albi erant, & per se nullo planè modo in corpus siccum redigi poterant. Similia observavit, quum *acidum aluminis & vitrioli* cum prædicto sale urinæ misceret. (a).

(a) V. *Memoir. de l'Acad. Royal. des Sciences ann. 1720. p. 249.*

§. V I.

Proportio salis alcalici urinofi, & acidi culinaris ità in ordinario sale ammoniaco comparata est, ut prius quantitate longè superet posterius. B. FRID. HOFFMANNUS ex lib.â civili salis ammoniaci duodecim ferè uncias, TOURNEFORTIUS ex unciis quindecim uncias decem, NEUMANNUS ex librâ unâ ultra tredecim uncias, immò GODOFREDUS ex æquali quantitate quindecim uncias salis urinofi, sese obtinuisse affirmant. Indicatae partis urinosaë quantitates, præsertim posteriores, tantæ sunt ut fidem relatis simpliciter nec adhibere audeam, nec denegare. Credo potiùs fallaciam quandam subesse, & sub operatione non veteram eductionem, sed novam pariter salis urinofi productionem accidisse. Notandum quippe est, 1. dissolvendo salis ammoniaco plerumque alcali fixum addi, 2. in sale ammoniaco, nondùm novâ sublimatione depurato, nultum olei empyreumatici, cujus inhæSIONem detonatio cum nitro fluente prodit, hospitari, & 3. salia alcalia fixa, accedente substantiâ unguinosa inflammabili, maximè autem oleo empyreumatico, in igne aut leni saltèm calore facile quoad partem ali-


quam in urinosum mutari. Quicquid interea sit, pars urinosa præ acidâ in hoc sale prædominium obtinet, & inde quoque præcipua ratio petenda videtur, cur sal ammoniacum integrum, citrà ullam mixtionis suæ destructionem sublimari possit. Volatilitatis quidem causa ad acidum elementum nonnihil quoquè redundat, primarium nihilominus ejusdem fundamentum in copiosissimâ salis urinosi inhæsiōe quærendum erit.

§. VII.

Sal ammoniacum, sublimatione imprimis depuratum, ac volatilius redditum, inter potentissima *incidentia* & *abstergentia* salina mediæ naturæ sibi locum vindicat, & in pertinacissimis proinde viscerum, aliarumque partium obstructionibus chronicis, à muco tenaci & solidorum atoniâ oriundis, singularia meretur elogia. Specialiùs proinde in febribus intermittentibus, præsertim rebellibus quartanis, nec minùs in vitis appetitûs & digestionis, è largâ cruditarum acido-viscidarum collectione promanantibus, obstructionibus glandularum, durâ abdominis intumescentiâ apud infantes, nephritide pituitoso-sabulosâ, asthmate pituitoso, cachexiâ, hydropè hu-

mido incipiente, suppressione fluxûs menstrui, urinæ, & sic porro, cum fructu insigni propinari poterit. Additur pulveribus, potiunculis, infusis aquosis & decoctis, immò, solum in aquâ simplici solutum, à granis quinque ad scrupulum, quin drachmam semissem, exhibetur: Monendum tamèn, sic dictos flores, simplici sublimatione parandos, longè minori semper quantitate, quàm vulgare sal ammoniacum, præscribendos esse, quoniam activitate eminentiori pollent. Externè gargarismata, in raucedine, laxitate uvulæ, tumore glandularum salivalium, anginâ spurâ, & aphtis infantum benignis adhibenda, ingreditur, & interdùm quoque melli rosarum, aliisque unguentis ac linimentis, quæ ad sordida ulcera depuranda præscribuntur, modicâ quantitate additur.





SECTIO SEXTA.

De Austeris Stypticis.

CAPUT PRIMUM.

De differentiâ & naturâ Austerorum.

§. I.

AUSTERA, ACERBA, ob primariam, quâ pollent virtutem, *adstringentia, constricloria, styptica*, dicta, intuitu distinctæ indolis genericæ, atque principiorum, in *terreo gummosa, terreo-resinoso-gummea, acido-terrea aluminosa, & acido-metallica vitriolica* dividenda sunt: Piora in regno vegetabili, posteriora in regno minerali occurrunt.

§. II.

Principium, quod propriè austerum

CARTH. *Mat. Med. Pars. I.* R

atque stypticum vocari meretur, fixam obtinet indolem, nec unquam, citrà mixtionis destructionem, in sublime evehi potest; hinc hujusmodi etiàm concreta, (si pauca quædam è vegetantium censu, quæ simul singulari principio volatili, oleoso-inflammabilis naturæ, gaudent, exceperis), nulla effluvia odorata spargunt, multo minùs spiritus, aut aquas destillatas, astrictoriâ, aliâque virtute medicâ instructas, reddunt. Præteritis quidè temporibus multæ aquæ destillatæ in officinas pharmaceuticas introductæ fuerunt, quibus hodiennùm ab ignaris astrictoria virtus tribuitur; at, singulis debitè pensitatis, manifestum est, aquam transillantem, vel nullas planè particulas activas secum ducere, vel moleculas, simul è quibusdam transeuntes, non stypticæ, sed alteriùs planè naturæ esse. Sic radix bistortæ v. g. aquam destillatam prorsùs inertem, radix tormentillæ autèm odoratam quidè, nullis tamèn particulis austeris ac stypticis, sed temperatis duntaxat balsamicis prægnantem, suppeditat.

§. III.

Styptica terreo- & metallico- salina primario quidè è *terra minerali* aut *metal-*

lo, & *acido gravissimo ac potentissimo*, corrosionis beneficio unitis, componuntur, pauxillum nihilominus *substantia cujusdam unguinoso-inflammabilis* iisdem admixtum esse, observationes & experimenta nonnulla satis testantur. Ex vitriolo martis v. g., ad rubedinem usque calcinato, observante PATERSONIO HAIN (a), aceto destillato tinctura sanguinei coloris extrahitur, dulci, nec adeo acerbò, sapore prædita, quæ, ad consistentiam spissiusculam destillatione redacta, oleum quasi referebat, primo aspectu nigricans, soli autem ac lumini obversum, rubicundissimum, & acido-dulce, ita ut dulcedo, linguæ & faucibus impressa, diù inhæreretur. Ex librâ unâ & dimidiâ vitrioli uncias quinque hujus liquoris, quoad habitum externum oleosi, obtinuit. Sub destillatione primò totum rubebat recipiens, & liquor rubicundus guttatim è collo retortæ destillabat. Circa hoc experimentum monendum est, 1. liquorem laudatum contactu quidem fuisse pinguem, nequaquam tamen perfectum oleum, 2. unitam substantiam unguinosam non prodiisse ex solo vitriolo,

(a) Vid. Miscell. Acad. N. C. G. ann 2.
Obs. 117. in appendice.

sed simul ex aceto , & 3. non simplicem hic , atque nudam contigisse separationem , sed novam pariter syncrisin , ita ut ex potenti vitrioli acido , & phlogisto aceti liquor pinguis resultaverit. Lucem quoque accendunt , & unguinosi principii præsentiam in vitriolo probant experimenta , à G O D O F R E D O (b) quondam cum concreto hoc salino suscepta. Duas scilicet libras vitrioli viridis martialis in f. q. aquæ simplicis dissolvit , & solutionem filtratam ad crySTALLISANDUM reposuit. Cum crySTALLI concretæ rursus solverentur , solutionem suppeditabant , quæ , exactis aliquot mensibus , rubrum induebat colorem , & linguæ saporem stypticum quidè , at longè moderatiorem , quàm recens vitrioli solutio , imprimebat. In fundo sat notabilis terræ flavæ portio præcipitata conspiciebatur. Elapso biennio , & humiditate , paulatinâ exhalatione prorsus ablatâ , in fundo corpus vitriolicum viride , ac pulchrè crySTALLINUM remansit. CrySTALLI jacebant in copioso limo subtili cinerei coloris , & inter crySTALLOS efflorescentiæ quædam conspicuæ erant , instar fungorum , coloris flavescentis , contactu pingues , quasi

(b) Vid. *Memoir. de l'Acad. Royal. de Sciences*, ann. 1713 p. 225.

butyraceæ , quæ , digitis compressæ , paululum liquecebant. Hæc materia , æri libero humidiusculo per aliquot dies exposita , in liquorem ex brunno rubrum atque unctuosum , saporis tamèn valdè styptici , difflebat. Alio tempore crystallos vitrioli , radiis solaribus aliquamdiu expositas , in pulverem album , farinaceum , fixissimum , redegit , eundemque postea in s. q. aquæ pluvialis solvit , & solutionem , aliquot dies ad solem digestam , per filtrum trajecit ; sic terra quædam flava ochracea , quæ crocus martis erat , in filtro relicta fuit. Solutio per chartam bibulam transmissa , ac rursus ad solem evaporata , ex parte crystallifata , ex parte in massam informem exsiccata fuit , superflite paucoduntaxat liquore rubicundo styptico , contactu pingui. Liquorem hunc separavit , & crystallos , unà cum massâ coagulatâ informi , denuò ad solem calcinavit , pulverem enatum aquâ solvit , & solutionem filtravit ; sic iterum , præmissâ solutionis digestionem ad solem , terrâ ochraceâ in filtro relicta , liquor pinguis rubicundus separatus , & crystalli quædam genitæ fuerunt. Hunc laborem toties reiteravit , donec omne vitriolum in terram ochraceam , & prædictum liquorem rubicundum

388 *Seft. VI. De Austeris Stypticis.*
dum , pinguem , ac stypticum , refolu-
tum eſſet.

§. I V.

Quemadmodum ſtyptica mineralia alu-
minofa & vitriolica acidum graviffimum
& terram crudiorẽ mineralem, aut com-
pletum metallum in mixtione ſuâ fœvent ;
ſic gummoſa , & gummeo-refinoſa ſub-
ſtantia in auſteris vegetabilis proſapiæ è
terrâ, comparativè *teneriori*, *paucâ mate-*
riâ olcoſâ, aut ſaltẽm *unguiñoſo-inſtam-*
mabili, & *acido* itidem *leviori*, compo-
nitur. Binæ v. g. uncix cum ſemiſſe,
radicis tormentillæ dederunt, cum eandẽ
ex retortâ, igne ſicco, per gradus aucto,
deſtillarem, 1. *aqua pellucida*, *debili odo-*
re atque *ſapore empyreumatico*, nequa-
quàm tamen *ſtyptico*, præditæ, drachmas
duas, 2. *liquoris flavefcentis*, tandemque
brunni unciam dimidiam & grana duo-
decim, 3. *olei empyreumatici è brunno-*
nigricantis circiter drachmas tres. *Caput*
mortuum terreſtre pendebat unciam unam
& drachmas duas. Liquor flavo-brun-
nus ſapore pollebat acido & empyreumati-
co, ac manifeſtè cum alcalicis efferveſce-
bat, turbidus tamen reddebatur, atque
lutoſus. Similia quoque eliciuntur è *radi-*
ce biſtorix, *terra Catechu*, & reliquis.

Notari tamen debet, terram sive succum inspissatum Catechu ante destillationem aquâ nonnihil humectandum esse; aliàs valdè spumescit, ac vehementi expansione suâ, facilè vasa disrumpit. Ex unciis quatuor conjunctim tres circiter uncie *liquidi aquei, acidi spirituoſi, & olei crassæ ac brunni* prodeunt. Remanet uncia una *capitis mortui terreſtris*, quod, aqua elixiviatum, grana duodecim *salis fixi alcalici*, ignis sicci vehementiâ demum generati, largitur: Oleum quoque jam aliquot guttulis *spirituoso-urinosæ indolis* remixtum observatur (a).

§. V.

Solutiones aqueæ stypticorum vegetabilis profapiæ, injecto pulvere, aut instillatâ solutione vitrioli martis, protinus colorem induunt rubentem, violaceum, nigrum, eundemque denuò amittunt, ac pristinam recuperant pelluciditatem, quando decens olei vitrioli quantitas infunditur. Eadem paritèr observantur, quotiès solutioni vitrioli martis pulveres vegetabilium stypticorum, v. g. gallarum &c., aut eorum infusa aquea

(a) Conf. Memoir. de l'Acad. Royal. des Sciences ann. 1709. P. 293.

390 *Secl. De VI. Austeris Stypticis.*
adduntur. Absolutè autèm vitriolum martiale requiritur; cum venereo enì memorata haudquaquàm succedunt, sed, loco coloris nigri, flavescens, ac lutosus ex hac miscelâ resultat. (a).

(a) Non perindè igitur est, an sub *atramenti* confectione martiale, an venereum vitriolum recipere velimus, sed martiale absolutè necessarium est. Ratio hujus phænomeni mihi cæteroquin sequens esse videtur: Quandò solutioni aquosæ vitrioli martis pulvis aut solutio astringens, v. g. gallarum, rad. bistortæ, tormentillæ &c. miscetur, acidum vitrioli confestim moleculas martiales deferit, & terram porosiores pulveris styptici aggreditur, eamque corrodit; particulæ martiales ex adverso, non amplius ab acido solutæ, lentè, ob texturam porosam, præcipitantur, simul cum quibusdam resinoso-gummeis, quæ iis sub præcipitatione tenacius adhærescunt, ita tamèn, ut priores non penitus ad fundum descendant, sed aquæ poris innatent, & sic radios lucis transeuntes absorbeant; undè color niger oritur. Memoratæ moleculæ martiales omninò leviores esse debent, tum ob texturam porosiores, præcedente corrosione indutam, tum etiàm ob consortium & adhæSIONem partium resinoso-gummearum; & indè etiàm fit, ut fundum non penitus petant, sed in poris quasi suspensæ hæreant. Negari intereà nequit, atramentum in parte inferiori semper crassius esse, atque majori tinctum nigredine, quàm in parte superiori, quoniam moleculæ martiales, quæ liquori ægrè innatant, magis versùs fundum descendunt & descendere nituntur. Instillatâ cæteroquin sustin-

CAPUT II.

*De modo operandi atque virtute
Austerorum.*

§. I.

Generales horum medicaminum effectus in corpore animantium ad aliquam fluidorum coagulationem, & fortiorem scienti olei vitrioli quantitate, præcipitatae particulae martiales iterum solvuntur, restituitur vitriolum in aquâ solubile, diparet nigredo, redit pelluciditas. Inde rationem discimus, cur macula atramentosæ recentes vapore acido sulphuris accensi, succo citri &c. in linteis rursùm extingui queant. Acidum videlicet moléculas martiales, lintei poris immerfas, iterum solvit, & vitriolum reducit, quod postea facile aquâ solvi ac elui potest. Relinquitur tamén persæpè macula flavesens, quæ à quibusdàm moléculis martialibus, tenaciùs inhaerentibus; partim etiàm à stypticis resinoso-gummeis, quandoque relictis, derivanda est. Modo prædicto fortassis etiàm color cœruleus oritur, quando solutio aluminis & vitrioli martis, partim sibi relictæ, partim ad rubedinem calcinati, cum solutione alcali-resinoso-gummeâ, è sanguine bovino exsiccato, & sale tartari extemporaneo, vehementissimæ calcinationis & exsiccationis beneficio, paratâ, miscetur. Contingit tamén hic perfecta præcipitatio, & magisterium pulchrè cœruleum,

R v

inprimis *solidorum ad- & constrictionem* redeunt : Hinc ratio protinùs manifesta est , cur pharmaca hæc , vasa nimium dilatata , rursùs coangustare ; quin penitùs nonnunquàm occludere , & fluida justò renuiora reddita , aut in motum orgasticum redacta , leniter temperare , increpescere , adeoque decentem illis systasin reddere valeant. Operatio eorum , quod addendum duco , mitior redditur , eademque non contemnenda roborantia evadunt , quandò salinis incidentibus , & amaris abstergentibus refractâ saltèm dosi adduntur.

§. II.

Locum igitur , ritè tamen , opportunè ac moderatè usurpata , inveniunt 1. in morbis , a partium solidarum flacciditate oriundis , cujus generis sunt febres intermittentes , præsertim quartanæ , affectus cachectici , œdematosi , & cachectico-asthmatici , nec minùs prolapsus va-

vulgò *Ultramarinum animale* (*Berliner-Blau*) *Bleu de Prusse* , appellatum , in fundo colligitur , ob eam finè dubio rationem , quia alcali perfectum accedit , quod moleculis martialibus & terreis aluminosis acidum suum penitùs eripere , & sibi arctissime adunare valet. Conf. Stahl , in Opusc. physico-chym. p. 281. seq.

ginæ, uteri, & intestini recti, raucedo, laxitas uvulæ & gingivarum, dysuria ab atoniâ fibrarum renalium, herniæ, debilitas ligamentorum, post prægressas luxationes relicta, &c. 2. in *excedentibus hemorrhagiis*, quæ sanguinis orgasmo & præternaturali tenuitati, nec non vasorum laxitati aut rupturæ natales debent; 3. in *præternaturalibus profluviiis serosis*, materiâ corruptâ tamen, malignâ, morbificâ, antea debitè contemperatâ & educatâ, v. g. vomitu, cholera, diarrhœa, lenteria, cœliacâ, diabete, fluore albo, incontinentiâ urinæ, gonorrhœa simplici, ophtalmiâ serosâ senum, &c. & tandem 4. in *morbis soluta unitatis*, vulneribus videlicet, ulceribus, rupturis, fracturis & sic porro.

§. III.

Quum astringentia mitiora, tempestivè tamèn adhibita, solidorum flacciditatem & atoniam corrigant, adeoque, præcipua motuum instrumenta confortando, solennem liquidorum circuitum & influxum accelerent, spiritus paritèr humoribus resolvendis, & viscerum, aliarumque partium obstructionibus referendis (a) apta deprehenduntur, & ideo

(a) Causa obstructionum præcipua, respectu partium solidarum, vel *spasmus* est, vel *atonia*.

394 *Seç. VI. De Austeris Stypticis.*
etiã in passione hypochondriacâ , ob-
structione hepatis & lienis , ictero chro-
nico ; suppressione urinæ , hydrope , asth-
mate , &c. non contemnendam subindè
opem ferunt. Usus tamen admodum
circumspectus , præsertim fortiora , po-
stulant : Intempestivè quippe usurpata ,
non tantum in morbis prædictis , sed
multis quoque aliis plus noxæ afferunt ,
quàm auxilii. Ab eorum usu in specie ab-
stinendum erit , 1. ubi materia virulen-
ta , maligna , &c. prius eliminanda est ,
vel excretio critica instat , aut jam præ-
sens est (a) , 2. in hæmorrhagiis , a re-
fractariâ vasorum ac viscerum obstructio-

Præsentè hac posteriori , quæ persæpè fibrarum
flacciditati originem debet , humores lentè per
vasa circulant , adeoque spissitudinem contra-
hant , & postea , hinc indè subsistentes , obstruc-
tiones pariunt. Non tollitur itaque obstructio ,
nisi spissitudo humorum emendetur , hæc au-
tèm emendari , ac decens fluiditas restitui ne-
quit , nisi solidis flaccidis compactior rursus
textura , ac robur reddatur. Utrumque , robur
scilicet , & habitum compactiorem , astringen-
tia , tempestivè ac circumspectè usurpata , red-
dunt , & proindè decentem pariter circuli velo-
citatem , cum indè resultante justâ humorum
fluiditate , nisi proximè , tamèn remotè , redu-
cunt.

(a) Quoties diarrhœæ criticæ & dysenteria ,
inprimis maligna , temerè ab empiricis , & me-

ne, spasmodicis membranarum contractionibus, circulo sanguinis hinc inde sufflaminato, plethorâ, &c. oriundis, & 3. in obstructionibus, quæ stricturnæ spasticæ ac convulsivæ, vel etiâ scirrhis, aliisque tumoribus duris natales debent, (a).

dicastris per styptica sistuntur, toties corpus gravissimè læditur, ægri in majus præcipitantur periculum, & eorum plurimi imprudenti hac medelâ, vitâ orbantur. Materia enim caustica ac virulenta, in dysenteriâ vi retenta, intestina violentius adurit, & majorem erosionem, atque inflammationem gangrænosam, cui tandem lethalis sphacelus succedere debet, producit. In diarrhœis quidè noxæ mitiores metuendæ sunt, sat gravia nihilominus sanitatis incommoda inde nascuntur, æquè ac in gonorrhoeâ virulenta, quandò materiæ fulcerosæ excretio cohibetur, & pessimum igitur miasma altius in corpus penetrare cogitur; quæ veritas, si prolixitas hoc loco placeret, & instituti quoque ratio postularet, multis exemplis specialibus abundè probari posset.

(a) *Martialia*, præsentè passione hypochondriacâ, nunc inter heroica & saluberrima remedia militant, nunc meritò æstimanda sunt perniciosissima. Nam, in principio statim oblata, quandò spasmi vigent, & viscerum obstructiones, cum plethorâ ac circulo sanguinis irregulari, aut penitus hinc inde sufflaminato, adhuc præsentès sunt, fortì, quam efficiunt, constrictione, spasmos exorbitantes, & obstructiones augent, circuli libertatem magis tollunt, & hæc

CAPUT III.

De Radicibus Tormentilla & Bistortæ.

§. I.

RADIX TORMENTILLÆ SYLVESTRIS;
(*Tormentille*) *Tormentill*, oder *Rubr-*
Wurtzel, aliàs etiàm *Radix Eptaphylli*,

ratione asthma, tumorem atque duritiem ventris, quin ipsum hydropem, creberrimè provocant. Educto autèm per venæsectionem sanguine superfluo, referatis etiàm viscerum obstructionibus, ablatiis penitùs, vel notabiliter tamèn mitigatis spasms, cum fructu insigni, ad tollendam atoniam, ac robur reducendum, in usum vocantur. Simile judicium de *cortice Peruviano* ferendum, qui summum omninò febrium intermittentium, præsertim quartanæ, remedium est, si sùm demùm exhibetur, quandò humorum viscositas emendata, saburra primæ culinæ resoluta, & educta, ac viscerum pariter obstructiones per præmissa congrua remedia ablatae sunt. Nam tunicarum ac membranarum flacciditatem tollit, &, vegetiorem contractionem restituendo, motus naturales promovet. Contrarius effectus sequitur, si intempestivè, h. e. in principio obstaculis indicatis nondùm remotis, propinatur, & prava pathemata, pertinacissimas nempe obstructiones hepatis, lienis, mesenterii, itemquè œdema pedum, hydropem, asthma & similia ut plurimum supervenire, multiplici experientiâ comprobata est.

Consolida rubra, & sic porrò appellata, est radix dura, nodosa, pollicem crassa, colore foris obscurè brunneo, intùs flavo aut fusco rubente, sapore moderatè acerbo, & odore, si contunditur, aut cum aquâ coquitur, instar fœni recentis, ingratè ballamico seu herbaceo donata.

§. II.

Prætèr odoratas quæsdam particulas, inflammabilis prosapiæ, quæ cum aquâ alembicum transcendunt, eidemque debilem odorem herbaceum, similemque saporem, nullo prorsùs modo stypticum, communicant, copiosum principium fixum terreo-gummosum, paucis particulis resinosis remixtum, possidet; hinc infusum quoquè aquosum, instillatâ solutione vitrioli martis, illicò nigrum colorem induit. Ex unâ radicis uncia drachmas duas & scrupulum, dimidium extracti gummosi puri, & pauca grana substantiæ resinosæ obtinui. Extractum inodorum gummosum colore è rubro ac brunneo-nigricante, & sapore valdè astringente gaudebat, Cum istud rursùm aquâ solveretur, & solutioni liquor fixus alcalicus infunderetur, turbida evadebat, ac multùm terræ ad fundum dimittebat, quæ iterùm tamèn, instillata aquâ forti,

solvebatur. Ipsum quoque infusum aquosum, ante evaporationem, pelluciditatem, atque colorem bruneo-rubrum non adeò diù retinebat, sed, brevi elapso tempore, etiamsi debitè fuisset filtratum, fiebat turbidum, & colore bolum Armeniæ, vel lateres contusos referebat, pelluciditatem tamèn ac pristinum colorem sub evaporatione recuperabat; manifesto documento, substantiam gummosam valdè terream esse, & hujus commatis partes crassiores sub solutione in aquâ frigidâ quodammodò quidèm partium unguinoso-acidarum consortium deferere, accedente nihilominùs calore, arctiùs denuo cum iis combinari,

§. III.

RADIX BISTORTÆ MAJORIS, (*Bistorte*) seu *Radix Serpentaria rubra*, *rothe Natter-oder Schlangen-Wurtzel*, est radix oblonga, pollicem crassa, tuberosa quasi, atque nonnihil geniculata, saporis intensè austeri, odoris nulliùs, coloris extrinsecùs spadiceo-nigricantis, intùs verò pallidè rubentis.

§. IV.

Particulis volatilibus odoratis destituitur, quoad *fixa* autèm *principia terreo-re-*

sinoso-gummea cum radice tormentillæ convenit, præterquàm, quòd longè majori virtute adstrictoriâ prædita reperitur. Uncia una radices, cum aquâ simplici digesta, infusum brunneo-nigricans, intensè stypticum, & illud postea extractum suppeditavit, quod tres propemodùm drachmas pendebat, & colore è rubro-nigricante, jucundè splendente, maximâque vi adstrictoriâ donatum erat. Particulæ resinosæ, è residuo vini spiritu extractæ, vix aliquot grana pondere suo æquabant: Undè patescere opinor, principii resinosi nullam singularem habendam esse rationem, sed virtutes hujus radices primariò ad gummosum principium redundare.

§. V.

Radix bistortæ inter *fortissima adstringentia* referri meretur, tormentillæ autem radix paulò remissioribus in hoc passu viribus gaudet, & aliquam insuper virtutem *discutiendi* obtinet. A plerisque quidè scriptoribus radices hæ in vomitu diarrhœis, fluore albo, dysenteriâ, hæmoptysi, aliisque profluviiis præternaturalibus, tam serosis, quàm sanguineis, nec minùs in febribus intermittentibus, præsertim

400 *Seçt. VI. De Austeris Stypticis.*
quartanâ (a). variolis, Morbillis, peste,
cæterisque febribus malignis, itẽmque
in herniis, ulceribus, vulneribus &c.
simpliciter commendantur: Verũm, pro
meâ sententiâ, in morbis indicatis, & si-
milibus non promiscuè, sed admodũ cir-
cumspectè exhibendæ erunt, immò, in
nonnullis, v. g. dysenteriâ &c. nunquã
ferè cum desideratâ securitate propinari
possunt. In ejusmodi quippe casibus solum-
modò locum inveniunt, in quibus medi-
cus rationalis, debitè prius exploratis ve-
ris morbi causis, & præmissis præmit-
tendis, valida ad- & constringentia, pro-
priè talia, proficua non minùs, quàm
necessaria judicat. Nullam sufficientem
quoque virtutis bezoardicæ rationem co-
gnosco, nisi ea forsan in leni fibrarum
atque vasorum constrictione, & in debi-
li insimul apud radicem tormentillæ dis-
cussione, indeque derivandâ virtute dia-
pnoicâ, fundamentum habeat. In mali-
gnis enĩ febribus solidorum contractio.

(a) Nonnulli medicorum radicem bistortæ &
tormentillæ cortici Peruviano viribus, non dis-
similem judicant, & utriusque pulverem, cum
extracto quodam amaro, v. g. absinthii, trifolii
sibrini &c. in pillulas redactum, in rebellibus fe-
bribus intermittẽtibus parem effectum edidisse
testantur.

Secl. VI. De Austeris Stypticis. 401
ordinario valdè languida , & perniciosissimo fermento febrili expellendo impar , deprehenditur , adeoque moderata ac blanda constrictio non planè inutilis videtur. Cavendum saltèm , ne inductâ nimia constrictione , pori cutanei , & tubuli capillares magis occludantur , & certius ideò impuritates eliminandæ , in summam ægri perniciem , retineantur. Ingrediuntur tincturas , infusa aquosa & vinosa , & bistortæ radix subindè pariter inter pulveres recipitur , ità tamèn , ut dosis aliquot grana non facilè excedat. Externè in ulceribus , vulneribus , hæmorrhagiis , rupturis , fracturis . herniis &c. interdùm usum inveniunt , & decoctis atque infusis traumaticis & stypticis adduntur.

C A P U T I V.

De Cortice ac Floribus Garnatorum.

§. I.

CORTICES MALI GRANATI
sive *Pomi Punici* (*Ecorce de Grenade*)
Granaten-Schaalen , vulgò *Malicorium*
dicti , sunt duri , coriacei , nonnihil ru-

gosi, coloris extrinsecus è luteo - spadicci, intus flavescentis, saporis austri, odoris nullius. Maximè ad nos mittuntur ex *Hispaniâ, Lusitaniâ & Galliâ*, in quibus regionibus uberrimus horum fructuum proventus est. Crescunt quidè hinc indè in hortis nostrarum quoque regionum mali Punicæ, ast poma rarissimè, etiamsi arbores frigido tempore in hibernaculis collocentur, ad debitam magnitudinem atque maturitatem perveniunt.

§. I I.

Solo propemodum, eoque copioso; *principio terreo - gummoso* instructi sunt: Una enim uncia dimidiam ferè unciam extracti gummosi, brunneo - nigricantis, splendentis, valdè austri, inodori, & pauca duntaxat grana substantiæ resinolæ reddit. Infusum aquosum saturatè brunnū colorem obtinet, & adhuc calidum debilem odorem ingratum spirat, qui post evaporationem tamèn in extracto prorsus perit, ut ideò satis pateat, activa malicorii principia solummodò fixa terreo gummosa esse.

§. I I I.

Satis potenti virtute astrictoriâ pollent.

& in singulis proindè morbis, in quibus astringentia, propriè talia, proficuà censentur, in usum vocari possunt. Nonnulli iisdem singularem quoquè virtutem anthelminticam tribuunt, quam ego tamèn seriò defendere vix audeo, quum parùm rationis circà eam subesse videatur. Nam licet leniora astringentia, digestionis & chylicationis organa nonnihil roborando, aliquid ad minuenda cruditates putrido-mucidas, quæ vermibus intestinalibus nidum ac pabulum largiuntur, conferre valeant nondùm tamèn propriè ità dicta virtus anthelmintica indè fluit. Exhibentur in infuso & decocto tam aquoso, quàm vinoso, à scrupulo dimidio ad drachmam integram & ultrà & externè decocta styptica nec minùs gargarismata, collyria, & clysteres astringentes ingrediuntur.

§. I V.

Cum corticibus granatorum, quoad indolem, principia activa, & vires medicas, conveniunt BALAUSTIA sive FLORES MALI PUNICÆ, & iis igitur in casu quocunque substitui possunt. Pertinent quoquè huc GALLÆ, quæ nunquàm tamèn ob principia terreo-resinoso-gummea rudiora, ac nimium stypti-

404 *Seçt. VI. De Austeris Stypticis*
tica, internè adhibentur, sed saltèm ex-
ternè usum inveniunt.

C A P U T V.

De Terrâ Japonicâ.

§. I.

TERRA JAPONICA sive CAT-
CHU, siccitate, duritie, & reliquo
habitu externo nonnihil quidem terrea
concreta æmulatur, nullum tamèn lo-
cum inter veras terras obtinet, sed inspif-
fatus, induratus, nigricans, vel ex rubro-
fuscus, inodorus, valdè austerus, suc-
cus vegetabilis, resinoso gummeus est.
Non nascitur quoque, uti quondàm me-
dici, ac pharmacopœi nostrates credi-
derunt, in Japoniâ, sed, testantibus
viris fide dignis, ex astringentibus va-
riarum arborum, maximè autèm *acacia*
orientalis, vel certius secundum HEL-
WIGII relationem (a), *arboris arecæ*
seu *palme arekiferæ* ac *faufeliferæ* fructi-
bus, in *Cambodiâ*, *Coromandeliâ*, aliis-
que *Indiæ orientalis* regionibus exprimi-
tur, ad solem inspissatur, & indè postea
ad Japonenses, ceterasque gentes trans-
mittitur.

(a) In Misc. A. N. C. G. ann. IX. & X.
Obs. 126.

§. I I.

Non uniûs semper, ejusdemque bonitatis est: Nunc quippe frustra occurrunt puriora, quæ foris splendente colore ex ruffo-nigricante, intûs è rubro-fusco, vel itidèm è rufo-nigricante, gaudent, ac citiûs in ore liquefcunt; nunc verò impuriora inveniuntur, multis recrementis terreis, aliisque remixta, & colore brunneo ac subrubente dilutiori, neutiquàm splendente, prædita. Differentia hæc præcipuè dependere videtur à præparatione: Alia quippe terra Japonica è succo, simpliciter ex fructibus memoratis expresso, alia, eaque ignobilior, ex infuso aut decocto eorundem, inspissando paratur.

§. I I I.

Maximam partem hoc concretum, præsertim purius, *gummosa indolis* est. Aqua simplex enim totam penè massam, adjuvante leni digestionem, solvit, & *pauca* duntaxat *particula resinosa*, terreis impuritatibus mixtæ, relinquuntur, quæ vini demùm spiritu solvendæ sunt, & subindè in integrâ unciâ terræ Japonicæ vix quatuor vel quinque grana pondere æquant: Notari tamèn debet, spiritum vi-

ni rectificatissimum, vulgari methodo paratum, notabilem pariter quantitatem hujus terræ, si primum scilicet eidem superfunditur, solvere. Infusum utrumque valdè stypticum est, intuitu tamen coloris aliquantulum differt, & spirituosum colore ex rubro-nigricante saturatissimo, aquosum verò obscurè brunno, ad nigrum nonnihil inclinante, tinctum conspicitur.

§. IV.

Viribus *astringentibus* non minùs, quàm *antiputredinosi*s atque *traumaticis* terra Japonica sese commendat, & frequentissimè proinde ab Indiæ incolis ad fluxum alvi cohibendum, dentes firmandos, & corrigendas oris exulcerationes adhibetur. Apud nos inter valida astringentia & vulneraria militat, & in herniis inprimis, præsertim varicosâ, vacillatione dentium, tumore ac cruentatione gingivarum scorbuticâ, aphtis infantum, diabete, & vitiis similibus proficua existit. Ingreditur pulveres, electuaria, bolos, pilulas, tincturas, gargarismata, emplastra, pulveres dentifricios, & liquores traumaticos. Per se ad paucissima duntaxat grana interne exhibetur.

CAPUT

C A P U T V I.

§. I.

VITRIOLUM sive **CALCANTHUM** aut *Chacanthum* in genere est concretum minerale, metallico-salinum, ex aquâ, acido sulphureo ponderosissimo, & terreo-metallicis, nunc *martialis*, nunc *venereæ*, nunc *utriusque*, &c. profapiæ, *particulis*, acido, corrosionis beneficio, satis arctè unitis, compositum.

§. II.

Respectu coloris quinque vel sex vitrioli species reperiuntur, nimirum, *viride*, *cæruleum ex viridi cærulescens*, *ex cæruleo-viridescens*, *rubrum* & *album*. Vitriolum *viride*, quod ex *acido memorato*, & *terrâ metallicâ martiali*, seu ferro, inflammabili suo principio priùs minùs-ve spoliato (a), componitur, vel palli-

(a) Accidit indicata principii inflammabilis seperatio etiàm sub vitrioli *martialis* mere chymici confectiōe: Quando pura enim ferri limatura in oleo vitrioli, aquâ nonnihil diluto, solvitur, sedimentum prodit nigricans, quod elutriatum verum sulphur exhibet, & cum mercurio vivo, adhibitâ certâ encheiresi, in cinnaba-

ad viride est , ut *vitriolum Romanum* , vel obscurè viride , aliquantisper ad nigredinem inclinans , ut *Anglicanum*. In crucibulo calcinatum , primò gryseum , deindè flavum , tandèmque rubrum colorem acquirit , & aquosa ejus solutio , injecto gallarum pulvere , confestim purpureo-nigricantem , immò , si major pulveris quantitas immissa fuerit , nigrum colorem induit. Rarissimè perfectè purum reperitur , sed plerumque terrâ metallicâ venereâ nonnihil remixtum est. speciem constituit communissimam ac frequentissimam , & non solum in *Angliâ* & *Italiâ* , sed magnâ paritèr copiâ in *Bohemiâ* , *Silesiâ* , *Saxoniâ* , *Hassîâ* , *Sueciâ* , *Daniâ* , *Hispaniâ* , *Hungariâ* , *Transylvaniâ* , &c. è terris vitriolicis , pyritijs & marcasitis sulphureis martialibus , & venereo martialibus , mediante tostione , calcinatione , extractione , evaporatione , coagulatione , aut crySTALLIFICATIONE præparatur (a). Si Marcasitæ videlicet nimium pingues sunt , alibi sublimationis ope in capacibus retortis ferreis , alibi rim sublimari potest. Magma hoc ferro nondum sub sulphuris mineralis formâ inhæsit , sed sub corrosine demum ex subtili principio martis inflammabili & acido vitrioli generatur.

(a , Conf. Henkelii Pyritologia.

mediante tostione sub cœlo libero , priùs superfluo suo sulphure orbantur , & , in magnos postea latosque acervos congestæ , per aliquot menses in aere relinquuntur , ut vitriolum sensim efflorescat. Acidum sulphureum enim , inflammabili substantiæ antea involutum , nunc autem post paulatinam ejus , sub incalescentiâ intestinâ , vel citiorem , sub violentiori tostione , ablationem evolutum , terram metallicam martialem , aut veneream promptè agreditur , eandemque corrodingo , vitriolum format. Succurrit aër , & non solum motu suo , & subtili humido pyritarum resolutionem , & phlogistæ portionis exhalationem , & dissipationem adjuvat , sed aliquid etiâ acidum introducit , ut ideò plùs vitrioli generari queat.

§. III.

Vitriolum cœruleum ex eodem acido sulphureo , & terreâ metallicâ venereâ , seu cupro , inflammabili suo principio nonnihil orbatò , constat , ac vulgò , solutionis , & crySTALLISATIONIS beneficio , è cupro , & oleo vitrioli , vel per camentationem quoquè , ut vitriolum Cyprium vulgare , ex lamellis cupri , cum sulphure pulverisato stratificatis , vel ex cupro

etiã, & pyritis conficitur. Aquosa hujus vitrioli solutio, addito gallarum pulvere, turbida evadit, & pallidè flavescentem seu lutosum colorem consequitur, ipsum quoquè vitriolum, in crucibulo calcinatum, non perfectè rubrum, sed in parte inferiori ex fusco-nigrum, in parte superiori ex flavo-rubentem colorem induit. Si, præter *acidum*, & *ferrum*, portio quoque *cupri* mixtionem vitrioli ingreditur, colore viridi & cœruleo mixtus, qualem in *Hungarico*, *Salisburgensi*, & *Goslariensi* observamus, oritur, ita tamen, ut pro differenti proportionem martis, ac veneris modò viridis, modò cœruleus prædominium obtineat. Vitriolum *rubrum* martialis naturæ est, & ex viridi, mediante forti calcinatione, ab artifice, vel ab ipsâ etiã naturâ in montibus ignivomis, institutâ, nascitur.

§. I V.

Album denique vitriolum *Goslariæ* è singulari minerâ saturninâ, quæ *Ramelbergisches Bley-Erz* dicitur, & præter plumbum copiosum, etiã zincum, cuprum, argentum, aurum, sulphur, itèmq; post ulteriorem præparationem, vitriolum, lapidem calcaminarem, & terram ochraceam con-

tinetur, paratur. Minera hæc è monte *Rammelsberg* effoditur, & vitriolum, sub præviâ mineræ tostione præcipuè generatum, aquâ extrahitur, lixivium, aliquamdiù in quiete relictum, & spontaneâ præcipitatione depuratum, in cacabis plumbeis coquendo inspissatur, & post aliquam moram crystallisatur. Crystalli concretæ de novo leniter calcinantur, aquâ solvuntur, lixivium, impuritatibus paulatinâ subsidentiâ ulterius liberatum, decantatur, evaporatur, tandemque in certis vasis triangularibus, quibus post sufficientem coagulationem infunditur, in solidas massas salinas efficcatur. Albedinem suam maximè *zinci* ac *plumbi* admixtioni debet: Præter *acidum sulphureum* enim & *aquam*, varia corpora mineralia, *ferrum* videlicet, *cuprum*, *zincum*, *plumbum* & *terra quadam cretacea*, qualem in alumine deprehendimus, mixtionem ejus ingrediuntur. Martiale & venereum principium facile redditur manifestum: Aquosa enim vitrioli albi solutio, aliquamdiù in quiete relictâ, sensim terræ ochraceæ martialis portionem, quæ siccata magneti adhæret, ad fundum deponit, zinco autem præcipitata materiam dimittit, quæ, aquâ edulcorata, spiritum salis ammoniaci sub tem-

porariâ digestionẽ colore cœruleo imbuunt. Zinci, & plumbi præsentia paulò difficultus quidẽ demonstratur, ex quibusdam nihilominus observationibus, & experimentis quodammodò innotescit. Aquosa v. g. hujus vitrioli solutio, instar sacchari saturni, saporem ex dulci austerum linguæ imprimit, & caput mortuum ejus, cum cupro tractatum, metalli flavi speciem, orichalco, aut metallo *Robertiano* haud dissimilem, producit (a).

§. V.

Acidi corrodentis, & metalli corrosivi proportio in diversis vitrioli speciebus notabiliter differt. Nam *vitrioli Cyprii venerei* libras una ex duabus. circiter unciiis cupri, unciiis, duabus, drachmis sex, & granis quinquaginta sex acidi sulphurei & unciiis undecim, & drachmâ unâ aquæ componitur. In librâ unâ *vitrioli martialis Anglicani* libra dimidia, & uncia dimidia aquæ, uncia una cum semisse acidi puri, & uncia sex terræ martialis metallicæ hærent, & compositionem denique libræ uniûs *vitrioli Goslariensis* uncia septem aquæ, uncia tres acidi puri, uncia quinque ac drachmæ sex ferri, & duæ drachmæ cupri, cui parùm tamẽn

(a) Conf. Neumanni Prælect. chem. p. 1828.

zinci ac plumbi mixtum est, ingrediuntur. Notatu quoque dignum est, acidum tenaciùs cupro, quam ferro adhærere, & longè majorem proindè ignis gradum sub destillatione vitrioli venerei, quam martialis, necessarium esse.

§. VI.

Quanquam varia, eaque præstantissima, medicamenta interna è vitriolis præparentur, quorum descriptio in scriptis chemicis, & pharmaceuticis quærenda erit, per se tamèn, ob principia mineralia rudiora, & vires summè stypticas, immò causticas, (quod postremum inprimis de vitriolo venereo valet), nunquàm usum internum inveniunt, si purissimum martiale, solutionis & crystallisationis ope è ferro & oleo vitrioli paratum, exceperis, quod *pulverem absorbentem* W E D E L I I exiguâ quantitate ingreditur. Externè autèm frequentissimè inter pulveres, & liquores stypticos, collyria emplastra, aliasque compositiones, in vulnorum hæmorrhagiis, ophtalmiâ serosâ, à fibrarum, ac tubulorum laxitate maxime oriundâ, & morbis similibus externè adhibendas, recipiuntur, immò, vitriolum album subindè medicamentis errhinis additur.

CAPUT VII.

De Alumine.

§. I.

ALUMEN CRUDUM VULGARE seu ORDINARIUM, aliàs etiàm *alumen rupeum* dictum, est concretum salinum minerale, candidum, splendens, crySTALLINUM, intensè austerum, atque stypticum, ex *acido sulphureo* five *vitriolico*, *phlegmate copioso*, & *specificâ terrâ minerali limoso-cretaceâ*, vel *luto-so-calcariâ*, aut rectiùs *argillaceâ*, compositum, ità tamen, ut sola terra partem dimidiam, acidum vero & aqua conjunctim alteram ponderis partem dimidiam constituent.

§. II.

Memorata aluminis elementa syncrifeos æquè, ac diacrifeos ope redduntur manifesta: Alumen quippe, ex retortâ destillatum; primò *phlegma copiosum*, deinde *debilem liquorem aqueosalino-acidulum*, tandèmque *spiritum concentratum*, qui cum vitrioli spiritu convenit, in receptaculum transmittit, & in retortâ ter-

ram candidam relinquit , quæ habitu externo terram cretaceo-calcariam æmuletur. Quando spiritus evocatus rursus cum limaturâ martis , aut terris cretaceis , limosis , lapide scissili &c. corrosionis beneficio combinatur , in casu priori vitriolum , in casu posteriori autem concretum salinum , alumini analogum , indè nascitur. Terra , acido , extremâ calcinatione in crucibulo , penitus spoliata , ut dictum , candidissima est , insipida , & terris cretaceis simillima. Ex aluminis quoque mixtione , hæc terra præcipitatur , quamprimum solutioni ejus aquosæ oleum tartari per deliquium instillatur , & acidum cum alcali puro , exclusâ terrâ , in novum sal medium , tartarum nempe vitriolatum , concrevit.

§. III.

Alumen vulgare & ordinarium in *Sueciâ* , *Angliâ* , *Italiâ* , *Galliâ* & *Germaniâ* vel ex mineris terreo-salinis , vel lapideo-aut metallico-sulphureis , vel terreo salino-bituminosis , præviâ plerumque mineræ durioris , vel nimium sulphuræ calcinatione , aut temporariâ expositione subdiali (*a*) , aquâ extrahitur , & deindè

(*a*) Propè pagum *Schwemsel* , non procul ad urbem *Düben* in Saxonia , referente B. HOFFMANN.

coctione, evaporatione, coagulatione, aut crySTALLIFICATIONE ad corporis salini compacti, atque splendentis formam deducitur.

in *Obs. physico-chym.* p. 273. immensæ latitudinis terræ bituminosæ, trium vel duarum ulnarum profunditate, reperiuntur. Hæc terra nigricantis coloris, & saporis adstringentis aluminosi est, & in ignem injecta accenditur, ac fortem odorem foetidum, instar sulphuris mineralis accensi, spargit: Relicta post exustionem massa, spongiosa, insipida, cinerei coloris est. Minera hæc eruta in ingentes ibi cumulos congeritur, qui libero aeri per mensem exponuntur; postea immittitur in dolia, aquâ affusâ sal per aliquot dies extrahitur, tum lixivium, per canales, in plumbeos lebetes laboratorii ducitur, & coctio instituitur. Postea cum jam ad dimidiam partem inspissatum fuit, solutio cinerum clavellatorum admiscetur, ita: mox vehemens, cum spumescentiâ, oritur ebullitio, & copiosus pulvis granulatim ad fundum secedit. Postquam omnia refrigerata sunt, liquor supernatans flavescens removetur, & farina alba aluminosa in fundum dejecta, solvitur in aquâ, ac denuò coquitur, & aqua probè saturata in magna dolia infunditur, quæ occlusa per aliquot septimanas in uno loco persistunt. Vasis apertis, eorum lateribus ingentis magnitudinis, & figuræ octædræ crySTALLI appositæ cernuntur. Memorati acervi mineræ aluminosæ, quod hoc loco addendum erit, accedente æstu solis, spontè accenduntur, & apertam flammam eructant, quam omni cura extinguere debent. Notabile interim est quod minera ista, sale suo orbata, si rursus in acervos, congeritur, iidemque per integram

§. IV.

Inter *valida adstringentia externa* hoc concretum militat, & sæpissimè proinde liquores, epithemata, decocta, gargarismata, in vulnenum hæmorrhagijs, vacillatione dentium, ophtalmiâ, laxitate uvulæ &c. adhibenda, ingreditur, immò ustum inter cathæretica, carni luxurianti ulcerum, vulnenum, fonticulorum &c. absumendæ apta, locum obtinet. A quibusdam quoque interdum ad profligandas febres intermittentes internè, à scrupulo dimidio ad integrum, propinatur; ast tutis, me sentiente, atque selectis medicamentis internis nullo prorsus modo accenseri meretur.

annum aeri libero exponuntur, de novo salè aluminoso imprægnetur, ut præparationi aluminis denuò, & quidè per tres annos, inserviat. Undè patet, acidum sulphureum non unâ vice evolvi, sed sensim, per paullatinam scilicet ac blandam exhalationem, à superfluâ substantiâ inflammabili liberari.





SECTIO SEPTIMA.

De Acribus Alterantibus.

CAPUT PRIMUM

De naturâ & differentiâ Acrium alterantium.

§. I.

CUNCTA hujus sectionis simplicia ; si cantharides exceperis , ex regno vegetabili desumuntur , & recentia adhuc , præsertim rafa leviter , aut contusa , tenerrimum emittunt hælitum , qui in oculis non minùs , quàm naribus singularem titillationem , & dolorificum pruritum , cui confestim involuntaria illacrymatio , & largior muci confluxus , quin ipsa nonnunquàm sternutatio , succedunt , excitat ; linguæ prætereà , nonnihil saltèm manducata , subtilem , ast valdè penetrantem , saporem acrem , atque pungentem , vel purum omninò , vel aromatico , amaro , aut subdulci mix.

tum, imprimunt. Pulverisata denique, & naribus attracta, validam vim errhinam, atque ptarmicam exerunt, immò cuti teneriori applicata, pruritum, puncturam, ruborem, tandemque, præsertim fortiora, vesiculas, lymphâ turgidas, cum eminenti ardore, suscitant.

§. I I.

Duplici principio activo hæc pharmaca instructa sunt, altero scilicet *fixiori*, altero *volatili*, *mobili*, *exhalabili*. Prius, docente scrutinio chymico, triplicis iterum generis est, in aliis videlicet *merè gummosum*, in aliis *resinoso-gummeum*, aut *gummeo-resinosum*, & in aliis denique *gummeo-resinoso-oleosum*, adeoque partim in menstruo aqueo, partim in spirituosoinflammabili solubile; posterius autem, exhalabile nimirum, oculos atque nares feriens, in quibusdam *salino-oleosum* existit, in aliis saltè *phlogisto-salinum*, h. e. nullo oleo substantiali, sed tenerimâ duntaxat materiâ inflammabili, temperatum.

§. I I I.

Memoratum *sal acre*, partim intius, ac arctius cum reliquis substantiæ gummosæ, resinosæ, aut gummeo-resi-

nofo-oleosæ elementis combinatum, patim per motum intestinum perennem sensim evolutum, detritum, attenuatum, volatile redditum, & cum olei, aut inflammabilis substantiæ portione tenerri-
mâ arctè copulatum, non alcalico-urinosæ, uti medicorum plerique hætenus crediderunt, *sed acida indolis* est. Prioris sententiæ patroni ad similitudinem quidem, quæ hunc & spiritus salis ammoniaci; cornu cervi, similiumque halitum intercedere creditur, nec minus ad spagirica quædam examina, aliaque experimenta, cum plantis hujus commatis, earundemque partibus suscepta, provocant, & inter alia sinapi semen, quod contusum cum aceto effervescebat, & igne sicco ac violentiori è retortâ destillatum, teste BOERHAAVIO (a), non tantum liquores, cum spiritu cornu cervi comparandos, sed siccum pariter sal volatile alcalicum, seu urinosum, cum acidis, tum per se, tum in laudatis liquoribus solutum, in fortem effervescentiæ motum ruens, in excipulum transmittit, probandi fine adducunt: Verumenimvero, parum allegata, me sentiente, probant. Nam halitus plantarum acrium,

(a) In Chimix Tom. II. p. m. 122.

uti alibi (*b*) pridem retuli, non convenit cum halitu spirituum urinosorum, sed illi potius valdè analogus est, quem recens sacheri spiritus emittit. Noto quoque notius est, acida subindè etià cum oleosis, & spirituoso-inflammabilibus liquoribus effervescentiæ motum subire, uti hoc videre licet, quotiès spiritus nistri fumans, vel rectificatum vitrioli oleum alcoholi aut oleis æthereis modicâ quantitate infunditur. Nulla præterea ratio, si semen sinapi in naturali suâ mixtione, sal alcali gereret reconditum, foret manifesta, cur contusum aceto, debili, vappido, in corruptionem abeunti, integritatem redderet, & eminentiorem conciliaret acorem. Alkalia profecto acidas partes semper destruunt, & corruptionem magis promovent, quàm cohibent, adeoque pulverisata etià sinapi semina, si alcalico sale revera essent instructa, non corrigendo aceto, sed magis destruendo, idonea forent.

§. I V.

Severiore adhuc censuram argumentamur, ab ipsis examinibus desumpta: Multa enim, immò pleraque, subjecta hujus censûs, si rité fuerint tractata, non

(*b*) Sect. de Alcal. Volat. cap. 3. §. 6. sequ.

alcalicos, sed acidulos liquores, qui specificum halitum acrem adhuc spirant, emittunt, uti hoc luculentissimè hæc subjunctis destillationibus, & experimentis constat:

I. *Radix scilla marina* jam vetustior, sicca, & nonnihil quoque, uti moris est, tosta, ex retortâ vitreâ, arenæ balneo non adeò altè imposita, substrato igne moderato, ac sensim aucto, destillata, in applicatum excipulum successivè 1. *aquam pellucidam*, 2. *liquorem flavescen-*
tem, 3. *liquorem brunnum*, cui nihil prorsus olei innatabat, transmisit, & in fundo retortæ *nigerrima ac levis materia carbonaria* relicta fuit. Aqua limpida nondum manifestâ pollebat acredine, sed saporem duntaxat, atque odorem nauseosum obtinebat, qui posterior odori polentæ haud dissimilis erat. Liquor flavescens, qui aquæ limpidæ successerat, subtilem atque penetrantem odorem acrem, qui fortem ac vividam in naribus excitabat titillationem (*ein Krüblen*) spirabat, & linguæ acrem pariter, pungentem, & acidiusculum saporem, immò, cuticulæ instillatus, puncturæ sensum, & maculam flavescen-tem, pertinaciter inhaerentem, imprimebat. Cum salis cujusdam alcalici fixi solutione aquosâ mi-

xtus, manifestum effervescentiæ motum provocabat. Liquor brunnus cum præcedente, quoad saporem & odorem, conveniebat, præterquàm quòd halitum, nares ferientem, parcius emitteret, & acido sapore priorem longè superaret. Vehementiorem proindè effervescentiam excitabat, cum liquido alcalico infunderetur, immò, tam arctum cum moleculis alcalinis connubium subibat, ut die sequenti perfectæ crysalli salinæ, saporis salis, in conspectum venirent. Ex capite mortuo, etiàm si fortissimè adhuc in crucibulo aperto calcinatum fuisset, nihil amplius salis fixi educi potuit, sed mera terra iners esse videbatur.

II. *Rasura radices armoracia recentis*, descriptâ methodo destillata, successivè reddidit (a) *aquam pellucidam odoris acerrimi ac penetrantissimi*, qui æquè, ac ipsa armoracia rasata, fortem in naribus & oculis pruritum excitabat, (b) *liquorem limpidum*, qui præcedenti quoad omnia similis erat, præterquàm, quod halitus pungens debiliior esset, & empyreuma nonnihil redoleret, (c) *liquorem flavescientem, odoris pungentis, empyreumatici, saporis acris, subacidi*, ac paululùm pariter *empyreumatici*, lenissimè cum alcaliis liquoribus effervescentem (e) *liquore*

rem saturatè flavum atque nonnihil rubicundum, odore valdè nauseoso, empyreumatico, ac lenitèr saltèm acri, nec minùs sapore acidulo præditum. Huic exiguae aliquot miculae oleosæ nigricantes innatabant, idemque in longè fortiozem effervescentiæ motum cum mixtis liquoribus alcalicis ruebat. Relictum caput mortuum, quoad colorem & proprietates reliquas, cum inerti scillæ residuo conveniebat.

III. Eadem propemodum, quæ radices scillæ & armoraciæ dederunt, etiàm *radix ari recentius effossa*, ac simili destillationi subiecta, suppeditavit. Primò enim prodiiit aqua pellucida, quæ acrem atque pungentem halitum eructabat: Huic successit liquor, colore flavescente, magis paulatim magisque ad brunnum vergente, præditus, cui parùm olei empyreumatici ex brunno-nigricantis innatabat. Liquor hic, separato oleo degustatus, debilem quidèm saporem acidum linguae, & moderatè vellicantem, atque empyreumaticum odorem naribus imprimebat, vividè nihilominùs cum liquoribus alcalicis effervescebat. Caput mortuum nigerrimum, leve, atque insipidum, nil, nisi terram inertem, sistebat.

§. V.

Præcipuæ vires medicæ , quibus acria hæc simplicia prædita inveniuntur , à volatili principio phlogisto - salino - acidulo derivandæ sunt , & cum istud paulatim exhalatione valdè imminuatur , ratio protinus manifesta est , cur vetustiora , aut fortius post collectionem exsiccata , vel tosta , longè torpidiorem , quàm recentia , operationem exerçant , nec singularem amplius , atque sensibilem halitum pungentem emittant. Apud pleraque nihilominus memorata virium imminutio necessaria reperitur : Dantur enim , quæ recentia , ob nimiam acredinem , velli- cationem impetuosam , corpori noxam inferunt , & exsiccatione proinde ac diuturniori asservatione , ut radix ari , &c. , vel ipsâ etiam tostione , ut radix scillæ , necessario corrigenda , ac debilitanda sunt. Temperatius quoque eorundem principium activum , in nonnullis penè causticum , redditur per addita mucilaginea , olea unguinosa , nitrum &c. Priora enim partes acres nonnihil obtundunt , & involvunt , nitrum autem effectus noxios , quos acria violentiori actione suâ producere consueverunt , mitigat.

CAPUT II.

De modo operandi atque virtute Acrium.

§. I.

QUanquàm acria quævis, partim *solida viva elastica validè pungendo ac vellicando*, partim *fluida crassiora paululùm incidendo ac commovendo*, operationem suam absolvant, primariò nihilominùs spicula sua, quod ex insigni eorum, parvâ etiàm quantitate exhibitum, efficacîa patet, in partes nervoso-membranaceas vibrant. In calidum quippè ventriculū delata, non tantūm volatile oleosum, & acidulo-inflammabile spirituosum principium, elapso brevî tempore, dimittunt, sed fixiorem quoque substantiam resinoso-gummeam, adjuvante imprimis motu ventriculi peristaltico, liquori gastrico communicant: Quare utriusque etiàm principii particulæ, ante translationem suam in vasa sanguifera, & lymphatica, ventriculi tunicas, tūm allidendo duntaxat, tūm tenaciùs aliquamdiū adhærendo, ad vegetiorem contractionem puncturis ac stimulis, multotiès iteratis, cogunt, & hac ratione

appetitum augment, digestionem promoven-
vent, & flatuum non minùs, quam col-
lectarum cruditarum discussionem, re-
solutionem & expulsionem adjuvant.

§. I L.

Actiōnem eandem, vel tamèn valdè
analogam, laudatæ particulæ exercent,
quamprimùm, per vasa bibula, partim
inhalationis, partim filtrationis ope, ad
humores circulantes delatæ, & per to-
tam eorum massam disseminatæ, ad exi-
lissimos tubulos capillares, quorum pa-
rietibus acuta ac rigida ejusmodi corpus-
cula sub transitu non minùs, quam tem-
porariâ hinc inde adhæsiōne, faciliùs,
quàm vasis amplioribus, stimulos emi-
nentes imprimere valent, perveniunt:
Hinc non mirandum, quòd, exiguâ
etiâ dosi oblatâ, vividum, ac subindè
satîs vehementem, generis nervoso-vas-
culoso-membracei contractionem ex-
citent, & hac mediante non humores so-
lùm, si spissitudinem contraxerint, &
stagnare incipiant, ad decentem fluidita-
tem, & vegetiorem circulum reducant,
sed singulis quoque se.& excretionibus,
vel imminutis saltem, vel planè suppres-
sis, pristinam libertatem restituant.

§. III.

Intenduntur memorati stimuli, & applicati aculei altiùs imprimis in canalibus sanguiferis, præsertim arteriosis, non tantùm per ipsam vasorum contractionem naturalem, sensim sensimque sub acrium actione crescentem, sed per fluida quoquè celerius provoluta, & fortius, ut cum BOERHAAVIO loquar (a), arietantia, adiguntur. Valent itaque hoc loco, sub debitâ tamen applicatione, quæ LINDESTOLPIUS (b) de veneni acris operatione differit: » Ubi
» igitur, *inquit*, talis acredo per vias dic-
» tas viscerum, vel externâ applicatio-
» ne, aut morfu animalis venenati in cor-
» poris recessus pertingens, alicui canali
» sanguifero insinuatur, plures lineæ li-
» quidi sanguinei præterfluentis, in a-
» crem exstantem particulam incurren-
» tes, determinant actionem ejus in u-
» nam partem, duoque sic puncta fibræ
» motricis distantia in propiorem conta-
» ctum adigunt, undè convulsio oritur
» & contractio, ità, ut quò vis liquidi
» incumbentis major fuerit atque impe-

(a) Vid. Tract. de Viribus medicamentorum in Proleg. Cap. 5. p. 24.

(b) Lib. de Venenis p. 41.

» tuosior , quoque vis vitæ elastica major
» & rigiditas , ac pertinacius in aculeo
» robus , eo effectus ejusdem erit vali-
» dior , ferociorque. Non tamèn hoc sic
» accipi volo , quasi liquidis intra vasa
» contentis aliquis à me motus assigne-
» tur , qui ex ipsâ liquidi naturâ depen-
» deat. Omnis enim , quem liquida ha-
» bent , motus , à motoribus solidis de-
» pendet. Et vis illa incurrentium liqui-
» dorum in spiculum acre ; extrâ canalis
» superficiem eminens , debetur unicè vi
» ac robori contrahentium se solidorum ,
» cordis & arteriarum. Id tamen verè
» affirmari potest , acria ista , cujuscun-
» que sint indolis , Mechanicæ , Acidæ ,
» vel Alkalinæ in venis sive vasis cylin-
» dricis , ab angusto in latum desinenti-
» bus , non tantam vim exserere , quan-
» tam in conicis , contrariâ ratione , à la-
» to in angustum exeuntibus , sive arte-
» riis , exercent , propter majorem horum
» motum oscillatorium in motricibus fi-
» bris , incursusque liquidorum in venis
» sensim atque sensim elanguescentes ,
» postquàm angustos arteriarum conos ,
» venarumque exorientes cylindros per-
» transierunt , acribus hac ratione in tran-
» quillius flumen delatis &c.

§. I V.

Ex adductâ operatione generali speciales fluunt virtutes, *aperitiva* nempe, *resolvens*, *attenuans*, *diuretica*, *pectoralis*, *antiscorbutica* ac reliquæ omnes, quibus acria hujusmodi instructa reperiuntur: Immò, indè paritèr manifestum evadit, activa & heroica hæc pharmaca in iis præcipuè morbis auxilium ferre efficacissimum, qui, præter solidorum atoniam & languidam contractionem, etiàm humorum inertiam, viscositatem, ac justo tardiozem circuitum, quin ipsas stagnationes & stases, itemque vasorum obstructions, & imminutas; aut planè suppressas quasdam se- & excretiones causas agnoscunt præcipuas; cujus censûs v. g. sunt affectus soporosi, apoplexia pituitosa, paralyxis, coryza diuturna, cephalalgia catarrhalis, angina spuria, tumores frigidi glandularum, tussis pituitosa, asthma, catarrhus suffocativus, dysorexia ac dyspepsia, à copiosius collectâ saburrâ mucidâ, & acido pituitosâ imprimis oriundâ, icterus chronicus, febres intermittentes, præsertim quartana, refractariæ mesenterii, hepatis, lienis, uteri, atque vasorum hæmorrhoidalium obstructions, nephritis sabuloso-pituitosa,

ſo pituitofa, cachexia, tumores partium œdematoſi, ſcorbutus, & complures alii, quos pathologiæ gnarus facilè determinare poterit. Silentio quoque prætermittere nequeo, acria medicamenta inter ſtimulantia *aphrodiſiaca* locum pariter obtinere, &, factâ quoque cruoris extravafatione, eximas planè vires reſolventes exerere. Externè inter *ſtimulantia*, *rubefacientia*, *veſicantia*, *errhina*, atque *ptarmica* militant.

§. V.

Acrium uſus vel planè exulet, vel eadem admodum circumſpectè, & parcâ quantitate, adhibeantur apud ſubjecta, ſicca, calida, bilioſa, cholericâ, fibris ſiccioribus, atque ſenſibilioribus prædita, nec minùs apud plethorica, ne nimium in prioribus motuum incrementum, nimiamque humorum diſſolutionem, in poſterioribus autèm, inductâ nimirum vehementi commotione, exorbitantes, atque periculoſas hæmorrhagias, apoplexiam ſanguineam, & ſimiles affectus provocent. Penitùs paritèr abuſu eorum abſtinendum eſt in morbis calidis, ab orgaſticâ humorum expansione, tenuitate, fervidâ indole bilioſâ, penuriâ ſeri blandi gelatinofi, ſiccitate, at-

que stricturn partium solidarum, & mor-
tibus justò fortioribus præcipuè oriundis,
nec minùs in affectibus quibuscvis, qui
hujus, vel illius partis erosionem, muci
naturalis meatuum atque canalium de-
fectum, aut prægressam abstersionem ni-
miam supponunt, uti v. g. sunt dysen-
teria, stranguria, inflammatio, atque
erosio ventriculi, & sic porrò.

§. V I.

Paradoxon, & dictis prorsùs contra-
rium, videtur, radicem scillæ, ceu me-
dicamentum acre fortissimum etiàm in
asthmate sicco convulsivo nonnunquàm
opem tulisse præsentaneam: At, probè
hoc loco considerandum erit, præsentè
hoc morbo plerumque in pulmonibus,
ob circulum valdè sufflaminatum, sta-
tum quasi œdematosum nasci, eidem-
que propriè, nec ipsi proindè asthmati,
profligando, scillam, & acria similia in-
tervire. Consentientem in hoc passu ha-
beo B. SCHULTZIUM, qui sequen-
tem in modum de singulari hac scillæ
virtute scribit (a). « Asthma, quancun-
» que causam habeat, liberum sangui-
» nis per pulmones trajectum lædit, &

(a) In Epist. gratulat. Diff. de Scillâ marinâ,
anno 1739. habitæ, annexâ.

» ipsi officit. Sub hoc difficillimo trajectu
» enascitur aliquod quasi œdema pulmo-
» num, secedentibus aquosis fluidioribus
» partibus sanguinis, per ipsa latera ve-
» narum transludentibus, & in vesiculis
» membranaceis circum venas hærenti-
» bus. Si quis oculis suis arbitrari hanc
» rem velit, facili negotio hoc poterit,
» si arteriæ pulmonali aquam per siphon-
» nem injiciat, aut flatum fortiter im-
» pellat. Videlicet brevi interjecto tem-
» poris spatio circum vasa sese extol-
» lens, vesiculosum quid, à lymphaticis
» vasis diversum, magis ac magis turgescit : quod vix alio nomine, quam œde-
» matis particularis pulmonum justis
» denotes. Id si maneat, paroxysmo asth-
» matis cessante, non finit liberam res-
» pirationem reddi, & nisi expediatur,
» vel novo paroxysmo occasionem, vel
» hydropi pectoris ansam præbet. Existi-
» mo itaque, remedia illius generis ex
» scillâ, antimonio, nicotianâ, colocyn-
» thide elaterio, illum effectum œdematis
» particularis removendo, adeoque ipsius
» asthmatis effectum, plus valere, quam
» asthmatis causas tollendo; adeoque ad
» summam rei non pertingere : Usu ta-
» mèn tempestivè repetito, malum leva-
» re, longioresque inducias facere, ut

» medico interim arcem causæ liceat im-
 » pugnare &c.

C A P U T III.

De Radice Scillæ.

§. I.

RADIX SCILLÆ (*Scille, Squille, Oignon marin*) *Meer-Zwiebel*, est radix bulbosa è lamellis crassis, ac valde succulentis compacta, quæ, æquè, ac aliæ radices bulbosæ, in parte inferiori multas fibras crassas emittit, & persæpè capitis infantilis magnitudinem consequitur. Lamellæ vel rubente, vel albicante colore gaudent, qui posterior tamen post exsiccationem & tostionem in albido-flavescentem mutatur. Sapor mucilagineus, acris, intensè amarus, ac nauseosus linguæ diù inhæret pertinacissimè, & largam salivæ excretionem provocat. Recens atque contrita subtilem atque acrem odorem spirat, qui armoraciæ contrusæ, aut ceparum vulgarium instar, nares fortiter ferit, ac feri lacrymalis confluxum excitat (a); per exsiccationem verò tenerrimo hoc principio exha-

(a) Conf. Boerhaave in Chym. T. II. p. m.

labili maximam partem orbata , odore sensibiliore destituitur. Credibile pariter est , majorem volatilis , atque subtilis hujus substantiæ portionem cum phlegmate sub exsiccatione , præsertim paulò fortiori , in auras abituram esse , nisi crassa , quâ scatet , mucilago multas particulas , altius ipsi involutas , retineret.

§. I I.

Planta , quæ à Botanicis *Scilla* , itèmq; *Squilla* , *Cepa maritima* , *Ornithogalum maritimum* , *Pancratium* & sic porro vocatur , folia admodùm crassa habet , pedalis longitudinis , saturatè viridia , succo viscoso , acri , amaro turgida , quæ quoad formam externam cum foliis liliorum alborum aliquam similitudinem gerunt. In medio plantæ exurgit caulus rotundus ac glaber , ad unius & dimidii pedis altitudinem ; cujus apicem flores albi , vel ex albido-flavescentes , hexapetali , in spicis longâ serie dispositi , cingunt , quibus marcescentibus , ac defluentibus capsulæ seminales triangulares , sem rectius orbiculares succedunt , in tres loculos divisæ , quæ semina nigra recondunt. Spontè , ac sine ullâ culturâ crescit in locis humidis maritimis , & uberrimus imprimis ejusdem proventus observatur.

per omnem oram mediterranei maris, præcipuè autèm in *insulis Balearibus*, circa *Tripolim* in *Barbariâ*, *Siciliâ*, *Apuliâ*, *Lusitaniâ* & *Hispaniâ*; & hæc postrema regio in specie est, quæ radicem hanc ad nostros pharmacopœos, & aromatorios mittit, undè etiam factum est, ut à nostratium quibusdam *scillæ Hispanicæ* cognomine insignita fuerit.

§. III.

Respectu coloris *scillæ* radix in *rubram* & *albam* distinguitur. Hæc vulgò *scilla mascula* nuncupata, rarioris proventus, & rarioris pariter in medicinâ usus est, licet viribus priori, quæ *scilla fœmina* dicitur, minimè cedat. Utraque, ob succi aqueo-mucilaginei abundantiam, ad corruptionem putredinosam pronissima reperitur, & recens venenatâ prorsùs acridine pollet; (a) hinc antè translationem in regiones exteras exsiccatione, ac leni

(a) » Scilla, VALENTINI in *Hist. simplicium reformatâ Lib. II. sect. 2. cap. 34.* inquit, vehementer calidæ exsiccantisque naturæ est, tantæque acrimoniæ, ut manibus se crudam, recentemque tractare volentibus vesiculas inurat. Quæ causa est, quamobrèm recens à quibusdam virosa habeatur, proptereaque in frustra incisa, & in aere siccanda putetur, quo aliquid acrimoniæ depredat ante, quam trahatur in usum. «

toſtione indiget. Ordinariò eam in clibanò leniter aſſant , vel maſſæ panis involvunt , & nonnihil in furno aſſatam , de-
nuò eximunt , purgant , in laminas divi-
dunt , atque penitus exſiccant. Veteres ,
uti DIOSCORIDES (a) , teſtatur , non
ſolùm memoratas , ſed etiàm alias præ-
parandi methodos obſervabant : » Plu-
» rimos loco citato ſcribit , habet cre-
» mata (ſeu rectiùs aſſata) uſus : ideo-
» que cruſtâ ex panificio , & opere piſto-
» rio , aut luto involvitur , involutaque
» in furnum conjicitur , aut carbonibus
» obruitur , donec circumlita cruſta illa
» abundè toſta ſit. Quod ſi amotâ cruſtâ
» illâ , nondum cocta penitus , ſcilla re-
» nerior facta flacceſſet , nova ex pani-
» ficio & piſtorio opere cruſta aut lu-
» to circumlita , iterùm cremabitur :
» quæ enim ſic cremata non fuerit , gra-
» vi periculo , præfertim interraneis da-
» bitur : Torretur hæc ipſa etiàm in oper-
» culato fictili , in furnum conjecta. Su-
» mitur ex eâ , abjectis extimis cunctis
» partibus , quod maximè intimum eſt.
» Coquitur eadem concifa etiam , effuſâ
» priore aquâ , novâque ſuperinfuſâ , uſ-
» que dùm neque amaritudo , nec acri-
» monia in aquâ ſentiatur. Siccatur in

(a) In Operib. p. m. 305.

» umbrâ etiam , in taleolas secta scilla ,
 » tàm funiculo trajecta sic , ne taleolæ
 » invicem se tangant , per intervalla sus-
 » penditur. Utimur sic sectâ & servatâ
 » scillâ , ad oleum , vinum , acetumque ,
 » quæ à scillâ scillitica nominantur &c.

§. IV.

Fovet hæc radix in naturali suâ mixtio-
 ne triplex principium activum , nimirum
 1. *volatile, pungens, phlogisto acidulum (a)*,
 2. *fixum , valde acre , urens , & intense*
amarum , gummosum sive mucilagineum ,
 & 3. *fixum resinofum , magnâ pariter ama-*
ritie & acredine præditum. Gummosum re-
 liqua quantitate longe superat , & in un-
 ciâ radicis siccatae unâ ultra sex drachmas
 ascendit , resinofum ex adverso , à parte
 mucilagineâ perfectè separatum , aliquot
 duntaxat grana pondere æquat. Infusum
 aquosum pallidè flavescens est , intense
 amarum , acre , & particulis mucilagi-
 neis , quæ , saponis instar , manuum im-
 puritates abstergunt , valde refertum. Sub
 evaporatione odorem emittit , odori ra-
 parum coctarum , aut potiùs radicis apii
 hortensis latifolii esculenti haud dissimi-
 lem. Extractum inspissatum colore flaves-
 cente quidè , ad brunneum tamen non.

(a) Vid. Sect. hujus. Cap. 1. §. 4.

nihil vergente , odore fermè ut rob sambuci , nec ingrato , & sapore summè amaro & simul acri urente pollet. Infusum spirituosum aurei coloris est , & , præter ingentem amaritiam , urentem prorsus acredinem , linguæ ac faucibus imprimit. Easdem proprietates extractum possidet , præterquàm , quòd colore brunneo donatum sit.

§. V.

Quando extractum gummosum in retortâ vitreâ , arenæ balneo impositâ , destillationi siccæ subjicitur , primò copiosa *aqua* , pellucida , insipida , odoris nauseosi , deindè *liquor* , flavescens , acidulus , acris , exhalationibus suis nares ferrens , tandemque *liquor* brunus , eminentiori acore præditus , prodeunt. Superiori retortæ parti fornicatæ , ut & collo , materia fuliginosa ex brunno nigricans adhæret , quæ oleum empyreumaticum exsiccatum formâ externâ æmulatur. Caput mortuum , quod adhuc dimidiam fermè destillatæ mucilaginis partem pondere æquat , materiam sistit nigram , porosam , friabilem , splendentem , & contactu nonnihil pinguem , odoris non ingrati , ferè ut caput mortuum , à spiritûs sachari destillatione residuum.

Ignē paulò fortiori in aperto crucibulo calcinatum, fumos eructat, & interdum flammam concipit, tandēque, exhalatione prorsus cessante, terram quidē adhuc nigricantem, inodoram tamē & planē insipidam, relinquit.

§. V I.

Salina alcalia quidē, neutiquā verò acida, uti multi hactenū crediderunt, amaritiem, acredinem, reliquasque scilicet proprietates mutant. Nam, quotiēs hęc radix aquā alcalisatā infunditur, infusum præbet brunnū, leni duntaxat amaritiæ præditum, & extractum, inde evaporando paratum, non amari ampliū & acris, sed ingrati lixivioso-amaricantis saporis, & odoris nauseosus est. Sin eadem vero aceto destillato digestionis ope extrahitur, infusum prodit, coloris brunneo-flavescentis, subtilis odoris aciduli, & saporis satī amari, & incidentis. Simili sapore etiā extractum pollet: Undē discere possumus, acetum, succum citri, & similia minimē, secundū vulgarem opinionem, adæquatum ac verum scillæ corrigens esse.

§. VII.

Præcipua scillæ virtus, quod ex præ-

missis manifestum est, in gummosâ igitur, sive mucilagineâ parte, volatili principio valdè adhuc turgidâ, latet, eademque, debitè in corpore humano, vel extrâ illud soluta, maximè impetum facit in solida elastica, &, impressis stimulis fortioribus, non tantùm contractiones anteâ torpidas denuò vegetiores, sed, iis quoque mediantibus, liquidorum circuitum celeriores reddit, adeoque efficacissimè stagnationes & stases eorum tollit, humores spissos ac mucidos dissolvit, se- & excretiones promovet, & potentissimè vasorum ac viscerum obstructions reserarat, si justo scilicet tempore, justâ dosi, & sub debitis circumstantiis exhibetur. Valent itaque memorata solummodo de usu congruo, & circumspecto: Intempestivè enim, aut nimîâ dosi ægris exhibita, noxios edit effectus, &, venenâ acris, ac caustici instar, motus impetuosos, ac planè convulsivos, vomitus enormes, & similia provocat.

§. VIII.

Egregiam inprimis, & specificam omnino opem hoc medicamentum præstat in affectibus soporosis, apoplexiâ pituitosâ, epilepsiâ cacochymicâ, catarrhis refractariis, paralyâ, catarrho suffocati-

vo, asthma tàm pituitoso, & cachectico, quàm ipso etiàm sicco convulsivo (a), nec minùs in tussi chronicâ rebeli, cachexiâ vulgari & icteritiâ, hydrope ascite nondùm inveterato, leucophlegmatiâ, œdemate membrorum, nephritide pituitoso-sabulosâ, obstructionibus pertinacissimis hepatis, lienis, vasorum meseraicorum, mensium, hæmorrhoidum, febre quartanâ, sanguine extravasato ac congrumato, scorbuto, & morbis singulis, qui atoniam solidorum, aut fluidorum inertiam, viscositatem, impuritatem acido tartaream, indèque resultantes stagnationes, stases, & justò segniorem circuitum causas præcipuas agnoscunt (b). Notari tamèn debet, usum illiùs eva-

(a) Conf. hujus Sectionis Cap. 2. §. 6.

(a) » Additur, DIOSCORIDES l. c.
 » scribit, scilla potionibus, medicamentisque,
 » quæ rarefaciendo sint. Daturque his, in quibus
 » urinam ciere voluerimus. Facit ad cutem sub-
 » euntes aquas: ciborum in stomacho inconti-
 » nentiam: & stomacho innatantes cibos. Pro-
 » dest suffusis felle, torminibus, diutinis tussibus,
 » suspiriosis, ægrè rejicientibus, quos Græci
 » anaphoricos dicunt, trium obolorum pondere
 » cum melle in eclegmate. Coquitur eadem cum
 » melle etiàm, sumiturque in cibo ad eadem,
 » concoctionem præcipuè adjuvans. Glutinosa
 » per alvum ducit. Elixâ itidèm iisdem pariter
 » sumpta prodest: cavenda tamen, nec danda.

dere tutiorem , si eidem blanda laxantia præmittantur , & saburra primæ culinæ debite priùs educatur. Neglectâ enim hac cautelâ , heroicum hoc remedium , unâ cum commotis ventriculi impuritatibus , magnas in corpore turbas excitat , & plus sæpe nocet , quam prodest.

§. IX.

Olîm solummodò *acetum* , *oxymeli* , ac *vinum scilliticum* in praxi usum invenerunt , quoniam medici , additamenti hîs vim scillæ causticam mitigari , ac emendari , credebant. De oxymelite scillitico hoc concedendum est , ob additas partes dulces mucilagineas , acribus obtundendis & involvendis aptissimas : an verò etiâ de aceto scillitico simpliciter valeat , dubitare omninò licebit , quoniam ,
 „ his , quibus exulceratum interaneum aliquod
 „ erit. Inunguntur cremata utiliter perniones &
 „ verrucæ &c. « Legi etiâ merentur , quæ B. FRID. HOFFMANNUS in *Dissertatione de Aegro asthmatico usu radice scillæ sublevato* , ut & in *Medicinâ Syst. rat. Tom. IV. Part. III. Sect. II. Cap. 2. Obs. 2.* nec minus Clariss. D. WAGNERUS in peculiari libello , sub *Observationum Clinicarum* titulo ante novèm circiter annos edito , aliique complures , quorum BARTH. ZORNIUS in *Botanologiâ medicâ* p. 618. mentionem fecit , de eximiâ scillæ virtute tradiderunt.

docente experimento suprà allegato ; principium acre acidum aceto neutiquàm debilitatur , sed nonnihil saltèm phlegmate abundante diluitur , atque distrahitur ; quare , dosi majori oblatum , tam potentèr procùl dubiò , quàm ipsa radix , in pulvere , aut infusò aquoso propinata , operabitur. Acetum datur à drachmâ unâ ad unciam integram , & oximeli ab uncia semisse ad unciam unam , immò duas ; majori enim dosi data , vomitum concitant. Sin scillam verò infusò aquoso , aut pulvere , quod nostrâ ætate valdè quoque solenne est , præscribere placet , sufficiunt in casu priori grana 3. 4. 5. 6. , in posteriori autèm tria vel quatuor. Adduntur ordinariò , præsertim in pulvere exhibendæ , radix vincetoxici , & nitrum , ità ut tria , vel quatuor scillæ pulverisatæ , quinque , sex , vel octo grana nitri depurati , & scrupulus unus , vel dimidius radice vincetoxici consuetam pro adulto dosim conficiant.



CAPUT IV.

De Radice Ari.

§. I.

RADIX ARI five ARONIS, (*Racine d'Arum, ou Pied de Veau*) *Aron Wurtzel, teutscher Ingwer*, est radix rotunda nucem avellanam magnitudine circiter æquans, substantiâ albâ farina-cæâ, & sapore, præsertim recens, valdè acri pungente prædita. Planta, quæ duplicis generis est, & *Arum vulgare*, vel *maculatum*, vel *non maculatum* dicitur in locis palustribus, aut humidis, atque umbrosis sylvestribus crescit. Quò humidior, atque umbrosior locus natalis est, eò acrior etiâ radix deprehenditur. Folia plantæ respectu acredinis parùm à radice differunt, rariùs tamèn in usum vocantur.

§. II.

Ex quadruplici principio hæc radix componitur, nimirum *subtili terreo farinaceo, resinoso, gummoso, & tenerrimo atque volatili phlogisto-salino-acidulo*. Principium postremum cui acredo eminentif-

stima radice recentis præcipuè in acceptis ferenda est (*a*), parti resinosa majori, gummosa minori copiâ immersum hæret; hinc prior etiâ linguam ac fauces paulo vehementiùs, quàm sola gummosa, urit, pungit, vellicat. Uncia una radice vix sedecim grana substantiæ puræ resinosa, & binas fermè drachmas substantiæ gummosa continet. Oleum substantiale empyreumaticum, quod sub destillatione sicca radice prodit, in mixtione utriusque substantiæ fixa latet, & receptâ unâ saltè radice uncia, circiter scrupulum unum, vel grana viginti quatuor perdet. Principium volatile atque spirituosum sub exsiccatione diuturniori maximam partem insensibilitèr avolat, & radix proinde sensim sensimque mitior, adeoque usui securiori aptior redditur. Caven-

(*a*) Infusum radice ari sylvestris, jam vetustioris, cum spiritu vini factum, subflavi coloris est, odore solum menstruum prodit, & moderato saltem, valde tamen subtili, sapore acri gaudet. Extractum flavum, lenissima inde evaporatione paratum, in principio subdulceduntaxat saporem linguæ imprimebat, & lenioris ardoris sensus post aliquam demum moram in palato ac faucibus excitabatur: Unde satis patet, eminentem hujus radice acrimoniam unice tui dictum, particulis acris volatilibus, quæ, sub evaporatione maximam partem exhalando, abeunt in auras, adscribendam esse.

dum tamèn , ne fortior exsiccatio nimium protrahatur : Nimis vetusta enim , aut justo fortius exsiccata, ob plenariam principii pungentis jacturam , acredinem , & cum acredine vires suas medicas prorsus amittit. Simile etiàm judicium de sic dictâ *Fæculâ* ferendum erit , quæ sub expressæ partis liquidæ , atque subtilioris exsiccatione , activâ portione volatili maximam partem orbatur, ac valdè iners redditur.

§. III.

Radix mediæ ætat'is , modicè exsiccata , neque vetusta nimis , neque nimium recens , & simplici saltèm triturtâ præparata , tutum non minus , quàm activum remedium est , quod maximè in partes solidas stimulando agit , & iteratâ puncturâ contractiones earum , antea nimium tardas ac torpidas , iterum suscitât ; undè fit , ut crassi paritèr ac visceri humores ad motum vegetiorem , & decentem fluiditatem , immò , se & excretiones ad pristinum vigorem , ac libertatem redeant. Jure igitur inter præstantiora *aperitiva* , *stomachalia* , *pectoralia* , *diuretica* , *lithontriptica* , & *antiscorbutica* locum obtinet , & specificè inprimis in vitiis digestionis & appetitûs , quæ saburræ pituitosæ , &

languidæ tunicarum contractioni originem debent, nec minùs in febribus intermittentibus quotidianis, & quartanis, asthmate pituitoso, cachexiâ vulgari, & iâteritiâ, nephritide sabuloso-pituitosâ, affectibus catarrhalibus, ac frigidis rheumaticis, fluore albo, scorbuto, & morbis pluribus, recensitis quoad causas plùs minùsve analogis prodesse consuevit. Datur, prædicto tamèn modo præparata, in pulvere, à granis aliquot ad scrupulum dimidium & ultrà, immò per sæpe inter morsulos, rotulas, electuaria & infusa vinosa recipitur. Externè ulceribus impuris venereis, scorbuticis, aliisque, abstergeri, mundificandi, & exsiccandi sine, subinde inspergitur, dùm terrea imprimis substantia farinacea humidum acre ichorosum egregiè imbibit, absorbet, & extinguit, & pars acrior resinoso-gummea abstergit, atque putredini resistit. *Facula*, quæ in Officinis prostat, parùm utilitatis, uti antea pridèm dictum, in corpore spondet, quoniam solam terram teneriorem, paucissimis duntaxat particulis gummeo-resinosis remixtam, exhibet.

CAPUT V.

De radice Pimpinellæ albæ & Pyrethri.

§. I.

RADIX PIMPINELLÆ ALBÆ, sive SAXIFRAGÆ MAJORIS, *umbella alba*, (*weisse Biebernell- oder Pfeer-Wurgel*), *racine de Pimprenelle blanche, ou de boucage*, est radix tenuis, hinc inde, maxime autem ex capite crassiori, fibras minores emittens, coloris albicantis, saporis acerrimi. Nullo quidem odore gaudet, recens tamen contrita, halitum invisibilem emit, qui nares, & oculos notabiliter ferit, adeò, ut liquidum lachrymale, & seroso-mucida narium humiditas largius exprimantur. Planta, quæ à Botanicis etiàm *Tragoselinum*, *Apium hircinum*, itemque *Petroselinum hircinum* vocatur, in pratis, vineis & campis arenosis crescit, & passim quoque in hortis colitur. Plures dantur species, quarum radices descriptæ radicibus multò ignobiliores sunt, & rariùs proinde in censum medicaminum veniunt.

§. I I.

In naturali hujus radicis mixtionè, præter inertes *partes terreas* rudiores, *principium activum gummosum, resinofum, oleofum, & phlogisto-salinum halituofum* reperitur. Substantia resinosa, quæ in unâ radicis uncia circiter drachmam dimidiam pondere æquat, substantiam gummosam, quæ quantitate quinquies prope-modum majori inhæret, acredine, ac fervidâ indole longè superat; quare in eâ quoque, & sociato principio oleoso, atque tenerrimo phlogisto-salino-acidulo præcipua radicis virtus quærenda erit. Oleum essentiale æthereum, quod majori adhuc acredine, quam pars resinosa, donatum est, non faciliè seorsim obtinetur, nisi notabilis radicis quantitas, humidæ destillationi subjiciatur, & volatile denique principium phlogisto-salinum acidulum, quod singulis substantiis reliquis acridinem, & specificam activitatem conciliat, paulatinâ & insensibili exhalatione magis magisque consumitur, & sensim ideò acrimonia radicis cum viribus decrescit; Unde patet, 1. radicem vetustam recentiori longè debiliorem esse, & 2. fortiorem operationem ab essentia ejus, & infuso vinoso, quam decocto expectandam esse.

§. III.

Eodem modo , quo ari radix , in corpore operatur , & easdem quoque virtutes , tam generales , quam específicas , obtinet , præterquam , quod potentior sit , & in affectibus catarrhalibus , aliisque frigidis pituitosis , nec minùs in calculo , strumis , & lue venereâ , in quâ cariori sarsaparillæ longè præferenda est , effectus planè singulares edat. Creberri-
mè infusa vinosa , rariùs decocta , ingreditur , optimum tamen præparatum essentia est , quæ à guttis 10. ad 20. in largiori vehiculo propinatur. Externè inter gargarismatum ingredientia pertinet , dùm mucum in anginâ spurîâ , laxitate uvulæ , intumescentiâ glandularum salivalium , & seroso-mucidis faucium , oculorum , aurium , cerebri , ac narium affectibus validè educit per glandularum oscula , & motuum insuper vigorem , fibras stimulando , restituit. Nonnunquam etiâ per se manducatur , quotiès scilicet fortiora salivantia necessaria judicantur , immò , inter clysteres stimulantés , in affectibus soporosis & apoplexiâ pituitosâ injiciendos , minori tamèn quantitate , recipitur.

§. IV.

Cum radice pimpinellæ albæ multa habet communia RADIX PYRETHRI, (*Pyrethre ou Racine salivaire*) *Bertram-oder Speichel-Wurgel*. Hæc tenuis quoque est, longa, colore foris fusco, intus albicante aut pallidè flavescente, sapore fervido atque acerrimo, odore nullo, prædita. Verum pyrethrum regiones calidas amat, & optima igitur species in *Africâ* crescit. Huic succedit *Italicum*, *Italico Gallicum*, *Helveticum* & *Bohemicum*, & hisce denique *Germanicum*, quod in hortis colitur: Quod passim enim in locis montanis, & sylvestribus Germaniæ progerminat, ptarmicæ species est. Nostrâ ætate veri pyrethri radix in Officinis nostris rariùs occurrit, & quæ pro illa venditur, plerumque memoratæ ptarmicæ radix est.

§. V.

Acrimonia fervida maximam partem in *principio resinoso* latet, etiamsi integra radice uncia vix unicum scrupulum reddat. Portio *gummosa* remissior est, atque, extractione perfectè separata, ad trium ferè drachmarum pondus ascendit. Infusum radice aquosum, ac sordidè brun-

num, odore & sapore valdè nauseoso pollet, acredine tamèn penitùs fermè destitutum videtur. Extractum inde paratum brunnì quoque coloris est, ingratum spirat odorem, & satis acrem ac fervidum saporem, cujus levissima saltèm in infuso vestigia aderant, linguæ imprimit, ita, ut saliva copiosius propemodum, quam manducato extracto resinoso, in ore confluat. Infusum spirituosum, quod colorem ex flavescente-rubellum obtinet, sapore gaudet subtili, valdè pungente atque urente, odore autèm solum duntaxat vini spiritum prodit. Peraçtâ evaporatione, extractum pallidè brunnum resultat, quod odore nauseoso polentam nonnihil æmulatur, & respectu saporis fervidi & acris cum ipsâ radice, eâque adhuc integrâ, convenit.

§. VI.

Quoad vires & operandi modum pim-pinellæ radici analoga est, rariùs nihilominùs, ob nimiam acrimoniam, & fervidam indolem, internè præscribitur, sed inter potentiora duntaxat *salivantia masticatoria*, in aphoniâ, gustu deperdito, refractariâ odontalgia rheumatico-catarthali, & morbis similibus utilissima, tutum invenit locum, & subindè paritèr,

quanquàm exiguâ quantitate, clysteribus stimulantibus & excitantibus, nec minùs gargarismatibus additur. Si usus internus placet, à scrupulo dimidio ad drachmam semissem, decoctis & infusis, cum aquâ, sero lactis aut vino parandis, additur.

C A P U T V I.

De radice raphani rustici & hellebori albi.

§. I.

RADIX RAPHANI RUSTICANI (*Racine de Raifort Sauvage*), aliàs *Armoracia*, *Meer-Rettich*, dicta, in nostris terris unicuique tam nota est, ut nulla formæ externæ descriptione indigeat. Sapore pollet valdè acri, atque pungente, subdulci tamèn remixto, & rafa, aut contusa subtilem atque copiosum halitum emittit, qui oculos, & tunicam narium pituitariam adeò vellicat, ut illachrymatio involuntaria & largior muci confluxus, cum dolorifico in parte utrâque pruritu, protinùs sequantur. Planta in vineis & hortis colitur.

§. II.

§. I I.

Præter inertes *partes terreas & aquosas* copiosissimas, mixtionem hujus radicis *principium mucilagineum, resinofum & subtile oleoso-spirituosum* ingreditur. Phlegma in radicis recentis unciâ unâ ultra quinque drachmarum pondus ascendit: Substantia mucilaginea, & resinosa, debite separata, acredine destituitur, ac dulcem solummodò saporem obtinet. Prior in unâ radicis unciâ circitèr drachmam unam, posterior vix grana duo vel tria pondere æquat. Substantiale denique, & essentielle oleum æthereum spirituoso principio pungente valdè gravidum est; hinc in eo quoque eminens acredo unicè propemodùm quærenda est, etiamsi exiguâ saltèm quantitate, grana duo vel tria nunquam superante, inhæreat. Indè cæteroquin sufficientem cognoscimus rationem, cur radix fortiter exsiccata aut diutiùs cocta, adeoque volatili & activo suo principio oleoso spirituoso orbata, nullâ amplius acredine instructa reperitur, sed linguæ subdulcem duntaxat saporem imprimat.

§. I I I.

Quamquam hæc radix magis inter *ali-*
CARTH. *Mat. Med. Pars I.* V

menta ac condimenta locum obtinere videtur, non contemnendis tamen viribus medicis, præsertim *diureticis*, & *antiscorbuticis*, donata est. Pungente enim principio spirituofo oleoso adhuc turgida, partium solidarum contractiones, & oscillationes vellicando egregiè excitat, & hac igitur ratione, præter majorem circuli vigorem, se. & excretiones, maximè per vias urinarias, validè auget. Cum fructu proinde in affectibus soporosis, apoplexiâ pituitosâ, asthmate, catarrhis, nephritide pituitosâ, dysorexiâ, calculo, hydrope, cachexiâ, chlorosi, obstructione mensium chronicâ, scorbuto &c. internè adhiberi poterit. Optimè in infuso, cum aquâ, vino aut sero lactis parando, præscribitur, non in taleolos secta, sed rasa paullulum. Succus expressus, & saccharo nonnihil edulcoratus, commodè pariter, ad unum alterumve cochleare, propinatur. Externè *rubefacientium* numerum auget.

§. I V.

RADIX ELLEBORI sive HELLEBORI ALBI, *weiße Niez-Wurgel*, (*Racine d'Ellebore blanc*) cujus planta *Hel-leborus* sive *Veratrum album* flore subviridi rosaceo vocatur, est radix crassa, oblon-

ga , multis fibris minoribus instructa , coloris extrinsecus ex fusco nigricantis , intus albi , saporis acris , nauseosi , amaricante & subastringente nonnihil remixti , odoris nullius.

§. V.

Resinosis æquè , ac *gummosis partibus* prædita est , præcipua tamen activitas in substantiâ resinosa latet. Infusum aquotum colore gaudet flavescente , ingratum spirat odorem , & debilem duntaxat acridinis sensum in linguâ excitat. Extractum inde paratum , quod , receptâ unâ radicis uncia , dimidiam ferme unciam pendet , flavescens est , parum odoratum , & debilissimâ acredine instructum. Infusum spirituosum colorem obtinet ex flavo-brunnum , nullum quoque odorem singularem spirat , & saporem amaricantem & acrem linguæ imprimit. Post evaporationem extractum relinquit , coloris saturatè brunni , ad nigredinem nonnihil inclinantis , quod , prædictâ radicis quantitate extractioni adhibitâ , ad trium ferme drachmarum pondus ascendit , etiam si vix grana sedecim veræ ac puræ substantiæ resinosæ in unâ radicis uncia hæreant. Extractum hoc rob sambuci sapore

amulatur, & longè debiliorem amaritudinem atque acredinem, quàm ipsum infusum, possidet: Unde patet, multas particulas volatiles, quibus acredo unicè ascribenda est, sub evaporatione abire in auras. Notatu cateroquò dignum est, acres hujus extracti particulas adeò subtiles, ac penetrantes esse, ut diu durantem acredinis sensum, & aliquam salivationem in ore excitent, licet sub degustationis initio massa parùm activa esse videatur. Cognoscimus indè operandi modum, & clarè discimus, quòd radix hæc ob acredinem suam, primò vix sensibilem, deindè autèm satis penetrantem, ac nervis diu pertinacissimè inbærentem, omninò suspecta sit.

§. VI.

Quondam hæc radix inter purgantia militabat & emetica, nostrâ autèm ætate, ob fraudulentam suam indolem, & operationem violentam, cujus ratio vera ex præcedentibus facile intelligitur, exclusâ, & ad sola *errhina*, atquè *ptarmica* relegata est, eorundemque ingrediens primarium constituit. Adeò enim, præfertim sub formâ pulverulentâ, uti moris est, applicata, Schneiderianam nasi tunicam stimulat, ut protinùs, licet exi-

gua saltèm pulveris quantitas attracta fuerit, vehemens contractio cum violentâ aëris explosione, uno verbo, sternutatio sequatur. Quare cautè admodùm cum externo quoque usu mercandum erit, ne nimîa vellicatione suâ justo crebriorem, ac violentiorem sternutationem, adeoque valdè noxiam cerebri, aliarumque partium concussionem efficiat. Cavendum inprimis, ne sub triturâ subtilissimæ pulveris moleculæ nares, atque pulmones copiosius ingrediantur, & tussim convulsivam, cum difficillimè sopiendâ sternutatione, excitent. Quod monitum plethorici inprimis, ad hæmorrhagias narium, hæmoptysin, & apoplexiam sanguineam proclives, nec minùs fœminæ gravidæ observare debent. Nonnunquam pulvis *vesicatoriis* etiàm & *rubefacientibus* additur.

CAPUT VII.

De Cochlearia, Nasturtio & Cardamindo.

§. I.

COCHLEARIA MAJOR ROTUNDIFOLIA sive COCHLEARIA FOLIO SUBROTUNDO OFFICINÆ

CINARUM (*Cochlearia*, *herbe aux Cuillers*)
Læffel-Kraut, apud nos in hortis colitur, in *Bataviâ* autem, *Angliâ*, *Norvegiâ*, *Gronlandiâ*, *Novâ Zemlâ*, aliisque regionibus, & insulis borealibus circa littora maris spontè, & quidem maxima copia, progerminat. Exotica, sylvestris, maritima, septentrionalis, hortensi nostrâ longe præstantior est, quoniam fortiori, ac subtiliori acredine, nonnihil quasi aromaticâ, gaudet; quum in nostrate ex adverso cum obtusiori, ac rudiori acrimoniâ major amarities mixta deprehendatur.

§. II.

Usum in medicinâ invenerunt folia & semina. Folia, præter *partes resinoso-gummeas*, multas etiam *oleoso-spirituosas* possident, quibus primaria virtus ingenua latet. Essentiale hoc oleum, licet exiguâ saltèm quantitate sub humidâ destillatione prodeat, singulari planè indole donatum reperitur. Pertinet ad olea ætherea, simplici aquâ specificè graviora; tantâ nihilominus mobilitate, ac volatilitate pollet, ut in vitris, optimè etiâ operculo munitis, diu custodiri nequeat. Nisi in cellâ subterraneâ, aut alio loco frigido collocentur, vel frigidæ aquæ immer-

gantur. Odor hujus olei penetrantissimus est, & nares fortiter ferit, immò, omnes capitis partes interiores afficit. Unica guttula integram spiritûs vini unciam forti sapore imbuit, quid? quòd, unica guttula soluta integræ vini mensuræ odorem, & saporem cochleariæ conciliat. In Angliâ, ubi uberrimus hujus plantæ proventus est, persæpè destillando educitur, valdè tamèn pretiosum est, & uncia una octo imperialibus venditur (a).

§. III.

Herba recens egregium medicamentum *aperitivum*, *stimulans*, *diureticum* & *antiscorbuticum* est, ac multùm utilitatis in calculo præstat, hydropè, obstructione viscerum, affectibus capitis, ventriculi, pectoris, renum & uteri pituitosis, cæterisque morbis, qui mucidæ humorum dyscrasiæ, & partium solidarum atoniæ præcipuam originem debent. Recens per se comeditur, acetariis additur, vino aut sero lactis infunditur, & succus expressus quoque, nunc solus, nunc sero lactis mixtus, nunc saccharo nonnihil edulcoratus, exhibetur. In regionibus & insulis quibusdam septentrionalibus, tes-

(a) Conf. B. Frid. Hoffm. Obs. Physico-chym. p. 17.

te BARTHOLINO (a), jusculis avenaceis, hordeaceis, & carniū, unā cum acetosā, quæ ibidē cum cochleariā in eodem plerumque solo uberrimē crescit, quæque optimum ejusdem corrigens creditur, ordinariō additur. Juscula hujusmodi alvum laxant, & humores egregiē à quibuscumque scorbutico-mucidis purgant. Externē succus expressus in stomacace cum fructu in usum vocatur, & gingivarum putrescentiam, præsertim melle rosarum aliquantulā remixtus, validē corrigit. Cum Herbā *Semen* maximam partem, incultu naturæ ac virium, convenit, præterquā, quod virtute paulo debiliori instructum sit, &, aliquamdiū asservatum, solam amaritiem, prorsus amissā acredine, retineat.

§. IV.

Cum cochleariā, ob magnam principiorum, proprietatum, ac virium similitudinem, NASTURTIUM HORTENSE, (*Cresson alenois*) Garten-Kresse, NASTURTIUM AQUATICUM, (*Cresson de fontaine*) Brunnen-Kresse, & CARDAMINDUM, alias *Nasturtium Indicum*, (*Capucine*) *Indiansche-Kresse*, dictum,

(a) In Act. Haffn.

Eodem loco collocari merentur. Simile quoque judicium de SEMINE NASTURTII, & CARDAMINDI FRUCTIBUS MINORIBUS ferendum est. Eodem profùs modo, quo cochlearia, internè & externè usurpantur, immò, cardamindi fructus minores, ac juniores, qui reliquis, ob majorem activitatem, & saporis gratiam, meritò præferendi sunt, per se comeduntur. Præter vires *antiscorbuticas*, aliasque, cochleariæ adscriptas, etiàm virtutem *anthelminticam*, *stimulantem* & *expellentem* obtinent, adeoque ad variolas expellendas, & appetitum venereum excitandum nonnunquàm commendantur. Semina nasturtii subinde *sinapismos* & *rubefacientia*, aliaque externa ingrediuntur. Haftenùs recensitis ERYSMUM FLOSCULIS LUTEIS, quod aliàs etiàm *Eruca nobilis*, *Verbena fœmina*, &c., *wilder. oder Wege-Senff* vocatur, (*Velar, Torielle*), jungere nullus dubito, quoniàm iisdem, non sapore tantum, sed naturâ potiter, principiis activis, ac viribus, valè analogum est. Specificum remedium in tæcedine, cussi, & asthmate pituitoso creditur; ast. in reliquis quoque moris allegatis commodè præcedentibus addi aut substitui potest. Plerumque sub formâ

syropi, jam pridem officinalis, præscribitur, rariùs infusa ingreditur.

CAPUT VIII.

De Arnica.

§. I.

ARNICA rectè in *Veram* & *Spuriam* distinguitur. Prior *Doronici* species est, ac vulgò à Botanicis *Doronicum plantaginis folio*, *Chrysanthemum latifolium* DODONÆI, *Calendula Alpina*, itemque *Alisma*, *Damasonium* &c. *Grosz-Lucians-Kraut*, *Wolverlen* &c. dicitur; posterior autèm, quæ rudioribus principiis instructa reperitur, adeoque in operando longè deterior, quæque in locis humidioribus progerminat, ad *Asteres* pertinet, & *Aster pratensis autumnalis*, *Conyza folio*, nec non *Conyza media*, *asteris folio*, *Conyza media Mathioli*, flore magno luteo, humidis locis proveniens, germ. *Ruhrkraut*, *Dummerian*, vocatur.

§. II.

Arnica vera, eaque optima, de quâ hoc loco unicè sermo est, in *Helvetiâ*, *Bohemiâ*, tractu *Misnia montano* ac me-

tallifero, in territorio *Variscorum Plavensi*, & alibi, passim in montibus, sylvis ac pratis crescit, & mense Julio atque Augusto floret. Radix ejus fibrosa, & nonnihil aromatica, caulem protrudit hirsutum, bicubitalem, cui rami ac folia, plantaginis foliis non dissimilia, longiora tamen, & dilutiori colore prædita, innascuntur: Flores saturatè lutei sunt, radiati, & aliquantulum, instar chrysanthemi, crenati, tandemque in pappos, seminibus instructos, abeunt. Folia, & petala floris recentia, contrita, & propius admota naribus, pruritum ac sternutationem excitant; hinc nonnulli etiam plantam hanc non *arnicam*, sed *ptarmicam* dicendam esse, existimant.

§. III.

Flores ipsâ herbâ potentiores judicantur, ac præstantiores, quoniam paulò copiosiori principio resinoso, cui major activitas ingenita hæret, instructi sunt. Nam uncia una florum circiter drachmam unam cum semisse extracti resinosi, & drachmas duas, ac scrupulum unum extracti gummosi, æqualis autem herbæ quantitas saltem drachmam unam & scrupulum dimidium extracti resinosi, & drachmas duas cum semisse extracti

gummosi largitur. Infusum aquosum florum post filtrationem colore pollet è flavo brunneo, odorem ingratum herbaeum spirat, & gustu satis amarum deprehenditur. Post blandam inspissationem extractum indè resultat, saturatè brunnum, odore debili balsamico, & amaro, austeriusculo, & subacri sapore præditum. Infusum spirituosum colore elegantissimè aureo sese commendat, & , præter subtilem atque nonnihil urentem saporem acrem, lenissimâ saltèm ac vix sensibili amaritiæ remixtum, halitum acriusculum tencerrimum, menstruo tamen ex parte adscribendam, emittit. Extractum inspissatum, remissiori, quàm infusum, acredine gaudet, & austeriusculum duntaxat & subacrem saporem linguae imprimit.

§. I V.

Operationem suam herba ac flores, immò radix, quæ in casibus nonnullis unâ cum foliis ac floribus, non sine insigni emolumento, in usum vocatur, (a) proximè in solas duntaxat partes solidas exer-

(a) Vid. GEORG. AUGUST. *de la MARCHE* Diff. de Arnicae veræ usu, ann. 1719. Halæ hab. §. 10. & 11.

tent, unde postea ad fluida redundat; Adeo nimirum solidorum oscillationes ac contractiones valido quodam stimulo excitant, ut humores quoque celerius pro-
volvi, fluida crassa, viscida, coagulata, congrumata, subsistentia, extravasata, denuo resolvi, promoveri, excuti, & passim per congrua loca excerni debeant. Præscribuntur herba ac flores, ad unum vel duos pugillos, in infuso, aut decocto. Prius, quod tutius atque præstantius est, cum aquâ fervente, posterius cum cerevisiâ aut aquâ, paratur. Assumptioni maximi circa partem affectam cruciatus, quid? quod, magna plerumque ventriculi anxietas cardialgica, cum nausæa & vomendi conatu, vel vehementia ventris tormina, succedunt, adeo, ut inscii ægrotantes mortem jam instare credant. Turbas hæc tandem largior diuresis, aut sudor, vel subinde etiam vomitus, aut dejectio alvina sequuntur.

§. V.

Multum valent, tanquam remedia heroica, ad sanguinem, post prægressas contusiones, casus ab alto, similesque graviores violentias externas extravasatum, ac congrumatum, denuo resolvendum, discutiendum & eliminandum,

(a). Excretio in hoc passu modò diuresi ac largâ diaphoresi absolvitur, modò cruor extravasatus, & ad ventriculū delatus, vomitu ejicitur, modò, in intestina nempè effusus, per alvum excernitur, modò per ipsam partem læsam, si aperta sit, excluditur.

§. VI.

Non in solo interim sanguine congesto, & extravasato, sed in aliis pariter morbis, calculo v. g., nephritide sabuloso-pituitosâ, rebelli dolore lateris punctorio, arthritide, paralyfi, incipiente hydropo humido, cachexiâ, diuturnis febribus quartanis, refractariis sanguinis stagnationibus, ac stasibus, obstructionibus uteri, lienis, aliorumque viscerum, & subindè etiâ in asthma pituitoso &c. miram efficaciam monstrant, etiam si, ob violentiæ cujusdam formidinem, à medicis rariùs paulo in morbis memoratis præscribantur. Quotiès usus herbæ aut florum placet, vel absque additamento, ac dosi completâ, h. e., à pugillo uno ad duos, præmissis tamèn lenio-

(a) Plura de hisce videantur in Act. Med. Berolinens. Vol. I. N^o. 4. p. 46. sequ. nec minus in Miscell. Acad. N. C. G. ann. IX. & X. Obs. 2.

ribus laxantibus, in decocto, aut infuso propinantur, vel in posterioribus morbis refractâ saltêm dosi, quod nonnulli tamen improbant, appropriatis aliis adduntur. Si dosi completâ exhibentur, præstat, ægrum, permittentibus nempe viribus, post haustum decoctum aut infusum, leniter in conclavi obambulare, quàm decumbere in lecto, quoniàm cruciatus, qui ut plurimum succedere solent, sub ambulatione longè mitiores, quàm sub decubitu, deprehenduntur.

C A P U T I X.

De semine Sinapi & gummi Euphorbio.

§. I.

IN Officinis duplicis generis SINAPI SEMINA prostant, SEMINA nimirum SINAPI SATIVI, *rapi folio, schwarzer Senf, (Montarde, Senevé)* & SEMINA ERUCÆ, sive SINAPI HORTENSIS, *apii folio, weisser Senf*. Illa parva sunt, rotunda, colore rufo, vel nigricante, sapore valdè acri ac fervido prædita; hæc autem ex flavo albicantia reperiuntur, & temperatiora principia, adeoque remissiore quoque acridinem possident.

§. I I.

Ex *oleosis*, *resinosis*, *gummosis*, ac *terreis* partibus constant: Acrimonia tamen magis in portione fixâ gummeo resinosa, quàm oleosa, latet. Solum quippe oleum, expressione separatum, tum saporis, tum virium intuitu, satis temperatumprehenditur (a). Principium salinum,

(a) » Sanè, BOERHAAVIUS scribit in
 » Chem. Tom. II. p. m. 33. mirabar olim, bono
 » successu præscribi Oleum pressum feminum Si-
 » napi contra acerrimos à calculo dolores. Mi-
 » rari desii, quandò oleum illud exploratum
 » adeò dulce & mite se daret, quod in destilla-
 » tione eorundem feminum tam acre apparet,
 » & igneum verè. Et sanè ne jam quidèmi mira-
 » ri hanc rem satis possum utcunque toties con-
 » sideraverim. Cur enim hoc in oleo presso non
 » adest acer odor, acutus sapor, qui ita excellit
 » in oleis stillatitiis? cur acrimonia Spiritûs Re-
 » ctoris, qui hospitatur in oleo, hic se non ma-
 » nifestat? sive aquam spectes, sive salem, ip-
 » sumve spiritum, & ejus oleum, forte non tam
 » appositè, ut Tibi promisceras ipse, responde-
 » bis. Utique parum valdè salis in hoc oleo re-
 » peritur. Et tamen de plantæ singulari ingenio
 » habet multum, ut sensus docent. Recens
 » interim quamdiù habetur miscela sui acre
 » involvit, mitificat, obtundit in humoribus; fi-
 » bras, membranas, vasa, viscera, affricu sui
 » laxat, flexilia reddit, emollit, duritiem fragi-
 » litatem, tollit. Escharas mortuas aridas, hu-
 » mecat, lenit, reddit separabiles a vivis per-

quod substantiæ gummeo-resinosæ mixtionem ingreditur, eidemque acredinem præcipuè conciliat, non alcalico-urinosum est, uti BOERHAAVIUS, chymico quodam examine deceptus, credidit (*a*), sed æquè, ac in acribus hujus com-
matis reliquis, subtile acidulum (*b*); hinc pulverisatum quoque sinapi vappescen-
tiam aceti corrigit, & nonnihil pridem corrupto, pristinum saporem, pristinam-
que integritatem reddit.

§. III.

Activum principium volatile copiosius gummosæ, quàm oleoso resinosæ sub-
stantiæ immersum hæret. Infusum enim
aquosum sinapi nigricantis, quod pallidè
flavi coloris est, valdè acrem halitum,
vividam in naribus titillationem excitantem,
emittit, & acri pariter sapore ipsum

„ actiones vitales. Defendit in vulneribus nudas-
„ tas partes, ne aer siccus illis noceat arefacien-
„ do. Prohibet quoque tenues humores, ne per
„ oscula aperta vasculorum nimis exhalent, sic-
„ que extrema vascula corrumpant. Hinc est op-
„ timum ad recentia, vivaque, vulnera auxi-
„ lium, quo consolidentur brevi. Quia etiàm
„ anodynum habetur summum, acria demulcen-
„ do, laxando stricta &c. “

(*a*) Loc. cit. p. 55. 122. seq.

(*b*) Conf. Sect. IV. Cap. I. p. 258. sequi.

femen æmulatur. Laudatus halitus acris tempore evaporationis nares adhuc aliquandiu ferit, deinde autem, expulsi nempe particulis volatilibus, non amplius sentitur, & flavum proinde extractum nullum prorsus pristinae acredinis vestigium in ore relinquit, sed debilem potius saporem subdulcem linguæ, debilemque odorem balsamicum naribus imprimit. Infusum spirituosum, colore viridiusculo & simul flavescente præditum, solius spiritus vini odorem spirat, & debiliori, quam prius, sapore acris specifico pollet. Peractâ evaporatione decenti, duplex substantia remanet, altera scilicet resinosa brunneo-flavescent, altera oleosa subviridis. Prior degustata acredine aliquâ, quanquam levissimâ, adhuc prædita est; posterior autem semiliquida ac valde pinguis existit, & temperatissimum, ac dulce amygdalarum, aut olivarum oleum sapore suo perfectè æmulatur. E quibus omnibus, conjunctim pensitatis, abundè constare existimo, 1. quod acredo specifica à solis particulis volatilibus derivanda sit, quodque 2., ablati hisce, sapor acris in substantiâ gummosâ, resinosâ & oleo, quod postremum, solum videlicet, purum, ac sibi relictum, manifestâ dulcedine & per-

fectâ temperie pollet, penitûs, vel maximam tamèn partem, evanescat.

§. I V.

Frequentissimè hæc semina, cum musto priùs, aceto, vel liquido utroque, in embamma redacta, muriâ conditis, infumatis, aliisque difficilioris concoctionis esculentis apponuntur, nec rarò pariter integra deglutiuntur, aut contusa inter electuaria, aliasque compositiones recipiuntur. Locum enim inter activa *stimulantia*, *stomachalia*, *carminativa*, *aperitiva*, *attenuantia*, *diuretica*, *aphrodisiaca*, & *antiscorbutica* obtinent, ac multum igitur auxilii ab usu eorum tempestivo, & moderato expectandum est in variis appetitûs & digestionis vitiis, à cruditatibus mucidis, & tunicarum flacciditate oriundis, nec minùs in ventriculi & intestinorum inflatione, febre quartanâ, obstructione urinæ, aliorumque viscerum, suppressione urinæ, ab atoniâ fibrarum, aut materiâ sabuloso-mucidâ pendente, sterilitate muliebri, torpore venereo, apoplexiâ pituitosâ, & similis naturæ asthmate, affectibus soporosis, catarrhalibus, frigidis rheumaticis, atque cachecticis, scorbuto, & sic porrò. A nimio tamen usu abstinere debent sub

jecta plethorica, & biliosa macilenta; quoniam in prioribus humores plus justò exagitant, adeoque hæmorrhagiis ansem præbent, in posterioribus autem bilem valdè acrem, ac fervidam reddunt, & excedens motuum augmentum provocant. Externè præcipuum *sinapismorum* ingrediens constituunt, quorum applicatio in membrorum paralyti proficua deprehenditur; subinde etiã pulvere eorum lingua paralytica fricatur, ut sensum aut motum amissum recuperet.

§. V.

GUMMI EUPHORBII est concretum gummeo-resinosum, pro differenti suâ puritate, nunc flavescens, nunc ex flavo-nigricans, saporis caustici acerrimi. Planta, quæ concretum hoc largitur, *Tithymali* species est, & *Tithymalus Mauritanicus spinosus*, sarmentosus, semine tricocco, itẽmque *Euphorbium DODONÆI* dicitur. Crescit in *Lybiâ* & *Mauritaniâ*, aliisque *Africæ* locis, & trunci ejus crassiores, providè ab incolis sauciati, copiosum atque acerrimum succum lacteum fundunt, qui, sensim ac spontè inspissatus, gummi laudatum constituit. Optimum creditur flavescens, quoniam non adeò, quàm nigricans, arenulis &

Impuritatibus terreis remixtum est.

§. V I.

Partes *resinosa* ac *gummosa* in euphorbio, puro, flavescente, quod arenâ nempe, moleculis terreis, aliisque quisquiliis caret, quantitate fermè æquali adfunt, caustica tamen acredo maximè, quin forsitan unicè, parti resinosa adscribenda est. Infusum spirituosum enim tam fervidâ acrimoniâ gaudet, ut, piperis acerrimi instar, licet minima saltèm portiuncula degustetur, linguam, palatum, fauces, immò labia, vehementissimè urat ac pungat, & facilè, nisi demulcentia mucilaginea, atque oleosa adhibeantur, partium memoratarum inflammationem producat. Tantâ prætereà pertinaciâ inhæret, ut ardor, adhibitis etiàm obtundentibus laudatis, intrâ horæ spatium vix aut ne vix extingui queat. Extractum spissum colore pallidè aureo, & pari, immò majori, quàm infusum, acredine præditum est. Infusum aquosum, quod debili odore balsamico, & colore, pro diversâ euphorbii puritate, modò flavescente, modò brunneo-rubescente pollet, longè remissius est, & linguæ saporem amarum, leni duntaxat acredine mixtum, imprimit. Sub evaporatione con-

ſtanter ſubtilem halitum acrem emittit, qui, naribus exceptus, pruritus & ſternutationem provocat; unde pariter pater, acce hoc principium ex parte volatilis naturæ eſſe. Extractum, ad juſtam conſiſtentiam reductum, & proſuſ reſſrigeratum, odore deſtituitur, & moderatâ duntaxat amaritudinis, leni acredine mixtâ, gaudet. Sub deguſtationis initio acce vix ſentitur, deinde autem fortior evadit, & linguam ac fauces ſatis diu, ardore quodam & ſubtili puncturâ, quanquàm longè mitiori, quàm infuſum & extractum reſinoſum, torquet. Vero quoque ſimillimum eſt, acrimoniam ejus à mixtis paucis moleculis reſinoſis præcipuè derivandam eſſe.

§. VII.

Ob indolem cauſticam, erodentem, inflammantem, concretum hoc internè nunquàm tutò poteſt exhiberi, immò, uſus externus omnem poſtulat circumſpectionem. Nonnulli quidè venenatam ejus acrimoniam amygdalis dulcibus, aceto, ſucco portulacæ &c. corrigere ſtudent; aſt parùm huic correctioni, ſi de exhibitione internâ ſermo eſt, fidere licet. Externè ſolummodò inter unguenta & emplaſtra *rubefacientia* & *veſicantia*,

membris paralyticorum & soporoforum nonnunquàm applicanda, nec minùs, quanquàm valdè exiguâ quantitate, inter pulveres *errhinos*, qui in pertinaci narium obstructione, visciditate muci, & pituitosis capitis affectibus chronicis, atque rebellibus haud rarò proficui deprehenduntur, securè recipi potest. Non contemnendam quoque utilitatem in carie ossium & tumoribus scirrhis, à cancrofâ malignitate adhuc immunibus, quandoque præstat. In casu priori cum pulvere radicis iridis Florentinæ, & mastichis miscetur, in casu posteriori autèm in oleo lini, olivarum, aut amygd. dulcium solvitur.

C A P U T X.

De Cantharidibus.

§. I.

CANTHARIDIBUS, *Spanische Fliegen*, (*Cantharides*) sunt insecta oblonga, pedata, alata, vagipinnia magnitudine muscarum majorum, colore splendente aureo ac viridi, sapore oleoso, acri, erodente, caustico, odore, recencia nimirum fœtidissimo. Alibi *maiores*

sunt, alibi *minores*. Maximè in *Italiâ*, *Hispaniâ*, *Galliâ*, aliisque regionibus calidioribus, paulò rariùs in *Germaniâ* nostrâ, ubi magis peregrina, quam indigena, animalcula sunt, reperiuntur. Amant præ plantis reliquis frumenta, cynosbaturum, ligustrum, cynoglossam, sambucum, ulmum, fraxinum, quercum, & oleastrum, indeque suum victum petunt. Captæ aceto calido necantur, posteaque ad solem exsiccantur. Minores præferuntur majoribus, iisdemque acriores esse censentur.

§. I I.

Paucas in mixtione suâ foveant *partes resinosas*, plures *gelatinosas*, & copiosissimas *terreas*. In unâ quippe cantharidum uncia substantia gelatinosa drachmam unam, & dimidiam gravitate æquat, substantia resinosa vix scrupulum pendet dimidium, & terrea denique portio reliquam ponderis partem supplet. In parte resinosa, etiamsi minimâ quantitate inhæreat, acredo caustica, & virtus unicè propemodùm quærenda est, eademque *implicito principio salino* valdè turgida reperitur. Specifica laudati salis natura nondum satis detecta est, & alii istud ad acida, alii ad alcalia volatilia sive urinosa referunt:

referunt : Quæ incertitudo separationis difficultati præcipuè adscribenda est. Nam , quotiès cantharides integræ , aut pulverisatæ seorsim aquâ , & spiritu vini extrahuntur , & infusa evaporando inspissantur , solummodò gelatinosa , & resinosa extracta prodeunt , & sal acre iisdem , præsertim resinoso quod gelatinoso longe acrius , adeò involutum hæret , ut sufficienter explorari nequeat : Sin citrà aquæ autem , aut spiritûs vini additionem violentæ destillationi in retortâ subjiciuntur , *spiritum* quidè m *urinosum* , *oleum empyreumaticum* *fatidissimum* , & *sal volatile siccum* , ejusdem cum spiritu naturæ , reddunt : at , cum singula hæc producta sub Vulcani torturâ majorem , vel minorem metamorphosin passa fuerunt , inter genuina educta numerari nequeunt , ac parùm ideò lucis circâ cognoscendam veram , atque nativam salis impliciti naturam fœnerantur.

§. III.

Deficiente igitur certitudine , locus solis relictus videtur opinionibus probeabilibus , & lubens fateor , me eorum amplecti sententiam , qui , sal istud *acide* quidè m *naturæ* esse , nonnihil tamen , æquè , ac apud formicas , ad *urinosam* in-

clinare, existimant. Argumenta probantia in hoc passu non planè defunt: Iteratà nimirum chymicorum experienciã comprobaturum est, 1. insecta multa, præfertim volatilia, subtili quodam acido, in nonnullis, v. g. apibus (a), valdè caustico, instructa esse, 2. ad formandas resinas veras nunquam sal alcalicum, sed semper acidum concurrere, & 3. acida virtutem vesicatoriam pulveris cantharidum intendere. Scio quidè, nonnullos circa argumentum ultimum contrariam tueri sententiam, & acetum corrigentibus annumerare; ast scio etiã, opinionem eorum experienciæ repugnare, quæ dudum docuit, acetum, emplastris vesicantibus additum, activitatem non minuire, sed potiùs majorem red-
dere.

§. IV.

Cantharides, alis, quæ parùm virtutis possident, abjectis, pulverisatæ, ad

(a) LUDOVICI, uti in *Miscell. A. N. C. G. ann. IV. Obs. 67.* refert, aliquandò liquorem, qui apum aculeo, dum pungunt, adhæret, quemque simul in vulnus immittunt, degustavit, & saporem ejus tam mordacem deprehendit, ac si aquæ fortis, aut soluti mercurii sublimati quidpiam linguæ incidisset.

Vola duntaxat externa *rubefacientia*, & *vesicantia*, quorum primariam constituunt speciem, tutò referri possunt. Cum fermento panifico, terebinthinâ, cerâ, aliisque ac emplastri formam redactæ, & cuticulæ impositæ, acutissima sua spicula oleoso-salina (a) facillimè emittunt,

(a) OLAUS BORRICHIVS, cum virtutis vesicatoriæ rationem in spiritu, oleo, & sale volatili, è cantharidibus igne sicco, & violentâ destillatione expulsis, post instituta experimenta minimè inveniret, tandem cantharides totâ substantiâ suâ, & rudiori prorsùs modo mechanico operari, statuit: « Visus, inquit, *Galenus* non » imprudenter scribere, *pharmaca quædam agere* » totâ substantiâ, non ità in particulas divulgâ. » Verum quia oraculum illud *Pergameni* non satis evidentem animo notionem imprimat, » quæsitâ à microscopio evidentior. Igitur sub- » jecta huic exploratori cantharis integra corpusculum suum monstravit mille spinis inhorrescere, quarum aculeis cuticulæ impactis necesse est, eandem pati; non aliter atque urticæ folia » similibus armata spinis manum eodem prope- » modum modo adurunt. Ut proinde, quo in » minutiores contendantur particulas corpuscula » catharidum, antequàm cuticulæ applicentur, » hoc segniùs eadem operari credibile sit, cuspidibus nimio attritu diffractis. Sed cur cantharides » afficiunt vesicam admotæ etiàm brachiis? Non » iniquum fuerit suspicari, excitatissimas cuspidum pervadere cuticulam, ibique ne regrediantur, à sero attineri, rapique unâ cum

altiusque, præsertim corporis calore animata, fibris ac vasculis capillaribus cutis subjectæ infigunt, & validâ, ac pertinaci puncturâ violentam non minùs vasculorum constrictionem, largioremque humorum confluxum, quam ipsam denique tubulorum quorundam lymphaticorum rupturam, adeoque lymphæ extravasationem, & hac mediante vesicam excitant.

§. V.

A quibusdam cantharidum pulvis interne paritèr ad ciendum urinæ fluxum, calculum vesicæ, ac renum exturbandum, & venerem stimulantem commendatur, ac propinatur: Sed absit, ut ratio-

„eiusdem feri portione, ut per alias corporis
 „partes, ità tandem per vesicam, ibique, quia
 „illa delicatior & minùs oblita nativo muco,
 „novis punctiunculis creare molestiam, quòd
 „utique in cæteris partibus non ità promptum,
 „tum quia in illis cuspides in perpetuo fluxu sunt
 „tendentes cum sèro ad vesicam, ubi nonnihil
 „conquiescunt, tum quia in reliquis partibus non
 „velantur in solo sèro, sed in viâ perasistæ san-
 „guini & pituitæ, eoque à cæterorum misturâ
 „repressæ à pungend. vocantur. Non alienum
 „tamen fortassè fuerit existimare, vim cupidum
 „à tale eundem, velantem increscere. atque au-
 „gierem reddi &c. &c. V. B. ARTHOLINI
 „*Dea massingia Vol. IV. 1. 106.*

nalium ullus anceps eorum consiliū ,
 & periculosa vestigia simpliciter sequatur:
 Venenum omnino causticum est , quod ,
 internè sumptum , facillimè renes & ve-
 sicam , quibus maximè infestum reperi-
 tur , erodit , exulcerat , mictum cruen-
 tum producit , & memoratarum , alia-
 rumque partium spasmos , atque dolores
 dirissimos provocat , nisi tempestivè con-
 grua , & adæquata antidota , pingua ni-
 mirum , & unguinoso-aut aqueo-oleosa ,
 cujus censūs sunt lac tepidum , vel so-
 lum , vel cum fœniculi seminibus coctum ,
 juscula pingua , emulsiones , oleum a-
 mygdalarum dulcium , sperma ceti &c. ,
 opponantur. Facile cæteroquin concede-
 re possum , usum cantharidum internum ,
 præsertim si mitioris indolis sint , apud
 subjecta robusta , & durioris vitæ gene-
 ris non semper graviolem , & conspi-
 cuam noxam inferre , (a) inde tamen ad

(a) Incolæ *Hungariæ superioris* ultra fluvium
Tibiscum , uti in *Misc. A. N. C. G. Obs.* 134. re-
 latum legimus , singularem ac valdè acutam *hy-*
drophobiæ speciem largâ cantharidum assumptio-
 ne iterum profligare solent. Superveniente hoc
 morbo , collum subito intumescit , postea succe-
 dit æstus ingens in capite , qui mox in universum
 diffunditur corpus , ita ut ægri intrâ quatrídium ,
 nisi citata feratur medela , pereant. Ad curandum
 igitur hunc morbum decem cantharides pulveri-

484 *Secl. VII. De Acribus Alterantibus.*
ulûs securitatem solidam conclusionem
formari posse, nego, ac pernego, & in
hoc passu singulos medicos conscientiosos
memet consentientes habiturum esse,
credo. Valent tamen memorata præcipuè
de usu cantharidum solitario, ac paulò
mitius itaque iudicium ferendum erit,
quandò pulvis earum valdè refractâ dosi
oleosis, mucilagineis, pinguibus, gela-
tinosis, aliisque corrigentibus additur,
& torpidioris duntaxat naturæ homini-
bus, quibus potentiora stimulantia mi-
nùs nocent, exhibetur.

fatias assumunt; quo pulvere cum vehiculo hauf-
to, largi plerumque sudores erumpunt, inter-
dùm etiàm, citra ullum tamen dolorem, copio-
sus urinæ fluxus insequitur. Incolæ hujus territo-
rii naturâ admodùm robustâ gaudent, & cantha-
rides, si integræ sumantur, nihil detrimenti crea-
re posse, sed pedes venenati potius corporis anti-
dotum esse, opinantur. Probabile præterea est,
cantharides, quæ in tractibus hisce degunt, ob
clima singulare, mitiora principia, quàm nostra-
tes, continere; quemadmodùm varietatem hanc
apud alia quoque animantia, & vegetabilia, sub
diversis climatibus reperiunda, frequentissimè
observamus.





SECTIO OCTAVA.

De Dulcibus.

CAPUT PRIMUM

De naturâ & differentiâ Dulcium.

§. I.

DULCIA, habitâ ratione distincti principii activi, ad quinque classes genericas redigenda sunt, quarum prima *mucilaginea*, secunda *resinoso-gummea*, tertia *unguinoso-salina*, quarta *oleosa*, & quinta *aqueo-salino-oleosa* completitur. Binas classes postremas ad aliam Sectionem reservabo, de tribus prioribus autem uberiùs hoc loco agere placet.

§. II.

Simplicia primæ classis solâ propemodum *substantiâ gummosâ*, sive *mucilagi-*
X. iiii.

neâ, cui paucissimâ saltêm *micula resinosa* intimè permixtâ inveniuntur, infra-
 cta sunt, quæ tota igitur in aquâ solvitur,
 ac tota pariter eodem menstruo extrahi-
 tur, præfertim, si digestionî temporariæ
 lenior tandêm co&tio succedat. Substan-
 tia hæc temperata quidêm, lubrica, de-
 mulcens, ac nutriens est, leni nihilose-
 ciûs acredine, quæ sese in recessu mani-
 festat, donata reperitur, & idèo etiâm,
 saponis instar, abstergit. Huic in dulci-
 bus secundæ classis *resinosa* quoque *sub-*
stantia, quæ vini demùm spiritu perfectè
 solvitur, largiûs sociata est, & dulcedi-
 nem, uti species clariûs docebunt, val-
 dè auget.

§. III.

Quando cum memoratâ substantiâ mu-
 cilaginea, aut resinoso-mucilagineâ *plus*
terra & pauxiliûm principii salini alcalici
 intimè combinatur, paululûmque præte-
 rea abundans materia spumido-ûnguino-
 sa auferitur, concreta dulcia tertiæ clas-
 sis, *sicca* nimirûm, *saliniformia*, *sacha-*
rata, quæ salia pingua æmulantur, &
 longè majori acredine gaudent, indè nas-
 cuntur (a). De eminentiori acredine non

(a) Succus dulcis, ex arundine sacchariferâ

tantum sapor, & forma salina crystallina, sed notissimi quoque effectus testantur: Saccharum enim pulverisatum, fonticulis & ulceribus inspersum, luxuriantem carnem fungosam erodendo absumit, dentes successivè arrodit, & apud

expressus, absque additamento terreo-salino alcalico ad siccam, atque salinam consistentiam, quâ saccharum vulgare pollet, redigi nequit, & citius, STAHLIUS in *Fund. chymicæ dogmaticæ & experiment.* p. 69. refert, empyreuma, quàm siccitatem contrahit, si igne urgeatur. Quando solis quoque calore, vel simili mediante, inspissatur, aut omninò exsiccat, tunc minimè purior, & merè salina substantia, sed magna herbaceum, mucilagineum, extractiforme, inde emergit. Necesse igitur est, ut heterogenea à puriori succi portione separentur, eidemque lixivii terreo alcalici additione soliditas, ac sicca consistentia concilietur. Ex arundinibus, *Mambu* dictis, succus, quo turgent, in singularibus molis conquassatoriis exprimitur, & statim, ob propriam sibi corruptibilitatem, in ahenis æneis, coquitur; ubi crassiores ejus feculentia, oleoso-ligne leviores ad superficiem liquoris, sub spumæ formâ, ascendunt, crassiores terreae autem præcipitantur. Adjuvant utrarumque separationem per lixivium, è cineribus aut calce vivâ, vel utrisque paratum, dum infusum cum acidis, iisque potentioribus succi saccharini partibus coit, & rudiores terreas, ab illis antea corrosas, unâ cum crassioribus oleosis è mixtione extrudit, undè fit, ut priores fundum, posteriores superficiem petant. Ablatis hisce ope cochlearis ferrei cribrosi,

illos, qui eodem impensius delectantur, nigros reddit, cuticulam, tunicæ oculorum corneæ, aut albugineæ adnatam, absomit iterum, in aquâ dissolutum, instar saponis, abstergit, clysteribus additum, stimulat, eorumque virtutem absterforiam auget, & apud illos denique,

liquor spissiusculus ad debitam usque consistentiam incoquitur, posteaque vasis figulinis pyramidalibus infusus, in loca subterranea bene frigida deferitur, &, aliquam ibi soliditatem nactus, æstui solari exponitur, ut penitus exsiccetur. Pro refinando, seu ulterius depurando hoc saccharo coctio, despumatio, ac memorati lixivii admixtio vel semel, vel ter quaterque repetitur: Sic magis magisque tum solidum, tum candidum enascitur saccharum; coagulatione simplici in pyramidalem, crystallisatione in eam formam abiens, quâ saccharum candum dicitur. Simili propemodum modo ex aliarum plantarum ac fructuum succis dulcibus mucilagineis sicca ejusmodi concreta saliniformia, seu sacchara parari possunt; immò interdum citrà principii cujusdam terreo-salino-alkalini introductionem, solâ interveniente materiæ unguinoso-oleosæ exsuperantis separatione, succedit, uti hoc inter alia confectione *sacchari lactis* probari potest, quod sequenti methodo, quam LUDOVICUS TESTI, *medicus Venetus*, in *peculiari de hoc saccharo & arthritide libello*, anno 1709. primùm communicavit, præparatur: Lacti, mense Junio, vel Julio collecto, ac communi methodo cocto, tot ova adduntur, ut in coagulum abeat, (*auf die Art, wie hier*

qui faucium erosione & anginâ spurâ laborant, manifestum acredinis ac rosionis sensum excitat.

§. I V.

Moleculæ illæ, quæ sub aggregatione suâ massas dulces formant, ex terrâ tene-riori, in aquâ, quamdiù mixtio durat, solubili, nec minùs acido subtili, mobili, volatili, & substantiâ oleoso-unguinosa, aut tenerrimâ saltèm phlogistâ compositæ sunt, quibus in saccharo vulgari, & concretis similibus, arte paratis, ordinariò salinum alcalicum, cum acido nativo in sal medium degenerans, accedit. Principium oleoso-unguinofum, aut inflammabile tenerius portionem salino-terream, per se in naturalibus austeram ac stypticam, involvit ac temperat, adeòque concursu suo, & intimâ ad- & immixtione:

zu Lande die Ene Kase gemacht werden); serum à coagulo separatum, statim coquitur, ne acet-
cat, & nonnihil inspissatur, sæpiùsque inter inf-
pissandum per linteamina trajicitur, ut viscositas
hac ratione penitùs sequestretur: Quamprimùm,
magis magisque incoctum, cuticulam in superfi-
cie contrahit, ab igne removetur, & in loco
frigidiusculo collocatur, sic intrâ breve tempus
cristalli salinæ, dulcissimi ac gratissimi saporis,
in eo concresecunt. Conf. Teichmeieri Instit. Che-
miæ dogmat. & experiment. p. 200:

dulcedinem primariò producit. Nam saccharum, manna, mel; & quævis dulcia nativa reliqua, sive sint mucilaginea, aut resinoso mucilaginea, sive sicca saliniformia, in arenæ balneo, è retortâ igne ficto destillatâ, transmittunt 1. *phlegma flavesceus*, debili odore & sapore acidulo-balsamico præditum 2. *spiritum flavum*, vel *ex flavo-rubicundum*, pinguem, phlogisto-acidulum mobilissimum, qui recens ténerrima effluvia copiosè spargit, quæ naribus excepta, instar armoraciæ contritæ, violentum pruritum excitant Ipse quoque spiritus, cuticulæ instillatus, leviter eam arrodit, & flavam producit maculam, aliquamdiù pertinaciter in hærentem: Hisce 3. *pauxillum olei substantialis ex brunno nigricantis* succedit, quod, cum spiritu specificè gravius, fundum petit, & in fundo retortæ *caput mortuum nigrum, terreum, iners, fixissimum* relinquitur, & quidè copiosissimum post siccorum saliniformium, parcius post mucilagineorum destillationem.

§. V.

Non diacriseos tantum, sed etiam syncriseos exemplis prædicta dulcium principia constitutiva probantur. Notò v. g. notius est, fructus plantarum dulcissimi nos

in principio fuisse austeros, ac stypticos, & successivâ demùm, eâque intimiori, principii unguinosi, aut oleosi immixtione, cooperante tamèn calore solis, dulcedinem adipisci. Uvæ primò austeri saporis sunt, deinde acidum puriorem, subtilioremque, postea acidulo dulcem, tandemque dulcem perfectissimum consequuntur. Chymus animantium, præsertim illorum, quæ solis radicibus dulcibus, granis, herbis, foliis, gramine &c. vescuntur in ventriculo adhuc crudus, crassus, terreo-acidus est, mutatur tamen postea in duodeno, superveniente intimâ olei admixtione, in chylum dulcem, & sensim magis magisque alteratur, donec in sanguine pristina aciditas penitus evanescat, adeò, ut in sanorum sanguine ne micula acidi explici, nisi rædiosum ac multiplex artificium chymicum accedat, demonstrari queat.

§. VI.

Præter acidum istud, quod intimam substantiæ dulcis resinoso-mucilagineæ mixtionem ingreditur, & absque destructione ejus separari nequit, aliud *sal acidum essentiale*, moleculis resinoso-mucilagineis solummodò interjectum, adeòque è quibusdam, v. g. fructibus pulpo-

sis, citrà mixtionis destructionem, separabile, in corporibus dulcibus hujus commatis latet. Quandò succus v. g. passulorum majorum, recenter expressus, & ad tertiæ partis remanentiam blandè evaporatus, aeri frigidiusculo aliquamdiù exponitur, sal essentialè acidiusculum crystallinum in eo concrescit, & parti adhuc liquidæ oleum dulce ac gratum, cui salina hæc materia antea nonnihil involuta erat, seorsim innatat. Simile quid expectandum est, quandò pulposa tamarindorum, caricarum & similium substantia, post expressionem aquâ paululùm dilutior reddita, eadem methodo tractatur.

C A P U T I I.

De modo operandi atque virtutibus Dulcium.

§. I.

DU L C I A mucilaginea, ob blandam & unguinosam suam indolem, animalium corpora non tantùm nutriunt, sed sicca pariter, ac rigida nonnihil humectant, & emolliunt, partes erosas demulcent, acrimoniam humorum obtundunt, involvunt, ac temperant, meatus

lubricant, materias crassas, ac mucidas blande resolvunt, &, saponis instar, abstergunt: Hinc satis eximium auxilium in siti nimia, erosione, & asperitate faucium, rauedine, angina spuria, tussi, asthma pituitoso, calculo, stranguria, segnitie, ac siccitate alvi, edulcoranda acrimonia sanguinis scorbutica, arthritica, rheumatica, & morbis similibus præstant. Crebro prætereà, lubricandi & abstergendi fine, clysteres ingrediuntur, immò nonnulla, v. g. carica, mel &c. inter cataplasmata & epithemata emollientia, partibus inflammatis, tumidis, duris, dolentibus, spasmodicè contractis, applicanda, nec minùs inter gargismata recipiuntur.

§. I I.

A mucilagineis, respectu operationis, dulcia sicca saccharina, quæ salia media naturâ quodammodo æmulantur, & in corpore in minores quidèmmoleculas similes, neutiquàm verò in elementa dissolvuntur, notabiliter distincta sunt. Nutriendi enim facultate destituuntur, & minorem lubricandi, ac demulcendi, longè majorem ex adverso incidendi, abstergendi, ac stimulandi virtutem obtinent: Quare alimentorum quoque reso-

lutionem in ventriculo, nec minùs aquæ, & olei unionem (a), adeoque chyli-
ficationem adjuvant, alvum officii sui blan-
dè admonent, putredinem humorum
avertunt (b), & excretiones qualcunque,

(a) Olea destillata ætherea, saccharo instil-
lata, & cum eodem in mortario trita, facillimè
à liquoribus aqueis, si agitatio quædam accedat,
solvuntur, etiamsi aliàs unio oleorum cum aquâ
per se fieri nequeat. Saccharum itaque, tanquam
corpus salino-unguinosum, ob hermaphroditicam
suam indolem copulatorio munere perfun-
gitur, & contrariorum hujusmodi liquidorum
miscelam, atque connubium procurat. Notissi-
mum quoque experimentum est, frustum sac-
chari, mixturæ lactis, atque cremoris injectum,
olei separationem, adeoque butyri confectio-
nem impedire, quod plus vice simplici apud
ignaros illati facini suspensionem excitavit.

(b) « Quæ saccharo præservantur, BECHERUS
» in *Physica subt.* p. 143. scribit, crasin suam
» servant, utpote quæ à saccharo non alteratur.
» Nam cum id in partibus suis temperatum exist-
» tat, nullam in corporibus, prout tal commu-
» ne, reactionem aut intrinsecam mixtionem facit,
» sed tantùm ea præservat, humiditati resistan-
» do, & internum balsamum confortando,
» quod à saccharo optime quidem & efficienter
» præstatur; nam experientia docet, integras
» nescientes, cum saccharum coquunt, & in offi-
» cinis saccharariis in magnis catinis depurant,
» intinctas, & quasi in momento extinctas, ita
» tamen saccharo penetratas esse, ut nunquam
» amplius putrescant, cum à saccharo partes ita

maximè autèm expectorationem, & diuresin promovent. Externè ad leniora cathæretica, & stimulantia clysmatum ingredientia pertinent.

§. III.

Quanquàm medicamenta dulcia non adeò activa sint, multùm nihilominus detrimenti, si usus scilicet nimius admittatur, & intempestivus, sanitati inferre valent. Nam vermium intestinalium generis, ac multiplicationi ansam præbent, præsertim apud infantes, qui adhuc ventriculi debilitate, & naturali bilis inertia laborant: Dulcia mucilaginea prætereà

» obducantur, ut etiàm in ipsis ossibus invenia-
 » tur, eaque condiant, aliàs valde putrescibi-
 » lia. . . . Vidimus quoque, carnem cervinam
 » saccharo condiri, quæ summâ in æstate putre-
 » dini resistebat. . . . Immo experientia de-
 » monstrat, saccharum longè meliùs & fortiùs à
 » putredine, quam sal præservare; nam licet
 » fructus, poma & similia, plurimo sale condias,
 » tamen putrescent; cum è contra saccharo ob-
 » ducta, in qua re *Genuenses* excellunt, diutissi-
 » mè persistant. Et hæc est ratio, quod multa
 » loca in Indiis sint, ubi sacchari copia est, &
 » incolæ nullo unquam sale vescuntur; Euro-
 » pæos pro stultis æstimantes, quod tam acerbam
 » materiam intra corpus sumant: Nam saccha-
 » rum dulce sal vocant. Hi ergo, cum loco salis
 » saccharo utantur, nunquam deprehenduntur
 » scorbuto laborare. «

facile mucum gignunt, & spiritu sylvestri fermentante, quem largius assumpta, & diutius in primis viis remota, evolvunt, motus turbant, ac genus nervoso-membranaceum valdè debilitant. Mucus, quem generant, vel *insipidus*, vel simul *acidus* est, & duplici modo in ventriculo & intestinis ex dulcibus mucilagineis nascitur, nimirum 1. quando, largius atque frequentius ingesta, partes quasdam terreo-mucidas post sui resolutionem, ac transitum ad sanguinem relinquunt, quæ morâ diuturniori, & aliarum cruditarum concursu, spissiores non minus, quàm acriores, evadunt, atque magis magisque corrumpuntur, 2. quando recrementa memorata, & adhuc integræ moleculæ dulces in subjectis, ventriculi imbecillitate laborantibus, in motum fermentativum ruunt, & hac ratione acidum, antea involutum, & unguinosâ substantiâ contemperatum, plus minusve evolvitur, & copiosæ insuper partes fæculentæ extruduntur ac deponuntur. (a)

(a) De possibilitate *fermentationis incomplete* in ventriculo, & intestinis nullo modo dubitandum est, si dulcia nimirum fermentescibilia largius ingerantur, ibidemque moras longiores nectant. Adest enim spatium sufficiens, adest calor blandus ac humidus, adest denique materia

§. I V.

Non deftituuntur quoque pura , ficca , faliniformia , faccharina , peculiari nocendi facultate , fed , nimum adhibita , homines macilentos reddunt , & ideo cholericis inprimis , & hefticis nocent. Saccharum cryftallinum enim , uti antea memoratum fuit , fatis validam ftimulandi , & incidendi virtutem poffidet , aquæ & olei unionem egregiè promovet , adeoque butyri feperationem impedit ; quæ fingula in corpore humano applicari poffunt. Ad pinguedinis nempe generationem largior olei unguinofi temperati è

ad fermentationem apta. Satis prætereâ de incipiente & aliquamdiù protractâ actuali fermentatione teftantur flatus , ructus , borborygmi , dulcium fermentefcibilium affumptioni largiori in plerisque , præfertim debilibus , fupervenientes , nec minùs intumefcentia abdominis , tormina , diarrhœæ & fimilia , itèmque fpiritus fermentans , qui , nervos & vafa fanguifera intrans , primò perturbationem ac dolorem capitis , poftèa fomnum turbulentum , tandèmque univerfi corporis imbecillitatem per integrum fubinde diem insequentem , & ultrà perfeverantem , producit ; quemadmodum effectus hujusmodi plus fimplici vice apud illos observavi , qui dulciffimos fructus horæos , aut cerevifiam dulcem recentem , halitu fylveftri adhuc refertam , copiofiùs affumpferunt.

sanguine , & à partibus reliquis secretio requiritur ; hanc autem impedit saccharum purum , justo largiùs assumptum , & magis potiùs aquæ & olei unionem in sanguine adjuvat : Unde satis constare existimo , quod dulcia hujusmodi pinguedinis incremento parùm faveant , sed genesin ejusdem atque secretionem potiùs impedian , adeoque subjectis siccis ac macilentis minùs , quàm succulentis & obesis , proficua sint.

C A P U T I I I .

De radice Polypodii & Glyzyrrhizæ.

§. I.

NOsofo. geniculata P O L Y P O D I I
 R A D I X , (*Racine de polypode*) *Engelsutz , Steinwurtzel* , crassitie medio-
 cri , colore foris rufescente , intùs sub-
 viridi herbaceo , odore debili ingrato ,
 sapore nauseoso , ex dulci , acriusculo &
 subadstringente mixto , donata est. Plan-
 ta inter fissuras rupium , musco obducta-
 rum , progerminat , & hinc indè pariter
 semiputridis atque vetustis salicum , fa-
 gorum , ac quercuum truncis accrescit.
 Polypodium optimum creditur , quod in-

ter quercuum annosarum radices adolescit, vel ipsis trunacis muscosis accretum reperitur.

§. II.

Longè majorem *principii gummosi*, quàm *resinosi* quantitatem possidet, & prius in uncia unâ circiter drachmas tres, posterius scrupulos duos pondere æquat. Dulcedo in utroque latet principio, acredo autem, & moderata virtus astringentia præcipuè in parte resinosa quærenda est. Infusum ejus aquosum colore gaudet saturatè aurantio, ad brunnum nonnihil vergente, odorem spirat nauseosum, & linguæ dulcem duntaxat saporem imprimit. Extractum indè paratum brunnei coloris est, saporis dulcis, ac parùm astringentis, odoris nulliùs. Infusum spirituosum colore flavo, odore ingrato, & majori, quàm aquosum, dulcedine, debili acredine mixtâ, pollet. Post inspissationem ex ractum largitur, colore brunno, ad rubrum nonnihil inclinante, odore debili nauseoso, sapore austeriusculo, astringente, subacri, ac parùm ampliùs dulci præditum; quod postremum notatu utique dignissimum est, quoniam infusum valdè erat dulce, immo, infusum aquosum dulcedine longè superabat.

§. III.

Virtute *laxante*, *abstergente*, *diuretica*, & *expectorante* instructa est. Virtus laxans, partibus subacribus & austeriusculis subastringentibus ascribenda est. Inde etiã dependet vis diuretica: Quod abstergentem verò & expectorantem attinget, illa à dulcibus in primis partibus derivanda erit. Specificè igitur in tussi, & asthmate pituitoso, scorbuto, dysuriã, & calculo prodest: An verò in strumis quoque, uti scriptores tradunt, malo hypochondriaco, melancholiã, scabie, febre quartanã, & lue venereã singulare quid præstet, certò affirmare nondum audeo. Varias ingreditur compositiones, optimè nihilominus in decocto, & infuso, tam aquoso, quàm vinoso, à drachmã unã ad unciam dimidiam, exhibetur.

§. IV.

Multa cum radice polipodii, intuitu scilicet usus ac virium, communia habet
 RADIX LIQUIRITIÆ sive GLYZYRRIZÆ SILIQUOSÆ (*Racine de Reglisse*) Hæc oblonga est, sarmentosa, coloris flavi, odoris subtilis mellei, & saporis grati dulcissimi. Copiosè crescit

in insulis Canariensibus, desertis Tartaria septentrionalis, Hispania, agro Bambergensi, Anglia, Gallia, Narbonnensi, & alibi. Optima censetur quam insulae Canarienses, Hispania & Tartariae deserta gignunt, reliquae tamen species vix inferiores sunt, & quae in nostris Officinis pharmaceuticis venditur, maximam partem ex agro Bambergensi transmittitur.

§. V.

Principium activum potissimam quidem partem in aqua solubile, adeoque *gummosum* sive *mucilagineum* est, praecipua nihilominus dulcedo *paucis* atque *tenerimis* *moleculis resinosis*, per gummosam substantiam dispersis, & intimè cum eà mixtis, ingenita reperitur. Resinosa hac portio difficillimè separatur, & tota propemodùm cum parte mucilaginea sub infusione aquosa, praesertim si aliqua duntaxat coctio accedat, extrahitur. Ex uncia unâ radicis dimidiam ferè unciam extracti aquosi obtinui, quod colore saturate brunno, ad nigredinem nonnihil vergente, tinctum erat, & fortem ac gratam dulcedinem, linguae imprimebat. Infusum spirituosum saturatè aureum colorem obtinet, & eminentem

dulcedinem , notabili tamen acredine mixtam , possidet ; Extractum inde paratum drachmam unam & grana quinquaginta pendebat , & coloris ex flavo rubentis , saporis dulcissimi erat , ita tamen , ut mixta acredo sub degustatione satiss quoque sensibilis esset.

§. VI.

Quoad vires polypodio valdè analoga est , minori tamen virtute laxante , majori ex adverso *demulcente* , *abstergente* , *lubricante* & *peſtorali* pollet. Magnopere sese in affectibus pectoris , à tenui mœriâ acri , aut salso-pituitosâ tenaci oriundis , nec minùs in scorbuto , stranguriâ , ardore urinæ , erosione faucium , aliarumque partium , raucedine , & simili-
bus morbis commendat. Frequentissimè infusa , & decocta aquosa atque vinosa , à diachmis duabus ad integras uncias , ingreditur , & subindè quoquè inter pulveres , morsulos , electuaria , aliasque compositiones recipitur.



C A P U T I V.

De Siliquâ dulci & Cassiâ fistulâ.

§. I.

SILICUA DULCIS, *Silicua edulis*, *Ceratonia*, *Panis S. Johannis*, *Johannis-Brodt*, (*Carouge*) est arboris *Ceratia*, apud Arabes *Carneb* sive *Carob* dictæ, fructus siliquosus, crassus, oblongus, compressus nonnihil intortus, digito longior, pollice latior, saporis dulcis, coloris obscure fusci, odoris nullius singularis. Copiosè hæ arbores in *Syriâ*, *Palestinâ*, *Siciliâ*, *Italiâ*, *Hispaniâ* &c. adolescunt, ac tantâ fructuum ubertate in orientalibus regionibus gaudent, ut hominibus non minùs, quàm variis animantibus aliis, alimentum largiantur. Sub inerticortice externo fructus hi dulcem substantiam pulposo-carnosam foveant, quæ aliquot nucleos duros, planos, compressos, orbiculares, læves, sulcos, loculis membranaceis inclusos, continet. Substantia dulcis pulposo-carnea, in quâ virtus unicè latet, facilè cariosa, adeoque inutilis evadit; hinc semper ad usum siliquæ integræ, ac recentiores eligendæ,

CARTH. Mat. Med. Pars. I. Y

504 *Sect VIII. De Dulcibus.*
corruptæ autem, dulcedine dudum orbatæ, prorsus rejiciendæ sunt.

§. I I.

Laudata substantia pulposa maximam partem *mucilagineæ* sive *gummosæ indolis* est, & *paucis* duntaxat *resinæ granis*, quæ difficilius separantur, & vix annotationem merentur, remixta deprehenditur. Extractum aquosum colorem ex flavo-brunnum obtinet, & mel apum sapore suo valdè æmulatur. Ex siliquarum uncia unâ drachmas quinque, & scrupulum unum obtinui. Peractâ hac extractione, residuum planè iners reperitur, & insipidum, ac paululum saltè subastringere videtur.

§. I I I.

Militant descriptæ siliquæ dulces, præfertim recentiores, inter miuissima *laxantia*, *abstergentia*, ac *demulcentia*, & in dysuriâ proinde, stranguriâ, ardore ventriculi, erosione faucium, tussi, aliisque falso-pituitosis pectoris affectibus, nec minùs in scorbuto, siccitate alvi &c. auxilium non contemnendum ferunt. Per se quidè haud rarò comeduntur, melius tamen sub decocti, aut infusi aquosi, vel vinosi formâ adhibentur.

§. I V.

Ceratonix meritò longi, rotundi, cylindracei, nigricantes, fructus siliquosi CASSIÆ FISTULÆ ALEXANDRI-
NÆ, seu PURGATRICES ARABUM,
(Casse) Catzien-Rœhrlein, jungendi sunt. Hi ipsi enim in singularibus suis & ordine dispositis loculamentis, præter dura, compressa, ac fulva semina, pulpam dulcem ac nigricantem reconditam gerunt, quæ sola, à septis seu intergerinis loculamentorum parietibus, quibus maximè adhæret, detracta, & in majorem massam redacta, usum medicum invenit. Arbores, quæ hos fructus ferunt, in Indiâ orientali, & occidentali, maximè autem in Ægypto crescunt, & fructus memoratos quotannis maximâ copiâ largiuntur.

§. V.

Pulpa à menstruis aqueis promptissimè, in spiritu vini rectificatissimo autem paulò tardiùs solvitur. *Tota* propemodùm *gummosa* sive *mucilaginea* est, & æquè, ac pulposa ceratonix substantia, *paucissimas* duntaxat *resinæ veræ*, quanquam tennerrimæ, & gummosæ portioni intimiùs immerlæ, *moleculas* possidet: Solutio igitur

tur, quæ inordinario spiritu vini contingit, partium aquearum adhuc inhærentiam actioni unicè adscribenda est. Quoad usum, ac vires hæc pulpa cum ceratoniâ convenit, alvum tamen paulò fortiùs, quam illa, movere consuevit. Datur, à drachmis duabus ad unciam integram, in infuso aut decocto, cum aquâ, vino, fero lactis, vel jusculo quodam parando. Persæpe etiâ bolos, electuaria & clysteres ingreditur.

C A P U T V.

*De Passulis majoribus, prunis Damascenis
& Sebestenis, Jujubis, Caricis
& Dactylis.*

§. I.

UVÆ PASSÆ seu PASSULÆ MAJORES ex *Hispaniâ, Galliâ & Hungariâ* magna quotannis copia ad nos trahuntur, & ob usum culinarem communiſſimum tam notæ sunt, ut nulla prorsus descriptione indigeant. Vulgò in *Damascenas* quæ *Zitela* dicuntur, & maximæ non minus, quam optimæ sunt, *Massilioticæ* cæteræque, & *Majores ordinarias* sive vulgares distin-

guuntur; quæ differentia tamen tempore
usûs medici non adeò magni momenti est.

§. I I.

PRUNA DAMASCENA non tantum ex *Syriâ*, sed ex *Hungariâ* pariter, & *Hispaniâ* afferuntur; PRUNA SEBESTENA autem, (*Sebestes*) *Sebesten*, *schwartze Brust-Beerlein*, quæ prunis Damascenis minores, aridioresque sunt, in *Syriâ*, *Ægypto*, aliisque *Asia* & *Africa* regionibus colliguntur, & plerumque per portum Alexandrium ad gentes exterarum evehuntur. JUJUBÆ seu ZIZIPHÆ, (*Jujub*) *rothe Brust-Beerlein*, in *Ægypto*, *Mauritaniâ*, *Hispaniâ* & *Italiâ* crescunt, colore ex nigro rubente gaudent, & saporis dulcedine pruna Sebestena superant. CARICÆ seu FICUS *Feigen*, (*Figues*) in omnibus fermè regionibus calidis, ac temperatis proveniunt, multumque discriminis respectu bonitatis, pro varietate climatum, ac loci natalis, ostendunt, optimæ tamen *Gallicæ Provinciales* censentur. DACTYLI denique, seu *Fructus Palmæ majoris dactylifera*, (*Dattes*) (*a*) *Dattein*, in variis re-

(a) Hujus arboris descriptionem uberrimam KÆMPFERUS dedit in *Amœnit. Exot.* Fasc. I.V.

gionibus orientalibus, maximè autèm in *Persia*, copiosè nascuntur, & incolis plerisque in victum penè quotidianum cedunt. Singuli hi fructus eligendi sunt recentius exsiccati, rejiciendi ex adverso nimis vetusti, semicorrupti, cariosi, adeoque dulci suâ pulpâ, quæ sola in morbis usum præstat, jam maximam partem spoliati.

§. III.

Memorata *substantia dulcis pulposa* tota propemodùm *gummosa* seu *mucilaginea*, adeoque in aquâ solubilis, apprehenditur: *Resinosum* enim *principium* tam exiguâ quantitate adest, & mucilagineis partibus tantoperè inmixtum hæret, ut nulla ejusdem ratio habenda sit. Quoad naturam prætereà in diversis hisce fructibus convenit, præterquam, quòd in Jujubis, Prunis Sebestenis, & Caricis vilc dior, quam in reliquis, existat, & in aliis minorem, in aliis majorem *salis acidi essentialis*, (cujus mentio uberior jam alibi facta (a)), quantitatem foveat.

§. IV.

Lubricando, abstergendo, ac demulcendo

(a) Vid. Cap. I. §. 6.

operationem suam absolvunt, nec contemnendi proinde usûs sunt in raucedine, asperitate faucium, erosionem ventriculi, & intestinorum, siccitate alvi, tussi falso-mucidâ, aliisque pectoris affectibus acribus, & pituitosis, nec minùs in ardore urinæ, calculo, & scorbuto. Ingrediuntur decocta, & infusa theiformia, & caricæ denique, cum validius, quàm reliquæ species allegatæ, emolliant, persæpe inter clysterum, gargarismatum, & cataplasmatum ingredientia locum inveniunt. Abusus internus ventriculum debilitat, & facilè diarrhœis anam præbet.

CAPUT VI.

De Saccharo, Manna & Melle.

§. I.

SACCHARUM purum, album, crystallinum, quod frequentiore præimpuro usum medicum habet, est concretum unguinoso-salinum vegetabile, interveniente singulari unione, ex *terrâ solubili, acido subtili, & teneriori substantiâ oleoso-inflammabili* compositum. Sicco nempe, ac blando igne è retortâ

destillatum, *phlegma*, *spiritum acidulum*,
ex flavo-rubentem, & *exiguam olei ex*
rufo-nigricantis, & in spiritu subsidentis,
 quantitatem reddit; in retortâ autem
caput mortuum copiosum, *nigricans*, *splen-*
dens, *fixissimum*, *inodorum*, & *insipi-*
dum relinquitur. Spiritus recens odorem
 acrem, acidulum, lenitèr balsamicum
 spirat, & in naribus halitu suo, instar ar-
 moraciæ raspatae, vividæ titillationis sen-
 sum excitat.

§. II.

Originem suam tùm naturæ, tùm arti,
 debet: In Indiâ enim utrâque, ubi, ad-
 juvante diligenti incolarum culturâ,
 arundo saccharifera abundè crescit, suc-
 cum ex maturis arundinibus per molas
 conquassatorias exprimunt, ac paulò
 post, ne in motum ruat fermentativum,
 & corrumpatur, in ahenis æneis co-
 quunt. Sub coctione partes impuræ lig-
 noso.oleoso.spumidæ ad superficiem, ubi
 cochlearibus ferreis auferuntur, assur-
 gunt crassiores ac graviores mucido-ter-
 restres autem fundum petunt. Sequestra-
 tionem harum impuritatum infusione li-
 xivii, è *calce vivâ* & *cineribus*, vel ex
solâ calce vivâ parati, adjuvant. Terre-
 alcalicæ enim lixivii partes cum acidiori-

bus succi partibus connubium ſubeunt, & terreæ ex adverſo, & oleoſæ craſſiores ipſius ſucci, ad intimiorem unionem ineptæ, partim ad ſuperficiem extruduntur, partim præcipitantur ad fundum. Ablatis ſupernatantibus impuritatibus levioribus, ſuccus reſiduus jam ſpiſſiusculus ad ſufficientem conſiſtentiam ulterius incoquitur, & in loco frigidiuſculo ſubterraneo, formis pyramidalibus infuſus; collocatur, ut aliquam ſoliditatem adipiſcatur: Quo factò, æſtui ſolari exponitur, ac penitus exſiccatur. Sub reſinatione, ſeu repetitâ ſolutione, coctione, deſpumatione &c. prædictum lixivium rursùs infunditur, ut ſaccharum tandèm debitam conſiſtentiam, debitumque candorem conſequatur. Pater indè ſubſtantiam terreo-ſalino-alcalicam teneriorem, quæ ſucceſſivè majori copiâ immiſcetur, baſin præbere, partes acidæ autem, modicè tamen principio oleoſo-inflammabili obductas, & contemperatas, ità illi ipſi adunari, ut inde corpus quoddam unguinoſo - terreo - ſalinum cryſtallinum emergat.

§. III.

Puriores ſacchari ſpecies non externâ duntaxat formâ cryſtallinâ, ſed nonnihil

pariter naturâ sal medium æmulantur, & magis *incidendo, resolvendo, stimulando, & abstergendo*, quàm *demulcendo* agunt; hinc abusus quoque macilentis nocet, & pinguedinis generationem, uti uberius pridem in capite generali explanatum fuit, impedit. Purum cæteroquin ac candidum saccharum multis compositionibus pharmaceuticis excipiens præbet, pluribusque vel gratiæ, vel consistentiæ, vel virtutis causâ, additur. Externè ad mitiora *cathartica*, & *suffimigia antiputredinosa* pertinet.

§. I V.

M A N N A est succus vegetabilis inspissatus, pallidè flavescens, saporis dulcis & subacris, odoris melliti, ast nauseosi. Optima est *Calabrina*, ac sola proindè à medicis præscribitur prorsus rejecta ignobiliore, quæ in *Syriâ, Indiâ orientali, Provinciâ ac Delphinatu Gallia, Episcopatu Tridentino*, & alibi colligitur. *Calabrina*, cui *Sicula* pariter, ac *Neapolitana* indole non minùs, quàm virtute & origine simillima est, mensibus æstivis, sub tempestate sicca ac fervida, ex foliis, trunco ac ramis *arboris fraxini foliis rotundis* exsudat, vel rectius è vasculis succiferis, nimium repletis, expansis adeo-

que ruptis , profluit , & horis pomeridianis à sole , & aëre in granula coagulatur , quæ paulò post ab incolis colliguntur , & , post ulteriorem exsiccationem , in massam majorem rediguntur. Subinde incolæ , ut majorem copiam impetrent , aptis diebus arbores memoratas hinc inde cultris ligneis incidunt , & succum largiùs effluentem post debitam condensationem colligunt : attamen hæc manna ignobilior , atque impurior reperitur , & majori quoque flavedine , quàm prior , gaudet (a).

§. V.

Manna electa , in aquâ simplici tota , nullis relictis partibus recrementitiis , solvitur , facile quoque , si debitè fuerit exsiccata , accenditur , & , igne sicco destillata , æquè , ac mel & saccharum , *phlegma* , *pinguem spiritum acidulum* & *paucum oleum substantiale* reddit , immò , si fermentationi committitur , *liquorem vinosum* suppeditat : Unde patescere opinor , mixtionem ejus , præter *terram* & *aquam copiosam* , *multum salis acidi* , &

(a) Uberrimè colligendi modum , aliæque , ad mannæ differentiam ac genesin spectantia , SYLVIVS BOCCONE in *Obsc. Naturalibus* descripsit.

paucum oleum substantiale, paucumque principium inflammabile tenerius ingredi, & ipsam mannam adhuc integram, licet maximam partem gummosa sive mucilagineæ indolis sit, aliquam, quanquam exiguam, substantiæ resinosa portionem, intimè tamen atque tenerrimè gummosis partibus intermixtam, adeoque simul in aquâ tepidâ solubilem, continere.

§. VI.

Ad abstergentia, & laxantia mitissima refertur, & infantibus proinde, adultisque sensibilibus, aut debilitatis persæpe præscribitur ab unciâ semisse ad unciam unam, vel duos. Per se quidè potest assumi, ordinariò tamen, aquâ quâdam destillatâ, vel vino, vel juscule avenaceo solutâ, in potiunculæ formam redigitur. Quum sola quoque nimis debilis existat in operando, plerùmque rhabarbarum, aliaque fortiora purgantia, ut & salia media, adduntur. In affectibus flatulentis, à viscidâ primarum viarum colluvie oriundis, non adeò tuta creditur, in spasmodicis autèm atque convulsivis, ob junctam demulcendi virtutem, valdè proficua deprehenditur.

§. VII.

MEL APUM est corpus unguinosum spissiusculum, saporis dulcissimi, odoris grati, & coloris nunc albicantis nunc palidè flavescentis, nunc flavi saturatioris. In regionibus plerisque, maximè autèm in *Prussiâ*, *Poloniâ*, *Lithuaniâ*, & *Russiâ* ab apibus, tam domesticis, quàm sylvestribus, è *nectario* florum aromaticorum & balsamicorum, *salviæ*, v. g. *rorismarini*, *thymi*, *majoranæ*, *lavendulæ*, *polii*, *serpilli*, *origani*, *rosarum*, *tiliæ*, *acaciæ* *sylvestris*, *liliorum*, *violarum*, *lamii*, *trifolii pratensis* &c. colligitur, & in favorum cellulas, post temporariam in singulati corporis vesiculâ digestionem; immittitur, ubi refrigeratum decentem successivè consistentiam crassiusculam acquirit. Magnoperè, ratione *originis*, *consistentiæ*, *puritatis*, *bonitatis*, immò, *coloris*, *saporis*, & *odoris*, differt. In genere cæteroquin optimum censetur in regionibus collectum, in quibus uberior rosarum, liliorum, tiliarum, nec minùs plantarum aromaticarum proventus est.

§. VIII.

Respectu naturæ & principiorum prætereaque cum saccharo & manna commu-

nia habet : Succus enim vegetabilis inspissatus *resinoso-mucilagineus* est, qui, non obstante parcissimâ resinosi principii miscelâ, totus in aquâ solvitur, & saponaceâ prorsus indole gaudet. Libræ duæ, ex cucurbitâ destillatæ, observante LEMERY (a), primò uncias sex *aquæ claræ* dederunt. Hæc aqua odorem mellis spirabat, &, licet insipida videretur, *acidi* tamen paucillûm, ex colore rubente, quem tincturæ tornæ solis conciliabat, manifesti, in sinu fovebat. Continuatâ destillatione, *aquæ pellucidæ flavæ*, grati *odoris mellei*, *saporis acidi*, *acris*, *urentis*, uncia quatuor prodierunt. Aucto igne, nebulae albicantes ascendebant, quæ *liquorem rubrum spirituosum* aggregatione suâ constituebant, *sapore acido*, *acri*, *fervido*, & *odore empyreumatico* quidem, *ast non ingrato*, prædictum. Spiritum hunc, qui uncias tres pendebat, denuò uncia duæ *aquæ aurantii coloris*, & *saporis acidi remissioris* sequebantur; massa autem, in cucurbitâ relicta, valdè expansa erat, levis, nigra, & uncias XV. cum dimidiâ pondere adhuc æquabat. Exemptam igni violentiori in retortâ subjecit, & ampliùs inde *liquoris rubeantis*, *valdè empyreumatici*


(a) Vid. Memoir de l'Acad. Royal. des Sciences ann. 1706. p. 352.

ai, *acidi*, *acris* uncias septem, & *olei crassi*, instar picis, *nigri*, *acris*, drachmas duas eduxit, ita, ut *carbo* duntaxat *aridus*, qui adhuc uncias septem & drachmas sex pendebat, relinqueretur.

§. I X.

Præter *nutriendi* facultatem, quæ ple-
risque dulcibus competit, egregiâ quoque
virtute *abstergente*, *demulcente*, *emolliente*,
pectorali, *traumaticâ*, & *aphrodisiacâ* pol-
let. Frequentem itaque usum in pectoris,
ac faucium morbis, erosione partium in-
ternarum, & ulcere renum invenit, mul-
tisque medicamentis pharmaceuticis ex-
cipiens præbet. Externè furunculis, si-
milibusque tumoribus inflammatoriis, ad
suppurationem deducendis, sub cataplas-
matis formâ, imponitur, & frequentius
adhuc, præsertim mel rosatum, in ulce-
ra impura, demulcendi ac purificandi fi-
ne immittitur. Persæpe denique aquâ vel
aceto diluitur, & notissimum *Hydromeli*
& *Oxymeli* paratur.





SECTIO NONA.

De Amaris & Amaricantibus.

CAPUT PRIMUM.

De differentiâ & naturâ Amarorum.

§. I.

AMARA & AMARICANTIA in genere vel *Inodora* sunt, vel *Oderata balsamica*: Priora medium quasi locum inter austera & aromatica tuentur, dum ex subtilioribus partibus, quàm austera, è crassioribus contrà & obtusioribus, quàm aromatica, composita esse videntur; posteriora, quorum uberior fiet mentio in *Sectione de Aromaticis & Balsamicis*, principium activum foveant, ex amaro mixtum, & aromatico aut balsamico.

§. II.

Amara inodora, cujus censûs sunt *ra-*

dix gentiana, *diptamni*, *trifolii fibrini*,
herba cardui benedicti &c, nulla sensibilia
 spargunt effluvia, multò minùs molecu-
 las activas cum aquâ sub destillatione
 humidâ reddunt, sed substantia amara
fixa prorsus indolis est, adeoque tota in
 cucurbitâ, aut vesicâ remanet. Radix
scillæ v. g., ut ut amarissima, nullam red-
 dit aquam amaram, sed insipidam omni-
 nò, inodoram, nullis singularibus viri-
 bus præditam. Bilis cystica, vel evapo-
 rando in vase aperto, vel destillando in
 cucurbitâ, inspissata, nil, nisi partes
 aqueas insipidas, & tenerrimas quasdam
 balsamicas, debilem naribus ac nauseo-
 sum molchi odorem imprimentes, trans-
 mittit, ipsa autem substantia amara in
 fundo cucurbitæ tota relinquitur, & di-
 luente phlegmate suo penitus orbata, ex-
 tractum mucilagineum amarissimum re-
 fert, coloris ex atro viridiusculi. Prom-
 ptè iterùm, aquâ simplici solvitur, &
 eximium constituit saponem, spiritus vi-
 ni autem consortium respuit, nec singu-
 lari eum, nisi phlegmate adhuc gaudeat,
 post iteratam etiàm vasculi agitationem,
 flavedine tingit. Cognoscimus igitur ex
 memoratis, extracta amara quamplurima
 nullas sub destillatione aut evaporatione
 apertâ vires amittere, & activitatem suam
 diutissimè retinere posse.

§. III.

Ab amaris inodoris, respectu memoratorum, nonnihil differunt amara odorata balsamica: Hæc ipsa enim sub destillatione *particulas volatiles spirituosas oleosas æthereas* dimittunt, cum quibus *tenerrima* pariter *molecula quædam gummeo-resinosa*, per se quidem fixæ, altius tamen prædictis immersæ, adeoque simul in altum abreptæ, in receptaculum transvehuntur, & sic oleum balsamicum & aromaticum sapore amaro, aut amaricante imbuunt. Non proprius itaque hic sapor amarus oleis hujusmodi æthereis esse, sed ab implicitis, & intimè unitis, adeoque simul translotis, particulis amaris resinosis dependere videtur.

§. IV.

Confirmante destillatione humidâ itemque extractione cum aquâ, & spiritu vini, amara vel *resinoso gummeam*, vel *gummeo-resinoso oleosam substantiam* continent, & ideò rectè ad duas classes genericas rediguntur, quarum prior *resinoso-gummea*, posterior *gummeo-resinoso-oleosa* complectitur. Notandum tamen, resinoso-gummea ordinariò inodora esse, gummeo-resinoso-oleosa autem, æthereo ta-

mèn oleo instructa , nunc gratiorem nunc ingratiorem odorem balsamicum , & aromaticum spirare : Æthereo , inquam , oleo instructa ; dantur enim , quæ , præter substantiam resinoso - gummeam , *oleum unguinosum* possident , &ideo , cum aquâ trita , uti sem. Card. Mariæ & card. Benedicti , lactescunt. (a).

§. V.

Elementa , ad substantiæ amaræ fixæ compositionem necessaria , materialiter eadem quidem sunt , quæ moleculas dulces formant , *terra* videlicet , *phlegma* , *sal acidum* , & *materia oleoso-phlogista* , aut saltèm , qualis per sæpe in merè gummosis reperitur , *tenerior inflammabilis* ; ast longè tamen alia adest eorum proportio , & alius omninò mixtionis modus , qui chemicis hætenùs nondùm satis innotuit , nec unquàm forsàn perfectè innotescet. Allegata cæteroquin principia constitutiva adesse , spagirica analysi

(a) Pleraque subjecta amara , quod hoc loco paucis subjungendum est , resinoso-gummea sunt , & licet pars resino a in quamplurimis longè minori quantitate , quàm gummosa , lateat , præcipuam nihilominùs virtutem iis conciliat ; uti hoc sequentes paginæ , & specialior-simplicium contemplatio uberiùs docebunt.

abundè docet. Radix scillæ v. g., tosta paullulùm , & exsiccata , adeòque parte volatili acriori maximam partem spoliata , ut & mucilago ejus , aqueo menstruo extracta , ac denuò evaporando inspissata , largiuntur , si igne sicco è retortâ destillantur. , 1. *aquam , subtili & volatili acredine imbutam , 2. liquorem flavescen-tem , tandemque brunnum , manifestè acidum , particulis oleoso-inflammabilibus tennerrimis remixtum , & 3. in retortâ terra nigra iners remanet.* E rhabarbaro , si modo simile tractetur , *phlegma , rhabarbari odorem aliquantulùm adhuc spirans , nulliùs tamèn penè saporis , deinde liquor magis magisque acidus , tandemque pauxillum olei , expellitur.* E capite mortuo *parùm salis fixi alcalici , igne violento demùm geniti , aquâ extrahi potest.* Eadem impetrantur ex amaris reliquis , eorundemque extractis , præterquàm , quòd apud pleraque aquâ elicitæ prorsùs insipida sit , & inodora , & nonnulla quoque plus olei substantialis reddant.

§. VI.

Multùm pariter lucis in hoc passu varia syncriscos exempla fœnerantur : Ex anaticâ v. g. nitri & sulphuris communis pulverisati portione , detonationis

ope, sal medium emergit, arcano duplicato simillimum, & satîs cæteroquin amaricans. Eminentior inprimis amarities in iis sentitur particulis, quæ in superficie hærent, & ob largiorem substantiæ inflammabilis miscelam dilutiori quadam flavedine tinctæ conspiciuntur. Majoris momenti experimentum est, à B. FRID. HOFFMANNO (a) aliquandò institutum: « Sumpsit nimirum unam partem » olei lavendulæ, & duas partes aquæ fortis generosæ, eaque ambo in vitro amplioris orificii confudit. Primò nulliûs » planè commutationis, aut conflictus » ediderunt signum: Deinde verò, cum » calidæ fornaci vas esset impositum, » non ità multò post ingens, cum spumescentiâ, & tetro vapore exeunte, co- » orta est effervescentia, atque mixtura, » antea liquida, & diaphana, subflaves- » cens, turbida, & spissa evasit, ejusque » superficiei resinofus, & spissus liquor, » *alts wie ein Harz*, supernatavit. Affudit sufficientem aquæ quantitatem, ad » acidum illud, ab aquâ forti relictum, » eluendum & abstergendum, atque » hinc resina facta fuit purior, glutinosa » tamen. De hac portionem in cochleari » argenteo flammæ candelæ admovit;

(a) Vid. Obs. physico-chym. p. 55.

ita propter aqueas poris adhuc inhæ-
rentes partes , primùm orta est cum
spumescentiâ ebullitio , postea verò ,
expulsâ parte humidiori , resina sicca ,
solida & rubescens evasit , quæ cuspide
cultri excepta , ad ignem flammam
exhibebat lucidissimam , quam fumus ,
& copiosus , & ater , qualem olea ac-
censa semper emittunt , comitabatur ;
in cultro autem insignis copia terræ si-
xæ remanebat. Postea iteravit experi-
mentum , & spiritum vini fortiter al-
calisatum miscuit cum priori resinâ ad-
huc liquidâ , indè quidem facta est so-
lutio , sed hæc tantam linguæ exhibebat
amaritiem , quali propemodùm colo-
cynthis ipsi infesta est ; resina verò po-
sterior siccior , in eodem spiritu resolu-
ta , colorem saturatè rubicundum , sed
saporem non adeò amaritantes præ se
ferebat. Si ullum , p. 56. addit , certè
hoc experimentum ad cognoscendam
genesin saporum , & odorum januam
nobis patefacit , dùm animadvertimus ,
quod hi ipsi à solâ inversione texturæ
partium salinarum , & sulphurearum
dependeant , & quòd ad producendam
amaritiem acidum nitrosum , si miscea-
tur cum partibus oleosis , plurimùm
conferat. Peti hinc statim poterit ra-

» tio , quare alcalina , probè cum amaris
 » mixta , ingratam illam amaritiem mul-
 » tùm minuunt , &c. Ultimi asserti veri-
 tas egregiè paritèr amarissimâ scillæ mu-
 cilagine probatur , quæ amaritiæ suâ pror-
 sùs ferme spoliatur , quando aquâ forti-
 ter alcalisatâ extrahitur , (a) vel , antea
 simplici pridem aquâ extracta , cum satu-
 rato lixivio alcalico aliquamdiù digeri-
 tur.

§. VII.

Præter substantiam gummosam , resi-
 nosam & oleosam , amara , è vegetabili
 regno desumpta , perlæpè quoque *sal*
quoddam mediæ naturæ , succo nutritio im-
 mersum , foveat , quod in aliis propriùs
 ad indolem *tenerrimi salis nitrosi embry-*
nati accedit , in aliis magis cum *sale cu-*
linari convenit. Ex herbâ absinthii v. g. ,
 aliisque plantis amaris optimè extrahi-
 tur , quandò priùs per spiritum vini re-
 ctificatissimum parte resinosâ , aut resino-
 so-oleosâ spoliata fuerunt : » Recipiatur ,
 » B. STAHLIUS scribit (a) , planta ,
 » notabilem portionem salis fixi fundere
 » solita , huic citò in loco umbroso exsic-

(a) Conf. Sect. VII p. 398.

(a) In Fund. Chem. dogm. & experim.
 p. 84.

» catæ, incisæ, & comminutæ affunda-
 » tur spiritus vini rectificatissimus, dige-
 » ratur, donec resinofam ejus partem
 » prorsùs extraxerit, cui fini nova affu-
 » sio spiritûs vini, donec nullam ampliùs
 » virescenciam monstret, repeti potest; plan-
 » ta reliqua verò in aquâ decoquendo eli-
 » xetur, decoctum filtratum, & inspif-
 » satum crystallos nitri exhibebit: Aut
 » materia herbacea, ab extractione cum
 » spiritu vini residua, leni igne combu-
 » ratur; ità cinis elixatus non alcali, sed
 » nitrum purum, exhibebit, quia videli-
 » cet resinosa illa portio, quæ cum nitro
 » deflagrando in alcali alias combinari
 » solet, ipsi erepta est &c. « *Herba trifolii fibrini*, referente MATHIA TIL-
 LINGIO (b), itidem sal quoddam me-
 dium suppeditat, si sequenti modo trac-
 tetur: Confunditur nimirum magna
 quantitas herbarum recentis in mortario la-
 pideo, vel ligneo, postea cum largiori
 aquæ quantitate in alveo æneo, vel fer-
 reo coquitur, ad partis dimidiæ rema-
 nentiam, tandemque fortiter exprimi-
 tur & liquor per linteum trajicitur. Co-
 latura denuo coquitur ad consistentiam
 mellis liquidi, & succus ille deinde in

(b) In Miscell. Acad. N. C. G. Dec. II. ann. 2. Obs. 74.

vase vitreo per aliquot dies in loco frigidulo reponitur; sic in fundo vasis sal concrefcit cryftallinum, angulare, inftar falis gemmæ. Effufo fucco, colligitur, & aquâ fimplici, aut quâdam deftillatâ abluitur. Pari modo fal ejufmodi, ex herbâ abfinthii, cardui benedicti, fumarix centauni minoris &c. feparari potefl(a). Vero interim vix confentaneum

(a) Aliam adhuc feparandi methodum, quam pariter fubjungere placet, DN. SPIESSIUS in *Mifcell. Societ. Reg. Berolinenf. Cont. II. p. 91.* communicat: Si « Carduum benedictum, *fcribit*, Abfinthium &c. &c. anniculum, vere « collectum & probè ficcatum in phiolâ recondideris, atque tantumdè rectific. Spiritus « Vini aut fp. frumenti fuperinfuderis, ut herba « illi innatet, aut fpiritus digiti ferè latitudinem « feuperemineat; fi deinde loco modicè calido « illud collocaveris, donec fatiè extractum, aut « effentia fubviridem, uti conftat, colorem nacta fuerit, tum fp. aut effentiam decantaveris, « eamque in balneo, aut cinere abftrexeris, donec fere in fpiffitudinem mellis abierit, fi denique retortam cum galeâ ipfius probe munitâ « in balneo aut cinere collocatam non priùs inde fumpferis, donec probè friguerit, ut quod « contineatur fub eo fal in cryftalla crefcere « queat: tùm videbis, ubi vafa aperueris, pulcherrimos, radiatiles & pyramidales cryftallos, qui ab omni cucurbitæ latere ad centrum currant, vel alius alii infideat, prout herba bona, & effentia multa fuerit; difficulter verò ex retortâ proferuntur, proptereâ

videretur, sal istud, five sit nitro, five salì
culinari analogum, in ipsâ plantâ gigni,
atque componi, sed maximè potiùs pro-
babile est, quod illud cum succo nutritio
è terrâ, præsertim in locis uliginosis,
umbrosis, palustribus, animantium ster-
core, aut aliâ materiâ putrescente refer-
tis &c., per tubulos radicis intret, ac
reliquis principii misceatur.

C A P U T II.

De modo operandi & virtutibus Amarum.

§. I.

A Mara, & solo gradu ab hisce dis-
tincta amaricantia, quoad mo-
dum operandi & virtutes, quodammodò
cum aromaticis, & debilioribus austeris,
decenti proportionemixtis, conveniunt,
aromaticis tamen longè fixiora sunt, &
paulò tardiùs proinde in massâ sanguineâ
operantur, longioresque, ob difficilio-
rem, vel etiàm, si totum principium ac-
tivum existat fixum, nullam prorsùs in
» quòd Extracta, quæ fiunt cum spiritu vini,
» bituminosa sunt. Sapor eorum mirum quan-
» tùm subtilior sit quàm Nitri, præter frigus au-
» tem gratum atque jucundum, quod ipsum ta-
» men citò evanescit, nihil quicquàm in iis
» sentitur. «

effluvia resolutionem, in ventriculo, & intestinis moras trahunt, & egregiam ibi, multiplicemque utilitatem præstant. Ventriculum nempe valdè roborant, alimentorum digestionem adjuvant, mucum attenuant, &, saponis instar, præsertim merè gummosa, abstergunt, collectas cruditates acido-pituitosas, ac putridas corrigunt, bili viscidæ, & inertifluiditatem, ac pristinam amaritiam reddunt, vermes necant, & nidum eorum, ac pabulum destruant.

§. II.

Ad sanguinem, postea, decenti scilicet peractâ resolutione, provoluta, ac sensim per vasa disseminata, ardore lenissimo, & singulari quodam stimulo, quem verbis vix exprimere, & exactè determinare licet, solidorum contractiones vegetiores, validioresque reddunt, &, hac & multiplici ratione alia sanguinem commovendo, calorem augent, humores quosunque resolvunt, attenuant, solida confortant, viscera obstructa aperiant, se-& excretiones, maximè per poros cutis, & vias urinarias, egregiè promovent, adeoque humores etiàm purificant, putredini resistunt, & ulcerum, vulnerumque consolidationem

adjuvant, adeò, ut jure meritoque inter
activa tonica, resolventia, abstergentia,
purificantia, antiputredinosa, stomacha-
lia, carminativa, antifebrilia, aperitiva
diuretica, diaphoretica, & traumatica re-
 ferenda sint.

§. III.

Ex memorato igitur fundamento spè-
 cialiùs in singulis morbis commendari
 merentur, qui motibus languidis ac justò
 tardioribus, & solidorum flacciditate,
 & atoniâ, fluidorumque crassitie, mucos-
 itate, aliâque impuritate resultantibus,
 præcipuos natales debent: Cujus censûs
 sunt vitia digestionis & appetitûs quam-
 plurima, flatulentia, tormina ventris,
 & varia pathemata, à vermibus intesti-
 nalibus oriunda, febres intermittentes,
 cachexia simplex, & icteritia, œdema
 membrotum, leucophlegmatia, refracta-
 riæ viscerum obstructions, asthma pi-
 tuitosum, apoplexia serosa, affectus ca-
 tarrhales, scabiosi, rheumatici frigidi,
 arthritici, scorbutici, diarrhœa pituito-
 sa, vomitus, suppressio, atque defectus
 mensium, lechiorum, hæmorrhoidum,
 & urinæ, calculus, fluor albus, gonor-
 rhœa virulenta, vulnèra, ac ulcera varia,
 & complures affectus alii, ex allegatis

causis generalioribus præcipuè promanantes. Præsente verò causâ calidâ, bile nimirum fervidâ, sanguine rarefacto, exagitato, ebulliente, ut & siccitate, crispaturâ, & stricturnâ nimîâ fibrarum, cautiùs cum usu eorum mercandum erit.

§. 1 V.

Internè exhibentur optimè, & majorem quoque in operando efficaciam spondent infusa eorum, & decocta, tam aquosa, quàm vinosa, nec minùs essentiæ & extracta; ac aquis eorundem destillatis autèm & spiritibus abstractitiis parùm, immò nihil prorsùs, auxilii expectandum est, nisi simul aromatica & balsamica existant, adeoque oleoso æthereo paritèr, aut spirituosò principio instructa sint. Externè emplastra, unguenta, decocta, infusa, aliaque præparata, vulnerariæ, antiputredinosæ, confortantis, anthelminticæ, &c. virtutis, ingrediuntur.



CAPUT III.

*De Radicibus Gentianæ rubre, Diptamni
albi & Trifolii fibrini.*

§. I.

RADIX GENTIANÆ MAJORIS,
LUTEÆ (*Grande Gentiane*) *Entian-*
oder Bitter. Wurtzel, est longa, crassa,
coloris extrinsecus fusci, intus ex flavo-
rufescentis, saporis valdè amari, odoris
nullius. Planta floret mense Junio, &
loca montana atque umbrosa amat. Ube-
rior ejus in Galliâ, Italiâ, & Helvetiâ,
quàm Germaniâ proventus est.

§. II.

Resinosa æque ac *gummosa* principia ei-
dem inhærent, & virtus medica in utrâ-
que substantiâ quærenda est. Pars resi-
nosa, quæ longè minori quantitate ad-
est, gummosæ copiosiori adeò permixta
reperitur, ut plenaria ejus separatio vix
possibilis videatur. Infusum aquosum
colore rubro obscuriori tingitur, & sa-
pore intenso amaro, odore autem nul-
lo singulari, nisi debili duntaxat nauseo-
so, pollet. Ex integrâ radicis uncia parat

tum, ac debite inspissatum, tres ferme drachmas extracti amarissimi, ex rubro-brunni, relinquit, Infusum spirituosum aurantio colore sese commendat, & maximam pariter amaritiem linguae, nullum vero naribus odorem, nisi spiritus vini, imprimit Extractum, receptâ radicis quantitate, præcedenti æquali, drachmas duas, & aliquot grana pendet, & colorem ex flavo-rubentem, amarissimumque saporem possidet.

§. III.

A gentianæ radice parum differunt
RADICES DIPTAMNI ALBI &
TRIFOLII FIBRINI, *Diptam-und
Fieber-Klee-Wurtzel.* (*Diptamne blanc,
Fraxinelle.*) Illa est *Diptamni vulgaris*
sive *Germanici*, qui aliàs etiam *Fraxi-
nella* dicitur, radix albicans, inodora,
valdè amara, &, separatâ substantiâ in-
teriori lignosâ, cannæ instar, convolu-
ta: Hæc verò est *Trifolii fibrini* sive
aquatici radix geniculata, spongiosa,
inodora, amara, ex viridi-flavescent.
Prior planta in tractibus montanis, pos-
terior autem in locis humidis palustri-
bus crescit.

§. I V.

Apud diptamni albi radicem principia *fixa resinosa ac gummosa* solummodò in cortice reperiuntur; hinc ille quoque à parte interna, quæ lignosa, insipida ac planè iners est, detrahatur, ac solus, in cannulas, uti dictum, convolutus, ad usum asservatur. Menstruum aqueum colore saturatè, aurantio, & sapore satis amaro, imbuat, odorem verò nullum singularem eidem communicat. Extractum, ex integrâ radicis uncia paratum, quinque propemodùm diachmas pendet, & moderatâ amaritie gaudet. Tinctura spirituosa infusum aquosum amaritie quidem, & activitate antecellit, longè minorem tamen extracti quantitatem, ad quatuor nempe scrupulorum pondus, vix ascendentem, relinquit, etiamsi integra paritèr corticis radicalis uncia extractioni impendatur. In radice spongiosâ *trifolii aquatici* principium utrumque paulò minori quantitate adest, & mitiori etiam amaritie donatum reperitur. Quid de sale cæteroquàm neutro, in trifolio & amaris *similibus* nonnunquam obvio, sentiendum sit, in primo hujus Sectionis capite §. 7. pridem indicavit.

§. V.

Respectu virium medicarum non adeò singulare discrimen radices hæc intercedere videtur, præterquàm, quòd gentianæ radix radicem diptamini albi, & hæc iterum trifolii radicem amaritie, & per consequens etiàm activitate nonnihil superet. Egregiam omninò opem ferunt contra vermes intestinorum, nec minùs in ventriculi imbecillitate, cum cruditarum viscidarum colluvie conjunctâ, febribus intermittentibus, cachexiâ simplici & icteritiâ, diarrhœâ mucidâ, lienterîâ, cœliacâ, obstructione viscerum chronicâ, hydrope ascite, nephritide sabuloso pituitosâ, fluore albo, icorbuto, catarrhis, lue venereâ, &c. immò, in febribus catarrhalibus, & continuis malignis, ob virtutem diureticam, diaphoreticam, & antiputredinosam, quandoque cum fructu usurpantur. Internè sub formâ tincturæ, infusi aquosi ac vinosi, & subindè pariter, licet ob amaritiam suam rariùs, sub formâ decocti propinantur. Multas prætereâ compositiones pharmaceuticas ingrediuntur, & activa quoque extracta indè parantur. Externè in decoctis vulnerariis, & anthelminticis locum inveniunt, & gen-

rianæ radix creberrimè etiàm, turundæ loco, ad fonticulos, & vulnera dilatanda adhibetur, quoniàm humidum ferofum facilè imbibit, eodemque valdè intumefcit.

§. VI.

Radicibus hætenus descriptis analoga est RADIX CICHORII SYLVESTRIS, *wilde Wegwart-Wurtzel*, (*Racine de Chicorée Sauvage*,) remissiori tamen amaritie gaudet. Numeratur inter medicamenta *aperitiva* atque *diuretica*, & vires non contemnendas exferit in passione hypochondriacâ, obstructione mesenterii, hepatis, lienis, renum, atque pectoris, itemque in ictero chronico, cachexiâ suppressione urinæ, fluore albo, lue venereâ, affectibus scabiosis, rheumaticis, & arthriticis, aliisque morbis chronicis, qui moderata abstergentia, resolventia, discutientia, ac roborantia postulant. Principium fixum activum magis quidem *gummosum*, quam *resinosum* est, prius tamen à posteriori, intimè mixto, vires potiores accipit. Ordinariò, decocta aquosa, rariùs infusa vinosa, ingreditur, & frequentissimè pariter, radix condita per se assumitur.

C A P U T I V.

Herba Scordii, Absinthii, Cardui benedicti & Trifolii aquatici.

§. I.

SCORDIUM VERUM sive LEGITIMUM, *Lachen-Knoblauch*, it. *Scordien-oder Knoblauchs-Krant*, quod passim in locis humidis palustribus crescit, alium quodammodò redolet, & forti atque ingrata amaritie pollet. In mixtione suâ, præter volatile principium oleoso-vaporosum, copiosas partes terreas, & salso-resinoso-gummeas continet. Principium volatile oleoso-vaporosum cum aquâ sub destillatione quidè transcedit, & aquæ debilem odorem, ac saporem communicat, in molem visibilem tamen colligi, & seorsim sisti nequit. Substantia fixa resinosa, cui amarities, & virtus plantæ præcipua in acceptis ferenda est, non adeò magnâ quantitate inhæret, & in herbæ siccatae uncia unâ vix drachmam semipondere æquat; gummosa ex adverso sive mucilaginea, quæ mitiori amaritie & magis saponaceâ indole gaudet, plerumque in æquali herbæ quan-

titate ad uncia dimidia gravitatem ascendit. Ob miscelam utriusque substantiae arctissimam, raro, vel nunquam, tam resinosa, quam gummosa, perfecte pura obstinetur, sed menstruum aquosum ordinario paucillum resinæ, & menstruum spirituosum sat magnam principii mucilaginei portionem simul educit. Quando herba siccata comburitur, & lixivium, è cineribus paratum, post decentem evaporationem, in loco frigidiusculo collocatur, *sal medium*, culinari simillimum, in crystallos concrescit, residuum verò, postea prorsus coagulatum, sal terreo-alcalicum fixum suppeditat. Quantitas hujus salis falsi variat, idemque, combusta integrâ herbæ librâ, modò drachmas duas, modò scrupulos quatuor, modò drachmam unam, modò duos saltem scrupulos pendet.

§. II.

Cum scord'io, quoad saporem amarum & principia activa, ABSINTHIUM LATIFOLIUM sive VULGARE OFFICINARUM *gemeines, oder wildes Wermuth-Kraut*, (*Absinthe*, *Aluine*) nec minùs HERBA CARDUI BENEDICTI, (*Chardon bénit*) *Cardobenedikten-Kraut*, *Bitter-Distel*, itemque HERBA TRI-

FOLII FIBRINI sive AQUATICI
(*Trefle d'eau, Menyanthe*) *Fieber-oder*
Bitter-Klee conveniunt, præterquàm ;
quòd portio volatilis in herbâ trifolii
aquatici, & cardui benedicti longè par-
cior sit, atque debilior, in absinthio au-
tèm recenti quodammodò narcotica, &
tàm graveolens, ut multis plus noceat,
quàm profit : Hinc diuturniori etiàm ex-
siccatione eandem minuere præstat.

§. III.

Egregiâ virtute *abstergente, discutien-*
te, calefaciente, stomachali, anthelmin-
ticâ, antifebrili, aperitivâ, diureticâ, &
roborante singulæ hæ plantæ donatæ invē-
niuntur, & in variis ideò morbis chro-
nicis, maximè autèm in vitiis appetitûs,
atque digestionis, inertîâ bilis, febribus
intermittentibus, diarrhœis, cachexiâ,
refractariâ obstructione mœnsum, fluore
albo, scabie, lue venereâ, intumescen-
tiis glandularum &c. magnoperè sese
commendant. Specificè prætereâ *herba*
scordii in venenis animalibus, febribus
malignis exanthematicis, & frigidis pul-
monum affectibus, *herba trifolii aquatici*
autèm in scorbuto calculo, & ascite in-
cipiente prodesse consuevit. Parantur ex
iis tincturæ, & extracta valdè activa,

quæ frequentiore inveniunt usum, & subinde quoque vino, rariùs aquâ, infunduntur. Externè in decocta *traumatica* & *anthelmintica* recipiuntur.

C A P U T V.

De Summitatibus Centaurii minoris & Fumariæ.

§. I.

CENTAURIUM MINUS FLORE RUBRO (*petite Centaurée*) *klein Tausend Guelden - Kraut*, *Erd - Galle*, quod passim, quanquàm parciùs, in locis siccis arenosis crescit, folia parva, & angusta habet, floribusque, uti dictum, rubicundis sive purpureis, qui mense Julio & Augusto prodeunt, ornatur. In Medicinâ præcipuè *Summitates*, h. e., foliola superiora cum floribus, caulium summitati adnascencia, usum invenerunt. Soli flores parùm amari sunt, & à mixtis proinde foliolis, quæ eminenti amaritie pollent, saporem & vires præcipuè mutuare debent.

§. II.

Sub exploratione principiorum ea-

dem, quæ in præcedentibus subjectis ob-
via fuerunt, reperire, licet. Adfunt nem-
pè partes *gummosæ, resinosa, & paucissimæ*
exhalabiles salino-inflammabilis prosapiæ.
Substantia resinosa, ex uncia integrâ sum-
mitatum separata, vix drachmam semi-
vel scrupulos duos pendet, valdè nihilo-
minùs amara deprehenditur, & debi-
liori gummosæ, quæ ad unciam dimi-
diam, & ultrâ ascendit, miscelâ suâ inti-
miori activitatem conciliat. Portio vola-
tilis, quæ sub destillatione humidâ cum
aquâ transcendit, non adeò singularem
annotationem meretur, etiamsi conce-
dendum sit, quod phlegmati aliquam,
quanquam valdè debilem, virtutem dis-
cutientem, ac stimulantem largiatur.

§. III.

Summitatibus centaurii minoris, ob
saporis, principiorum, naturæ ac virium
similitudinem jungendæ sunt SUMMI-
TATES FUMARIÆ PURPUREÆ,
(*Fumeterre*) quæ planta, germanicè
Erdrauch, itemque *Taubenkropf* dicta,
ubique in hortis, & arvis spontè pro-
germinat. Plures partes *resinosas*, quàm
centaurium, in mixtione suâ gerunt re-
conditas, & istud proindè amaro, &
acri sapore, calidâque indole nonnihil
superant.

§. IV.

Respectu virium medicarum à trifolio aquatico vix distinctæ inveniuntur, & in locum ejus commodè surrogari poterunt: Silentio tamen minimè premen- dum est, centaurii summitates longè remissiores esse, & tutiùs ea propter in casu quocunque, ubi scilicet amara profunt, adhiberi posse. Operationem suam maximè abstergendo, discutiendo, calefaciendo & roborando absolvunt, & validè paritèr putredini resistunt: Æquè præterea, ac præcedentia amara singula, activas tincturas & selecta extracta largiuntur & ejusdem quoque usûs externi sunt.

C A P U T V I.

De semine Cardui Benedicti & Cardui Mariæ.

§. I.

SEMINA CARDUI BENEDICTI, & CARDUI MARIÆ, ob summam naturæ & virium analogiam, eodem loco collocanda sunt. Priora sublu- tea sunt, crassiuscula, oblonga, striata,

in extremitatum alterâ multis aculeis factis rigidis instructa, posteriora autem figuram oblongè rotundam, & colorem saturatè brunum possident, lævia præterea sunt, & spinis prorsùs carent.

§. I I.

Pulpam includunt *amaram*, *lactescentem*, *resinoso-gummoso oleosam*, copiosior tamen semina Cardui Mariæ, quam semina Cardui benedicti, quæ duriori ac crassiori cortice gaudent. Pulpæ huic virtus medica horum seminum unicè hæret ingenita, & illa ipsa aquis destillatis sub triturâ in mortario colorem lacteum, lacteamque consistentiam fœneratur, ita tamen, ut color albus in emulsione seminum cardui benedicti ad gryseum; & in emulsione seminum cardui Mariæ nonnihil ad nigricantem vergat. Drachina una seminum decem ad minimum aquæ drachmis decentem emulsionis consistentiam communicat; major tamen pinguedo oleosa in emulsione seminum cardui Mariæ, quàm cardui benedictiprehenditur.


§. III.

Cum aquis refrigerantibus, diapnoicis, & diureticis in formam emulsionis

redacta, sudorem & urinam blandè movent, adeoque in variolis, morbillis, peripneumoniâ, pleuritide verâ, aliisque inflammationibus, ac febribus continuis, nec minùs in calculo, dysuriâ, & stranguriâ satis profiua reperiuntur. Non contemnendas quoque vires in febribus intermittentibus, fluore albo, & cachexiâ icteritiâ exerunt, immò, à quibusdam contra verminosam primæ culinæ progeniem commendantur.

§. I V.

De amaris, simul balsamicis & aromaticis, ut MYRRHA & similibus, hoc loco quidquam subungere, supervacaneum duco, quoniam alibi melior de iis differendi occasio erit.





SECTIO DECIMA.

De Acribus & Amaris Purgantibus , tam Emeticis , quam Catharticis.

CAPUT PRIMUM

De naturâ & differentiâ Emeticorum & Catharticorum.

§. I.

MEDICAMENTA , quæ adeò ventriculi tunicam villoso - nerveam vellicant , ut contenta mobilia contractione forti , & naturali motui peristaltico planè contraria , per œsophagum & os ejiciat , dicuntur E M E T I C A sive V O M I T O R I A ; quum illa ex adverso C A T H A R T I C A sive propriè & κατ' ἐξοχὴν P U R G A N T I A audent , quæ intestinorum tunicas stimulant , ut recrementa in. & adhærentia ,

beneficio citatoris, ac violentioris motûs peristaltici, cui necessario tormina quædam jungi debent, per anum extrudant.

§. II.

Testante experienciâ communissimâ, cathartica quædam remissius agunt, & alvum, paucâ saltêm materiâ excrementiâ absque sensibilibus propemodùm torminibus eductâ, blandè aperiunt: quædam multa quidem ejiciunt, cum moderatis torminibus ventris, ast nihil cæteroquin, ritè scilicet ac tempestivè usurpata, corpori inferunt noxæ, nec minimùm in eo relinquunt incommodi; & quædam denique tam fortem ac violentam operationem exercent, ut, præter tormina vehementiora, nec non majorem humorum circulantium commotionem, justoque largiorem evacuationem, plerumque partium, quas transeunt, erosiones, quin ipsas inflammationes, provocent, & corpori universo magnam imbecillitatem inducant: Unde patet, cathartica, multùm activitate discrepantia, meritò distinguenda esse in *Laxantia*, *Cathartica completa*, & *Drastringica*. Scriptores plerique, intuitu materiæ, quam præcipuè aggredi, & eliminare credunt, purgantia quoque in-

Panchimagoga, *Cholagoga*, *Phlegmagoga*, & *Melanagoga* dividunt; ast hæc distinctio, me sentiente, nulliùs momenti est, quoniam quævis cathartica, propriè talia, stimulando agunt, adeoque mediante auctiori intestinorum contractione, & violentiori motu peristaltico contenta mobilia promiscuè excludunt.

§. III.

Principium *activum stimulans* in emeticis & catharticis non essentialiter quidè distinctum est, in emeticis tamen paulò *acrius*, quam in catharticis esse videtur, hinc priora etià tunicam ventriculi nerveam fortiùs irritare, & potentiori hoc stimulo efficere valent, ut motus peristalticus, contra consuetum naturæ ordinem, planè invertatur, & contenta, citiùs nempe superveniente actu excretorio, per gulam & os ejiciantur. Catharsi contrà excitandæ vis minor, ac lenior stimulus sufficiunt, quoniam sub eâ naturalis motus intestinorum peristalticus non inverti, sed celerior duntaxat, ac fortior reddi debet. Fortassis etià major apud emetica principii activi *solubilitas* nonnunquam citioris operationis causis accentenda est: Persepe enim accidit, ut cathartica, præsertim

ante exhibitionem congruo menstruo jam maximam partem soluta, evadant emetica, & hæc vice versâ, quotiès mucicrassities, & copia debitam principii activi solutionem, & evolutionem in ventriculo impediunt, cathartica fiant; ubi tamen negari nequit, repentinam hanc emetici in catharticum, & cathartici in emeticum transformationem persæpe differenti, nunc majori, nunc minori, partium nervoso - membranacearum, aliarumque, quæ stimulos sustinere coguntur, *sensibilitati* ascribendam, dùm frequentissimè pharmacum, quod apud subjecta sensibilia fortem emesin provocat, apud robusta, aut minùs sensibilia, vix alvum blandè movet.

§. I V.

Emetica & purgantia, *mineralis* propiæ, vel *rudiori principio salino vitriolico*, vel *sulphureo-regulino-arsenicali* pollent; *vegetabilia* ex adverso substantiâ activâ, in aliis *gummosâ* seu *salino-mucilagineâ*, in aliis *resinosâ*, & in aliis denique *gummeo-resinosâ*, aut *resinoso-gummeâ*, instructa reperiuntur. Montrante enim analysi chymicâ, substantia illa, cui vis purgans vegetabilium ingenuita hæret, è nonnullis tota per mens-

trua merè aquea, ex aliis tota per spiritus inflammabiles rectificatissimos, & ex quibusdam denique partim per aquam, partim per spiritum vini extrahitur.

§. V.

Corpuscula minima, quæ aggregatione suâ in molem majorem memoratas substantias purgantes, gummosas, resinosas, & gummeo-resinosas constituunt, valdè *subtilia* sunt, ac promptè proindè in corporis vivi solidas non minùs, quàm fluidas partes penetrant, & in utrisque, illas scilicet validè *stimulando*, has *incidendo* & *attenuando*, fortem operationem exercent. Exiguum v. g. vitri antimonialis frustulum, vino solutum, in multis subjectis completum excitat vomitum; immò, pocula, è stanno, & regulo antimonii fusione parata, vinum, per aliquot horas infusum, potenti virtute emeticâ imbuunt, & postea tamèn parùm, vel nihil de pondere suo amisisse deprehenduntur. Si infanti quoque à nutrice, postquàm purgans assumpsit, ubera præbentur, ille pariter frequentiore alvi solutionem experitur, quin purgantia nonnulla, fonticulis mundificandis sine imposita, subinde, aut, quod cum elleboro semper succedere refert WAL-

LÆUS (a), per vomitum, & secessum purgant.

§. VI.

Non subtilia tantùm laudata corpuscula inveniuntur, sed plus pariter minusve *volatilia*: Hinc purgantia quoque, triturâ in pulverem redacta, & aliquamdiù asservata, itemque fortius cocta, valdè debilitantur, & modo utroque multùm virtutis amittunt. Noto quoque notius est, cathartica nonnulla, cum aquâ destillationi in cucurbitâ subjecta, particulas quasdam purgantes cum phlegmate transmittere, & abstractam ideò aquam alvum lenissime movere, residuum verò, in cucurbitâ relictum, pristinis viribus nonnihil orbatum deprehendi: Ut nihil dicam de blandâ catharsi, quæ apud subjecta valdè sensibilia nonnunquam excitata legitur, quandò sub purgantis cujusdam, v. g. rhabarbari, triturâ subtiles atque volatiles moleculas, per aerem conclavis dispersas, copiosius intrâ nares receperunt (b).

(a) In Methodo Medendi p. 42.

(b) Conf. D. Bergers *Versuch einer gruendlichen Erläuterung merckwuerdiger Begebenheiten in der Natur. Erstes Stueck* p. 51. sequ.

§. VII.

§. VII.

Prædictæ substantiæ gummosæ, resinosæ, gummeo-resinosæ, ac resinoso-gummeæ mixtionem naturalem *sal acre, plus minùsve causticum*, ingreditur, idemque, sub certâ ac convenienti unione cum parte pingui oleosâ aut saltèm phlogistâ teneriori consideratum unica specificæ, & eminentis vellicationis causa censendum est. Pleraque enim purgantia vim errhinam, & ptarmicam possident, immò, cuti applicata, præsertim apud subjecta teneriora, vesicas excitant. Manifestè patet præsentis acedinis effectus in faucibus, ventriculo, & intestinis sentiuntur: Fauces nempè sub manducatione graviter subinde adurunt, & potentiora, improvidè aut justo majori dosi assumpta, ventriculi, & intestinorum erosiones præstant; quemadmodùm etiàm in subjectis, per drasticonum abusum interfectis, eadem fermè, institutâ sectione, in ventriculo & intestinis observata fuerunt, quæ, dato arsenico, post mortem in conspectum veniunt; si plenariam corrosionem exceperis, quam drastica efficere nequeunt.

Laudatum sal acre *alcalica indolis* esse, multi opinantur, & B. TEICHMEIERUS, qui eidem sententiæ addictus fuit, proinde scribit (a) : » Vis purgantium pri-
» mariò consistit in principio salino-sul-
» phureo, magis alcalico, paulisper fi-
» xato, quod non tantùm stimulum ex-
» ercet, sed & viscositates resolvit, lym-
» pham fundit, & fermentationem in
» intestinis præstat. Quod enim sal alcali
» in purgantibus sit in prædominio, pro-
» batur 1. per experimenta cum acidulis
» instituta. Nam omnes aquæ minerales,
» cum syrupo violarum mixtæ, colorem
» non rubrum, sed viridem exhibent ;
» Ergò sal illud purgans maximè alcali-
» cum est. 2. Per correctionem scammo-
» nii, quæ fumo acido sulphuris absolvi-
» tur. Ergò acidum sulphuris infringit
» vim drasticam purgantem scammonii :
» 3. Quoniam omnia ferè purgantia
» amaricantem saporem possident. Ama-
» ra verò vegetabilia sal alcali copiosissi-
» mum continent : 4. Quoniam ipsa bilis
» amara & alcalica naturalem stimulum
» intestinorum præbet &c.

{a) In institut. Mat. Med. p. 19.

I X.

Fateri profecto cogor, singula prope-
modum, quæ Auctor laudatus probandi
fine attulit, vel falsa prorsus, & expe-
rientiæ rationali contraria esse, vel malè
tamèn explicata & applicata. Omnia
enim, quæ BOULDUCIUS (a) in-
stituit, & quæ ipse quoque cum purgan-
tibus vegetabilibus suscepi, examina,
maximè autèm blandæ destillationes sic-
cæ, satis superque monstrarunt princi-
pium salinum, in cathartorum naturali
mixtione hospitans, non alcalicæ, sed
acidæ potiùs indolis esse, & locum pariter,
præsertim cum substantiâ oleosâ,
aut simpliciiori saltèm inflammabili adhuc
combinatum, inter volatilia magis,
quàm fixa, salia sibi vindicare. Nihil
quoque argumenta reliqua probant :
Aquæ minerales foteriæ enim, præter sal
alcalinum, etiàm sal medium, & subti-
lem spiritum acidulo-sulphureum conti-
nent, quibus itilè, quin magis, quàm
sali alcalico, vis purgans in acceptis fe-
renda est. Minoris adhuc momenti ratio-
cinia sunt, à scammonii correctione, sa-
pore amaro purgantium, & bilis virtute

(a) Vid. Memoir, de l'Acad. Royale des
Sciences.

stimulante , & abstergente desumpta. Acidus enim sulphuris fumus non destruit sal alcali , quod , contrà chemicam experientiam , in scammonio præsens esse creditur , sed oleoso-inflammabili substantiæ , cui sal acidulum magis minùsve involutum hæret , paulò fixiorem duntaxat indolem , & compactiorem texturam conciliat , & proinde salis acidi evolutionem , atque integrarum massularum resolutionem in corpore difficiliorem non minùs , quàm tardiores reddit (a). Quod saporem verò amarum attinet , ille apud plerasque , easque præcipuas , pur-

(a) Memoratis , ceu palmarium omnino argumentum , accedit , quod allegatæ correctionis veritas nondùm extrà omne dubium posita sit , quodque similis , eaque major ac certior , corrigendi virtus salibus alkalibus , experientiâ teste , competat. Gummi gutta v. g. quod drasticum est , & scammonio adhuc potentius , seorsim in spiritu vini , aqua , & liquore quodam alcalico fixo solutum , differentes planè vires ostendit : Infusum spirituosum nempe fortissimè purgat , aquosum lenius operatur , & solutio aquoso-alcalica mitissimam duntaxat actionem exercet : Immò , si gummi gutta primo vini spiritu rectificatissimo nonnihil extrahitur , & residuum postea in oleo tartari per deliquium solvitur , ac denuò inspissatur , alvum vix amplius movet , sed urinam duntaxat potentissimè pellit. Conf. NEUMANNI *Prælect. chem.* p. 856.

gantium species, quas vegetabile regnum offert, v. g. radicem ipecacoanhæ, jallappæ, mechoacanhæ &c. vel planè nullus est, vel valdè debilis, & si etiàm fortior adesset, talis tamen conclusio, qualem auctor formavit, inde neutiquam posset deduci, quum notò sit notius, sal fixum, quod plantæ amaræ post combustionem largiuntur, in mixtione naturalis minimè latuisse, sed, interveniente demùm novâ syncrifi & partium quarundam transformatione, per ignem violentum sub combustionem generatum fuisse. De bile quoque, cujus elementum salinum hætenùs nondum satis detectum fuit, multà dicere supervacaneum duco, & posito etiàm, illud ipsum huic, vel illi clariùs innòtuisse, posito pariter idem ad alcalicorum accedere naturam, nihil tamen, hoc loco cum fructu adhibendum, inde secuturum esse, quilibet facile perspiciet. Experientia enim testatur, acida æquè, atque alcalia stimulandi virtute prædita esse, & in alio igitur concreto sal acidum, in alio alcalinum stimuli authorem existere; quibus suppositis, illicò manifestum est, conclusionem ab uniùs principio salino simpliciter ad principium salinum aliorum, quæ vires possident analogas, neutiquàm formari posse.

§. X.

In operando semper mitiora, tutiora ac meliora deprehenduntur *gummosa*, ac *resinoso gummea*, quàm *merè resinosa*, ac *gummeo-resinosa*; quippe quæ, quoniam difficilius & saltem quoad partem, à menstruis ventriculi & intestinorum salino-aqueis temperatis solvuntur, & faciliùs atque tenaciùs tunicis adhærent, multa plerumque tormina ventris, & majorem sanguinis commotionem atque æstum producunt. Generatim quoque, neque sola pars salina, neque sola pars oleosa, aut tenerior inflammabilis, & speciatim in plerisque gummeo-resinosis, & resinoso gummeis, neque mera substantia gummosa, neque mera resinosa, per congrua menstrua extracta, & separata, sed utraque, convenienti modo, quem ipsa natura in simplicibus monstravit, combinata, debitè purgat. Sola quippe substantia resinosa, tormina vehementiora excitat, & virtutis drasticæ unica propemodum causa existit; sola gummosa autem nimis debilem operationem exercet, immò, solam subinde diuresin prorit; quemadmodum singula hæc ex specialissimâ simplicium contemplatione clariùs patebunt.

CAPUT II.

*De modo operandi & virtutibus Purgantium
& Emeticorum.*

§. I.

EMetica & purgantia completa, à calore, acce expanso, fluidis solventibus, & naturali imprimis solidorum contractione impulsæ & adauctæ, duplici modo in primâ culinâ operantur, 1. nimirum incidendo paullulum, & attenuando, tum contenta cruda, ac viscida præternaturalia, tum mucum quoque naturalem, qui tunicam ventriculi, & intestinorum villosam obducit, 2. fortiter vellendo, ac stimulando, partim glandulas intestinales ad largiorem liquidi serosi excretionem, partim ipsas tunicas sensibiles ad velociorem non minus, quam fortiorem motum peristalticum, quin penitus in vomitu inversum. Gummosæ enim ac resinosæ particulæ, tenacius adhærentes, & villosæ tunicæ altius immersæ, prunæ instar, ardent, & subtilibus, atque acutis suis particulis tunicam eandem perforando, substratæ tunicæ nervosæ iteratas inferunt puncturas,

quibus necessario auctior, atque celerior, quin spasmodico dolorifica, hujus & arctius connexae musculosae tunicae contractio, eidemque prompta contentorum attenuatio, excussio, promotio, & exclusio succedere debent.

§. II.

Purgantium actio non terminatur in solo ventriculo, & intestinis, sed inde pariter ad viscera vicina, immò, in totum corpus, & quidem triplici modo extenditur. Primò nimirum motus celeriores, atque fortiores, in ventriculi, & intestinorum tunicis per purgantium puncturas, ac vellicationes suscitati, non tantum per mesenterium, quod membranaceam intestinorum tunicam format, & pleraque imi ventris viscera connectit, ad partes abdominis, sed per nervos quoque ad remotiores corporis partes propagantur. Secundò sanguis, qui per ventriculi & intestinorum vasa progreditur, sub celeriori, ac violentiori tunicarum, praesertim muscularis, contractione in motum redigitur velociorem, cumque postea reliquis humoribus circulantibus communicat: Et tertio denique multae partes activae resinoso gummosae ad ipsum sanguinem, ipsamque lympham.

transferuntur, & cum liquidis hisce per vasa circumactæ, canalium, præsertim minorum, parietibus vividos sub transitu; aut temporariâ hinc inde adhæsione, stimulos imprimunt, adeoque omnium quoque vasculorum contractionem celebriorem, validioremque reddunt: Hinc purgantia etiâ, dosi minori, seu refractâ aperitivis addita, ipsa egregia, & summè activa evadunt aperitiva (a), ac

(a) « Notatu digna, WEDELIIUS in *Amenit.*
 « *Mat. Med.* p. 71. scribit, est observatio, ape-
 « rientibus juncta purgantia iisdem vires largiri
 « majores. Laudatissimus hanc in rem locus est
 « *Martiani Com. in l. 2. v. 214. de morbis* p. 139.
 « ubi purgantia innuit, sæpe aliis medicamentis
 « addi, non ut purgent, sed ut aliorum medi-
 « camentorum virtus intendatur. Medicamenta
 « hæc, ait, ut longo experimento mihi notum
 « est, si in minori quantitate, quàm pro purga-
 « tione usurpari soleant, aperientibus medica-
 « mentis permisceantur, ita ut virtus aperien-
 « tium prævaleat, nullo modo alvum movent,
 « imò eorum virtus, quia maximæ est activita-
 « tis, ad vias sudoris, vel urinæ aperientium
 « facultate conversâ, horum vim adeò intendit,
 « ut medicamentum evadat, tum ad aperien-
 « dum, tum ad sudorem, aut urinam move-
 « dam, efficacissimum. Horum usum se docuiss-
 « se, addit, Teutonicum quendam, qui eo pro
 « secreto usus est in curatione febrium, quæ in
 « longum tempus protrahuntur, cujus efficaciam
 « & ipse felicissimo successu sæpius sit expertus
 « &c. »

simul diuresin & diaphoresin augent. Quid? quod, emetica debiliora, aut tardius resoluta, haud rarò, quod suprà pridem dictum fuit, in cathartica, & hæc in diaphoretica, & diuretica mutantur: Ut nihil dicam crescente pulsûs celeritate, quamprimùm purgans assumptum aculeos suos in solida vibrare incipit.

§. III.

Activitas emeticorum & purgantium in corpore animali vivo nunquam *absoluta*, sed semper *relativa* æstimanda est, dum facilè, pro *differenti natura sensibilitate* ac *robore*, pro *discrepante etiam materia eliminandæ indole*, & *maximæ ætatis*, *sexûs*, *vite generis*, *climatum*, *temporum anni*, *constitutionis aeris*, ac *similium diversitate*, intendi potest, aut debilitari. Corpora sensibilia enim, quorum fibræ vegetiori vi contractili, atque celeriori oscillatione, & liquida pariter majori mobilitate, tenuitate, & indole calidiori gaudent, dato purgante, aut emetico proportionato, fortius moventur, quàm ea, quæ, ob solida flaccida, & humorum crassitiem atque lentorem, vi vitæ torpidiori pollent (a).

(a) « Hoc, licet multis, LINDESTOLPIUS in *Libr. de Venenis* p. 45. inquit, fortè paradoxum

§. I V.

Varias agritudinum species emetica & purgantia vel sola tollunt, vel pharmacis tamen reliquis manus porrigunt auxilia-

» videbitur, ad partium mechanicam compagem,
 » & villorum elasticam fabricam, motuumque
 » leges, non attendentibus, confirmatur ta-
 » men exindè quam plurimum, quod rustici,
 » aruifices, aliique athletico & robusto habitu
 » gaudentes, pejus multò habeant ex assump-
 » purgante acri, quàm qui delicatiorem, otio-
 » sam, & segnem degunt vitam: contrahenti-
 » bus scilicet in illis, ob repetitas frequentius
 » corporis exercitationes, intensè & fortiter vil-
 » lorum intestinalium elateribus, & vehemen-
 » tiùs in pharmacum impulsantibus; in his verò,
 » torpente magis fibrarum oscillatione, laxisque
 » canalibus, medicamenti stimulus, vel non
 » sentitur, vel parùm, aut si movenda omninò
 » sit alvus, strenuiora arma sint necessaria. . . .
 » Instar enim lemmatis est mathematici, quò
 » vehementiùs corpora elastica extrà locum suæ
 » quietis deducuntur, quoque vehementiùs reni-
 » tuntur, eo etiam velociùs, sibi relicta, resi-
 » liunt, validiùsque percutiunt. . . . Unde &
 » sæpiùs observatum fuit, leucophlegmaticos,
 » cachecticos, melancholicos, scorbuticos,
 » aliosque, debili viscerum tono, atque infarctu
 » eorundem laborantes, à mediocri pharmaci
 » purgantis dosi nullatenùs moveri; nec ipsos
 » quidè febris intermittente tertianâ occupatos,
 » purgari, ab accepto, pèr intermittentis febris,
 » spatium, pharmaco, alvum ducturo, sæpiùs

trices. Opem nempe quadruplici modo generali ferunt, nimirum 1. *Eliminando saburram, in primis viis collectam*, emetica tamen magis è ventriculo, purgantia magis è canale intestinorum; unde sit, ut natura, fomite primario subducto, & ulteriori cessante ad sanguinem confluxu, humorum impuritatibus per varia organa se-& excretoria è limitibus corporis profcribendis, postea eò, facilius sufficiat; 2. *Educendo impuritates è sanguine & lymphâ per glandulas intestinales, àliaque vascula intestinorum excretoria*; 3. *Incidendo, resolvendo, & abstergendo materiam impuram, crassam, viscidam, tenacem, vel meatibus ac tubulis seorsim ad-& inhaerentem, vel ipsis fluidis naturalibus adhuc immersam*. 4. *Excitando, reducendo & augendo, per iteratas vellicationes, motum oscillatorium, & contractionem partium solidarum, maximè nervoso membra-*

est animadversum, postquam verò ex acredine aliquâ morbi stimulante, vel morbificâ materiâ ipsâ, jam exacuatâ; villi omnes, & fibræ vascorum membranosæ fuerint succussæ, inque horrores & oscillationes crebriores concitatæ, purgantem medicinam fortius impulsaverint, alvinæ feces satis copiosè sunt rejectæ &c. Conferri etiam possunt, quæ Sect. I. cap. 2. de naturâ & generali medicamentorum actione dicta fuerunt.

facearum, partim immediatè, partim consensualiter, & sic, mediante nimirum hoc stimulo, eumque protinùs excipiente contractione vegetiori, promovendo liquidorum circuitum, tollendo stagnationes, & stases praternaturales, & apprimè augendo se- & excretiones per renes, per cribrum cutis, & organa reliqua.

§. V.

Ob prædictas vires generales purgantia & subinde etiàm vomitoria commendari merentur 1. *in morbis primarum viarum*, qui a cruditate quâdam, pituitosâ, acido-mucosâ, biliosâ, nidorosâ, vel aliâ materiâ heterogeneâ, natura inimica, & mole aut noxiâ qualitate peccante, originem ducunt, cujus generis v. g. sunt anorexia, dysforexia, bulimus, pica, malacia, dyspepsia, bradypepsia, gravitas, & anxietas ventriculi, soda sive ardor ventriculi, tormina ventris, cardialgia, colica, diarrhœa, dysenteria incipiens, præsertim stomachalis, vermes &c. 2. *in morbis*, qui impuritates in ipso sanguine ac lymphâ, partim etiam saburram corruptam in primâ culinâ, quæ fomitem præbet continuum, supponunt, ut sunt dolor capitis, quotidie post pastum recurrens, susurrus & tinnitus aurium, gutta sere-

na, glaucoma, præsertim incipiens; ophthalmia serosa, coryza chronica, apoplexia pituitosa, affectus soporosi, paralyfis, epilepsia caecochymica, melancholia, tussis, & asthma stomachale, febres intermittentes, cachexia vulgaris & ictertia, passio hypochondriaca, & hysterica, obstructions chronicæ & refractariæ hepatis, lienis, meienterii, suppressio fluxûs menstrui, & hæmorrhoidalis, fluor albus, hydrops ascites, leucophlegmatia, lues venerea, ac varia ad illam spectantia symptomata, ut gonorrhoea virulenta, bubones &c., ut & rheumatismi, affectus scabiosi, scorbutici, ulcera solitaria, & complures adhuc aliæ morborum species, ex pathologiâ uberius cognoscendæ.

§. VI.

Probè cæteroquin notandum est, circa usum eorum individuum semper medici prudentis ac rationalis judicium postulari: Quemadmodum enim mitiora, ritè ac tempestivè usurpata, multum utilitalis in morbis præstant variis; sic magnoperè pariter ea, & adhuc magis drastica, nocere possunt, quando intempestivè & incongruè adhibentur, dùm acriora, æquè ferme, ac venena hujus commatis, in-

genti activitate instructa reperiuntur. Quodammodo igitur hoc loco, sub mitiori tamen conceptu, applicari possunt, quæ antea laudatus LINDESTORIUS l. c. p. 33. de horum operatione, & pravis effectibus proposuit; « Comolva, » inquit, & acria venena, intrò per os » admissa, ac degluta, labia, linguam, » palatum, fauces, œsophagum, ventri- » culum, & tubulum intestinale, pro » majore suâ vel minore acie-due, rigi- » ditate, & pondere, particulatimque » suarum, vel aculeatâ & acuminatâ fi- » gurâ, vel ancipiti spiculorum acie, per » parvam superficiem pungunt, fodi- » cant, inflammant, excoriant, & exul- » cerant; non quidem a se ipsis in hunc » nocendi actum commota, sed à vi con- » tractili vasorum, quibus fuerint appli- » cata. Irritatis ergò sic ventriculi, vis- » cerumque nerveis fibris, vel singultus, » vel vomitus, vel febris, vel spasmi » convulsivi, & succussiones oborun- » tur, reliquis scilicet nervosi systematis » funiculis, vasorumque elasticis fila- » mentis, ex simili nempe principio » nervoso, prout reliqua stamina omnia » partium omnium, derivatis, in eun- » dem anomalum consensum tractis; » acribus verò, iteratâ vibratione, vasa

» minima perforantibus, & tenuissimâ
 » exprimentibus, diarrhœa exurgit se-
 » rosa, vel & dysenteria, subsequente
 » intestinorum tumore ulceroso, fecum-
 » que alvinarum fœtore teterissimo, post
 » febrim jam excitatam, & partium ad
 » partes attritum vehementem. Sed nec
 » tantum hujusmodi venena in prædictas
 » corporis partes grassantur, verum
 » etiam ipsum nostrum vitalem liquo-
 » rem, ipsiusque vasa aggrediuntur, vel
 » ex intestinis jam, vel cum flumine li-
 » quidorum, vel, erosio vasis, elapsa,
 » variâque scenâ, rodendo, coagulan-
 » do, vel & resolvendo sanguinem,
 » tragœdiam suam absolvunt &c.

§. VII.

Emetica nunquam, vel admodum cir-
 cumspectè, exhibenda sunt fœminis græ-
 vidis, nec non subjectis valdè plethori-
 cis, gibbosis, asthmaticis, herniosis,
 calculosis, ad hæmoptysin præclivibus,
 aut febre ardente, inflammatoriâ, hec-
 ticâ, spasmodis gravioribus, præsertim
 ventriculi, & pectoris, morbisque simi-
 libus laborantibus; quippe quæ vel ægrè
 vomunt, vel à stimulo, & commotione
 vehementiori gravia plerumque incom-
 moda experiuntur. Maximè inprimis

non emetica solum , sed etiam cathartica completa , nocent , quoties bilis cylica sub iracundiâ graviore largiùs intestinum duodenum effusa fuit : « Nihil frequen- » tiùs enim , monente B. FRID. HOFF- » MANN (a) , in praxi occurrit , » quam ab irâ inflammationem pati ven- » triculum & intestina , eamque cum pri- » mis lethalem fieri , si mox potus frigi- » dus paulò avidiùs superingeratur , vel » purgans , vel emeticum propinetur , ad » bilem ab irâ , ut vulgò putant , com- » motam , è ventriculi sinu exturban- » dam &c. «

§. VIII.

Præservandi sine purgantia nunc me- » liùs autumnali , nunc meliùs vernali » tempore assumuntur. Qui enim morbis , » ab humorum copia prodeuntibus , hyeme » vexari sunt soliti , suadente SANCTORIO » (b) , purgandi sunt autumnò , & non » vere , reducendique ad pondus , quo » fruebantur æstatis initio : Sin morbi verò » à malâ qualitate prodeant , corpora verè , » & non autumnò , purganda ; magis enim » æstate , quàm hyeme , intenditur quali-

(a) In Med. Syst. Tom. II. p. II. cap. I. §.

14.

(b) In Med. statica Aphor. 48. Sect. 2.

tatis malitia. Ante purgantis quoque aut emetici exhibitionem, apud plethorica subjecta sanguinem abundantem venæsectione minuere (a), & in genere materiam eliminandam prius per appropriata remedia præparare decet, ut mobilior reddita plenè planèque excludi queat. Vulgò evacuationi sabburræ *acido-viscida*, aut *glutinoso-mucosa*, pulveres præmittuntur ex salibus mediis incidentibus, v. g. sale digestivo SYLVII, tartaro vitriolato, arcano duplicato, terrâ foliatâ tartari &c., quibus acria, leniora balsamica, & amaricantia, v. g. radix ari, iridis Florentinæ, cortex cascarillæ, itemque, acido nimirum præsentē, terrea alcalina, moderatâ dosi junguntur. Si collecta autem impuritas *mucoso-biliosa* aut *nidorosa* indolis sit, præter salina media ordinaria, etiâ nitrosa, & acidulâ, v. g. cremor tartari, sal acetosellæ &c., locum inter digestiva inveniunt.

§. IX.

Peractâ evacuatione, tonus solidorum, plus minusve debilitatus, per temperata roborantia stomachalia denuò restituendus est, ne relictâ ventriculi imbecillitas

(a) Vid. Diss. nost. de Venæsectione apud plethoricos catharsi præmittenda.

novæ cruditatis genesi ansam præbeat. Commendantur in hunc finem inter alia tincturæ è radice gentianæ rubræ , dip-ramni albi , herbâ melissæ , menthæ , flor. chamomillæ Romanæ , flavedine cort. citri , aurantiorum , macere , cort. cascarillæ , cum spiritu vini , aut liquore terræ foliatæ tartari vinoso , vel saltem aquâ quâdam destillatâ , paratæ , item-que elæosacharum citri , cinnamoni , spiritus nitri dulcis , cum paucis olei citri Italici guttulis , mixtus , & similia.

C A P U T I I I.

De Rhabarbaro.

§. I.

A quibusdam materiæ medicæ scrip- toribus quatuor rhabarbari spe- cies recensentur , nimirum 1. RHABAR- BARUM CHINENSE , *Levanticum* , *Orien- tale* , *nobile* , seu *verum Officinarum* , 2. RHABARBARUM THRACICUM , vulgo *Rha- ponticum verum* , sive *Rhabarbarum Ponti- cum* dictum , 3. RHAPONTICUM VULGA- RE , & 4. RHABARBARUM MONACHORUM.

§. I I.

Rhabarbarum Chinense seu orientale, electum radicem sistit, prægrandem, oblongam, tuberosam, ac simul, non obstante texturâ nonnihil fungosâ, satís ponderosam, extrinsecûs colore obscure fusco, intûs carneo, aut potiùs ex luteo-rubefcente, luteo scilicet striis rubicundis hinc indè distincto, sapore intensè amaro, ac paullulùm nauseoso, odore subacri & aromatico, plerisque tamen adverso, præditam.

§. I I I.

Planta est *Lapathi majoris* species, & ABRAHAMO MUNTINGIO *Lapathum Chinense longifolium* dicitur: « Rhabarbarum lanuginosum, sive Lapathum Chinense longifolium, scribit, (a), rara admodum in hisce regionibus planta, visu peramœna, atque ad hominum infirmitatibus medendum, ab immortali Deo, ad illius glóriam perpetuò celebrandam, liberali manu benignè ducta; è longævâ radice, crassâ, ferme rotundâ, parùm ultrâ semipedem longâ fibris quibusdam brevibus ac cras-

(a) In Diff. historico-medica de vera herba Britannica p. 196.

» fusculis undique enatis onusta , colore
 » obscuro externè fusco , vel quasi è ru-
 » bedine nigrescente , internè verò grato
 » luteo , rubris nonnullis striis venustè
 » permixto , quæ tamèn radice postea
 » marcescente , & exsiccata , emortuæ
 » conspiciuntur , bellè donata , naturâ
 » liquore plena , internèque succum ex
 » parte viscosum è rubedine flavescen-
 » tem , possidente , oreve commanla , ad-
 » modum amara , nec-non gustu ingrata
 » &c.

§. I V.

Crescit in tractu septentrionali *Imperii Sinensis* , & à diversarum gentium mercatoribus per mare mediterraneum , ex parte etiàm à Batavis , ex Indiâ reduci-
 bus , advehitur. Optimum colligendi tem-
 pus, referente BERNARDO VALENTINI (a),
 censetur initium veris , priusquàm folia ,
 de novo erumpentia , succum in radice
 concentratum , absument , eoque hac
 ratione leviozem reddant , viribusque de-
 biliozem. Effossa , fibris abscissis , purga-
 tur à quicquiliis adhærentibus , & in ma-
 gna diffecatur frusta , super asserem in loco
 umbroso ter vel quater quotidie verten-
 da , ut , per quatrimum relicta , sine suc-

(a) In Hist. simpl. reformata.

ci effluxu aliquantulum siccentur. Eligenda igitur sunt frusta sicca, compacta, odorata, quæ dentibus masticata, luteo salivam colore imbuunt; rejicienda levia, cariola, situ obducta & vetusta debilioris odoris.

§. V.

Componitur ex *terrâ inertî*, & *copiosâ substantiâ salino-gummeâ*, cui tam *exigua saltem resinæ portio* immixta est, ut nulla illius, quum vix per artem educi possit, ac separari, ratio habenda sit. Testantibus quippe examinibus chymicis, una rhabarbari orientalis uncia circiter unciam semissem & grana aliquot extracti gummosi suppeditat, cujus dimidia tamen drachma, sub tertiâ infusione, & ipsâ decoctione separata, terram duntaxat teneriorem, paucissimis particulis gummosis remixtam, adeoque catharticæ virtutis prorsus expertem, sistit. Infusum aquotum primum colore saturatè flavo, ad rubrum nonnihil vergente, & sapore moderatè amaro, in recessu austeriusculo, atque lenissimè adstrictorio gaudet. Unica ejusdem drachma majorem vim catharticam exserit, quàm portio extracti, è binis ejusdem infusi drachmis parati, quid? quòd, grana viginti quatuor rha-

barbari, in pulvere exhibiti, validiùs alvum subducunt, quàm drachma integra cum semisse in infuso aquoso, & fortiùs pariter, quàm drachma una extracti. Infusum spirituosum primum gratissimo colore flavo sese commendat, & remissiori, quàm aquosum, amaritie præditum reperitur. Vero cæteroquin simillimum est, tincturam hanc, nisi unicè, maximam tamen partem, à phlegmate, quod menstruis spirituosis ordinariis sat copiosè adhuc inhæret, derivandam esse. Non lactescit enim affusâ aquâ frigidâ, quæ mutatio tamen, sub aquæ frigidæ cum tincturis verè resinosis miscelâ, ordinariò supervenire consuevit. Extractum inde paratum sapore suo ipsum rhabarbarum perfectè æmulatur, & homini adulto, ad drachmam dimidiam, exhibitum, alvum blandè movet. Residuum siccatum ab ipso rhabarbato, respectu coloris, odoris, saporis, atque virtutis, parum discrepat, & satis promptam adhuc alvi solutionem efficit; immò, cum aquâ amplius digestum, tincturam saturatam & post evaporationem ejus notabilem pariter extracti activi quantitatem largitur.

§. VI.

Principia laudata particulis volatilibus,

quibus virtus cathartica maximè adscēbenda venit, valde turgida sunt, & sub humidâ destillatione aquæ transtillanti aliquas vires laxantes communicant; hinc rhabarbarum quoque sub decoctione multum virtutis cathartice amittit, & extractum penè iners redditur, adeò, ut vix amplius singularem effectum laxantem edat. Volatiles atque activæ hæ particulæ, quæ, sensim à fixiori substantiâ detritæ, paulatinâ evaporatione in auras abeunt, *acidulo-oleoso-inflammabilis natura* esse videntur: Nam rhabarbarum, igne sicco è retortâ destillatum, successivè *phlegma* transmittit sapore quidè debili, ipsius tamèn rhabarbari odore, imbutum; deindè *liquor magis magisque acidus*, tandemque *paucum oleum* lucedit, & in retortâ caput mortuum remanet, quod aquâ elixiviatum parum salis fixi alcalici, sub combustionem seu calcinationem ultimâ demum genti, suppediat.

§. VII.

Rhabarbarum orientale mitissimum non minùs, quàm tutissimum laxans præbet, & solida insuper, si in substantiâ nimirum, aut infuso aquoso exhibetur, roborat, bilem inertem ac viscidam amaritæ

ritie suâ corrigit, & abstergit, quin naturalis defectum, ante prandium, ac cœnam manducatum, supplet & egregiè igitur munere illiûs chylificationis tempore perfungitur; hinc ictericis, qui bilis inertia, aut plenario in intestinis defectu laborant, præ reliquis commendandum, venit. Lenissimè denique urinam pellit, humores crassos, itemque impuritates, meatibus atque canaliculis hinc indè inhærentes, resolvit, & vires proindè eximias exerit in cruditate ventriculi acido-pituitosâ, læsâ chylificatione, diarrhœis, lienteria, cœliacâ, dysenteria, ictero, vermibus, calculo, fœgnitie alvi apud hypochondriacos, fluore albo, ac variis morbis aliis, qui leniora evacuantia, ac simul roborantia postulant. Laxandi sine in pulvere apud adultos, à scrupulo uno ad drachmam semissem, vel solum, vel cremore tartari, sale Eshamensi, Sedlizeni, nitro, aut alio sale neutro remixtum, in infuso aquoso, vel vinoso autem, à drachmâ unâ ad duas, quin dimidiam subindè unciam, exhibetur. Sin idem verò, resolvendi, abstergendi, & roborandi scopo, aliis addere placet, grana paucâ pro unâ dosi sufficiunt.

§. VIII.

Respectu plantæ , & quodammodò
etiàm ipsius radicis , tanta Rhabarbarum
Chinense , & *Rhaponticum Thracicum* si-
militudo intercedit , ut difficile ab invi-
cem discerni possint , & à quibusdam
eapropter pro unâ eademque specie , na-
tali duntaxat solo distincta , habeantur.
» *Rhaponticum* , HERMANNUS inquit (a).
» est lapathi Thracici maximi radix ,
» crassa , oblonga , ramosa , brachiata ,
» foris fusca , intus crocea , laxa , & ra-
» ra , transversim secta , spiras osten-
» dens , saporis adstringentis , cum levi
» quâdam acredine & lentore , odoris
» pontici debilis. Rhabarbarum & Rha-
» ponticum consimiles flores & semina
» habent , & facie plantarum nihil diffe-
» runt , sed tantùm ratione radicis , id-
» circò præsumitur , unam esse plantam ;
» diversitas radicis oriri potest à solo &c.
Rectè hæc ultima addit HERMANNUS :
Singulis quippe proprietatibus paulò ac-
curatiùs in radice utrâque pensatis , ali-
qua omnino discrepantia animadvertitur.
Rhabarbarum Chinense sive Levanticum
nempe , monente POMETO (b) , in

(a) In Cynos. Mat Med. p. 63.

(b) In aufrichtigen Materialisten. p. 63.

magnis ac latè rotundis frustis, striis transversalibus intrinsecùs notatis, affertur; Rhaponticum Thracicum verò ex longis frustis constat, striis rubris longis intùs ornatis, & foris magis, quàm orientale, ad flavedinem inclinat. Faciliùs prætereâ situm contrahit, citiùs colorem ac vires amittit, linguæ saporem imprimit magis adstrictorium, quàm amarum, & multum in ore viscositatis relinquit. Crescit in *Thraciâ*, & *Regno Tartaria Astracanensi*, circa *Wolgam*, seu *Rha fluvium*: Unde etiam vocabula *Rhabarbarum*, & *Rhaponticum* originem suam traxisse videntur. Rhabarbarum enim radicem denotat, crescentem apud gentes barbaras prope fluvium Rha, & Rhaponticum radicem, quæ supra pontum (scilicet Euxinum) circa fluvium Rha effoditur.

§. IX.

Rhaponticum vulgare sive *spurium* nonnullæ *Italicae* provinciæ, maximè autem *Sabaudia*, itèmq; *Lithuania*, & *Russia* strictè sic dicta mittunt. Radix oblonga est, foris fusca, intùs flavescent, saporis amari, & astringentis, odoris si recens, fortis admodum ac nauseosi. Planta ejus à Botanicis vocatur *Rhaponticum filio helenii*

incano, & ob pappum, pilosamque scopulam, quam flos deciduus relinquit, cyanis annumeratur. Quoad virtutem hoc æquè, ac verum Rhaponticum Thracicum quodammodò, quin posterius maximam partem, cum rhabarbaro orientali convenit, præterquàm, quòd utrumque, ob majorem terræ, & substantiæ viscosæ portionem, validius astringat. Et id quoque causa est, cur olim in ipsis hæmorrhagiis, vulneribus, casu ab alto, sanguine congrumato &c., frequentissimè, tam internè, quàm externè, adhibitum fuerit. Nostrâ ætate spurium ratiùs in usum vocatur, Thracicum verò persæpe Chineni miscetur, aut pro eo à fraudulentis venditur.

§. X.

Rhabarbarum Monachorum, quod refert, radicem exhibet longam, fibrosam, instar angelicæ, ast ponderosiorē atque compactiorem, foris, obscurè fuscā, intùs flavā, nullis, tamen striis rubris, aut albis distinctā. Planta Lapathi quoque species est, & *Lapathum hortense latifolium*, dicitur. Copiosè in Americā crescit, & inde in hortos nostros translata creditur. Nonnulli hoc rhabarbarum ita dictum volunt à monachis, qui in

MESUEN commentati sunt, &, ob orientalis rhabarbari defectum, hac radice utebantur. Proximè, licet viribus paulò debilioribus instructum sit, & duplicatâ proinde dosi exhiberi debeat, ad veri rhabarbari indolem accedit, eidemque commodè nonnunquam substitui potest.

C A P U T I V.

De Radice Ipecacoanha.

§. I.

IPPECACOANHA, IPECACUANHA, HYPECACUANHA est radix geniculatim flexuosa, parvum digitum longitudine circiter æquans, sapore austeriusculo-subamaricante, & subacri, odore post exsiccationem nullo notabili, colore vel fosco, vel gryseo prædita: Hinc in *fuscam* quoque, ac *gryseam* distinguitur.

§. II.

Crescit in *Americâ*, maximè in *Brasiliâ*, plerumque circà auri mineras, & inde à Lusitanis, & Batavis ad gentes reliquas defertur. Collectio hujus radiceis,

referente BERNARDO VALENTINI (a),
 iungitur iis, qui ad metalla sunt dam-
 nati, quorum tamen solertissimum ultra
 duodecim libras integri anni spatium non
 colligere posse perhibent; id quod causa
 est, quamobrem pretium istius tantoperè
 accrescat, & una libra in Bataviâ XXX.
 florenis vendatur, tantoque pretio non
 posset comparari, nisi commutatione
 mercium istius accipiendæ ab incolis po-
 testas daretur. Planta à plerisque ad plan-
 tas repente refertur, & à MORISONIO
Planta Brasiliæ periclymeno accedens,
flosculis congestis albis, à KALIO autem
Herba parvis Brasiliæ polycoccus vocatur.
 Ad mediocrem altitudinem ascendere,
 & partim erecta partim repens esse dici-
 tur. Folia protrudit oblongè acuminata,
 parietariæ nostratis foliis valdè similia.
 Flores, qui inter folia erumpunt, parvi,
 sunt pentapetali, albicantes, & tan-
 dem in baccas ex brunno aut flavo ru-
 bentes, cerasi sylvestris minoris magni-
 tudine, degenerant. Baccæ hæ pulpâ
 succulentâ albâ gaudent, in quâ binâ
 semina, dura, flavescentia, lentiformia,
 latent.

(a) In Hist. simpl. reformata Lib. II. Cap. I.

§. III.

Principia hujus radicis *activa*, quæ partim *resinosa* partim *gummosa* sunt, unicè in cortice, seu parte exteriori, quæ aspera est, multisque ornata annulis, hæret; interior lignosa autem tam iners reperitur, ut nihil propemodùm substantiæ activæ inde separari queat. Ex uncia unâ radicis ipecacoanhæ gryseæ, quæ in nostris regionibus plerumque in usum trahitur, & melior in operando ac mitior, quàm fusca, judicatur, drachmas tres extracti aquosi sive gummosi primi, & quatuor scrupulos primi paritèr extracti spirituosos obtinui. Monendum tamèn, me solam partem exteriorem corticalem, prorsùs rejectâ interiori lignosâ, extractioni adhibuisse. Infusum aquosum post filtrationem pellucidum est, & colorem ex rubello ac flavo-bruneum, odorem debilem, ad seminis carvi odorem quodammodo accedentem, & saporem amaricantem, subacrem, & subastringentem possidet. Eodem sapore etiàm extractum ipsum, quod saturatè bruneo tamen colore gaudet, donatum est. Infusum spirituosum colore flavo, ad brunnum ac rubrum aliquantulùm inclinante, odore debili nauseoso, & sapore subacri, piperis saporem quodammodo æmu-

lante, pollet; Extractum inspissatum verò debilem odorem balsamicum spirat, & linguæ amaricantem, subacrem, & in recessu nonnihil astringentem, saporem imprimit. BOULDUCCIUS (a), qui utriusque pariter, gryseæ nempe ac fusæ, radicis ipecacoanhæ examen chemicum suscepit, intuitu quantitatis principiorum, valdè dissentit, & ex gryseæ unciâ unâ drachmas tres cum semisse substantiæ gummosæ, & tria duntaxat resinose grana, ex æquali autem fusæ quantitate drachmam unam & scrupulum unum substantiæ gummosæ, & tria iterum resinose grana sese obtinuisse testatur. Verumenimverò, indicatam principii resinosi quantitatem nimis parvam esse, & aliquam ejus partem simul cum substantiâ resinosâ extractam fuisse, firmiter credo.

§. IV.

In substantiâ resinosâ virtus emetica, commovens, & in casibus nonnullis nociva, in gummosâ autem mitior cathartica, & in recessu paullulum astringens, præcipuè latet: Hinc remissior quoque hæc radix ac tutior in operando

(a) Vid. Memoir. de l'Acad. Royal. des Sciences ann. 1701.

evadit, quando ante exhibitionem principio resinoso, per brevem ac lenem cum spiritu vini dephlegmatissimo digestionem, privatur. Amittit quoque hac ratione vim emeticam, & securius, purgandi fine, tenerioribus hominibus, qui vomitum averfantur, nec minus dysentericis, quibus, ob febrem complicatam, fortior humorum commotio nocet, exhibetur.

§. V.

Quando radix hæc, sive sit grysea, sive fusca destillationi siccæ in retortâ subjicitur, primò phlegmatis quidquam, deinde parùm spiritûs acidî, tandemque olei pauxilliùm elicitur, ita tamèn, ut radix fusca plus spiritûs acidî, minus verò olei, quam grysea, reddat: Ex quo rationem innotescere reor, cur fusca potentior, quàm grysea, operationem exerceat. Existimat quidèm laudatus BOULDUCCIUS, principia in fuscâ volatiliora esse, quàm in gryseâ, & unicè igitur à differenti volatilitatis gradu discrepantem pendere activitatem: Attamen, pro meo judicio, memoratæ differentæ causâ rectè us in salis acidî mixtione cum oleo quærenda est, quod postèrius confirmante vix allegatâ analysi ma-

jori quantitate gryseæ, quàm fusce mixtionem ingreditur, ideoque sal acidum stimulans, parcius præterea in griseâ præfens meliùs involvere, obtundere atque contemperare valet.

§. VI.

Radix hæc, adultis in pulvere à scrupulo uno ad grana viginti quinque, immò drachmam semissem, oblata, mobilia recrementa per superiora æquè ac inferiora exterminat, & evacuatione peractâ, per residuas qualdam partes terreas tunicis laxis, leniter constringendo, robur denuò conciliat. Egregium proinde atque specificum evacuans prædicatur in fluore albo mulierum, & incipiente dysenteria stomachali, præsertim, si parte resinosa per spiritum vini nonnihil orbatur fuerit. Rariùs vino aut aquâ infunditur.

CAPUT V.

De Jalappa.

§. I.

JALAPPA sive JALAPPA est radix crassa, oblonga, sapore nauseoso, atque subacri, odore, pulverisata scilicet, debili, eoque pariter nauseo-

fo, & colore foris nigricante vel obscure gryseo, intus autem venis resinosis nigricantibus, quas albidæ striæ, aut in vetustiori pallidè flavescentes, distinguunt, prædita. Paullulùm tosta, aut fortiùs exsiccata, & in taleolas dissecta, ad nos devehitur. Eligendæ sunt taleolæ compactæ, ponderosæ a carie immunes, quæ plus substantiæ nigræ resinosæ, quàm albicantis farinaceæ continent. Bonitas enim hujus radiceis, secundùm VALENTINI (a) sententiam, exindè potissimùm dignoscitur, quandò, prunæ aut candelæ admota, statim accenditur, præsertim frusta majora, quæ manibus non facilè infringi, malleo tamen mox comminui possunt, quæque extrinsecùs nigricant, intrinsecùs verò splendentia, ac resinosa apparent, saporis quoque acuti, ac nauseosi sunt: Id quoque videndum, ne alæ radices, ut bryonia, similesque permistæ sint. Præterea in integris frustis, non pulverisata, quæ plerumque vetusta nimis atque corrupta est, ematur.

§. II.

Radix hæc quam alii etiàm *Jalapium*, *Gelapium*, *Gialapium*, *Chelapam*, *Meschoacannam nigram*, *Eryoniam Indicam* &c sic porro vocant, effoditur in novâ 145

(a) L. c. p. 104. §. 3.

pura, crescere tamèn etiam traditur copiose, & absque culturâ, in Insula *Madera*. Denominationem suam accepisse creditur à *Xalappâ*, novæ Hispaniæ oppido, vel, ex mente aliorum, à *Xalapo*, sive *Getapo*, portu Americæ insigniori; ideo forsân, quia circa oppidum *Xalapam* copiosius crescit, aut illuc, venditionis gratiâ, allata, deinde per portum laudatur cum aliis mercibus ad gentes Europæas evehitur. Planta ab aliis *Brynie*, ab aliis, & quidèm rectius, *Solani* aut *Convolvuli* speciebus accensetur, & ideo à *TOURNEFORTIO* *Solanum Mexicanum*, magno flore, semine rugoso, & à *PLUCKENETO* *Convolvulus Americanus*, sub *Jalappæ* nomine receptus, vocatur.

§. III.

Possidet principium activum *gummosum* ac *resinosum*; quorum prius in unciâ unâ radicis bonæ notæ circiter unciam dimidiam, posterius autèm saltèm binos scrupulos pondere æquat. Notatu tamen dignum est, neque solam partem resinosam, neque solam gummosam, prout decet, ventrem purgare, sed utramque debitè combinatam. Mera gummosa enim, seorsim exhibita, parum movere.

alvum, magisque, immò unicè prope-
modùm, urinam pellit, & mera resino-
sa fortem quidè catharsin provocat, ast
multis ac magnis torminibus stipatam:
Hinc certo etiam certius est, radicem
ipsam, in pulvere oblatam, ob naturale
& egregium substantiæ resinosæ ac gum-
mosæ consortium, optimam exercere
operationem. Inde præterea patet ratio,
cur resina jalappæ, spiritu vini, nonnihil
duntaxat rectificato, extracta, vires for-
tiores monstret, quam cum vini spiritu
rectificatissimo parata, quippe quæ vehe-
mentia quidè tormina concitat, se-
gnioreni nihilominùs, quam prior, vir-
tutem cathartica exerit. Veritati enim
contrarium est, spiritum vini, quod
nonnulli tamen firmiter credunt, vires
purgantes debiliores reddere, quàm
clare potiùs constet, quod vegetior in
casu priori activitas à simultaneâ princi-
pii gummosi ac resinosi per spiritum vini
adhuc phlegmaticum extractione depen-
deat.

§. 1 V.

Locum hæc radix inter optima, tutis-
sima, & completa purgantia invenit, ac
nullo prorsùs, si nimirum genuina est,
ac probè nigricans, corrigente aut adju-

vante eger. Specialiùs inter *hydragoga* militare creditur; ac, me sentiente, rectissimè pariter panchymagogis annumeratur. Adultis in pulvere datur, à scrupulo uno ad drachmam semissem, quin duos subinde scrupulos, infantibus tennellis autèm, lacte adhuc nutriendis, à granis duobus ad grana tria vel quatuor, dùm apud hosce non tantùm blandè alvum subducit, sed iis etiàm, anodynè instar, somnum conciliat. In infuso vinoso à scrupulo uno ad duos, & in merè aquoso à drachmâ unâ ad duas præscribitur.

C A P U T V I.

De Mechoacanna alba & radice Bryonia.

§. I.

MECHOACANNA ALBA, alias etiam *Rhabarbarum album*, *Mechoacanna Peruviana*, *Bryonia Americana*, *Scammonium Americanum*, & sic porrò denominata, est radix magna, levis, per integram substantiam circulis ornata, coloris intrinsecùs albicantis, aut ex albido flavescentis, extrinsecùs grysei, odoris & saporis nullius singula-

zis, præterquàm quòd diutius manducata aliquem acredinis & ardoris sensum linguæ imprimat. Æque, ac jalappa, non integra, sed in taleolas aut frusta oblonga dissecta, ac paululum tosta, ad nos defertur. Eligenda est recens, densa, compacta, gravis, ex albido-flavescent, rejicienda ex adverso nimis alba, vara, levis, cariola, fractu facilis, & frustulis radicis bryoniæ nostratis mixta; quippe quæ sapere gaudet amaricante, & hoc ipso igitur ab insipida, fermè radice mechoacannæ sese distinguit.

§. I L.

Patriam agnoscit *Novam Hispaniam* in Americâ, maximè autem insulam *Mechoacan*, & in continenti provinciam *Nicaraguam*. SCHROEDERUS illam duplicis generis esse judicat, & alteram, quæ in insulâ Mechoacan provenit, viliolem, debilioremque, alteram, Nicaragua incolam, præstantiorem pronuntiat. Planta à TOURNEFORTIO ad *Bryonia repentis* species refertur, & proinde etiàm ab illo *Bryonia Americana repens*, folio anguloso, dicitur: ab aliis rectius *Convolvulis* annumeratur, ac nihil certè aliud est, nisi *Convolvulus Americanus Jeticus* dictus. Priùsquàm Jalappa Es-

ropæis innotuit, & a monachis Hispanis detecta traditur; ante illorum tamen adventum incolis virtus ejusdem jam pridem cognita fuit.

§. III.

Pæter terram subtilem, albicantem, æo-
quasi farinaceam, paucissimamque resi-
nam, sat largam substantiam gummeo-sa-
linam, cui purgandi virtus unicè prope-
modum in acceptis ferenda est, continet.
In unciâ unâ tres circiter drachmæ prin-
cipii gummosi, & dimidius duntaxat
scrupulus principii resinosi hærent. In-
telligenda hæc ipsa sunt de radice recen-
tiori, compactâ, atque integrâ: Quod
vetustam enim, cariosam, ac nimis le-
vem attinet, illa virtute longe inferior,
& dimidiâ fere principii activi parte spo-
liata deprehenditur. Infusum aquosum
primum ex flavo-brunnum est, nonnihil
turbidum, odoris & saporis nauseosi, ac
paululum in recessu subacris. Sub evapo-
ratione constanter vaporem nauseosum
emittit, &, peractâ inspissatione, ex-
tractum obscure brunnum, debili odore
ingrato, & subtili sapore acri, salivatio-
nem excitante, atque debilitatum py-
rethri saporem æmulante, donatum,
relinquit. Infusum spirituosum primum

perfectâ pelluciditate, & dilutè aureâ flavedine gaudet, ac linguæ minorem, quàm aquosum, acedinem imprimit. Extractum, inde evaporando paratum, subflavum est, odoris debilis, quodammodò nauseosi & saporis subacris, ita tamen, ut acredo post moram aliquam sensibilior longè atque auctior reddatur. Sub destillatione siccâ hæc radix nil singulare ostendit, præterquàm, quòd plerumque plus liquoris acidi, minùs vero olei, quàm jalappa, reddat.

§. I V.

Nonnunquàm, referente BOULDUCCIO (a), ex Indiâ, formâ parvi panis, præparatum quoddam affertur, uncias tres circiter pendens, quod *succus mechoacana lacteus* nuncupatur, & a nonnullis succus, plantâ incisâ, spontè effluens, & inspissatus, adeòque non inutilis, judicatur: Attamen, contrarium idem Boulduccius (b) docuit. Datâ enim occasione, præparatum hoc variis quidè subjectis purgandi fine exhibuit, inutile tamen, & laxandi virtute planè destitutum, invenit. Quo veram igitur ejus originem

(a) Lib. sæpius citato ann. 1711. p. 1044. sequ.

(b) L. c.

atque indolem per chymica examina detergeret, radicem mechoacannæ in aquâ, lenissimo adjuvante calore, maceravit, & quidè in vase clauso, ne admissus aer liberior colori albicanti alterationem induceret. Deinde maceratam, & in pastam triturâ redactam, torculari subjecit, & succum lactescentem expressit. Hic aliquot elapsis diebus, sedimentum albicans ad fundum dejecit, quod siccatum prædicto succo Indico per omnia simile erat, nec ullum quoque effectum notabilem in corpore edebat, ut pro merâ igitur fæculâ inertî radicis mechoacannæ, æquè ac præcedens, habendum sit. Aqua, ab hac fæculâ decantata, ut & extractum aquosum alvum satis benè movebant.

§. V.

Radix mechoacannæ genuina, & bonæ notæ, nullo pariter corrigente eget, & in pulvere exhibita, non tantùm abstergit, alvumque blandè movet, sed acidum quoque primæ culinæ, mediante terrâ subtili ac tenerâ farinaceâ, absorbet, atque destruit. Infantibus, ob indolem temperatam, mitissimamque operationem, persæpè, & quidè, pro ætatis diversitate, à granis quatuor ad scrup.

pulum semissem, adultis verò in pulvere a scrupulo uno ad scrupulos duos, in infuso aquoso aut vinoso à drachmâ dimidiâ ad drachmam integram, præscribitur. Commodè præterea pulveribus aperitivis ac resolventibus, in tumore atque duritie ventris apud infantes, rebeli febre quartanâ, & morbis similibus exhibendis, refracta dosi additur.

§. VI.

Cum radice Mechoacannæ convenit
RADIX BRYONIÆ NOSTRATIS, *baccis, tam rubris, quàm nigris* (*Bryone, Couleuvrée, Vigne blanche*) *Gaun. Ruebe*, præterquàm, quòd principiis longè acrioribus instructa sit, & longè vehementiorem proinde operationem exerceat, variæque prava pathemata, præsertim apud subjecta sicciora ac sensibilia, subindè excitet. Radix valdè magna ac crassa est, coloris extrinsecùs flavescentis, intùs albidì, odoris ingrati, & saporis amari, valdè acris, atque nauseosi. Plura principia *gummosa*, quàm *resinosa* possidet, & una radice siccatae uncia circiter unciam dimidiam, vel drachmas quinque substantiæ gummosæ, & drachmam semissem resinosaè continet. Sub primâ infusione cum spiritu vini major quidè extracti

quantitas obtinetur; at istud, ob rationes alibi pridem indicatas, non merè resinofum, sed simul quoque gummosum est. Virtus cathartica in utroque principio, magis tamen in resinoso, quàm gummoso, quærenda est.

§. VII.

Vulgò quidè̃m potentioribus *phlegmagogis* annumeratur, & specificè pariter, infusis aquosis aut vinosis, vel linctibus etiàm atque electuariis addita, à quibusdam ad sanguinem grumofum dissolvendum, calculum pellendum, nec minùs contrà asthma pituitosum & cachecticum, cachexiam universalem, & hydroperem abdominis, pectoris atque uteri commendatur; verùm, cum in operando justo sit violentior, & vehementes quandoque convulsiones producat, prorsùs, me sentiente, è purgantium & emeticorum numero releganda est. Externè tutiùs emplastris, linimentis, & cataplasmatibus, in refractariis partium doloribus, immò convulsionibus, a gravi vasorum obstructione oriundis, discutiendi ac resolvendi scopo, applicandis, itemque, quanquàm rariùs, & dosi admodum moderatâ clysteribus, apud hydropicos injiciendis, stimulandi fine, additur.

C A P U T V I I.

De Radice Ellebori nigri.

§. I.

IN Officinis duplex prostat RADIX
HELLEBORI sive ELLEBORI, *alba* nimi-
rum ac *nigra* (*Ellebore blanc, Ellebore noir*)
weiße und schwarze Niersz-Wurtzel.
Illa, de quâ alibi pridem sermo fuit, ob
nimis violentam operationem, jamdu-
dum è purgantium classe exterminata, &
solummodò ac ptarmica relegata est :
Hæc verò, quæ etiàm sub *Veratri nigri*
nomine innotuit, olim unicum fermè at-
que optimum constituebat catharticum,
& hodiernum quoque locum inter selec-
tiora tuetur. Ex multis, iisque tenuibus
atque fibrosis radiculis constat, ex uno
capite prodeuntibus, extrinsecùs nigri-
cante, intùs albicante colore donatis.
Saporem gaudet amaro, acri, pungente,
& odore ingrato ac nauseoso.

§. II.

Varia ejus species bonitate notabiliter
distinctæ reperiuntur. Quondam, Hip-
pocratis inprimis tempore, optimam ju-
dicabant, quæ copiosè & absque culturâ

in Theſſaliæ inſulâ *Anticyra* provenientebat; noſtris verò temporibus in plerisque Europæ officinis *Stiriaca* & *Helvetica* primum locum obtinent, deinde *Anglica*, & infimo tandem loco *Bohemica*, *Auſtriaca* & *Thuringica* collocandæ veniunt. Eligendæ ſunt fibræ radicis minores, graciliores, probè exſiccatae, & à ſordibus repurgatae; quippe quæ fibris craſſioribus & ipſo capite longè præſtantiores inveniuntur. Planta, quæ optimam ſpeciem radicis largitur, à Botanicis *Helleborus niger anguſtifolius*, itemque *Veratrum nigrum* vocatur.

§. III.

Subſtantia cathartica, quâ radiculae ſeu fibræ laudatæ inſtructæ ſunt, partim *reſinoſa*, partim *gummoſa* deprehenditur, & in unciâ circiter drachmæ tres & ſcrupulus unus principii ſalino-gummoſi, & drachma una ac ſcrupuli duo principii reſinoſi latent. Monendum tamen, principia hæc tam arctè invicem mixta eſſe, ut alterum ab altero, adhibitis etiã congruis menſtruis, vix ſeparari queat: Et hoc quoque cauſa exiſtit, cur chemici qui radicem hanc examini ſubjecerunt, circa determinandam utriuſque principii quantitatem tantopere diſcre-

pent. Fateor, me ipsum, cum eam primâ vice examinarem, deceptum fuisse: Aqueum enim menstruum, cum paulò fortior accederet digestio, totam prope-modùm substantiam activam extrahebat, eademque proinde unicè gummosâ indolis esse videbatur, verùm, extractione semel repetitâ, & aliis insuper scrutiniis in subsidium vocatis, observavi, principium activum non merè gummosum, sed secundùm indicata pondera resinoso-gummeum esse. Maxima virtus cathartica in parte resinosâ hæret, & gummosa, prorsus à priori segregata, & seorsim exhibita, nullam fermè catharsin, sed magis diuresin provocat, sola ex adverso resinosa validè quidè alvum movet, est multa insimul ventris tormina producit. Unde satis patescere opinor, quod substantia utraque, conjunctim exhibitâ, optimam operationem exerceat.

§. I V.

A prisci ævi medicis radici hellebori nigri in curandâ melancholiâ, maniâ, ac quavis fermè insanix specie tantæ virtutes adscriptæ fuerunt, ut varia inde enata fuerint proverbia, quæ tot quasi eximix virtutis elogia existunt. Nostrâ ætate, postquàm multa alia detecta & introdu-

sta fuerunt, ellebori radice adhuc præstantiora, rariùs in usum vocatur, præsertim cum nostra radix vires illas eminentes, quas Græci de veratro suo Anticyrano prædicabant, non exerat. Collocatur hodiè inter sic dicta *melanagoga*, humoribus crassis bilioso-acido-pituitosis resolvendis, abstergendis & educendis præcipuè dicata, & proinde etiam in cachexiâ, apoplexiâ pituitosâ, affectibus scabiosis, nec minùs in melancholiâ & maniâ, si purgantia scilicet, tutum inveniunt usum, specificè prodesse creditur. Præscribuntur fibræ electæ, & à sordibus probè repurgatæ, in decocto à drachmâ unâ ad drachmas tres, in infuso aquoso & vinoso autem, sacculo tamen inclusæ, à drachma una ad unciam dimidiam.

C A P U T V I I I.

De Foliis Sennæ.

§. I.

SENNA sive SENNA est vel *orientalis* vel *occidentalis*. Prior, respectu patriæ, rursùs distinguenda est in Senam *Ægypticam* sive *Alexandrinam*, *Mechinensem* sive

sive de Mecha, & *Senam de Saetto* sive de Seyda. Alexandrina, cui Mechinensis naturâ & virtute simillima est, censetur optima; vilior existit Sena de Seyda, & vilissima denique occidentalis tam Italica Florentina, quàm Gallica Narbonensis, quum rectiùs pro quâdam *Coluteæ*, quàm Sennæ veræ specie habenda sit, etiamsi FALLOPIUS (a) in hoc passu dissentiat, & Italicam ideò pariter magni æstimandam, immò orientali præferendam esse opinetur, quòd semper, aut tamen plerumque, recentior, & naturæ ac temperamento nostri corporis convenientior inventa fuerit.

§. II.

Folia Sennæ Alexandrinæ, quæ priora civitatis pharmaceuticæ jura in Officinis nostris adepta sunt, oblongaprehenduntur, moderatè acuminata, subflava, aut ex viridi-flavescentia, saporem obtinent amarum, subacrem, ac nauseosum, & recentia, præsertim contrita, fortiter olent, post exsiccationem verò nullo ampliùs odore singulari pollent. Ab hisce notabiliter folia Sennæ Italicæ distincta sunt, dum non solum latiora ac breviora, sed rotun-

(a) Lib. de simpl. purg. cap. 59.

diora quoque, & obtusiori acumine prædita reperiuntur.

§. III.

Planta ab aliis ad frutices, ab aliis, quanquam minùs recte, ad suffrutices refertur. Radix enim aliquot caules tenues & rotundos protrudit, successivè ad duorum pedum altitudinem assurgentes, qui tandèm ligneam texturam consequuntur. Hisce, intermediis gracilibus stipitibus seu petiolis, folia ex viridi flavescentia innascuntur, tandemque flores flavescentes pentapetali rosacei prodeunt, qui justo tempore siliquas compressas, latas, incurvatas, obscuri coloris, seu rectius, folliculos membranaeos, non tumidos atque inflatos, ut apud colateam vesicariam, sed depressos relinquunt, quibus semina parva, compressa, fusci, cæsi, aut nigricantis coloris, includuntur.

§. IV.

Triplici principio activo hæc folia donata sunt, nimirùm *gummoso*, *resinoso*, & *oleoso*. Principium gummosum reliqua quantitate longè superat, & in uncia una ad binis circiter drachmas ascendit, Resinosum integram propemodùm dra-

chinam pendet, & oleolum effentiale, cujus pondus ob separationis difficultatem exactè determinari nequit, exiguâ saltèm, quantitate mixtioni inhæret. Oleum hoc partim *crassius unguinosum*, partim *subtilius æthereum* est: Folia enim, a stipitibus repurgata, & post aliquam macerationem, lenemque cum aquâ simplici digestionem, è cucurbitâ destillata, aquam transmittunt odoris & saporis nauseosi; liquidum ex viridi-brunnum autèm, in cucurbitâ relictum, ac percolatum, sub evaporatione in vase aperto aliquamdiù protracta, non tantùm *spumidam*, ac *pinguem materiam* ad superficiem extrudit, sed hinc indè paritèr ejusdem naturæ cuticulam format, quæ aspectu, & contactu *pinguis resinoso-oleosa* est, &, cochleari ablata, aquæ consortium respuit, eandemque, tentatâ scilicet per agitationem intimiori miscelâ, nonnihil turbidam reddit. Ex uncia unâ foliorum septem circiter grana hujus materiæ obtinui. Sub infusi spirituosæ evaporatione oleosa hæc materia adhuc meliùs in conspectum venit. Quando istud enim destillationi in cucurbitâ subicitur, spiritum dimittit, colore pulchrè viridi ac flavescente tinctum, & debili, atque specifico odore, & sapore

imbutum; extracto liquido autem in cucurbitâ relicto, *guttula nonnullæ oleosæ innatant.*

§. V.

Præcipua virtus purgans in laudatâ substantiâ oleosâ unguinoso-ætherâ latet; hinc aquosum etiâ foliorum decoctum, cujus odor nauseam, immò, apud sensibilia subjecta, ipsum vomendi conatum, excitat, diuturniori ebullitione viribus catharticis maximam partem privatur. Sola igitur pars gummosa magis urinam, quàm fæces alvinas, movet, & sola pars resinosa intestinorum tunicis tenaciùs adhærescit, adeoque, absque singulari solutione alvinâ, multa tormina ventris producit: Undè manifestum est, optimè hæc folia in infuso, moderatâ digestionem parando, exhiberi.

§. VI.

Annumerantur *phlegmagogis*, & *melanagogis*, ac plus, quàm purgantia alia, præsentibus in corpore impuritatibus acido biliosis, falsis, viscosis, nec minùs capitis, ac viscerum obstructionibus chronicis, præstare, quanquam absque fundamento, creduntur. Movent etiam urinam, & interdum, præsertim in pul-

vere data, sudorem. Præscribuntur ordinariò in decocto, aut infuso aquoso, à drachmis duabus ad unciam dimidiam, quin integram. Sub decoctione sacculo includenda, nec ea, aut infusione peracta, exprimenda sunt, ne crassior pars resinosa, simul expressa, majora ventris tormina provocet. Corrigendi fine, præter pruna exsiccata, caricæ, aliaque lubricantia, etiàm carminativa, ut herba melissæ, flores chamomillæ Romanæ, cortices citri, aurantium, semen fœniculi, anisi &c., nec non scrophularia aquatica major BAUHINI, quæ optimum censetur corrigens, adduntur (a).

C A P U T IX.

De Agarico sive Fungo Laricis.

§. I.

AGARICUS, AGARICUM ALBUM, FUNGUS LARICIS, græcè ἀγρίκος, *Lerchen Schwam*, *Agaric*, est corpus album, leve, spongiorum, friabile, saporis primò dulcis; postea amari, paulisper nauseosi, & subastringentis, odoris, si re-

(a) Vid. *Memoir. de l'Acad. Royal. des Sciences ann. 1701.*

cens, fortis & ingrati, extrinsecùs cortice duriori, rubicundè cæsius, tectum.

§. I I.

A quibusdam in *marem* ac *foeminam* distinguitur; quæ distinctio tamèn solido caret fundamento. Fungus enim, quem agaricum *marem* vocant, non fungus *laricis* est, sed potius quercuum annosiorum, adeoque diversissimæ ab agarico genuino indolis. Quercubus annosioribus, ut dictum, accrescit, & fungum sistit flavescentem, compactum, ponderosum, lignosum, valdè tenacem, qui stypticâ duntaxat, neutiquàm verò catharticâ, virtute præditus est, & à tinctoribus solummodò, ad colorem nigrum pannis inducendum, adhibetur.

§. I I I.

Agaricus verus, pugni plerumque magnitudine, trunco & ramis *laricis*, pariter annosioris, in quâ terebinthina spuria fluere desiit, adnascitur. Ex quo elucescit, fungum hunc, quoad aliquam partem, ex eâdem gigni materiâ, quæ antea in *laricibus* junioribus resinolam lachrymam *lariceam*, seu terebinthinam spuriam formabat, quamprimùm in arboribus vetustioribus, ac senescentibus

partis spirituosæ decrementum, & spissioris contra substantiæ terreo-mucilagineæ incrementum supervenire incipit. Optima species deglubitur è laricibus, quæ uberrimè in *Tartaria*, præsertim *Siberia*, sylvis proveniunt. Non tam citò, quàm fungi alii, debitam acquirit magnitudinem, sed referente BERNARDO VALENTINI (a), integrum annum ad maturitatem postulat. Decerpitur, quamprimùm siccari, rimasque agere incipit: Quo enim viso, exteriori pelliculâ providè priùs detractâ, ab arbore rescinditur, & deinde soli exponitur, duas tresve hebdomades, pro diversitate temporum anni, ut candidum induat colorem. Postea malleis ligneis, aut fustibus percutitur, quo omnes deleantur incisuræ. In sicco loco reconditus, per annos complures incorruptus servari potest, &, si vermiculi in illo nati fuerint, scopulis setaceis denuò repurgandus est. Crescit etiam in multis aliis regionibus, quarum sylvæ larices alunt, in *Galatiâ* v. g. *Ciliciâ*, *Cappadociâ*, *Delphinatu Gallie*, *Sabaudiâ*, montibus *Tridentinis*, & *Wal-lisensibus*, *Sylvâ Hercyniâ* &c. Rejiciendus est cariosus, fibrosus, lignosus, durus, ac grysei aut nigricantis coloris, ab

(a) In Hist. simpl. reformata p. 232. §. 10.

arboribus jamjam emorientibus decerp-
tus.

§. I V.

Principia activa ita per agaricum distri-
buita sunt, ut *resinosum*, quod in dimi-
diâ agarici unciâ ad duarum fermè drach-
marum pondus ascendit, magis in parte
exteriori corticali, *salino-mucilagineum* au-
tèm, tam *crassius terreum*, quàm *tenerius*,
magis in interiori parte fungosâ hæreat.
Exterior enim agarici pars corticalis su-
perfusum vini spiritum saturato colore
inbuit, magis fungosa interior verò longè
debiliorem tincturam menstruo conciliat.
Tinctura spirituofo - resinosa concentrata
tàm adversi odoris, & saporis est, ut uni-
cui guttula, linguæ instillata, apud sub-
jecta sensibilia vomitum concitet,
ac diù nauseam relinquat. Principium
salino-mucilagineum, cujus quatuor cir-
citer scrupuli in dimidiâ agarici unciâ
hærent, remissiori amaritie, debili dul-
cedine, quæ sese in principio manifestat,
remixta, pollet, & aqueo suo menstruo
colorem duntaxat subluteo albicantem
inducit. Infusum hoc, ob solutæ muci-
laginis crassitiem, non transit filtra or-
dinaria, sed, colaturâ & expressione per
linteum, à recrementis terrestribus sepa-

randum est. Extractum inde paratum colorem brunnum consequitur, hinc inde tamen albidis maculis distinctum, & linguæ, uti antea pridem dictum, primò subdulcem, postea valdè amarum, & ingratum saporem imprimit. Quando menstruum aqueum addito sale tartari acuat, mucilago tenuior faciliùs separatur, & post aliquot dies materiam admodùm spissam ad fundum dimittit, supernatante portione liquidiori; pellucidâ, gelatinam æmulante. Décantata hæc posterior, & lentâ evaporatione ad solidiorem consistentiam redacta, extractum præbet, ex teneriori substantiâ resinosa, & mucilagineâ mixtum, quod longè melius, quàm sola pars resinosa, quæ ingentem nauseam creat, ac facilè vomitum, aut tormina ventris producit, & melius pariter, quàm sola pars mucilaginea, quæ alvum parùm movet, purgare consuevit. Binæ agarici uncix plerumque unciam unam, & drachmam dimidiam hujus extracti largiuntur. Relicta pars spissior mucilagineo terreâ virtute penitus caret. Si loco aquæ alcalisatæ acetum desti latum, aut vinum extractione adhibetur, simile propemodùm extractum, minori tamen, si acetum fuerit.

superfufum, quantitate, resultat. (a).

§. V.

Validè hoc medicamentum humores pituitofos ex intestinis, glandulis ac vasis educere, & specificè proinde in cephalæâ, vertigine stomachali, affectibus soporosis, apoplexiâ pituitosâ, asthma humido, & stomachali, malo hysterico, cachexiâ icteritiâ, arthritide inveteratâ &c. prodesse creditur. Pellit prætereâ urinam, & vermes necat. Optimè præscribitur in infuso vinoso, à drachmâ unâ ad duas, imò dimidiâ subinde unciam, vel hujus loco *Agaricus trochiscatus*, à drachmâ dimidiâ ad integram: Quod simplicem verò, crudum, ac sibi relictum agaricum attinet, ille rarissimè in pulvere exhibetur, quoniam assumptionis tempore magnam nauseam creat, ac multa quoque ventris tormina provocat.

(a) Conf. Memoir. de l'Acad. Royal des Sciences ann, 1714.



C A P U T X.

De Aloe.

§. I.

ALOE, *Aloes*, est concretum resinoso-gummeum, durum, fragile, sapore præditum intensè amaro, ac valdè nauseoso, odore adverso, colore, in integris nempe frustis consideratum, nunc ex fusco rubicundo, nunc brunno prorsus, sive hepatico, diffractum vero, & contritum, flavo.

§. II.

Vulgò in *Soccotrinam*, *Hepaticam* & *Caballinam* distinguitur. Soccotrina optima est, & ita, ut quodammodò lucis radios transmittat, purgata, *Aloe lucida* vocatur. Affertur ex insulâ *Soccotora*, in mari Indico, Arabiæ felicis partem ambiente, sitâ (quam alii etiam *Zocotorum*, *Socotram*, *Zaccotram* & *Succotoram* vocant) vel integris placentis, vel in frusta majora diffracta. Præ reliquis speciebus, sepe puritate, & nitore commendat, rarioris præterea texturæ est, friabilis, levis, odoris minùs nauseosi, fermè myrrhati, saporis valdè amari, & coloris vel subrubri, vel, in pulverem trita, su-

blavei, ac ferè aurei, instar croci. Placentæ, vel frustra plerumque vesicis, pellibus, aut cucurbitis inclusa advehuntur. Aloe hepatica hepar animantium colore æmulatur, & potissimum ex *America Insulis* ad nos transmittitur. Hæc non tam pura & translucida est, quam præcedens, odore quoque gaudet ingratiore, ponderosior existit, & color ejus magis ad nigredinem vergit. Caballina denique facem quasi sinit, in vasorum fundo collectam, quando succus aloes, sive sit hepatica, sive Soccotrina, inspissatur; adeoque etiã quisquiliis variis, arenâ, lapillis &c. scater, male olet, & linguæ valdè ingratum saporē imprimit. Militat hæc inter pharmaca minùs selecta, & saltē equis exhibetur, unde etiã *Rosz-Aloe* dicitur.

§. III.

Planta, quæ hunc succum inspissatum largitur, est *Semper vivum marinum*, ad arboris altitudinem assurgens, aliàs etiã *Sedum amarum*, *Semper viva Indica*, *Aloe* &c. dictum. Hodie principum, magnatum & botanicorum hortos ornat, adeoque planta tam nota est, ut uberiori descriptione vix indigeat, quanquã hic locorum, & in ceteris Europæ provinciis

magis septentrionalibus, ad eum maturitatis gradum, ob clima frigidius, ne-
tquam perveniat, ut vulnerata succum
desideratæ bonitatis fundat. In orientali-
bus verò, iisque calidioribus, regionibus
ex foliis, & radicibus incisis, ac sauciatis
succus exprimitur, vel spontè in vasâ sup-
posita exstillat, ubi deinde, vel calore so-
lis, vel subdito igne artificiali moderato,
in massas condensatur: Monendum ta-
mèn, succum violentè expressum, vi-
liorem atque impuriorem aloen suppeditare.

§. IV.

Principium gummosum quantitate su-
perat *resinosum*. Una quippe uncia, pri-
mùm aquâ simplici, posteaque, quoad
residuam scilicet partem, spiritu vini re-
ctificatissimo extracta, quinque fermè
drachmas substantiæ gummosæ & tres cir-
citer drachmas substantiæ resinosaë largi-
tur. Caput mortuum terreum, quòd in vi-
tris ac filtro remanet, pauca dumtaxat græ-
na pendet. Non negandum cæteroquin
erit, indicatam proportionem pro diversità-
te aloes nonnihil variare: Aloë hepatica
enim, referente BOULDUCCIO (a),


(a) Vid. Histoïr. de l'Acad. Royal. des
Sciences ann. 1798. p. 65.

foccotrina , quæ magis gummosa est , & fortio- rem nihilominus vim purgandi ex- erit ; quum illa ex adverso , ob largiorem partis resinosa miscelam , humores vehe- mentiùs exagitet , ebullitiones sanguinis augeat , & magis providum proinde usum , præsertim apud subjecta plethorica , postulet. Quando succo citri , aut aceto destillato extrahitur , extracta mi- tiora , ac longè securiora evadunt , quo- niàm menstruis hisce soluta pars gummo- sa ac resinosa tenerior nonnihil figitur , & magnoperè contemperatur. Quibus acce- dit, quòd substantia gummosa , parte re- sinosa teneriori intimè remixta , longè meliùs , quàm sola pars resinosa , aut sola pars gummosa , alvum moveat.

§. V.

Aloë non tantùm catharsin provocat , sed ventriculum pariter , ac viscera robo- rat , vermes necat , putredini resistit , vis- cositatem atque inertiam bilis corrigit , sanguinem & humores reliquos commo- vet , purificat , eorundemque calorem auget , & menses imprimis , hemorrhoi- des , lochia , fœtum , ac secundinas pellit. Cautè igitur , ac rariùs exhibenda est gra- vidis , plethoricis , macilentis , biliosis , hæcticis , febre biliosa , ardente , inflam-

matoriâ, aliâque continuâ laborantibus, aut cruoris ac bilis ebullitionibus, spas-
mis atque hæmorrhagiis obnoxii. Ubi
verò morbi à solidorum flacciditate, &
mucosâ humorum indole originem du-
cunt, multùm persæpe ferre consuevit
auxilii, veluti in cachexiâ, ictero chro-
nico, fluore albo, obstructione mensium,
& hæmorrhoidum, à materiâ acido-pi-
tuitoso-tartareâ oriunda, nec minùs in
febre quartanâ, ophtalmiâ serosâ, & sic
porrò. Internè vel sub pillularum, vel
essentiæ formâ exhibetur, & quidèm per
se, à granis quinque ad grana quinde-
cim: Rariùs infusa vinosa ingreditur. Ex-
ternè inter *collyria*, in ophtalmiâ humi-
dâ applicanda, recipitur, *clysmatibus*
abstergentibus, laxantibus, anthelminti-
cis additur, immò, nonnunquam vulne-
ribus putridis inspergitur, vel frequen-
tiùs sub formâ liquidâ applicatur, & præ-
reliquis ad condienda cadavera adibetur.



CAPUT XI.

De Scammonio.

§. I.

SCAMMONIUM est concretum gummeo resinofum, siccum, friabile, fractu facile, splendens, pellucidum, coloris flavescentis, vel etiam, si nempe existat impurius, è cinereo nigricantis, saporis acris, mordentis, nauseosi odoris valdè ingrati. Eligendum est purum, nitidum, pellucidum, flavescent, linguam moderatè adurens, & , salivâ nonnihil humectatum lactescens.

§. II.

Respectu patriæ vel *orientale* est, vel *Europæum*: Illud ex *Ægypto*, *Syriâ*, & *Armenia*, ad Europæos transfertur; hoc autem, quod priori longè ignobilius est, ex *Galliâ*, & *Hispania* apportatur, & *Monspeliense*, *Valentinum* &c. dicitur. Optimum censetur *Antiochenum*, quod *Aleppum* *Syriæ* metropolis mittit, quoniam purius est, quam quod *Smyrna* affertur. Hoc enim alperius deprehenditur, ponderosius, nigricantius, fractu

difficilius, impurum, & minoris quidem, ast deterioris, activitatis catharticae. Planta, cujus radix, & folia succum hunc inspissatum largiuntur, in Galliâ, uti pridem dictum, Hispaniâ, maximè autem in Syriâ circa urbes Aleppum & Antiochiam crescit, & *Smilacis* seu *Convolvulæ* species est, quam Botanici *Convolvulum Syriacum*, *Scammoneam Syriacam* vocant. In solo pingui hæc planta progerminat, & plerumque ad trium ulnarum altitudinem excrescens, ramusculis suis vel hinc inde repit, vel arbores vicinas, ac frutices scandit. Folia fert lata, triangulata, figuram cordis ferè referentia, lævia, pulchrè viridia, petiolis brevibus insidentia. Flores prodeunt campaniformes, coloris gratè purpurei, aut albicantis, quibus fructus succedunt subrotundi membranacei, semina nigra angularia includentes. Radix longa est, foris gryseo-brunnea, intus alba, fibrosa, & succo lacteo, æquè ac reliquæ plantæ partes, turgida. Ex hac & foliis sauciatis succus lacteus extillat, qui postea blando solis calore coagulatur. Nonnunquàm etiàm violentius exprimitur, unde impurum scammonium resultat. Non raro pariter succis aliarum plantarum lactescentium miscetur, quod mangonium frequens pravo-

rum scammonii effectuum causa existit.

§. I I I.

Concretum hoc plus *resinosi*, quàm *gummosi principii* continet. Prius in uncia unâ, purioris tamen, electi, ac flavescientis scammonii, circiter ad uncia dimidiæ, posterius ad trium drachmarum pondus ascendit. Sola substantia gummosa alvum blandè movet, sola resinosa autem violentiùs operatur, ac multa ventris tormina provocat, & gummosa denique, particulis resinosis tenerioribus remixta, effectum edit optimum, dùm sufficienter non minùs quàm tutò purgat. Obtinetur hæc ipsa, quando scammonium electum cum aquâ simplici in mortario lapideo aliquandiù teritur, vel etiàm aceto destillato, aut succo cydoniorum extrahitur. In casu priori aqua lactea redditur; manifesto documento, cum gummosis partibus, quas aqua perfectè solvit, simul resinosas quasdam secedere, quæ postea sub aquæ lacteæ evaporatione, & inspillatione reliquis intimiùs miscentur.

§. I V.

Militat scammonium inter sic dicta *phlegmagoga* mult. s. que purgantibus aliis.

per se nimis torpidis , stimuli & adjuvan-
tis loco , additur ; hinc à WALÆO quod-
que *anima purgantium* vocatur. Purum ,
genuinum , ac debitè præparatum , sa-
tis bonum purgans censendum est, De-
puratum , quod vulgò *Di. grydium* ,
Staxipisior dicitur , in bolo , ac pillulis ,
vel cum amygdalis dulcibus in pulicu-
lam triturâ redactum , exhibetur. Resi-
næ dosis apud adultos , à granis tribus
ad quatuor , ascendit : Extracta autem ,
cum aquâ , aut aceto destillato , aliisque
acidulis parata , ad scrupulum urum ,
immò duos , securè propinari posse ,
BOULDUCCIUS (a) affirmat ; quæ do-
sis mihi tamèn justò major , atque peri-
culosa videtur , & decem igitur vel quin-
decim grana omninò sufficere arbitrior.
Præfert etiam auctor laudatus sequentem
scammonii præparationem singulis reli-
quis , hætenùs allegatis : Rec. Rad.
glyzyrrhizæ siccæ uncias octo , coque in
f. q. aquæ simplicis , donec rad'x probè
extracta sit. Cum hoc decocto refrigera-
to , & spontan.â subsidentiâ depurato ,
quatuor scammonii uncias in mortario
tere , ut liquor probè lactescat : Continua
hunc laborem , donec nulla ampliùs so-

(a) Vid. Memoir. de l'Acad. Royal des
Sciences ann. 1702.

lutio observetur , posteaque liquorem lacteum blando igne ad decentem spissitudinem redige ; sic circiter uncias tres & drachmas sex extracti solidi obtinebis , & residuum scammonium unciam unam cum dimidiâ pendeat : Unde constat , extractum hoc ad minimum uncias duas substantiæ resinoso-gummeæ scammonij , & quatuordecim ferme drachmas extracti glyzyrhizæ continere. Exhibetur à scrupulo uno ad drachmam semissem , immò scrupulos duos.

§. V.

Scammonio , respectu originis , naturæ , ac virium , non adeò dissimile est GUMMI GUTTA , alias quoque *Gummi Gotta* , *Gutta Jamba* , *Gutta Gaman-dra* , *Gummi de Goa* & sic porro appellatum , præterquàm , quòd potentiori adhuc virtute drasticâ polleat , ac tutò igitur internè exhiberi nequeat , nisi singularis correctio accedat. Succus est resinoso gummeus inspissatus , coloris flavi , aut ex flavo-rubelli , saporis primò saltèm resinosi , postea autem valdè acris ac caustici. Non profluit ex sauciatâ quadam arbore pomiferâ *Chinensi* , Indis *Coddam*...

pulli dicta, ut HERMANNUS (a) refert, sed potius ex incisâ certâ *Tithymali crassi & scandentis* specie, in *Indiâ orientali*, maximè autem *Cambodiâ*, passim, obvia, extillat, & postea evaporando inspissatur. Plerumque in magnis frustis & integris placentis ad nos defertur: unde proventum ejus non adeò parcum esse satis constat.

§. VI.

Ex partibus *gummosis ac resinosis*, quibus pauca *recrementa terrestria*, in integrâ librâ rarò unciam unam pondere superantia, interjecta hærent, componitur. Principia hæc activa adeò invicem mixta reperiuntur, ut prorsus divelli, & pondus proinde exactè determinari nequeat; *gummosæ* tamen, quod solutio in aquâ & spiritu vini, aliaque experimenta testantur, majori, quàm *resinosæ*, quantitate adsunt. Virtus drastica *resinosæ* imprimis substantiæ ingenita latet: Infusum spirituosum enim, uti alibi pridem indicavi, nec minùs extractum inde paratum, violentam operationem exercet, & præter catharsin vehementem & emesin; fortissima ventris tormina, & periculosas quandoque ventriculi atque intestino-

(a) In Cynos, Mat. Med. p. m. 282.

rum inflammationes & erosiones producit; infusum aquosum verò, lenissima digestionem tepidâ factum, ut & extractum, inde post evaporationem resultans, vires paulò remissiores exerunt, præsertim, si menstruo aquoso salis cujusdam alcalici fixi paucillùm additum fuerit, aut acrior substantia resinosa, præviæ extractionis ope cum spiritu vini rectificatissimo, ablata fuerit. Quando per se ex retortâ igne sicco destillatur, primò *spiritus acidus*, deindè parùm *spiritus urinosi* sub violentâ destillatione demùm geniti, tandemque *oleum empyreumaticum* prodeunt, & ex residuo terrestri, in retortâ relicto, exigua *salis fixi alcalici* portio aquâ elixivari potest, quod æque tamen, ac spiritus urinosus, ignis violenti progenies est.

§. VII.

Refertur vulgò ad fortiora *phlegmagoga*, & *menalagoga* validèque, nec sine detrimento creberrimo per superiora & inferiora operatur: Specificum creditur in hydrope, arthritide, podagrâ, febre quartanâ, melancholiâ, asthmate puitoso, scabie rebeli &c., si bolis, electuariis, pillulis, pulveribus, &c. mixtum, à granis quinque ad scrupulum dimidium exhibetur: Attamen, pro meâ sententiâ, ab usu ejus

planè abstinere , & tutiora ac mitiora
ægris porrigere , præstat.

C A P U T X I I .

De Colocynthide.

§. I.

C O L O C Y N T H I S , aliàs quoque
Cucurbita agrestis, *Cucurbita cathar-*
tica, *Anguria sylvestris* &c. , græcè
Κοκκυθίς , h. e. , cucurbitula , arabice
Handal , itemque , cum articulo , *Al-*
handal , germ. *Coloquinten* , (*Coloquinte*)
dicta , modò integram plantam denotat ,
modò solos ejusdem fructus pomiformes
aut pyriformes. Planta , cujus multæ
dantur species , in Ægypto , Indiâ , Per-
siâ , Armeniâ , Syriâ , plurimisque regio-
nibus orientalibus reliquis sponte præ-
germinat , & caules , longos , asperos ,
villosos , repentis , quibus folia , ampla ,
villosa , aspera , profundè incisa , albes-
centia , adnascuntur , protrudit. Flores
fert monopetalos , pallidè flavos , quibus
tandem fructus rotundi , ordinatiò po-
mum aurantium magnitudine æquantes ,
succedunt.

§. I I.

Poma clocynthiaca, quæ sola ad usum medicum expetuntur, primò viridia sunt, deindè autem, ad maturitatem scilicet perducta colorem citrinum, & saporem, acrem, nauseosum, atque intensè amarum acquirunt. Candida substantia interior pulposa in tria loculamenta, in quibus semina compressa, oblonga, albida, cucumerum vulgarium seminibus similia, latent, divisa reperitur, & valdè tenax, coriacea, fungosa ac levis existit, adeò, ut ex quatuor pomis collecta, annotante B. SCHULZIO (a) vix drachmam unam, si à seminibus nempe perfectè liberata fuerit, pendeat. Incolæ regionum memoratarum poma hæc, quamprimùm ad maturitatem accedere, pallidioremque induere incipiunt colorem, decerpunt, & cortice detractò, exsiccant. Pulpa seminum paulò remissiori amaritie, quàm pulpa pomi, gaudet, & mitiorem quoque operationem exercet.

§. I I I.

Exsiccata substantia pomi pulposa ex partibus *terreis*, *resinosis* & *gummosis*, si-
ve *mucilagineis* constat. Substantia gum-
(a) Vid. Ejusd. Diss. de Colocynthide §. 4.
mosa

mosa quantitate resinolam superat, & in uncia dimidia, ad duas ferme drachmas ascendit, resinosa ex adverso binos duntaxat scrupulos pondere æquat. Virtus purgans in parte utraque latet, resinosa tamen gummosa paulo potentiorprehenditur, & majora ventris tormina provocat. Nonnulli explicitum quoque principium acie salinum in pulpâ laudatâ quærunt, quod autem cum chemicis experimentis demonstrari nequeat, inter partes activas referre justè dubito. Nam aqua simplex, à pulpâ, satîs diù macerata, in cucurbitâ destillando abstracta, insipida prorsus & inodora est, nullumque in eâ acredinis vestigium reperitur: Sin eadem verò, pulpa nempe, igne sicco, è retorta destillatur, & naturalis, tam resinosæ, quàm gummosæ, substantiæ mixtio destruitur, non tantùm liquor aquoso. acidus, & paucum oleum, sed parùm quoque liquoris urinosi, sub vehementiori ignis actione demùm geniti, prodeunt, & è capite mortuo pauxillum salis fixi aqua extrahi potest.

§. IV.

Inter potentissima phlegmagoga, in refractariis morbis pituitolis nonnunquam
CARTH. *Mat. Med. Pars. I.* Dd

proficua (*a*), colocynthis pulpa militat, tanta tamèn violentia, si sola nempe, ac sibi relicta in infuso aquoso aut vi-

(*a*) « Cerebri, MESUE *de simpl. cap. 4.*
 „ inquit, nervorum, musculorum, juncturarum,
 „ pulmonis, thoracis, morbis mire subvenit :
 „ Cephalalgia antiquæ, dolori cranii totius, he-
 „ micrania contumaci, epilepsia, apoplexia,
 „ vertigini, aquosæ fluxioni in oculum, poda-
 „ græ, frigida, ischiadi, maximè, ac reliquis
 „ nervorum, juncturarum affectibus, asthmati
 „ item ac tussi antiquæ, dyspnoeæ, ex thoracis
 „ repleti angustia : ac præterea summè omnium
 „ prodest colico dolori, tam ex pituita, quàm
 „ flatibus, & hydropi Haud parùm quoque huic
 „ medicamento adhuc favere videtur B. SCHUL-
 „ ZIUS, quando *l. c. p. 32.* scribit : Colocynthis
 „ est medicamentum purgans magnarum vitium,
 „ & quod præclare juvare potest, si rectè adhi-
 „ beatur, minùs verò tempestive, aut dosi non
 „ justa, nec benè præparatum, aut debite con-
 „ junctum magnas afferre noxas homini valet.
 „ Non debet dari colocynthis cruda, sed benè
 „ comminuta, & mucilaginis additis munita :
 „ optima correctio est, quæ partem ejus
 „ motivam, adjuvat, ne diù in corpore moras
 „ trahendo, & intestinorum plicis inhærendo,
 „ molestias faciat. Non est danda pueris aut in-
 „ firmis, nec in leviori morbo, multò minùs
 „ pro simplici eccoprotico : sed in gravibus mor-
 „ bis, ubi vitium profundius inhaeret partibus
 „ remotis, & quasi veste revellendum est Te-
 „ nerioribus, itèmq; hypochondriacis, quo-
 „ rum genus nervosum ad spasmodicas stricuras
 „ habitualiter dispositum est, minimè convenit.

nolo exhibetur, per superiora & inferiora operatur, ut præter maxima ventris tormina, haud raro periculosa hypercatharcis & intestinorum erosio, quàm ipsa exulceratio superveniat. Merito igitur è purgantium numero planè eliminanda foret, nisi quorundam compositorum, adhuc usualium, ingrediens constitueret. Multi quidem drasticam ejus indolem fermentatione temporaria cum musto (a) vel gummi, resinarum, aromatum, balsamicorum, oleosorum, alcalium, immò acidorum, additione, mitigare, atque corrigere docent: Veruntamen sine suo, qui faciunt, nunquam perfectè potiuntur, sed iners indè, vel, quòd fieri solet frequentius, æquè drasticum, ac antea, medicamentum resultat. Trochisci cæteroquàm, ex pulpâ hâc cum tragacanthâ, aut gummi arabico parati, nec minùs extractum aquosum,

(a) Post fermentationem è liquore in balneo vaporoso spiritum penetrantem, valdè amarum & blanda virtute cathartica præditum, destillando separari posse, BOULDUCCIUS in *Actis Societ. Parisinæ ann. 1701.* retulit; ast contrarium, intuitu maximè amaritiei, WEDELIUS in *Exercit. medico-philol.*, XVIII. & NEUMANNUS in *Prælect. chymico-pharmaceut.* p. 797., ad experientiam propriam pariter provocantes, docuerunt.

diuturniori coctione nonnihil debilitatum, securioris, quam præparata reliqua, usus interni esse creduntur. Priores à granis quinque ad octo, posterius, à granis quatuor ad scrupulum dimidium, ab iis, qui drastica amant, apud adultos præscribitur. Externè subindè clysteribus ipsa pulpa, sindoni tamèn inclusa, stimulandi fine additur; ast hic coque non semper tuta reperitur, sed excretionem cruentam, aliaque prava pathemata quandoque excitat.





SECTIO UNDECIMA.

De Vaporosis Inebriantibus
& Narcoticis.

CAPUT PRIMUM.

De naturâ & principiis Narcoticorum.

§. I.

VAPOROSA, quæ, ob præcipuos effectus suos, etiam *Inebriantia*, *Soporifera*, *Narcotica*, *Anodyna*, *Sedativa*, & *Stupefactiva* vocantur, meritò in *Virosâ*, quibus opium v. g., hyoscyamus &c. accenseri merentur, *Balsamica*, quo crocus, flores samburi recentes, &c. pertinent, & *Aqueo spirituosâ inflammabilia*, cujus census spiritûs vini &c. dividenda sunt. Virosa & balsamica, de quibus hoc loco præcipue agendum est, exhalatione perenni, accedente inprimis calore effluvia subtilissima, mobilissima, expansiva, elastica, ac summe activa,

Dd iij

odoris , in prioribus ingrati virosi , in posterioribus balsamici , emittunt , quibus eminens , & singularis omnino eorum virtus narcotica , aut inebrians adscribenda venit.

§. II.

Mobilissimum hoc principium substantiæ fixiori , undè sensim evolvitur , plùs minùsve immersum hæret. Substantia hæc in aliis , v. g. opio , herbâ Nicotianâ &c. resinoso gummeæ , in aliis , v. g. semine papaveris , nucibus juglandium (a) &c. resinoso-gummeo-oleosa , & in aliis denique , v. g. croco , tam singularis naturæ est , ut neque resinosis , neque oleosis corporibus strictè accenseri possit , sed de singulorum indole participare videatur. Tota pariter spiritu vini rectificatissimo solvitur , & solutio utrâque scorsim in cucurbitâ distillationis ope ad consistentiam spissiusculam redacta , oleum pingue balzami-

(a) Oleum , à recentibus juglandium nucibus , post præviam contusionem , & blandam in aheno coctionem seu potius tostionem , torcularis beneficio expressum , non grata tantum dulcedine sua sese commendat , sed ebrietatem quoque , si largius hauriatur , inducit. Conf. KEYSERS *Neueste Reise durch Teutschland , Boehmen , Ungarn &c.* P. I. p. 166.

cum , cum aqua , oleo , spiritu vini miscibile , habitu externo refert.

§. III.

De vera atque specifica principii vaporosi , inebriantis , exhilarantis , narcotici , natura multæ præteritis seculis , exque valdè discrepantes , medicorum opiniones innotuerunt. Alii enim istud *sulphur volatile* , aut *oleum completum* , alii *sal volatile urinosum* , aut *aliam substantiam incognitæ prorsus naturæ halituosam* esse , opinati sunt , idemque proindè modò *sulphur vaporosum* , *narcoticum* , *stupefactivum* , *coagulans anodynum* , *mitigativum* , *resolubile* , *immaturum* , *fætidum* , &c. modò *oleum narcoticum* , modò *mercurium* , *Gas sylvestre* , & sic porrò vocarunt Verumenimverò , a veritatis tramite longè , me sentiente , recedunt , qui illud mercurium nominant , aut sal volatile alcalicum , sive urinosum æstimant , quum sal hujusmodi , nisi prius igne sicco , aut putrefactione producat , in subjectis hiscè nunquàm demonstrari possit , & mercurius merum hoc loco ens imaginarium existat , nullibi , nisi in cerebro fautorum , reperibile. Reliqui , qui istud oleum judicant , aut sulphur volatile , propius quidem ad veritatem accedunt , nullo tamèn experimento unquàm

probare poterunt, quod sulphur, aut oleum completum existat.

§. I V.

Pro mea igitur sententia nihil aliud est, seorsim scilicet consideratum, ac liberum prorsus ab aliarum exhalationum consortio, nisi *substantia halituesa*, vel *mere phlogista* sive inflammabilis, vel *oleoso phlogista*, quæ tanta subtilitate tantaque mobilitate, ac vi expansiva pollet, ut vix, aut ne vix, post plenariam è fixiori sua matrice separationem, coerceri, multominus in visibile, atque tangibile aggregatum cogi possit, ac condensari. Absolutè cæteroquin affirmare non audeo, halitum laudatum, è fixiori matrice prodeuntem, semper ex meris corpusculis, naturæ inflammabilis, purissimis constare, sed facile largior defendentibus, alterius quoque generis moleculas, aqueæ scilicet, & salinæ, præsertim acidulæ, indolis, partibus inflammabilibus sociari, earundemque turmis sese copiosissime nonnunquam immiscere: Indè nihilominus minimè sequitur, adventitias hæcæ simul verum principium vaporosum, κατ' ἐξοχὴν inebrians, & narcoticum dicendum, constituere, sed illud unice inflammabilis profapiæ est.

§. V.

Assertum meum varia argumenta , à ratione non minùs , quàm experientia desumpta , sufficienter confirmant. Halitus v. g. puri narcotici , h. e. nullo vapore salino adventitio remixti , acredine prorsùs destituuntur , & insensibili inhalatione tubulos nervorum exilissimos ingrediuntur , eisdemque veloci transitu pervadunt , quod ab effluviis salinis urinosis , aut completis oleosis minimè expectandum est , sed priores sub introitu suo per nares , acredinis , posteriores lenissimi ardoris sensum imprimunt. Quando sulphuris quoque hepar , ex partibus duabus salis tartari , & parte unâ sulphuris vulgaris paratum , in pulverem redigitur , & tenuiter in lato tigillo expansum , moderatissimo prunarum igne subdito , calcinationi lenissimæ committitur , visibiles vapores , (si sulphuris incensio præcaveatur , & materia ligneo bacillo constanter agitur ,) assurgunt , ex flavoviridescentes , siccissimi , inflammabiles , ab acido vitriolico , antea ligante , salis tartari ope liberati , qui naribus atque pulmonibus excepti , nullum planè acredinis sensum excitant , sed insensibiliter in nervos penetrant , & ali-

quam temulentiam producunt. Quando pulverulenta autem materia incenditur, protinùs fumi crassiores acido-sulphurei prodeunt, qui vellicando violentam in pulmonibus constrictionem, cum tussi ac respiratione difficili, excitant.

§. VI.

Laudato vaporì merito etiam analoga censenda est sulphurea illa exhalatio, quæ in *Speluncâ Italiæ Caninâ*, vulgò *Grotta del Cane* dicta, faces accensas extinguit, & canes injectos, aliaque animantia, ibidem aliquandiù detenta, suffocat, & in lethales affectus soporosos, & apoplecticos præcipitat (a). Cum illo pariter halitus *carbonum*, & *pyritarum pinguiam* sub terra post humectationem valdè incalescentium, plùs minùsve conve-

(a) Spelunca hæc, quæ in regno *Neapolitano* reperitur, valdè angusta est: Nàm longitudo ejus circiter duodecim, latitudo quinque, & altitudo sex pedes æquat. Ob angustiam hæc halitus subtilissimus ac mobilissimus sulphureus, constanter è terra assurgens, aerem, licet ostium semper apertum sit, adèò expandit, adèòque tenuem ac rarum reddit, ut animantium respirationi amplius inservire nequeat, sed intra breve potius tempus motum pulmonum sufflaminet; uti plura de hisce apud vix allegatum *KEYSSLERUM Lib. cit. P. II. p. 343. sequi* videri possunt.

nit. Ille enim , si carbones , præsertim duriores , *Schmiede-Rholen* , in conclavi clauso & angusto accendantur , plerumque tragicos producit effectus , & gravissimo inducto sopore , homines uti observationes confirmant numerosissimæ , vita privat ; hic autem alibi aquas subterraneas impregnat , iisdemque excellentes vires medicas , mobilissimis tamèn moleculis acidis adhuc sociatus , conciliat , alibi , circa thermarum v. g. & acidularum scaturiginem prorumpens , atque naribus & pulmonibus copiosè exseptus , temulentiam inducit , & ipsam quandoque suffocationem infert (a) , alibi , in fodinis scilicet metallicis , lampades extinguit , metalli fossiles repentina suffocationes necat , & fabulæ vulgari de *virunculo* seu *spiritu subterraneo* , quem nostrates *den Berggeist* vocant , ansam præbet. Non negandum quidem est , halitum illum , quem metallicolæ *den Berg-Schivaden* , *das böse Wetter* appellare consueverunt , arsenicalibus quoque , aliisque effluviis mineralium nocivis , remixtum esse ; ast maximam tamèn partem , uti ego quidem arbitror , ex moleculis

(a) Conf. D. D. Seippi *Beschreibung der Pyramontischen Stahl-Brunnen* cap. 3. & 4.

mobilissimis ; inflammabilis profapiæ ;
constat.

§. VII.

Multùm denique lucis circa cognoscendam vaporosi principii naturam *Alcohol* seu spiritus vini purissimus, ac dephlegmatissimus fœneratur. Simplicissimum hoc liquidum , uti alibi (a) fusius demonstravi , ex solis particulis aqueis , & tenerrimis inflammabilibus , arcte unitis ; constat , ac motu fermentativo è corporibus , terreo - acido - unguinosa substantia præditis , generatur. Portio tenerrima , summè expansiva , ac violentissima , sub musti , cerevisiæ , mulsi , &c. fermentatione , exhalando prodit , non pura tamen , sed aqueis & acidulo-salinis particulis copiose remixta ; quare valdè etiàm noxia existit , & , largiùs collecta , & incarcerata , in animantibus venenatos effectus persæpè edit. Noto enì notius est , homines in cellis subterraneis , in quibus multâ doliâ , musto aut cerevisia fermentante repleta , collocata sunt , apoplexiâ , aut catharrho suffocativo extinguì , quando paulò diutiùs ibi commorari coguntur , & ostia cum spiracu-

(a) In Diff. de Noxa & utilitate ebrietatis , in Pharmacologia p. 103. sequ.

lis obturata , ac clausa sunt. Vehementi confestim cephalalgia , vertigine , respiratione difficili , & capitis obnubilatione corripiuntur , ac paulò post , nisi citò exitum quærant , in memoratos lethales affectus incidunt. Ratio exindè clare intelligitur , cur vina recentia , cerevisia valdè fœculenta , & in motu fermentativo adhuc constituta , ut & fructus horai succulenti , largius ingesti , præter flatulentias , etiam temulentiam , atque dolorem capitis vertiginosum , somnum turbulentum , & ebullitionem sanguinis , quibus tandem notabilis corporis debilitas succedit , apud subjecta sensibilia provecent.

§. VIII.

Quemadmodùm hætenùs recensita phlogistam halitus inebriantis & narcotici indolem satis probant , sic multæpariter observationes de insigni ejus *mobilitate* , *subtilitate* , & *vi expansiva elastica* plana testimonia afferunt. Lilia v. g. , fabæ papaver , & arbores sambuci , effluvia soporifera , quandò florent , longè latèque per aërem spargunt : Folia juglandium , si homo paulò diutiùs sub umbra earum acquiescat , somnolentiam cum temulento atque vertiginoso capite

dolore , exhalationibus suis producunt. Idem effluvia arboris taxi efficere , immò lethalem nonnunquàm soporem inferre dicuntur , si quis sub tegmine ejus dormiat. Croci halitus somnum inducit ; hinc sacculus , cui pauxillum croci inditum est , persæpè à mulierculis capiti infantium , vigiliis laborantium , supponitur. Circumspectione tamen hic opus est : Nam , si major croci quantitas adsit , & homo odore hoc justo diutiùs fruatur , soporem lethalem quandoque supervenire , observationes confirmant. Odor liliorum alborum , diù naribus exceptus , vertiginem , dolorem capitis , ac temulentiam inducit. De eminenti quoque vi expansiva nullò modò dubitandum est : Haud quemquàm enim latere poterit , spiritum fermentantem musti , vini , cerevisiæ persæpè firma dolia violenter disrumpere , si nimium repleta sint , aut calor , ac motus fortior ab extra accedant. Chymicis quoque notum est , opium crudum sub coctione cum aqua constanter , donec mitigatum ac depuratum sit , materiam spumidam ad superficiem extrudere , maximè virulentam , & decoctum facile , repente , atque impetuose , licet vix dimidia ollæ pars repleta sit , ollæ oras transcendere , ac le-

ni quoque igne, & intra breve tempus, in ebullitionis metum redigi; manifesto indicio istud particulis mobilissimis, & elasticis valdè turgidum esse.

§. I X.

Salina acida summè expansivæ ac mobilissimæ hujus materiæ corrigentia optima sunt, eamque figunt, immò ad crassiores olei, aut sulphuris mixtionem, ac consistentiam subinbè deducunt. Notum quippe notius est, temulentiam & soporem, ab opio & liquoribus vinosis inducta, per liquida acida, v. g. acetum, succum citri, limoniorum &c., rursus discuti, & opiata, atque crocata, acidulis menstruis extracta, aut spiritibus acidulis nitri, ac salis dulcificatis &c. addita, longe mitiores effectus edere. Nam acida quævis, uti alibi dudùm retuli, corpora inflammabilia, expansa, resoluta nimis, rarefacta, optime atque citissime coercent, figunt, & cum iis in mutuos ruunt amplexus, ità ut ex unione hac, vera, quod dictum, sulphura aut olea resultent. Oleum vitrioli v. g., observante B. FRID. HOFFMANNO (a), opio crudo, in frustula dissecto, superfulum, ea quantitate, ut ambo ad mi-

(a) In Obs. physico-chym. p. 156.

nimum sex uncias expleant, sub destillatione ex retortâ vitreâ, liquorem transmittit fœtidissimum, pellucidum, saporis acidi ingrati, circiter ad uncias duas. In retortâ caput mortuum remanet nigrum, leve ac spongiosum, quod, flammæ admotum, sulphuris vulgaris odorem spirat. Nulla interim, quod notatu utique dignum est, acrimonia corrosiva vitrioli, neque odor vaporosus, virosus, graveolens, opii in liquore, & capite mortuo amplius sentiuntur.

§. X.

Ex memoratis clare patescere opinor, quod salia alcalia, tam fixa, quam volatilia, nec minùs succus hyoscyami, mirrha, castoreum, piper, Zedoaria, crocus, caryophylli, cinnamonum, & alia aromata, opiatas, ceu narcoticorum præcipuis, addita, vim eorum narcoticam, quod multi tamèn crediderunt, nullò prorsùs modò infringant, sed vim expansivam, ac commoventem potiùs intendunt (a). Patùm quoque utilitatis tos.

(a) « Hinc constat; ALEXANDER THOMSON
 » in *Diff. de Opio* p. 121. scribit, quàm inepta
 » encheiresi, Opium corrigant medici antiqui
 » aromatis calidioribus, hodie vero castoreo &
 » ... Enimverò contra omnem sensum,

rio habet, quoniam ea mediante principia activa nimium expelluntur, nec vera proindè opii correctio, sed mera castratio, suscipitur. Optima præparata, me sentiente, erunt extracta, cum aqua simplici, aut menstruis aqueo-spirituoso-acidulis vegetabilis prosapiæ, v. g. succo citri, limoniorum, cydoniorum depurato, aceto &c, vel minerali etiàm nitri ac salis spiritu dulcificato, blandæ digestionis beneficio, parata, ac spumida materia super natante, quantum fieri potest, liberata. In hâc postremâ enim, uti in antecedentibus pridem monui, *Gas Helmontii Sylvestre* copiosius latet, eademque virulentissimæ indolis est. Fermentatio denique cum aqua simplici, aut succo cydoniorum, blanda tamèn ac lenta, non penitus spernenda est, dùm leniori, atque protracto motu fermentativo notabilis principii impetuosioris portio extruditur.

- » imaginati, Opium veneni quidpiam continere
- » re frigidissimi, idem calidioribus admixtis de-
- » bellare aggressi sunt. Verum constat, Opium
- » medicamentum esse omnium calidissimum;
- » (Idiomate loquor Medicis proprio) viribus
- » igitur, nimis calidis quodammodò augetur,
- » nedum fit mitius. &c.

CAPUT II.

De modo operandi & virtutibus Vaporosorum.

§. I.

Medicamenta vaporosa, quorum naturam, & principia hactenus generalius explicavi, quoad portionem suam volatilem, in ventriculo non adeò diù commorantur, sed principium laudatum, interjecto brevi tempore, à parte fixiori separatur, & sub halitus tenuissimi forma, vascula bibula, seu inhalantia venosa, maximo numero in ventriculi & intestinorum cavitatem hiantia, subit, motu veloci, corporis calore valdè opere aucto, majores minoresve canales permeat, sanguinem mirificè commover, & expandit adeòque in principio motuum plerorumque augmentum procurat.

§. II.

Dictorum veritas è singulari *hilaritate*, quàm opium, ceteraque hujus commatis, modicè usurpantibus in principio conciliant, maximè eluceffit: Gentes

Gentes pene omnes in Indiâ, Japoniâ, Turciâ, Persiâ, ac reliquis regionibus orientalibus, opio depurato, & variis indè præparatis, nec minùs inebriantibus, & narcoticis aliis frequentissime in conviviis, & extra illa, ad hilaritatem sibi conciliandam, mœroremque discutendum, utuntur, & adeò eorum assumptioni adsuescunt, ut prorsùs iisdem carere nequeant, æque ac helliones vini, cerevisiæ, ac vini adusti, aut ii, qui toto die tabaci fumum hauriunt. Turcæ suum *Masl ch* amant, quòd ex opio, seminibus lolii, cannabis ac daturæ, necnon radice mandragoræ ac filicis, in pulverem, aut melle addito, in electuarium redactis, constare dicitur. Indi divites opium purius, & excellentius, *Affion* dictum, pauperes saltem *Meconium*, seu opium impurius, vilius, deterius, *Pouft* nuncupatum, deglutiunt: Hinc divites etiam proverbialiter *Affionii*, pauperes *Pousti* vocantur (a). Omnes prætereà toto die usitatissimo masticatorio delectantur, ex foliis *Betel*, in trochi formam post enervationem convolutis, calcisque pauxillo obductis, & frustulo nucis *Areca* dissectæ, compositio. Pertinet hoc non

(a) Vid. LINDESTOLPE in *Tract. de Venenis* p. 588.

solum ad exhilarantia, ac leviter inebriantia, sed copiosam insuper salivam sub masticatione, ac volutatione in ore elicit, gingivis robur, labiis colorem purpureum, & gratissimum horti halitum conciliat (a).

(a) Plura alia inebriantia, exhilarantia, & narcotica, teste KÆMPFFERO in *Amanit. exot. Fase. III. p. 648.*, in Indiâ & Persiâ parantur ac venduntur, quorum incolæ avidissimi sunt. Notatu præ reliquis dignum est electuarium illud, cujus singularem exhilarandi virtutem ipse KÆMPFFERUS, cum aliquot comitibus Europæis, in convivio apud *Benjanos*, ubi bucellam degustavit ac deglutivit, expertus est: „ Perfusi, scribit l. c. p. 652. & repleti sumus, „ quotquot Nepenthe lactati, gaudio quodam „ inexplicabili, quali me nunquam in vita affectum memini. Nec aliud toxico illo delibutis „ licuit, quam amplexus miscere, loqui parcissime arridere, alloquentibus, & cachinnis se „ invicem laceffere. Soluti sub noctem convivio, ubi equos conscenderamus, virtus phar- „ maci, quasi mutata scena, alia cerebris nostris creavit phantasmata. Haud enim aliter nobis visi fuimus, quam cum Pegaso, volatu per „ nubes ac irides ferri, lucida elegantissimorum „ colorum specie undiquaque obversante oculis nostris, Appulsi domum & cœnæ, quæ nos „ expectaverat, acumbere jussi, quicquid quisque ante se invenit, capimus appetitu lupino, „ & ciborum qualiumcunque sapore ita oblectamur, ut cum Diis ipsis nos cœnare videremur; „ Postridie gravedo, qualiter solet post crapu-

§. III.

Non tantum ad hilaritatem, ac temulentiam inducendam, sed ad venerem quoque stimulandam, vires corporis augendas, & furiosam quasi audaciam menti inspirandam, gentes Orientales inebriantibus & narcoticis hisce utuntur; hinc spe à furiosis hujusmodi hominibus, quando suum *Amock* clamare incipiunt, homicidia, & alia delicta gravissima perpetrantur. Non destituitur etiam probabilitate, mulieres *Benjanorum*, quando cum defuncto marito sese comburere volunt, opiata assumere. Hilares enim fiunt, ac mortem violentam nullo planè modo

« lam, nulla cerebrum infestavit, sed discussis
 « somno vaporibus, in statum suum restituta est
 « ratio, & optime habuimus &c. Cum hoc electuario singulari aliud convenit, ex Indiâ pariter proveniens, frequentissimi apud Ægyptios usus, *Bernavi* dictum. Homines quippe post assumptionem hilares evadunt, atque loquaces, canunt, rident, delirantque, postea, elapso circiter horæ spatio, irascuntur, effrenesque fiunt, tandemque contristantur, timent, plorant, lamentantur, ac ultimo in profundum incidunt somnum, quo aliquamdiu durante, vaporosa substantia, quæ turbas prædictas concitaverat, paulatim exhalando consumitur, & pristina ratio redit. *Conf. PROSP. ALPIN. Med. Ægypt. & LINDESTOLP. Libr, cit. p. 593.*

reformidare videntur. Multi denique, nec sine ratione, credunt milites Turcicos in præliâ ituros, Maslac assumptione largiori furiosam sibi audaciâ conciliare, adeoque initio prælii hostes suos semper impetuosius adoriri; qui impetus tamen valdè remittit, quamprimùm, conflictu ad tempus continuato, principium commovens, & expandens paulatina exhalatione aufertur, & toti corpori debilitas quædam inducitur.

§. I V.

Tertium argumentum a virtute *sudorifera* et *aphrodisiaca* desumere licebit: Opiata nimirum, & quævis alia inebrantia se lectiora, decenti quantitate assumpta, sudorem valide movent, & stimulos venereos in sexus utriusque hominibus excitant; quæ, absque motuum augmento, & aliqua humorum expansione atque rarefactione, fieri nequeunt: Immo, si dosi, justo majori, assumpta fuerint, nonnunquam periculosum; et lethalem orgasmum producant. Observante enim BORELLO (a), opium tantam aliquando cruoris resolutionem, atque expansionem in subjecto quodam concitavit, ut vasorum sanguiferorum ruptura, et le-

(a) Cent. IV. Obs. 97.

thalis hæmorrhagia superveniret. Non facile quidem, nec promiscue violentia ejusmodi metuenda est, sed subjecta, quæ funestum hoc sanguinis profluvium post vasorum rupturam experta fuerunt, sine dubio plethora laborarunt, vel labem jam, sive obstructio sive ulcus fuerit, in rupturæ loco habuerunt. In plethoricis enim vasorum ruptura, præsertim in capite, & pulmonibus, facile contingere consuevit, quando commoventia fortiora, inebriantia, narcotica, magna vi expansiva prædita, assumuntur, & sanguinem abundantem, atque densatum, nimiumque referta vasa, atque cruore distenta, actione celerrima, violentius expandunt. Nam si spiritus fermentans dolia, ligaculis ligneis probe firmata, disrumperere valet, accedente nimirum calore, aut alia liquoris inclusi, & in fermentativo motu nonnihil adhuc constituti, agitatione, non impossibile pariter censendum erit, vaporolam, atque summe elasticam ejusmodi materiam, velocissimo cursu per corporis mæandros distributam, interveniente majori rarefactione, violentas vasorum rupturas nonnunquam efficere posse, maxime in iis visceribus, ac partibus, quæ vasculis tenerioribus, ut cerebrum, gaudent, vel sanguini circu-

lanti, propter obstructions jam præsentem, viam liberiores præcludunt.

§. V.

Firmo igitur, pro meo judicio, stat talo, vaporosa in principio insigne motuum augmentum in corpore, maximè autem in sanguine, procreare, ac vi naturæ suo necessario etiam producere debere, adeoque *vehementer expandendo ac commovendo* operationem suam absolvere. Probe quidem scio, alios actionem eorum longe aliter explicare; at, scio etiam, harum opinionum plerasque solido carere fundamento, & commentis merito adnumerandas esse: Quis cognita enim vera vaporosi principii indole credet, aut sibi persuaderi patietur, opium, & reliqua, uti multi cum B. WEDELIO (a) statuunt, porulos cerebri, à vigiliis nimium apertos, & dilatatos, obstruere, spirituum animalium effrenem influxum impedire, eosdem quasi coagulare, & adensare, adeoque suavissimam corpori conciliare quietem? Memorata ex parte quidem vera sunt, intuitu scilicet eorum, quæ primam actionem sequuntur; in principio autem effectus ejusmodi expectare, ridiculum foret. Probe igitur dis-

(a) Vid. Opiolog. Lib. I. cap. 2.

cernendi erunt effectus primi, et immediati ab iis, qui iterum ex hisce resultant, quique succedere quidem possunt, non semper tamen succedunt. Vaporosa inebriantia enim, moderatâ quantitate assumpta, persæpe solam duntaxât hilaritatem, ac motum humorum vegetiorem, sine ullo subsequente somno extraordinario, ac temulentia, producant. Quare ii quoque minimè audiendi sunt, qui sulphur narcoticum ramosis suis particulis in sanguine iterum coire, et sanguinis atque spirituum meatus obstruere, aut, dùm adhuc in ventriculo hæret, virtute & facultate quâdam ideali, nervorum spiritus ex cerebro, & musculis ad se pellicere, & advocate contendunt.

§. VI.

Sed, relictis hisce, ulteriùs videbimus, quales effectus primam atque præcipuam vaporosorum operationem, fortem nempe sanguinis expansionem ac commotionem, sequantur. Valdè omninò hi ipsi, pro differenti assumpti medicaminis vaporosi quantitate, differunt, ac triplici inprimis modo generali explicandi erunt. Primò nempe, quando vaporosa puriora, ac debite præparata minori quantitate, & justo tempore exhi-

bentur , vegetiorem duntaxat sanguinis , lymphæ , ac fluidi nervei circuitum , moderatimque eorum resolutionem , ac rarefactionem efficiunt , & hilaritas proinde , tandemque , principio mobili per exhalationem cutaneam sensim abeunte , largior transpiratio , imò lenior sudatio , & modica saltem , nec corpori nociva , tubulorum , aliarumque partium solidarum relaxatio , cum somno placido , ab ordinario parùm vel nihil distincto , succedit : Sin dosi verò paulò largiori propinata fuerint , vehementiorem quoque cruoris , ceterorumque humorum rarefactionem , ac commotionem provocant ; hinc non mirandum , quòd effrenis quoque hilaritas , cum mixto nonnunquam delirio mitiori , posteaque eminentior canalium relaxatio , cum quarumvis partium solidarum flacciditate , sudore largo , & somno profundiori , superveniat. Canales enim diuturniori , & exorbitante sanguinis , ac fluidi nervei expansione adeò distenduntur , ut elaterem , ac tonum suum plùs minùsve amittant , & decens igitur nissus , & renissus æquilibrium aliquandiù inter solida , atque fluida cessare debeat.

§. VII.

Aliter denique comparatum est , & violentiora consecutaria notantur , quoties

eadem medicamina quantitate justo majori assumuntur : Brevi nimirum elapso tempore , ingens sanguinis commotio , tantaque expansio , præsertim in substantiâ cerebri corticali , ubi vascula sanguifera arteriosa , ac venosa tunicis longè tenerioribus , ac debilioribus , quàm alibi , gaudent , producitur , ut tubuli medulares , & ipsi nervi , circa suam inprimis originem , comprimantur , ulterior fluidi nervei secretio , & sufficiens atque perennis influxus cohibeatur , adeoque , præter temporariam mentis , ac sensuum perturbationem , vertiginem , aliaque prava pathemata , ingens solidorum atonia , & status semi-paralyticus , cum profundo , diuturno , & nonnunquàm lethali , sopore. (a) sequatur. Qui-

(a) Somnus naturalis , sopor , apoplexia , lipothymia ac syncope magnâ analogiâ gaudent , & gradu sese præcipuè ad invicem distinguere videntur , præterquàm , quòd in apoplexiâ , & affectibus soporosis graves plerumque obstructions in cerebro , & aliæ in hisce , & lipothymia graviori causæ præternaturales accusandæ veniant. Durante somno naturali , major , vel minor motuum imminutio adest , immò quorundam temporaria remissio , solida languidiùs sese contrahunt , fluida , præsertim spirituosâ , tardiori circulo , quàm in vigilantibus , per vasa circumferuntur , ideoque quædam actiones vitales ac naturales torpidiùs peraguntur , quædam ani-

dam uti SCHELLHAMERUS refert (a), pilulas deglutiebat, quæ tria grana cum dimidio opii, totidemque croci continebant. Indè sequentia orta symptomata: » Pri-
» mò somnus infomniis gravis, ac tur-

males autèm planè cessant, & abolitæ videntur. Omnia hæc vel proximè, vel remotè à prægressâ partis spirituosæ in arteriis, venis, nervis, consumptione nimia, eidemque in toto corpore succedente aliquâ liquidorum inspissatione, & partium solidarum flacciditate, minùsque sufficienti tensione dependent. Hinc somnus naturalis, restitutis per nutritionem partibus spirituosis, quæ vivido suo influxu in fibras motrices, unà cum sanguine ac tenuissimâ lymphâ nervorum, solida quævis tendere, extendere, atque movere debent, restitutâ pariter solidis, sub liquâ quiete, texturâ compactiori, rursùs dispellitur. Analogam contemplationem circa soporem, per narcotica inductum, instituere licet. Quemadmodùm enim somnus naturalis ex successivâ partis spirituosæ consumptione, & hanc necessario excipiente solidorum relaxatione oritur; sic itidem somnus nonnaturalis, aut gravior sopor, narcoticorum usu, aut abutu inductus, eminenti flacciditati, ex forti vasorum distensione enatæ, ut & aliquali fluidi spirituosij jacturæ, vel violentiæ prorsùs, si actio post largiorem assumptionem fuerit vehementior, nervorum compressioni, adeòque denegato liquidorum, tensionem, seu, uti veteres loquebantur, impetum facientium, influxui natales debet.

(a) In Miscell. Acad. N. C. G. Dec. II. ann. 5. Obs. 12.

» bulentus , deindè , elapso horæ qua-
» drante , linguæ motus impeditus , &
» tanta oris siccitas, ut verba vix proferre
» posset. Post horam , cum semper in-
» terea excitaretur, supervenit vertigo, &
» circumgyratio , cœpitque caput turba-
» ri; retulitque postea , se cum lecto in
» aere suspensum fuisse sibi visum , &
» quasi volitare , omniaque cum ipso cir-
» cumgyrari. Surgere jussus cœpit ambu-
» lare , primùm non sine titubatione ,
» mox tamèn & turbatio illa cessavit non
» nihil , & incessus firmitior fuit , non ta-
» mèn omnimodè : Nàm morus muscu-
» lorum jam tùm imminuebantur , sed
» obtusus animus , & ferè nescius persti-
» tit. Non tamèn incongrua loquebatur ,
» sed interrogatus rectè respondebat. In-
» dè horæ dimidiæ spatio sensus omnes
» præter auditum & visum , cessarunt.
» Acerrimum acetum , initio jam propi-
» natum , nihil acredinis habere dicebat.
» Tùm nec spiritum salis ammoniaci ,
» nec sal volatile percipiebat nares titil-
» lare , imò odore destitui pronuntiabat.
» Post horæ dimidium frigus extrema
» omnia occupabat , ægro tamèn non
» sentiente. Tandem liberatus iterùm
» est , & post sex horas recordabatur ite-
» rum actorum , dicebat antea se nulliùs

» rei perfectam habuisse notitiam, &c.

§. VIII.

Ex commemoratâ universali partium solidarum relaxatione, quam vaporosa remedia, pro moderatiori, aut violentiori operatione suâ, vel solâ canalium, tam sanguiferorum, quàm nerveorum, distensione, vel sanguiferorum distensione, & nerveorum compressione producant, non tantùm, uti præcedentia pridem monstrant, virtus *hypnotica* ac *soporifera* sed *anodina* pariter, ac *sedativa*, in doloribus atrocissimis, convulsionibus excedentibus, excretionibus serosis, immò ipsis quandoque hæmorrhagiis exorbitantibus decantatissima, præcipue deducenda est. Quæcunque enim humores crassos commovendo resolvere & attenuare, stagnantes, aut plenariè subsistentes, ad motum liberiores reducere, impuritates acres, passim ad- & inhærentes, excutere, resoluta, & mobilia heterogenea per poros cutaneos expellere, tandemque, quod præcipuum in hoc passu momentum est, fibris nerveis, antèa plùs minùsve stric-
tis, ac tensis, majorem vel minorem flacciditatem, adeoque majorem quoque vel minorem sentiendi ac movendi impoten-

Inebriantibus & Narcoticis. 653
tiam temporariam inducere valent (a),
doloribus etiam, violentis partium con-
tractionibus convulsivis, hæmorrhagiis,
& serosis excretionibus (a) halituaosa cuta-

(a) « Dum opium, LINDESTOLPIUS
» *lib. cit. p. 697. scribit*, laxat partes, spasmō
» contractas, facit acria spicula solidis partibus
» excidere. Sic si in manu cultrum acutum te-
» nuerim, & compresserim manum, mihi noce-
» bit. Si vero somnus supervenit, & inducit flac-
» ciditatem manui spontaneam, excidit culter ma-
» nu. Ita cum solidis interius, in acria agentibus,
» comparatum est. Dùm enim homo sopitur,
» totum corpus laxatur, & flaccescit, ut cuius
» pater. Sic, dùm calculus ex pelvi renali in
» ureterem emotus est, ibi sæpe hæret, maxi-
» mosque dolores facit, uretere per spasmum ad
» latera calculi fortiter se contrahente. Opium
» tùm datum, calculum optime pellit, sicut &
» infusus in semicupio calido, & quæcunque po-
» tentiam habent, partes spasmodice strangulatas
» laxandi & resistentiam minuendi &c. *Et pag.*
» 605. Hinc opium interdum in dolore vehe-
» menti, ab acribus, canalis alicui impactis;
» orto, profuit. Quamdiù enim cor agit valide
» in spiculum, dolor perennat, sed dum cordis
» impetus sistitur aliquantulum, flaccescitque
» per sumnum corpus totum, decidi spiculum lo-
» co suo, non aliter ac culter manu dormientis,
» & suapte sponte flaccescentis excidit &c. »

(a) Fluida corporis nostris, quod medicis no-
tissimum est, propria vi neque moventur per
vasa, neque se-& excernuntur, sed motus eo-

nea, quam ob vehementem humorum commotionem semper largiorem reddunt, excepta, minuendis ac sistendis apta existunt. Non promiscuè tamèn, ac citra exceptionem, allegatæ virtutes in vigiliis, doloribus, convulsionibus, hæmorrhagiis, & serosis excretionibus accipiendæ erunt. Memorata enim pathemata augent, vel alio tamen modo nocent, quando *vigilia*, præsertim apud senes

rum, cum quo se- & excretiones pari passu ambulant, à solidorum contractione, & impulsu iterato præcipue pendet: Undè etiàm haud mirum est, quod, magna, inmodò interdum fere paralytica, flacciditate, solidis moventibus per narcotica inducta, ac debili inde orta, ac passim sufflaminata, tensione, atque contractione, se- & excretiones languidiùs succedant, profluvia excedentia minuantur, aut penitus sistantur, ac supprimantur. In mortuis enim, ubi solidorum contractio plene planeque cessat, confestim etiàm sistitur circulus sanguinis, sistuntur omnes se- & excretiones, & apud syncopticos, in quibus torpidissimæ solidorum contractiones notantur, qualibet se- & excretiones, si sudorem nonnunquàm exceperis cum languido humorum circulo pariter valdè languidæ evadunt, quid? quod, enormes vulnerum hæmorrhagiæ, superveniente lipothymia, vel plane cessant, vel protinus notabiliter minuuntur; quemadmodum hoc sæpissime quoque observamus, quando homines, vena secta, animi diliquio corripiuntur.

aut febre acutâ, aut maniâ laborantes, à feri penuriâ, aut vehementiori pridem humorum exagitatione, rarefactione, & velociori circuitu, *convulsiones* vel à nimiâ vasorum repletione vel nimiâ etiam exinuntione, *hemorrhagia* à cruore abundante, & orgasticè expanso, derivandæ sunt, vel *serosa* etiam *profluvia* ad criticas evacuationes spectant; uti veræ pathologiæ gnari singula hæc ex penitiori ægritudinum dictarum contemplatione, & exacto inprimis causarum discrepantium scrutinio uberius cognoscere poterunt.

§. I X.

Satis, quod spero, ex recensitis, conjunctim pensitatis, manifestum est, vaporosa inebriantia, & narcotica inter heroica militare remedia, adeoque in allegatis non minùs, quam aliis morbis, per commoventia, & expandentia tuto curandis, v. g. tussi convulsivâ, asthmate cachectico, melancholiâ, partu difficili &c., non sine utilitate quidè, ac valido effectû propinari posse, usum nihilominùs valdè circumspectum postulare, ne sub abusu veneni actionem exercent, & corpori sanando, loco emolumenti, grave detrimentum inferant.

C A P U T III.

De *Herba Nicotiana*, & *Floribus Sambuci*.

§. I.

HERBA NICOTIANA, aliàs etiàm *Herba Sancta*, *Tabacum*, *Symphytum Indicum*, *Hyoscyamus Peruvianus* &c. (*Tabac*) dicta, nostro ævo ubivis locorum adeò nota est, ut prolixior externarum proprietatum descriptio planè superflua videatur. A Botanicis plerumque tres species genericæ, & quidem exoticæ, nimirum, *Nicotiana major latifolia*, *Nicotiana major angustifolia* & *Nicotiana minor*, recensentur: Cùm duabus speciebus prioribus, quoad formam, & originem, binæ nostrates, jam indigenæ, conveniunt, totamque indolis ac bonitatis suæ differentiam, æque ac numerosæ species subordinatæ reliquæ, partim climatum, soli natalis, atque culturæ diversitati, partim eorum, qui folia exsiccata præparant, multiplici artificio debent. Hæc planta enim, quæ olim solummodò in *Americâ*, maximè in *Brasiliâ*, *Novâ Hispaniâ* & *Insulâ Tabago* crescebat, plerisque globi terraquei gentibus, ob usum notissimum,

tantopere placuit, ut post annum millesimum quingentesimum ac quinquagesimum sextum, quo primum in Europa innotuisse dicitur, multi in regionibus variis de transplantatione, & cum successum animadverterent, de meliori prater, atque uberiori in dies culturâ solliciti essent.

§. I I.

In *Nicotianæ* mixtione naturali, præter *vulgares & inertes partes terreas, substantia resinosa gummea, & mobile principium vaporosum*, immò interdum *tenerimæ quadam moleculæ nitri embryonati*, sub combustionē ex strepitu ac scintillatione cognoscendæ, repertiuntur, quæ postrenæ tamen adventitiæ ac peregrinæ sunt, & fimo, quo agri fertiles reduntur, genesis debent. Portio resinosa, licet longè minori quantitate, quàm gummosa, mixtionem ingrediatur, majori amaritie, eminentiori acredine, atque calidiori naturâ gaudet, & vaporoso præterea principio narcotico præcipuè matricem præbet. Pro diversa *Nicotianæ* specie elementorum separabilium proportio variat. B. N E U M A N N U S ex uncia unâ *Nicotianæ Americane*, vulgò *Canaster* dictæ, extracti aquosi primi un-

ciam dimidiam cum drachmâ semisse, spirituosî secundi drachmam dimidiam, spirituosî primi drachmam unam cum dimidiâ & aquosî secundi drachmas tres cum semisse, ex uncîâ verò unâ *Nicotianæ Hollandicæ* extracti aquosî primi unciam unam, spirituosî secundi drachmam unam, spirituosî primi drachmas duas, & scrupulum unum, aquosî secundi drachmas duas, totidemque scrupulos, & ex æquali denique *Nicotianæ Marchicæ* quantitate extracti aquosî primi unciam unam, & grana quinquaginta, spirituosî secundi drachmam dimidiam, spirituosî primi drachmas duas cum semisse, & aquosî secundi pariter drachmas duas cum dimidiâ obtinuit (a).

Secundum mea examina, quibus Americanam duntaxat, & nostratæ Marchicæ *Nicotianæ* subjeci, indicatarum quantitarum nonnullis pauxillum quidem detrahendum esset; attamen, cum maxima sit Americanæ venalis varietas, & Marchicæ diversa bonitas, non mirandum est, quòd sæpissimè circa principia separata major vel minor ponderum discrepantia observetur.

(a) Lib. sæpius cit. p. 242.

§. III.

Siccâ ac violentâ destillatione ex tabaci foliis multùm quoque olei educi potest; quòd neutiquàm tamen, uti L. E. MERY (a) aliique crediderunt, essentialis est, sed ad formanda solùm principia gummeo-resinosa fixa concurrit, & absque plenariâ proindè eorum destructione separari nequit. Vix laudatus NEUMANNUS ex unciiis duabus *Nicotiana Americana* (Canaster) & *vulgaris Marchica* drachmas duas, ex æquali verò *Nicotiana Hollandica* quantitate saltèm drachmam unam cum semisse impetravit (b). Empyreumaticum ac fœtidum hoc oleum, licet sub ignis sicci torturâ notabilem metamorphosin perpessum fuerit, narcoticam nihominùs & acrem indolem, quâ pridem integra substantia resinosa gaudebat, retinet, ac tantâ virulentiâ pollet, ut, teste FRANCISCO RHEDI (c), canibus, felibus, avibus, aliisque animantibus, si ad paucas guttulas exhibetur, vel adhuc citiùs atque certiùs, si modicâ quantitate sanguini

(a) Vid. *Materialien-Lexicon* p. 782.

(b) L. c. p. 949. sequ.

(c) Vid. *Experimenta circa varias res nat.* p. 3. & 46. sequ.

per venam apertam aut vulnus inflictum
immediatè miscetur , mortem inferat.

§. I V.

Manducata Nicotianæ folia , quæ so-
la ad usum expetuntur , copiosam sali-
vam è glandulis eliciunt , ac simul , quan-
dò salivalis nempè liquor , acribus ta-
baci particulis imprægnatus , ad ventri-
culum & intestina descendit , vehemen-
tem emesin (a) atque catharsin , cum mul-
tâ nausæâ , excitant , & magnam præte-
reà vertiginem , temulentiam , stuporem ,
immò soporem producant ; hinc nostrâ
quoque ætate internus ejusdem usus ,
etiamsi veterum multis sæpe placuerit ,
apud providos ac rationales medicos pla-
nè exolevit , si extractum aquosum exce-
peris , quod paulò mitioris indolis est ,
& incidendo , abstergendo , ac leniter
stimulando non contemnendum quando-
que auxilium in affectibus pectoris pitui-

(a) D. ADAMUS à LEBENWALD in
Misc. N. C. G. Dec. II. ann. 2. obs. 108. refert ,
pulverem nicotianæ , quòd notatu utique di-
gnum est , in viro quodam , cum ulceri ichoroso
femoris dextri , per currum antea contusi , in-
pergetur , non primâ tantum vice , sed postea
quoque , sub repetitâ quavis inspersione , enor-
men provocasse vomitum.

tos , aliisque frigidis ac refractariis catharrhalibus , haud rarò per potentiora abigendis , attulit.

§. V.

Rariorem usum internum multi homines creberrimo usu externo compensant : Adeò enim adultorum quamplurimi , præsertim in humidioribus ac frigidioribus regionibus , fumum ac pulverem Nicotianæ amant , ut nullam horam sine fumi , nullumque horæ minutum sine pulveris usu transigant , & pane facilius , quàm fumo ac pulvere memorato careant. Verumenimverò , si dicere licet , quod res est , quodque testimoniis experientiæ quotidianis corroboratur , suspecta omninò medicina est , & fumus non minùs , quàm pulvis sanitatem eorum , qui alterutro , vel utroque intemperantiùs utuntur , vario modò lædit , & siccis inprimis , macilentis , atque chole-ricis valdoperè nocet. Fumus enim particulis calidis , fœtidis , empyrevmaricis , & terreo-alkalinis acrioribus , sub combustionem demùm genitis , scatet , & forti irritatione salivam plus justo elicit , adeoque totum corpus sero , ventriculum autem , præsertim , si paulò ante , aut post pastum hauriatur , necessario

liquido salivali privat; unde fit, ut præsens vel futura digestio valdè minuatur ac corrumpatur. Nigredinem prætereà dentibus inducit, gingivam ad putrefactionem quasi scorbuticam & facile cruentationem disponit, pulmones exsuccos, flaccidos, debilesque reddit, animæ fœtorem conciliat, & sensim cum liquore salivali ad ventriculum & sanguinem delatus, appetitûs & digestionis vitia (a) auget, sanguinem exagitat, cerebro ac nervis imbecillitatem infert, & successivè totiûs corporis marasmm, vel pulmonum exulcerationem, aut aliam periculofam labem adducit.

§. VI.

Noxæ, prædictis vix, aut ne vix, le-

(a) « Tabacum masticatum, BERNARDUS
 » RAMAZZINI in *Traët. de Morbis artificum*
 » p. 538. in *operib.* inquit, seu illius fumum, per
 » tubulum tabacinum exsuctum, appetentiam
 » obruere, ità ut longum iter illius usu possit
 » confici sine famis molestiis, & stomachi lattratu,
 » tradunt multi, inter quos GUILIEL. PISO,
 » qui in peregrinatione per loca deserta, tali
 » masticatione usus, nec lassitudinem, nec famem
 » sensisse affirmat. HELMONTIUS idem ad-
 » struit, aitque, id fieri, non quia *Nicotiana* fa-
 » mem sedet, quasi satisfaciat defectui, sed in-
 » quantum sensus defectum tollat, simulque func-
 » tionum exercitia. &c. »

viores , ab abusu pulveris Nicotianæ expectandæ sunt. Dùm nares enim acri atque terrestri hoc pulvere constanter replentur , aliter sane fieri nequit , quin ductus glandularum excretorii obstruantur, & papillulæ nerveæ sensim destructæ, tandem apta odoratûs organa constituere desinant : Ut nihil dicam de læsione cerebri , ventriculi atque pulmonum , qui postremi ideò majus detrimentum experiuntur , quoniam aer , sub inspiratione nares penetrans , subtiliores pulveris moleculas , sensim abreptas , in pulmonum ductus transfert , ubi postea tussim, & dyspnoeam excitare , & telam eorum, ob alias causas non nihil pridem labefactatam , ad ulteriorem corruptionem deducere valent. Applicari hoc loco possunt , quæ vix allegatus RAMAZZINI *loc. cit. p. 537.* de odore Nicotianæ & nocivo pulvere volante proponit : « Tàm
» liberaliter ergò , sic ejus verba sonant ,
» Tabacopœis odores isti ac pulvisculi volantes , qui acriores sunt , quò tenuiores , per os & nares excepti teneram
» pulmonum & asperæ arteriæ tunicam pungunt , & exsiccant , retris-
» que halitibus spiritus animales cerebri
» incolas obfuscant , immò narcosi quædam obtundunt , ac eodem tempore

» stomachi fermentum corrumpunt , il-
 » lius acidum infringendo , &c.

§. VII.

Haftenùs memorata eum in finem nequaquam dicta sunt , ac si fumi & pulveris nicotianæ usum prorsùs , dammandum esse judicarem ; sed iis detrimenta solummodò ; ab abusu expectanda , breviter indicare volui. Satìs enim , scio fumum ore , pulverem naribus modicè haustum & attractum , ad abigendos pituitosos capitis morbos , ex lymphæ acris ac viscidæ affluxu & decubitu largiori oriundos , multùm conferre , & in cephalalgia , hemicrania , susurru aurium , otalgia , & odontalgia seroso-catarrhalì & rheumaticâ , immò in ophtalmiâ humidâ , &c. interdùm , præsertim apud subjecta succulentiora , admodùm prodesse : Ut nihil dicam de excretionè alvinâ , quàm matutinus ac moderatus fumi usus apud multos , qui eidem assuefacti sunt , regularem liberamque servare solet. De reliquo usu externo multa addere supervacaneum duco , adeoque hoc loco saltem dixisse sufficiat , folia recentia subindè ulceribus ac vulneribus consolidandis imponi , & exsiccata pariter decocta traumatica & anthelminthica externa in-

gredi : Quòd clysteribus autèm tutò addi possint , asserere non audeò , quoniam , experientiâ teste , narcotin quandoque , & soporem post applicationem induxerunt.

§. VIII.

Herbæ Nicotianæ RECENTES SAMBUCI FLORES subjungi merentur , quoniam , præter *fixum principium mucilagineum* , etiam *multas partes vaporosas balsamicas* possident , & emollientem non minùs , quàm anodynam , hypnoticam , & galactiferam virtutem exerunt. Plerumque cum lacte coquuntur , idemque internè assumitur : Externè , cum aquâ aut lacte cocti , partibus dolentibus , spasmo affectis , & plùs justo exsiccatis , sub epithematis aut cataplasmatibus formâ , imponantur , & sæpè paritèr clysteres emollientes , & paregoricos ingrediuntur.

C A P U T I V.

De Croco Orientali,

§. I.

CROCUS OFFICINALIS, vulgò *Crocus Orientalis* , *Orientasischer Safran* , (*Saffran*) dictus , non integrum

plantam, sed rubra duntaxat, aromatica, amaricantia, odoratissima, stamina floralia *croci veri*, *sativi*, *autumnalis*, denotat. Olim ex *Ægipto*, & orientalibus quibusdam regionibus, Turcico ac Persico Imperio subjectis, afferebatur, primumque locum *Coryceus*, in montibus Coryco & Olympo natus, itemque *Cyrenaicus* tenebat; nostrâ verò ætate in multis quoque Europæ locis, *Angliâ* v. g., *Galliâ*, *Bohemiâ*, *Italiâ*, *Hispaniâ*, *Austriâ* &c. copiosè plantatur, & orientali substituitur. Optimus est *Anglicanus* usitatissimus *Austriacus*. Persæpe floribus *Cnici sylvestris*, *balauistiis* &c. adulteratur. Eligenda igitur sunt ad usum medicum filamenta latiora, fragrantia, rubra, recentia, flexilia aliquantulum, & contactu pingua, sicca nihilominus, & fractu facilia; rejicienda exadverso albicantiâ, flavescentiâ, aridâ, gracilia, fractu difficilia, ac parum odoratâ.

§. II.

Valdè activis, ac planè singularibus principiis stamina hæc donata reperiuntur. Scatent nempe *particulis mobilissimis* ac *fragrantissimis oleoso-spirituosis*, quæ cum aquâ, & vini spiritu facile sub des-

tilatione transcendunt , & liquores hocce excellentibus viribus imprægnant ; *Substantiale* tamèn *oleum æthereum* nunquàm in conspectum venit , nisi major croci quantitas ad dimidiæ , vel integræ libræ pondus ad minimùm ascendens , humidæ destillationi unâ vice subjiciatur. Libra una circiter drachmam unam cum semisse olei ætherei penetrantissimi ac fragrantissimi reddere traditur. *Fixiora principia resinoso-gummea* , principio spirituofo adhuc turgida , tenerrima sunt , & adeò invicem mixta , ut seorsim , menstruo spirituofo , æquè atque aquoso penitus extrahi queant , immò extractio spirituofo , blandâ destillatione ad consistentiam spissiusculam reducta , habitu externo oleum ruberrimum refert , fragrantia maximâ , & sapore , amaro , aromatico , penetrantissimo præditum , promptè nihilominus , & citra præcipitationem , sese cum spiritu , oleo & aquâ misceri patitur ; Hinc BOERHAAVIUS etiam , præmissâ præparationis descriptione uberiori , inquit : » Docet hoc experimentum mirum » novam speciem materiæ , quam vix O- » leum , Spiritum , Gummi , Resinam , » Gummi-resinam , appellare possumus , » sed nèc Cera quoque est , nèc balia-

» mus. Quid ergò ? prorsùs singulare
 » quid , ad oleosum spirituosum perti-
 » nens (a) &c. Quicquid interea sit , un-
 cia una croci bonæ notæ circiter drach-
 mas sex & dimidiam substantiæ solubi-
 lis , magis gummosæ , quàm resinosæ : n-
 dolis , continet , partem ponderis reli-
 quam albida & inertia filamenta , ma-
 ximam partem terrestria , conficiunt.
 Virtus medica unicè à mobilissimo , ac
 fragrantissimo principio oleoso-spirituo-
 so dependet , & fixior proinde substan-
 tia , diuturniori exhalatione eodem pror-
 sùs orbata , nullas ampliùs virtutes no-
 tatu dignas possidet.

§. III.

Crocus non nostris duntaxat tempori-
 bus medicamentis præstantioribus annu-
 meratur , sed à veteribus pariter tanti
 æstimatus fuit , ut eundem *Atroph* , h. e. ,
Aroma Philosophorum , *Aurum vegetabile* ,
Medicinam tristiitiæ , & sic porro vocave-
 rint. » Vires , vix allegatus BOER-
 » HAAVIUS (b) scribit , habet lætificas
 » adeò , ut in risum fere perpetuum , ni-
 » mius usus adigat. Moderato usu verum
 » exhibet exhilarans. Lotium tingit co-

(a) In Chemiæ Tom. II. p. m. 212.

(b) L. c.

» lore rubro satis. Vim petrificam lotii
» in renibus dicitur imprimis destruere ,
» hinc summum remedium esse contrà
» Calculum. Verum Paracelsi Aroph ,
» &c. » Elogium hoc nondùm singulas
croci vires exhaurit , sed in scriptis nu-
merosis ille ipse , non sine fundamento ,
& frequenti experientiæ testimonio , acti-
vum medicamentum *hypnoticum* , *sedati-
vum* , *anodynum* , *aperitivum* , *pectorale* ,
cardiacum , *antispasmodicum* , *stomachale* ,
carminativum , *uterinum* & *traumaticum*
deprædicatur , adeoque in vigiliis nimis ,
cachectâ vulgari & icteritiâ , tussi , disp-
nœâ , palpitatione & tremore cordis ,
lipothymiâ , doloribus variis , cardialgiâ ,
colicâ , dispepsiâ , flatibus , febribus in-
termittentibus , diarrhœâ , lienterîâ , cœ-
liacâ , dysenterîâ , passione hysterîcâ , ob-
structione mensium & lochiorum , partu
difficili , retentione placentæ , torpore
venereo , ulceribus , &c. toties utilissi-
mum , quoties specificæ harum & similium
ægritudinum causæ commoventia , ex-
pandentia , simulque roborantia validio-
ra ac calidiora postulant.

§. I V.

Inter virtutes recensitas maximè ute-
rina eminet , eadèmq; non quotidiana

solum experientia medica, sed curioso pariter experimento JOH. FERDINANDI HERTODT comprobatur. Exhibuit nempe cani fœminæ, trium vel quatuor mensium gravidæ, per totum gestationis tempus, tam cibum quàm potum, croco tinctum, donec octo circiter dies ad partum superessent. Ultimus tribus diebus crocum ad drachmas duas, immò tres, jusculis addidit. Canis, etsi in principio sperneret alimenta, croco condita, fame tamèn plus urgente, postea eò alacrius sumpsit. Tandèm, paulò ante partum, canem strangulatum sectioni subjecit, &, aperto utero, invenit, liquorem amnii colore flavo imbutum, & in catulorum cute partes, alias albidiores, eodem colore flavo tinctas: Chylus verò in vasis lacteis, quòd notatu omninò dignum, solitâ albedine gaudebat (a).

§. V.

Internè parcâ admodùm manu, & saltem à grano dimidio ad grana duo, tria, quatuor, quinque, crocum exhibere convenit, ne, quantitate largiori propinatus, nimiam sanguinis expansionem, & ipsam narcosin, præsertim apud subje-

(a) Vid. Miscell. A. N. C. G. Dec. II. ann. 1. Obs. 60.

Etia sicca, biliosa, atque plethorica, inducat, vel alia prava pathemata, amen-
tiam v. g., risum incongruum, hæmor-
rhagias exorbitantes &c. concitet. Exter-
nè inter *roborantia*, *discutientia*, & *ano-*
dyna militat, & sæpissimè fomenta, cata-
plasmata, epithemata, emplastra, un-
guenta, & sacculos balsamicos, quorum
alia membris dolentibus, debilitatis, pa-
ralyticis, alia, partibus tumore œdema-
toso, aut erysipelate correptis, applican-
tur, modicâ quantitate ingreditur. Inter-
dùm collyriis quoque, in debilitate vi-
sûs, variolis, &c. additur, ac multorum
medicaminum officinalium ingredientia
auget.

CAPUT V.

De Opio.

§. I.

OPIUM est succus papaveris orien-
talis, inspissatus, gummeo-resino-
sus, post plenariam exsiccationem durius-
culus, coloris ex subviridi, aut luteo, aut
ruffo-nigricantis, saporis acris & amari,
odoris virosi ac valdè nauseosi.

CARTH. *Mat. Med. Pars 1.* Ff

§. I I.

Ratione puritatis ac bonitatis in *nobilius* & *ignobilius* sive *Meconium*, ratione patriæ autem in *Thebaicum* & *Indicum* distinguitur. Thebaicum, quod in *Ægypto* circa *Cairum*, & in tractibus conterminis è fauciatis capitibus *papaveris orientalis* elicitur, Indicum sive Asiaticum, quod in *Indiâ*, *strictè sic dictâ*, *Persîâ*, & *variis Imperii Turcici provinciis* ex eadem *papaveris* specie separatur, subtilitate atque virtute superare dicitur, & nobilius in genere, ab incolis *Affion*, *Affium* dictum, *meconio*, quod *Indi Poust* vocant, longè præstantius deprehenditur. Illud parciore proventus est, ac sponte è *papaveris*, quo *Ægyptii*, *Indi*, & *Persæ* hortos agrosque suos conferunt, capitibus fauciatis extillat, posteaque solo aere, & solis calore condensatur (a); hoc autem *meconium* scilicet,

(a) « In Perside, uti KÆMPFFERUS in
 » *Amanitat. exot. Fasc. III. p. 642. refert*, col-
 » lectio ejus celebratur per ineuntem æstatem
 » propinqua maturitati capita decussatim sa-
 » iando per superficiem. Culter negotio servit
 » quintuplici acie instructus, qui unâ sectione
 » quinque infligit vulnera longa para lela Ex
 » vulnūculis promanans succus postridie scalpro

ex capitibus , immò reliquis papaveris partibus , caulibus nempè ac foliis , succo lacteo turgidis , per violentam expressionem , & succi expressi inspissationem , vel ipsam quoque plantæ cum aquâ coctionem , atque plenariam postea decocti evaporationem conficitur. Meconium primi generis , è solis nimirum capitibus expressionis beneficio separatum , rarissi-

» abstergitur , & in vasculum , abdomini præli-
» gatum , colligitur. Tùm altera capitum facies
» eodem modo vulneratur , ad liquorem pariter
» proliciendum. At, hæc collectio, ob capitum
» impar incrementum & magnitudinem , ali-
» quoties in eodem arvo instituenda est. Solent
» in plantis nimium ramosis capita prius ampu-
» tari ; sic reliqua magis grandescunt , & succo
» implentur majoris efficacix. Primæ collectio-
» nis lachryma, *Gobaar* dicta, præstantior est ,
» & graviori pollet cerebrum demulcendi virtu-
» te , colorem exhibens albidum , vel ex luteo-
» pallentem ; sed qui color ex longiori insola-
» tione & ariditate infuscarì solet. Altera collec-
» tio succum promit, priori , ut virtute , ità
» pretio inferiorem , coloris plerumque obscuri ,
» vel ex rufo nigricantis. Sunt , qui & tertiam
» instituunt , quâ obtinetur lachryma nigerrima
» & exigux virtutis. Præparatio opii potissi-
» mum in eo consistit , ut , aquæ pauxillo hu-
» mectatum , spathâ crassâ ligneâ continuo , &
» fortiter ducatur & reducatur in patinâ ligneâ &
» planâ , donec elaboratissimæ picis consisten-
» tiam , tenacitatem & nitorem induat. &c.

mè, vel nunquam, ad gentes Europæas defertur, sed opium, in nostris Officinis venale, ordinariò postrema atque vilissima meconii species est.

§. III.

Monstrante blandâ analyfi chemicâ, opium ex *partibus terreis, aqueis, salinis, gummosis*, ac *resinosis* componitur, & quo purius est, atque præstantius, eo plures gummosas, eoque pauciores resinosas continet. Partes gummeo-resinosæ *principio vaporoso mobilissimo* matricem præbent, & *salinarum* ope adeò invicem mixtæ sunt, ut spiritu vini puram resinosam, & aqua simplici puram, ac solam gummosam substantiam vix aut ne vix separare liceat; secundùm accurata tamèn NEUMANNI examina (a) partes resinosæ gummosas quantitate superant. Quatuor enim opii vulgaris uncix, primùm vini spiritu rectificatissimo, deindè aquâ simplici extractæ, dederunt uncias tres, & scrupulos quatuor substantiæ magis resinosæ, & quatuor scrupulos substantiæ merè gummosæ, ità ut post duplicem extractionem saltem drachmæ septem, & scrupulus unus terræ indissolubilis, & inertis superessent. Quum or-

(a) Vid. Ejusd. Lect. de Opio p. 117.

do inverteretur , & recentis opii , eadem quantitate recepti , extractio primùm aqua , postea spiritu vini rectificatissimo , fieret , extractum primum , idque magis gummosum , uncias duas , drachmas quinque & scrupulum unum , alterum verò , merè resinofum , drachmas tres , & scrupulum unum pendebat.

§. 1 V.

Partes resinofæ duplicis indolis sunt , aliæ scilicèt *consistentiæ durioris* , & vulgaribus resinis non dissimiles , aliæ *magis unguinosa* , & *liquidiores* , ferè instar balsami. Priores comparativè fixiores , & in operando torpidiores deprehenduntur , posteriores autem , principio vaporoso magis turgidæ , & majori ideò volatilitate , ac celeriori non minùs , quàm vehementiori vi agendi præditæ sunt ; hinc aliquot etiàm hujus substantiæ grana cani qui integram alias opii drachmam absque noxâ graviori devorare valet , mortem inferunt. Ex librâ opii duæ circitè vel tres drachmæ separari possunt , & illa ordinariò , institutâ opii crudi infusione , aut decoctione cum aquâ , sub unguinosæ ac spumidæ materiæ , formâ , ad superficiem aquæ assurgit. Partes salinæ quarum mentio paritèr facta est , acres sunt , & *acidæ*

indolis : Opium enim crudum , gustu amarum percipitur , & adeò acce, ut aliquandiu in ore detentum , linguam & palatum exulceret (*a*), immò levem subindè ventriculi inflammationem producat (*b*). Oportet intimum miscelam , separatio earum difficillima est , & rarò saltè nonnullis veras crystallos salinas in opii solutionibus observare contigit (*c*). Ad eas cæteroquin præcipua causa referenda videtur , cur solutio opii aquosa per salia alcalia fixa , & volatilia præcipitetur , & perfectæ substantiæ resinosæ ac gummosæ separatio ferè impossibilis existat

§. V.

Opium correctum atque sufficienter depuratum , h. e. à partibus terreo-resinosis crassioribus & superfluis vaporosis liberatum , ad potentiora *sudorifera* , *anodyna* , *hypnotica* & *sedativa* jure referendum est. Correctio , ut in capite primò dudum monui , neque rostone , neque salium aliorum , aromatum , similiumque additione , sed optimè i fusione , & frigida digestionè , vel blandà etiàm coctione cum aquâ simplici , nunc purâ

(*a*) Conf. Wedel. in Opiolog. p. 26.(*b*) Conf. Lindestolpe L. c. p. 191.(*c*) Conf. Neumann. l. c. p. 115.

prorsùs , nunc aceto destillato , aut succo citri , limoniorum , cydoniorum , cremore tartari , alioque acidulo corpore modicè remixtâ , peragitur ; immò , si majorem adhuc temperiem illi velimus conciliare , blandam jam depurati fermentationem corrigentium numero addendam esse , reor. Quando aqua blandè coquitur , vel eodem menstruo saltem infunditur , & infusum frigidæ digestioni aliquamdiù committitur , gummosæ tantùm partes , resinosis tenerioribus remixtæ , solvuntur , terreo-resinosæ crassiores autem in fundo remanent indissolubiles , & portio virulentissima , spiritu impetuosiori maximè prægnans , ad superficiem , uti antea retuli , extruditur , ita ut hæc facilè cochleari auferri , illæ autem filtrationis , aut colaturæ beneficio à purioribus resinoso-gummeis separari queant.

§. VI.

Extractum , descriptâ methodo paratum , inter pilulas , electuaria , similescque compositiones recipitur , aut vini spiritu rectificatissimo , vel , quod ego qui lem præstare arbitror , spiritu nitri , aut salis ritè dulcificatò solutum , sub tincturæ formâ exhibetur. Dosis ejus in no-

stris regionibus ab octavâ grani parte saltem ad grana duo, tria, vel quatuor ascendit, in orientalibus verò regionibus multi, uti CLEYERUS (a), atque KEMPFERRUS (b) testantur, illud ipsum persæpè à scrupulo uno ad drachmam integram, absque sensibili noxâ (c), deglutiunt: Quod, mitiori sine dubio opii præstantioris (d) indoli, liberiori ac largiori in calidis hisce regionibus transpirationi cutaneæ, & quotidiano in primis usui, ac diuturnæ assuetudini tri-

(a) Vid. Miscell. Acad. N. C. G. Dec. II. ann. 10.

(b) Loc. cit. p. 644.

(c) Non absolutè hæc intelligenda sunt. Nam opii helluones, etiamsi à largiori atque frequentiori ejus usu nullam in principio & post temporariam adhibitionem persentiant noxam; tandèm tamèn, post diuturniorem scilicet abusum, gravissimè, uti idem KEMPFERRUS testatur, mulctantur: « Opium, l. c. p. 644. » inquit, quod Europæis, si grani uniûs, vel » paucorum dosin excefferis, lethiferum nefas » audit, à prænominatis populis longâ assuetudine ità familiare redditum est, ut drachmam » multi sine noxa deglutiant. Multa hoc abusu » vel longiori ejus usu acciuntur mala; emacia- » tur enim corpus, laxantur vires, contristatur » animus, stupefcit ingenium: Undè videas in- » star stipitum somnolentos, & quasi elingues » sedere in conviviis opii liguritores &c.

(d) Vid. §. 1.

buendum erit. Tyrones quippè exiguis dosibus incipiunt, easdemque sensim augent, æquè ac vini adusti potatores, vel illi quoque, qui tabaci fumo delectantur. In principio parùm fumi herbæ Nicotianæ vehementia pathemata apud nondùm assuetos concitat, vertiginem nempe, temulentiam, dolorem capitis, vomitum, tremorem membrorum &c. quæ postea tamèn apud assuefactos, nisi magnum committant excessum, non ampliùs observantur, etiamsi eorum aliqui per integrum ferè diem hunc fumum hauriant. Notum prætereà est, ipsos Europæos, in frigidioribus etiam regionibus habitantes, tandem opii assumptionem largiorem, citrà sensibile detrimentum perferre, si diuturna assuetudo accedat: Quandoquidèm GABRIEL CLAUDERUS hominem, unico interdùm die, trina vice, 40-50 grana opii crudi impunè devorantem, & hoc per menses 18. & ultrà continuantem, sese novisse, refert.

(b) In Misc. A. N. C. Dec. II. ann. 5.
Obs. 179.



CAPUT VI.

De Semine Papaveris Hortensis.

§. I.

SEMINA PAPAVERIS SATIVI sive *hortensis*, *Mohn* oder *Maansamen* (*graine de pavot*) minuta sunt, atque rotunda, sapore subdulci, colore albicante, vel nigricante aut gryseo donata. E maturis & jam aridis capitibus colliguntur, & semina albidā nigricantibus ac gryseis præstantiora reperiuntur, adeoque frequentiore quoque præ hisce in medicinā usum inveniunt.

§. II.

Substantia *subdulcis lactescens*, quā instructa sunt, è *partibus terreis, resinosis, gummosis*, & *unguinoso-oleosis* constat. Virtus medica in oleo unguinoso, quod præ reliquis partibus constitutivis *principio mobili vaporoso* prægnans est, & aquæ simplici sub triturā lacteum colorem ac consistentiam conciliat, præcipuè latet; hinc solum quoque, expressione separatum, vires, integris seminibus proprias, exerit.

§. III.

Ordinariò hæc semina cum aquis destillatis in emulsionem rediguntur, quæ postea inter blanda *hypnotica*, *anodyna*, *sedativa*, ac *demulcentia* locum tueretur, & in morbis variis, raucedine v. g. tussi acri, hæmoptysi, phthisi, dysuria, calculo, dysenteriâ, immò ipsâ agrypniâ febrili, persæpe cum fructu propinatur. Interdum etiam epithema frontale constituit, quod nonnulli in cephalalgia & vigiliis proficuum judicant. Oleum expressum rariùs internè exhibetur, & sæpiùs unguentis anodynis additur.

Finis Tom. I.

A P P R O B A T I O N.

ILLUSTRI Galliarum Cancellarii jussu legi Librum, cui titulus est, *Jo. Friderici Cartheuseri, &c. fundamenta materie Medicæ tam generalis quàm specialis, in usum Academicum conscriptæ*, cumque dignissimum judicavi, qui typis rursus mandetur. Datum Lutetia Parisiorum die 28. Januarii 1751.

GUETTARD.

P R I V I L E G E D U R O I.

LOUIS par la grace de Dieu Roi de France & de Navarre: A nos amés & feaux Conseillers les Gens tenans nos Cours de Parlement, Maîtres des Requêtes ordinaires de notre Hôtel, Grand-Conseil, Prévôt de Paris, Baillifs, Sénéchaux, leurs Lieutenans Civils, & autres nos Justiciers qu'il appartiendra, Salut. Notre amé GUILLAUME CAVELIER pere, Libraire à Paris, ancien Consul, & ancien Syndic de la Communauté, Nous a fait exposer qu'il désireroit faire réimprimer & donner au Public un Livre qui a pour titre: *Joannis Friderici Cartheuseri fundamenta materie Medicæ in usum Academicarum*: s'il nous plaisoit lui accorder nos Lettres de Privilège pour ce nécessaires. A CES CAUSES, vou-

lant favorablement traiter l'Exposant, Nous lui avons permis & permettons par ces Présentes de faire réimprimer ledit Livre en un ou plusieurs volumes, & autant de fois que bon lui semblera, & de le vendre, faire vendre & débiter par tout notre Royaume pendant le temps de six années consécutives, à compter du jour de la date des Présentes. Faisons défense à tous Imprimeurs, Libraires & autres personnes, de quelque qualité & condition qu'elles soient, d'en introduire d'impression étrangère dans aucun lieu de notre obéissance : comme aussi d'imprimer ou faire imprimer, vendre, faire vendre & débiter par tout notre Royaume ledit Livre, ni d'en faire aucun extrait sous quelque prétexte que ce soit d'augmentation, correction, changemens ou autres, sans la permission expresse & par écrit dudit Exposant, ou de ceux qui auront droit de lui, à peine de confiscation des exemplaires contrefaits, de trois mille livres d'amende contre chacun des contrevenans, dont un tiers à Nous, un tiers à l'Hôtel-Dieu de Paris, l'autre tiers audit Exposant, ou à celui qui aura droit de lui, & de tous dépens, dommages & intérêts : à la charge que ces Présentes seront enregistrées tout au long sur le Registre de la Communauté des Imprimeurs & Libraires de Paris dans trois mois de la date d'icelles ; que la réimpression dudit Livre sera faite dans notre Royaume & non ailleurs, en bon papier & beaux caractères conformément à la feuille imprimée & attachée pour modèle sous le contrescel des Présentes : & que l'Impétrant se conformera en tout aux Reglemens de la Librairie, & notamment à celui du 10. Avril 1725. qu'avant de l'exposer en vente, l'imprimé qui aura servi de copie à la réimpression dudit Livre sera remis dans le même état où l'Approbation y aura été donnée, es mains de notre très-cher & féal Chevalier Chancelier de France le Sieur de Lamoignon, & qu'il en sera ensuite remis deux exemplaires dans notre Bibliothèque publique, un dans celle de notre Château du Louvre, & un dans celle de notre très-cher & féal Chevalier Chancelier de France le Sieur de Lamoignon, & un dans celle de notre très-cher & féal Chevalier Garde des Sceaux de France le Sieur de Machault, Commandeur de nos Ordres : le tout à peine de nullité des Présentes. Du contenu desquelles Voeux mandons & enjoignons de faire jouir ledit Exposant & ses ayens cause, pleinement & paisiblement, sans souffrir qu'il leur soit fait aucun trouble & empêchement. Voulons que la copie des Présentes qui sera imprimée tout au long au commencement ou à la fin dudit Livre, soit tenue pour dûment signifiée, & qu'aux copies collationnées par l'un de nos amés & féaux Conseillers & Secrétares, foi soit ajoutée comme à l'original. Commandons au premier notre Huissier ou Sergent sur ce requis, de faire pour l'exécution d'icelles tous actes requis & nécessaires, sans demander autre permission ; nonobstant clameur de haro, chartre Normande, & Lettres à ce contraires : Car tel est notre plaisir. Donné à Versailles le vingt septième jour du mois de Février l'an de grace mil sept cent cinquante-un, & de notre Règne le trente-troisième, Par le Roi en son Conseil,

SAINSON.

Enregistré sur le Registre XII. de la Chambre Royale des Libraires & Imprimeurs de Paris, N° 582. fol. 227. conformément aux anciens Reglemens, confirmés par celui du 28. Février 1723. à Paris le 2 Mars 1751.

Signé LECRAS, Syndic.

